







7,350/B/1

D. XVIII.

18/12

S
20/10/1

5720.13737

A L B E R T I H A L L E R I

P R I M Æ L I N E Æ

P H Y S I O L O G I Æ.

H. S. Ward,
to his Friend

Mary Anne Esq.

London Ap. 4th 1833. ~~VENALES~~ PROSTANT,

Londini, apud Millar & Caddel, J. Nourse, P. Vail-
lant, Becket & De Hondt, T. LONGMAN, &
D. Wilson.

Amstelodami, apud J. Schreuder.

Hagæ Comitum, apud GOSSE & PINET.

Leidæ, apud J. & H. VERBEEK, Wetstein, Lucht-
mans, & Haak.

Parisiis, apud Le Breton, Cavelier, Pissot, Vin-
cent, & Didot juniorem.

Glasgæ, apud R. & A. Foulis,

&

Edinburgi, apud omnes bibliopolas.

ALBERTI v. HALLER,

DOMINI IN GOUMOENS LE IUX ET ECLAGNENS.

M. ET PHIL. D. PRAESIDIS SOCIET. REG. SCIENT. GOTTING.

ACAD. IMP. N. CUR. ET REGG. SC. GALL. ET CHIR. GALL.

BRIT. BORUSS. SUEC. ET UPS. BONON. BATAV. BAVAR.

FLORENT. ARCAD. HELVET. OECON. BERN. SOD.

IN SUPREMO SENATU REIP. BERNENSIS

DUCENTUM VIRI,

PRIMÆ LINEÆ

PHYSIOLOGIÆ,

In usum prælectionum academicarum,

Ad editionem tertio auctam & emendatam expressæ.

ACCEDIT RERUM INDEX.



EDINBURGI:

Sumptibus G. DRUMMOND nec non KINCAID & BELL.

MDCCLXVII.

15737



TABULA CAPITULUM.

Cap.		Pag.
I.	Fibra. Tela Cellulosa.	I
II.	Vasa.	II
III.	Motus sanguinis per arterias et venas; five Circulatio.	27
IV.	Cor.	34
V.	Sanguinis & humorum corporis humani in- doles.	65
VI.	Arteriarum communia officia.	74
VII.	Secretio.	92
VIII.	Respiratio.	112
IX.	Vox & loquela.	143
X.	Cerebrum. Nervi.	154
XI.	Motus muscularis.	201
XII.	Tactus.	217
XIII.	Gustus.	232
XIV.	Olfactus.	239
XV.	Auditus.	245
XVI.	Vifus.	261
XVII.	Sensus interni.	291
XVIII.	Manducatio. Saliva. Deglutitio.	313
XIX.	Ventriculi actio in cibos.	330
XX.	Omentum.	348
XXI.	Lien.	357
XXII.	Pancreas.	362
XXIII.	Hepar. Vesicula. Bilis.	364
XXIV.	Intestina tenuia.	384
XXV.	Intestina craffa, p. 396. XXV. Vasa chyli- fera.	406
XXVI.	Renes. Vesica. Urina.	412
XXVII.	Partes genitales viriles.	429
XXVIII.	Uterus virgineus.	448
XXIX.	Conceptio.	460
XXX.	Nutritio. Incrementum. Vita. Mors.	502

CARISSIMIS AUDITORIBUS
FELICITATEM

ALBERTUS v. HALLER.

MIRAMINI forte, qua estis perspicacia, institutum meum, qui viginti quatuor annis MAGNI BOERHAAVII libro ad ordinandas prælectiones usus, subito nunc consilium mutem, propriasque in paginas dicere incipiam. VESTRA sunt, O BONI, commoda, quæ animum impulerunt, ut per summas otii difficultates novum mihi laborem inposuerim. Videbam PRÆCEPTOREM, neque enim unquam eo nomine dediscam appellare BOERHAAVIUM, scripsisse institutiones suas fere circa annum 1725, neque enim recentiores libros eum reperietis excitasse, neque usus est WINSLOWII immortalibus descriptionibus. Sed ab eo tempore anatome ita locupletata est, ut a se ipsa plurimum differat. Non adeo novæ partes corporis inventæ sunt, quæ mole sua se efferant; eas priorum seculorum labor occupavit. Sed finis & lima inposita est plerisque descriptionibus, auctæ
in

P R Æ F A T I O.

in infinitum historiæ ossium, muscutorum, ligamentorum, viscerum, perfectæ vasorum nervorumque expositio. Præterea ex varietate librorum, quos diversos in usus legisse mihi necesse fuit, collegi maximam vim experimentorum, quæ felix casus observantibus obtulit, aut sagax inquirentium industria ex natura eruit. Multa, excusate testes, hoc ipsum, in quo mecum laboratis, theatrum adtulit, multos situs, multas minutas mensuras, & particularum figuras, vasorumque propagines nobis utiles, multos felices indaganti morbos, aliqua etiam passim nova subpeditavit. Quæ ergo vel a BOERHAAVIO proposita gratus repeto, vel intra hos viginti sex annos magni invenerunt viri, MORGAGNUS, WINSLOWIUS, ALBINUS, DOUGLASSIUS, alii-que in publica commoda nati homines: quæ passim ex diversissimorum scriptorum multiplici thesauro, quæ ex nostris demum dissectionibus boni in physiologiam collata sunt, ea visum est uno sermone, uno ordine, in libellum conjicere, qui nostros labores levet. Speravi ea ratione me nonnullas emendationes, additiones aliquas, & necessarias ordinis mutationes, evitaturum, & VESTRI meique temporis facturum con-

b 2 pendium.

P R Æ F A T I O.

pendium. Hoc etiam commodi libellus habet, quod aliqua rectius tradat, quam ego, nimis timidus secedere a PRÆCEPTORE aliisque, quos venerabar viris, aliter posui in priori opere, quam nunc repetito in humano corpore inveni. Erunt, qui objiciant, meram me scripisse anatomen. Sed physiologia est animata anatome.

Breviorem aliquanto sperabam me futurum: & ea quidem expectatio me fefellit. Didici, non posse, de multis adeo rebus, multa dici, quin spatium requiratur. Recte historia medicinæ, abjecta omni controversiarum memoria, stipatis in brevissimos numeros descriptionibus, tamen meos limites excessi, longior fui, quam vobis mihi præsdictum semestris stadium admitteret. Invito accidit, accidit contrarianti, quem æqui excusabitis. Ita adolescenti in publicam felicitatem, cujus magna pars sunt prudentes medici, inque VESTRAM, quæ parari omnino nequit, nisi conscientia bene actorum paratur.

Dedi in Georgia Augusta,

d. 21. Sept. 1747.

AD ALTERAM EDITIONEM.

MULTA hic mutata invenietis, O OPTIMI, etiam sententias alias, uberiora nonnulla, breviora alia. Et illas quidem me melius cognita natura mutare iussit. Qui possem alia sentire, docere alia? Detraxi, ex amicorum consilio, nonnihil de ubertate anatomicarum descriptionum, quæ semestri tempore circumscriptis doctoribus remotæ forent. Addidi physiologica aliqua nuper conperta. Errores typographi plurimos, & molestissimos, neque in catalogo emendatos, hic, quantum potui, expunxi. Itaque valete, & expectate majus opus, in quod nunc maxime me demergo. Eodem nempe ordine, sed pleniori omnino dictione & continua, absque notarum, aut citationum interpositione, enarrare constitui ea omnia, quæ ad rem physiologicam hætenus collata sunt, ut ea, quæ vera sunt, quæ probabilia, quæ infirma, sincerus ubique indicem, quantum quidem imbecillitas humana, meique inprimis ingenii limites permittunt.

Dedi Gottingæ, d. 24. April. 1751.

AD EDITIONEM TERTIAM.

INTERIM dum ab ultima editione hujus libelli tredecim anni effluunt, magnum meum opus Physiologicum ad finem perductum est, cujus nunc septimus tomus sub prelo versatur. Dum adeo cum meis adnotationibus plurima nuperorum inventa confero, dum per numerosas pullorum avium adnotationes, & vivarum bestiarum incisiones, ab anno retro 1751, varias physiologiæ partes constituere laboro, multæ causæ exstiterunt, quare has Primas Lineas emendem. Ordinem etiam ad majus opus reformavi, & parem feci librorum numerum, ut omnino paragraphorum numeri stare non potuerint. Non visum est amplius reddere compendium, ne ad prælectiones minus aptum fieret.

Rupe Helvet. d. 22. Nov. 1764.

EDITORES EDINBURGENSES
LECTORIBUS S.

QUUM Primas has illustris HALLERI Lineas, ex quo tempore novissime editæ sunt, instantèr admodum flagitarent medicinæ cultores, & divendita essent exemplaria aliunde arcessita, haud ab re nobis facturi videbamus, si eas EDINBURGI emitteremus. Postea vero quam ab amicis cognovimus fore ut novus institutionum medicarum Professor ad normam quodammodo egregii hujus operis physiologica traderet, libentius multo negotium suscepimus, cum ad aliorum desideriis occurrendum impulsî, tum potissimum studio prospiciendi iis qui operam illi daturi sunt.

Ad editionem ab auctore auctam tertio & emendatam, librum expressimus, adhibita tamen industria, ut nitidior paulo prodiret &, adjecto præsertim indice, tironibus accommodatior. Summopere quoque contendimus ut quæ ex typographi incuria in auctoris editionem irrepsent mendæ, hic omnino, quoad ejus fieri potuerit, eximerentur: Spes tamen nos fefellit, & aliquæ adhuc intactæ manent, paucæque & ab ipsis illatæ sunt. Utrasque lector æquus corriget

corriget et, pro candore suo, quod a nec opinantibus admissum est excusabit. Monendum vero est, ea, quæ ad paragraphorum capita errata fuerant, consulto relicta esse ut quæ ex auctoris editione vel ex nostra citata forent, facile vicissim & in hac & in illa invenirentur.

Edinburgi, 4. Kal. Nov. 1766.

E M E N D A N D A.

Errata in auctoris editione, & in hac etiam prætermissa.

Pag.	lin.	
8.	15.	musculares <i>pro</i> muscularis
310.	2.	incopia <i>pro</i> in copia
330.	5.	determinent <i>pro</i> determinet
344.	10. 11.	ipsumque <i>pro</i> ipsum
356.	ult.	revincunt <i>pro</i> evincunt
369.	9.	æquet <i>pro</i> æquent
412.	18. 19.	aliud <i>pro</i> aliud
424.	26.	urethræ <i>pro</i> ureteris
442.	10. 11.	minimam <i>pro</i> nimiam
462.	20.	fetuque <i>pro</i> fetusque
488.	23.	serosa <i>pro</i> seroso
489.	7.	quam <i>pro</i> quem

In hac editione errata.

187.	12.	molefcentes <i>pro</i> mollescentes
222.	11.	ovali, <i>sine</i> , quod accedere debet, <i>incise</i>
226.	pen.	callidiora <i>pro</i> calidiora
270.	3.	<i>sine</i> <i>pro</i> fine
317.	17.	mollitur <i>pro</i> molitur
329.	6.	logitudinales <i>pro</i> longitudinales

In indice.

514. n.	45. l. 1.	divisioni <i>pro</i> divisione
515. n.	100. l. 2.	<i>lege</i> facere
519. n.	271. l. 2.	musculos <i>pro</i> muscoli
521. n.	321. l. 3.	his <i>pro</i> hac
527. n.	533. l. 1.	sphærici <i>pro</i> sphærice
528. n.	580. l. 3.	phænomina <i>pro</i> phænomena

PRIMÆ LINEÆ PHYSIOLOGIÆ.

IN USUM PRÆLECTIONUM.

C A P. I.

FIBRA. TELA CELLULOSA.

I. **P**ARTES corporis humani simplicissimæ aut fluidæ sunt, aut firmæ. Illas, quod diversæ sint indolis, secundum opportunitates recensetimus. Hæ, quæ simplicissimæ sunt, & verum corporis fundamentum, præcedunt reliquarum partium historiam.

II. *Solidarum* partium in animalibus & vegetabilibus communis ea est fabrica, ut earum elementa, quæ subtilissima microscopium adtingit, vel fibræ sint, vel laminæ, vel concrementum inorganicum.

III. *Fibra* in universum plerumque lineam refert cum exigua latitudine, vel gracilem potius cylindrum. Ejus particulas constantiores terreas esse demonstrat exustio, diuturna putredo.

IV. Terreæ moleculæ non a se ipsis, sed ab interposito glutine vinculum habent, & vim cohesionis. Docent, quæ III. dicta sunt, & facile experimentum, quo capillus exustus, sed coherens hætenus, aliquam constantiam recuperat a-

quæ intinctus vel oleo. Tum ebur & ossa, quorum gelatina extracta, id quod superest, friabile redditur, & similis longi ævi potentia, quæ ossa in veram terram, aquæ avidam bibulamque restituit. Sed os etiam animalis, ab educto glutine fragile, reddita ea gelatina robur osseum recuperat. Solum hoc gluten animalia simpliciora constituit.

V. Hoc gluten ex aqua cum oleo per vitam animalem intrito componi, demonstrat denuo chemica analysis ossium, capillorum, gelatina ossium, eboris, cornuum, alimentorum conditio, &c. Neque aliud gluten fortius partes animales unit; collæ exemplo, & glutinis artificum.

VI. Ex terræ moleculis per longitudinem coherrentibus, & revinctis vi intermedii & coherrentis glutinis, componitur prima fibra simplex, qualem ratio potius quam sensus adtingit.

VII. Fibræ vero, quas primas visus demonstrat, ita se habent. Primum genus fibrarum lineare est, cujus nempe longitudo ad latitudinem insignem habeat rationem, et moleculæ elementales in linea recta, atque adeo vulgo vicinis parallelæ jacent. Hujusmodi fibrarum exempla videmus in ossibus, facillima conspectu in fetu, tum in tendinibus, ligamentis, musculis, ut semper moneamus, non minimas nos fibras oculis adsequi, sed majores, ex minimis compositas, rectitudine, & gracilitate tamen similes. Minimas non differre, suadet microscopium MUYSII, & LEEUWENHOECKII, quo fibrillæ musculares ad

ad ultimas usque majoribus similes & perinde lineares adparent.

VIII. Aliud genus *laminarum* est, in quo latitudo sæpe major cum minori longitudine conjungitur. Earum intertextum laxiorem *cellulosam* vocant tunicam, sed nomen tunicæ multa inpropria habet.

IX. Hanc faciunt laminulæ, infinitæ numero, quæ varia directione, spatiola, & areolas intercipiunt, & omnes in corpore humano partes conjungunt, latumque & firmum cum mobilitate vinculum præstant. Summa vero in hac tela diversitas est, in ratione solidi ad areas, latitudine, firmitate laminarum, interpositi liquidi natura, quæ aut magis aquea, aut magis oleosa est, in admistis fibris & filis, quorum alibi, ut in vaginis arteriarum, insignis est portio, alias, ut sub cute, pene nulla.

X. Ex hac cellulosa tela stipata, concrefcentibus inter se laminulis, & compressis a vi incumbentis muscoli, distendentis liquidi, aliave causa, oriuntur in corpore humano lata plana, quæ vel rectilinea sunt in universum, & magis proprie *membranæ* vocantur, vel in cylindros convoluta conosve, & perfluxa liquidis per cavum tubulum meantibus, nomen induunt *vasorum*, vel circumjecta spatio cuicunque in plana sibi parallela circumpositæ *tunicæ* dicuntur. Tunicas autem ex tela cellulosa fieri demonstrat oculus, & imprimis maceratio, in aorta, cute, pericardio, dura meninge; musculorum tunica, adeo evidenter &

cellulosa, & aliis tunicis similis; darti, & membranæ nerveæ intestinorum facilis per flatum in cellulofam mutatio; duræ crassæque membranæ in tumoribus cysticis enatæ, qui in sola cellulosa tela oriuntur: in cute per continuos gradus densissime stipata veram cutem facit, obversam epidermidi; inde ex parte demum in cellulofam telam subcutaneam, adipe plenam, continuata resolvitur.

XI. Vasa, quæ tunicas pingunt, accessio sunt cellulosæ telæ, neque constituunt naturam membranæ, sed membranæ per cellulofam telam innatæ superadduntur. Inter areolas vasorum reticuli intestinalis Ruyschiana arte repletissimi, alba cellulosa tela, etiam tunc vasorum mole multo major, superest, quando vasa, super modum aucta, majorem partem spatii occupant. Membranæ vero ex fibris decussatis intertextis compositæ nullæ mihi notæ sunt, nisi ligamentosas aut tendineas fibras velis, quæ veræ membranæ insertuntur.

XII. Cellulosa tela in corpore humano reperitur, ubicunque vas, aut fibra muscularis est, nempe ubique, ut nulla exceptio mihi nota sit.

XIII. Aliud elementum corporis humani est (II.), quod neque fibram, neque cellulofam laminulam satis vere possis vocare: id gluten merum est effusum, concretum, non in fibras, sed in spatia fibris interjecta. In ossibus res manifesta est, quorum fibræ in fetu optime distinctæ, mediis discernuntur vasis per intervallum fibrarum

rum decurrentibus, ut totum cranium undique pectinem referat. Ea fabrica in adulto homine ita mutatur, ut succo effuso in fibrarum intervalla repletis valleculis ut rubiæ succo fit, jugis conferruminatis laminæ nascantur. Cartilagines vix quidquam præter concretum gluten esse videntur.

XIV. Sed hic naturæ ordo videtur, ut etiam priores fibræ (III.) omnes ex hujusmodi glutine primo natæ sint. Cellulosam telam ita productam esse demonstrant fibræ cellulosæ in thorace natæ ex concreto vapore, qui pulmonum superficiem cum pleura conjungit, simillima veræ & naturali cellulosæ, vel ex pure demum spissato compacta. Demonstrat idem comparatio fetus cum adulto, fetui enim mera pro cellulosis maximis subcutaneis telis gelatina est, inter musculos cutemque, jam firmiores, interposita; dissolutio morbofa membranarum muscutorum in merum gluten; similis cutis animalium, tendinum, & ligamentorum in collam per vim fervidæ mutatio. Illustrant theoriam placenta cruoris, membrana sanguinea RUYSCHII, membrana ex muco nata ALBINI, polypus, sericum, colla. Ipsas demum fibras osseas ex glutine compacto natas esse, morbi demonstrant, quibus ossa durissima, liquefacto glutine in cartilaginem, carnem, gelatinam redeunt: similia facit, in piscium ossibus, aliisque, Papini machina.

XV. Videtur adeo, aqua albuminosa ex terræ exigua parte mista, primum pressione aliqua, cu-
jus

jus causas nunc omittimus, coivisse in fila. Ea, adtractione mutua cohærentia, spatiis adhuc interceptis, cellulofam telam faciunt, aliquam tenacitatem adepta, ex terrearum molecularum vicinia, quæ sequitur expulsiorem nimii aquei glutinis. Ea tela, ubicunque major pressio ejus laminulas urfit, in fibras abiit, & tunicas, & in ossa denique cum glutine (XIV.) inorganico concrevit; & in universum omnes in corpore humano five mollissimas partes, five durissimas, non aliter differre videntur, nisi, quod in duris terrea elementa plura, viciniora, glutinis aquei minus, in mollibus terra rarior, plus adfit glutinis.

XVI. *Cellulosa fabrica* fibris fit laminisque (IX.) solidis omnibus, neque cavis, neque vasculosis, etsi vasculis adcedentibus pingatur. Sed ejus hæ principes diversitates sunt. Alibi laxa est, longisque & distantibus laminis fit: alibi tenuis, & ex fibris brevibus coalita. Brevissimam reperio inter scleroticam & choroideam, imprimis animalium, inter arachnoideam cerebri membranam, & piam. Teneram, sed magis tamen conspicuam, invenio inter intestinorum, ventriculi, vesicæ urinariæ, ureteris, duas vicinas quasque tunicas: in pulmone, ubi vocant vesiculas: sub pulpa glandis penis, inter viscerum & glandularum acinos. Adhuc longiora fila habet, quæ vasa sequitur vaginæ nomine, per viscera, hepar imprimis & pulmonem, & longe firmior in vasis caput, artusque adeuntibus. Summa utilitas est, revincire membranas fibras glandulasque

que vicinas, cum mobilitate definita. Hæc tamen, hætenus dicta, cellulosa vix unquam adipem recipit, sed irroratur halitu aquoso, gelatinoso, subpingui, qui ex arteriis exhalat, in venas recipitur. Demonstrat facilis injectio aquæ, ichthyocollæ, olei, in omnem partem corporis facta. Eo halitu deleta, coalescunt fibrillæ, vicinæque membranæ cum jactura motus confervent.

XVII. Laxior est cellulosa tela, & laminulis magis quam fibris facta, quæ fibras musculares distinguit in ultima elementa usque, tum quæ vasa libere comitatur, & revincit, quæ in ossium cavea est, & osseis pariter & membraneis laminis fit: laxior iterum quæ sub corporis superficie, undique inter musculos est cutemque, laxissima quæ vasa genitalia mascula latissimis bullis amplectitur.

XVIII. In hujus cellulosæ telæ (XVII.) vacuas areolas, ubique fere, in fetu gelatina primum, deinde adeps grumofus, denique sub cute passim, & in cutis foveis glebosus effunditur; matèries nempe aqua levior, insipida inflammabilis quæ in aere frigido in soliditatem coit, magis circa renes, & in animalibus graminivoris, in piscibus, dum vivunt, fluido proxima, etiam, ut quidem probabile fit, in homine, indurari tamen apta. In ea, cum oleo, & acidus sal, fere ad sextam olei portionem, conjungitur.

XIX. Per cellulosam telam vascula sanguinea repunt & dividuntur, a quorum finibus arteriosis
adeps

adeps deponitur, venosis reforbetur. Via ab arteriis ita proxima, & libera est in cellulas adiposas, ut majuscula ostia eo hiare necesse sit, quæ dimittant mercurium, aerem, aquam, gelatinam, oleum, semper etiam in vivo animale pigmentum. Non per longos aliquos propriæ fabricæ ductus excernitur, sed per totam arteriæ longitudinem undique exsudat, ut nulla pars circumpositæ cellulosæ telæ absque madore sit, quando arteria aqua repletur. Adeps calidus in arterias pulsus easdem vias facillime legit. Celeriter congeritur, argumento cito renascentis post acutos morbos obesitatis.

XX. Sed in venas reforberi docemur per motus musculares, in animalibus imprimis obesis, ad consumendum adipem velocem efficaciam; per febres, quæ adipem absumunt; per hydropis sanationem, quo aqua in cellulosam effusa per intestinorum tubum quasi resorbta educitur; per sudationem venosam ab aqua, oleo, per siphonem injecto, ubique in corpore visam. An nervi in adiposas cellulas diffunduntur? Transire certum est, inque adipe passim in minutissima filamenta dividi, ut ultra nequeas cultello producere, manere non est credibile: nam adeps absque sensu est, & absque irritabili natura.

XXI. Laminarum cellulosæ tunicæ intervalla undique aperta sunt, & per totum corpus in unam continuam cavitatem consentiunt. Demonstrat flatus lanionum, etiam chirurgorum Æthiopice, per unum vulnus receptus, & tamen cutem

tem per totum corpus elevans ; emphysema, quo aer fracta cute receptus, retentus, totum corporis ambitum tumefacit ; iter corporum sub cutem datorum, in sedem ab ea remotam, per quam subierunt ; iter puris a fomite ad remota ulcera ; tum morbi, quibus in omnes cellulosas corporis telas aqua deponitur, & ex omnibus per incisionem uno loco factam educitur. Nullam cellulosam telam excipi, casus demonstravit, quo, in emphysemate corpus vitreum oculi ipsum aerem recepit, morbus, in quo gelatina hydropica in ipsa corpora cavernosa penis effusa est.

XXII. Summam dignitatem hujus cellulosæ telæ adgnoscat, qui cogitabit, ab ea sola pendere omnium arteriarum, nervorum, fibrarum muscularium, adeoque conpositarum inde carniū viscerumque, legitimam firmitatem, stabilitatem : sed etiam figuræ partium, iusta brevitās, flexiones, cellulæ, curvitates, a sola cellulosa tela alibi laxiore, alibi duriore, proveniunt : ea resecta, omnia longiora redduntur, laxaque concidunt. Ea cum vasis, nervis, fibris muscularibus & tendineis, quorum tamen magnam partem ipsa efficit, omnia viscera, omnes musculos glandulasque, & ligamenta, & capsulas, componit. Ab ea sola, ejusque varia longitudine, tensione, copia, proportione, glandularum viscerumque diversitatem oriri, & ab ea denique longe maximam partem corporis ipsius effici certum est, si quidem non totum ex hujusmodi filis cellulosis componitur.

XXIII. Vim contractilem habet, ab irritabili diversam, quæ per experimenta non demonstrabilis, lenta tamen plerumque opera brevitatem adfectat, quando cellulosa fibra extensa fuit. Ea a frigore excitata cutem rigidam reddit, pilos erigit, scrotum decurtat, cutem abdominis post gestatum fetum, uterum post eandem periodum, in priorem gracilitatem restituit. Eadem adipem, aciculas subcutaneas, glandes plumbeas, pus, pigra sed perpetua contractione promovet : & in venis, in receptaculis resistit dilatationi, & priorem brevitatem dimissa recuperat. In fetu lenta vi inter maximas causas est mutati corporis.

XXIV. Adipis varia est utilitas ; motum musculorum ubique expedit, frictionem minuit, rigiditatem arcet : loca interposita musculis, loca visceribus variis vicina, replet, ut cedat motis, quiescentia fulciat : corporis pondus potissimum constituit : vasa ducit, defendit : cutem æqualiter extendit, pro pulvinari est, pulchritudinem conciliat : acrimoniam quorundam liquorum forte admistus temperat : bilis materiem principem efficit : ex ossibus per crustas cartilagineas exsudans miscetur liquido articulari : eorundem fibras resorbis obungit, per cutis poros exhalans aeris ficcantem inclementiam arcet ; ex mesenterio, mesocolo, omento, circa renes exhalans in vivo homine vapore molli viscerum superficiem obliniit : concretionem interpositus arcet.

XXV.

XXV. Deponitur in cellulas adeps per somnum, quietem corporis & animi, diminutam vim sanguinis; & in immensum congestus nocet, comprimendo venas, resistendo cordi, anhelos facit, & apoplecticos & hydropicos. Idem in venas rapitur, & per arterias celerius vectus prætervehitur poros excretorios, motu magno, venere, vigiliis, curis animi, salivatione, diarrhœa, febre, inedia; & per subpurationem consumitur. Sanguini redditus acutos morbos auget, urinas tingit, & subsidentiae partem efficit. Cito consumtus, brevi renascitur, cum bonis humoribus. In languido corpore non adeps, sed gelatina in cellulas deponitur. Hic ille *ava sapna* hydrops, & hydrocele exterior.

C A P. II.

V A S A.

XXVI. Membranas melius singulatim describemus. *Arteriarum* plurima communia sunt. Canales sunt longe conici, decrescetes, pro ramorum numero. Ubi vero arteriæ aliquamdiu sine majoribus ramis sunt, parum evidenter convergunt, aut omnino nihil quidquam, deinde cylindricæ sunt, vel lentissime diminutæ, ubi *capillares* vocant, & quæcunque uni globulo patent; sectione ubique, & absque exceptione, in repleto canali, circulari. Ubi ramos magnos emittunt, ibi lumen subito minuitur, ut possint

pro catena cylindrorum haberi, quorum quisque priori angustior est. Si pro conis habes, tunc coni basis communis omnibus in alterutro ventriculo cordis est : apex coni vel in venæ principio, vel in principio cylindricæ partis arteriæ, vel in exhalante vase, nisi id cylindricum est. Est ubi dilatari videntur ; certe repletæ & cera distentæ latiores fiunt, ob moram forte, quæ efficit, ut impulsa cera eam partem præ reliqua longitudine arteriæ distendat. Exempla sunt in vertebrali arteria sub cranio, in splenica, in carotidis flexione per COWPERI experimenta, in spermaticis, nisi omnia me fallunt, arteriis. Ubique etiam in principio divisionis ramorum aliquantum latefcunt.

XXVII. Membrana arteriarum externa propria & perpetua nulla est. Præstat ipsis externum & incumbens unice tegumentum pleura in thorace, in abdomine peritonæum. In collo, brachio, femore, externa crassior aliqua cellulosa arteriis circumjacet. Pericardii membrana, quæ utiquæ aortam circumplectitur, in cor cum vasis redit. In transitu per cranii foramen dura meninx vaginam carotidi circumdat. Sed prima verior membrana tubi arteriosi ubique cellulosa est, & nonnunquam adiposa, ut in thorace.

XXVIII. Ea cellulosa in extrema superficie laxior est, plurimis arteriis picta, venulisque, nervisque percurfa non minimis. Adeo nonnunquam copiosa est, ut ad arteriam extrema strata minus videantur pertinere, & sit quasi aliena, accedens

cedens arteriæ, tela. Ita in collo se habet, & arteriis inguinum, subclaviis, mesentericis, cœliacis, hepaticis, filis potissimum longis intricata. Hæ sunt vaginæ arteriarum, -claris viris dictæ.

XXIX. Quo interior, & lumini arteriæ propior, eo hæc cellulosa tela densior, solidior, & villo magis est stipato, potestque *propria arteriæ tunica* dici. Non differre a cellulosa tela tendineam aliquam membranam arteriæ demonstrat maceratio, quæ & intima strata arteriosæ tunicæ in cellulosam mutat.

XXX. Interior luminique propior pars arteriæ, fibras in universum circulares habet, ut semper memor sis, nullam usquam fibram circulum integrum perficere, sed multas, extremis ad latus detortis, conjunctas videri unum anulum exprimere. Eæ fibræ in majoribus truncis multorum stratorum sunt, colore subrubello, soliditate satis conspicua. In minoribus sensim minus facile demonstrantur, et a minorum animalium arteriis abesse videntur. Longitudinem nunquam vidi sequi. Sub ista membrana aliqua, sed difficilior demonstratu, brevissima tela cellulosa est, in quam concrementum tophaceum ossescentis arteriæ effunditur.

XXXI. Intima membrana arteriæ levis, a sanguinis fluente perpolita, fibras carneas, non satis continuas, una perpetua crusta obducit, et cavet ne sanguis in intervalla se insinuet. Levis est undique, et absque valvulis, etsi non nullibi plicæ aliquæ in semicirculum elatæ ad originem
ramorum

ramorum mechanica necessitate emineant, ut ad ramos, quos aortæ arcus producit. In arteriis tamen viscerum intima membrana mollior, laxa, rugosa est, et pene friabilis, maxime in ductu arterioso.

XXXII. Arterias arteriæ habent in extremo imprimis celluloso textu, a vicinis undique arteriosis trunculis natas, multas, ramosas, reticulatas, omnes exiguas, in fetu, etiam absque injectione, plurimas. Nervi passim longe per arteriarum superficiem descendunt, et in cellulosa tela evanescunt, exemplo carotidis internæ, externæ, arcus aortæ. An non inde vis aliqua contractilis, spastica, diversa a simplici elatere? Nonne aliquid simile febres arguunt, & animi deliquia? paralysis cum atrophia? adfectus animi? Sed arteria absque sensu est, & absque conspicua irritabilitate, & si a venenis constringitur, habet id cum mortua cute commune.

XXXIII. Arteriæ dissectæ rotundum lumen ostendunt, cum elasticæ sint. Hæc causa est, quare & ex parvis arteriis dentium funestæ hæmorrhagiæ fiant. In thorace equidem & abdomine aorta, in collo carotis, passimque arteriæ in cadavere, ubi minus distenduntur, planæ apparent. Teretem tamen naturam, & sectionem circularem injectio ubique restituit. Digitum etiam, quo distenta fuit, sibi permixta arteria elatere suo valide comprimit, & cadaveri multo, quam vivo homini, arctior est. In vivo corpore cedit quidem cordi, sed brevi; laxato corde, se contrahit,

contrahit, & ad pristinam diametrum redit. Hic pulsus est, cujus plenam explicationem post cordis historiam sequi oportet; nunc sufficiat dixisse, pulsare arterias omnes, etsi in magnis digitus systolen & diastolen percipiat, in minoribus non possit: & fere in ultima inflexione arteriarum pulsatio evanescat. Nam & minores, paulum aucto motu, valide pulsant, ut in inflammatione. Secundum longitudinem valide se contrahit, breviorque redditur, quando tota difsecatur.

XXXIV. Robur arteriarum satis magnum est; sed densa & dura cellulosa externa tela, cum vi distendenti cedere recuset, non difficillime rumpitur, & facilius fere, quam venarum tunicae. Inde aneurysma. Debilior autem fere ubique truncus est, rami fortiores, ut fluidi impetus contra truncos plurimum possit, in artubus omnium minimum. Hinc aneurysmata prope cor longe frequentiora. Ad pedes robur arteriarum & venarum augetur, tum in secretionis organis.

XXXV. Arterias natura toti corpori animali dedit, paucis membranis exceptis, in quibus nondum sunt ostensa. Sed truncos ubique intuto constituit, quod earum vulnera, neque in minoribus absque periculo, neque in majoribus absque vitae jactura, esse possint. Cutis breves, & parvos, & multos trunculos habet. Majores trunci, defensi cute musculisque, juxta ossa repunt. In universum sunt in ratione, in qua partes corporis sunt, quas arteriae adeunt. Majores tamen accipiunt organa secretoria, lien, cerebrum, partes musculosae minores.

XXXVI.

XXXVI. Ratio solidæ partis ad lumen, quod a sanguine percurritur, non ubique eadem est, neque in eadem arteria perpetua. Et primo ea ratio ad cor omnium minima est, crescit eadem ut arteriæ a corde recedunt: Deinde in animali faturo, plethorico, cui sanguis libere & cum impetu arteriam subit, minor est ratio parietum, major in animali extenuato, famelico, debili cum sanguinis motu.

XXXVII. Ex arterioso trunco quolibet rami prodeunt, ex istis minores furculi, multiplicata divisione, cujus finem vix invenias, repetas forte vigesies. Ramorum duorum junctim sumta lumina semper majora sunt trunci lumine, in ratione, quæ est circa sesquialteram, aut paulo minor, ut ramorum ratio superet. In capillari rete ea lex non obtinet, & ramorum summa trunci lumine non major est. Minima arteria, quæ unum globulum transmittit, eandem, quam iste globulus, fere diametrum habet, ter millesimam pollicis. Truncus omnis super divisionem paulum latefcit. Anguli, ad quos rami exeunt, plerumque acuti sunt, semirecti, aut semirectis vicini, qui angulus etiam in mechanicis longissime projecta ducit. Rectorum, aut proximorum rectis, exempla tamen sunt in lumbalibus, intercostalibus; retrogradorum exemplum in coronariis est, aliud in spinalibus, quas producunt vertebrales, plura in arteriis artuum tibiali, brachiali. Pleræque tamen, quas pro retrogradis habeas, in origine sua ad angulos acutos

tos natæ fuerunt, ut pharyngea adscendens, palatina descendens, umbilicales, mammariæ, arteriæ magnorum ossium nutritiæ. Cæterum frequens est, magnos ramos minori sub angulo, minores sub majori, oriri. Rarum est duas arterias, certe majores, in unum truncum confluere; exemplum tamen est in arteria ex vertebralibus composita: in minoribus frequens est, ut in arteria spinali utraque, in arteria foraminis sincipitalis. Flexiones plurimis locis frequentes sunt, ut alternis angulis obtusis circa lineam rectam arteria undulata serpat. Id frequentissime fit, ubicunque partis, quam adit arteria, diameter subinde insigniter augetur, in crassis intestinis, utero, facie, liene, labiis, iride. Etiam alias arteriæ rectæ, si præter modum replentur, abeunt in serpentinis flexus. Est ubi in gyros contorquentur subitaneos, ut sub mammillari processu carotides.

XXXVIII. Frequenter ita mediis ramis junguntur, ut ex arteria ramus prodeat, qui vicinæ arteriæ simili ramo occurrat, cumque eo in unum truncum confluat. Id in magnis truncis fit in intestinis, in mediocribus in rene, ad uterum, &c. in minoribus ubique, ut nulla sit pars corporis humani, in qua vicini trunculi arteriosi, siue ejusdem nominis, siue diversi, non jungantur ramis intermediis. Anuli ex arteriis lateraliter divergentibus, & in se ipsas redeuntibus, exemplum est in oculo & cerebro. Fines arteriarum cylindrici, aut cylindricis proxi-

mi, ramulos producunt in eadem longitudine crebriores, plerumque in rete dispositos, ut quilibet ramus, minoribus furculis, cum utroque vicinorum anastomoses faciat. Ita in omnibus membranis reperitur. Et eo modo fit, ut via a corde ad aliquod arteriæ punctum obstructa, per vicinas arterias sanguis ad omnes obstructæ arteriæ ramos venire possit. Ita gangræna & languor potentissime impeditur, & obstructio facilius solvitur, repulso obstaculo in ampliorem truncum.

XXXIX. Arteriola minima denique vel continuato canali in venulam abit, ut ultima arteriola reflexa plerumque, quando angulum reflexionis superavit, jam sit venula; vel etiam ramus ex arteria ad angulum rectum emissus, in ramum venosum trunculo insertum abit, sub eodem angulo. Utramque fabricam microscopium demonstrat, & facilis materiei in arteriam injectæ per venam reditus. Hæc vasa modo plurium globulorum sunt capacia, modo unius. Major arteria nunquam in venam se inmittit.

XL. In visceribus non adeo vera retia reperias, sed variam fabricam, ramulos confertim descendentes trunco parallelas, penicillos, arbusculas, serpentulos, villos, varia pro varietate partium ratione.

XLI. Alius finis arteriarum est, quo in vasa minorum generum exeunt, quæ aliquando continua sunt arteriis, verique trunci, ut in ophthalmica arteria, si secutus fueris arterias choroideæ
tunicæ,

tunicæ, deinde circulum uveæ, denique iridis decolores arterias : inque ejusdem ophthalmicæ ramis rubris rete facientibus in conjunctiva, cui continuum esse pellucidum rete, sed arteriosum, inflammationes demonstrant, & rubor partium per vaporem, cucurbitulam, laxatarum, & repletio, & microscopium LIEBERKUHNII in ramis adhibitum, quo visi sunt globuli decolores ex rubra arteria in vas laterale secessisse. In hac fabrica liquor ruber in vasa minora facile urge-
tur.

XLII. Alibi videntur vasa minora ex truncis arteriæ rubræ minimæ, tamquam rami, laterali-
ter educi, trunco minores; *ductus* vocant *excretorios*. Ii difficulter per vasa rubra replentur. Exempla tamen sunt in rene, in hepate, in mamma. Et sanguis vitiose in omnes ductus excretorios totius corporis penetrat, vasis non læsis, cum absque malo is error sit.

XLIII. Alius finis arteriæ est, quo in canalem exhalantem terminatur. Iste finis ubique in corpore frequens est. Tota cutis, omnes membranae corporis humani quæ aliquam cavitatem claudunt, omnes ventriculi cerebri, camera oculi utraque, omnes cellulæ adiposæ, vesiculæ pulmonales, omnis cavitas ventriculi, intestinorum, aeræ viæ, hujusmodi exhalantibus arteriis sca-
tent. Halant autem tenuem, aquosum, gelatinosum humorem, qui mora, congestione, copia, in aquosam, sed coagulabilem lympham abit, in morbis, aut a morte. Demonstrat sudor aquo-
fus,

fus, repletis arteriis adeo facilis demonstratu. Est, ubi non tenuis aliquis vapor exhalat, sed ipse sanguis, argumento cordis, cellularum penis, urethræ, clitoridis, papillæ mammæ muliebri, in quas sanguis ipse in naturali statu effunditur. Annon adfinis est exhalanti fabricæ omnis secretio in glandulas veras sive cryptas?

XLIV. An ubique in corpore humano vasa nata ex rubris, sed sanguine tenuiorem vehementia humorem, alios canales, minora adhuc producturos vascula, producant? Videtur res exemplis non destitui, uti a maximis viris proposita est. Vaporem aqueum secerni ex vasculis, quæ generantur ab iridis arterioliis decoloribus, valde probabile est. Vasa rubra corticis cerebri, liquidum medullam perfluens intermedio alio vasorum genere separare, pene certum est. Erysipelas, sive inflammatio flava, a globulis flavis in minora vasa inactis, similia suadet.

XLV. An ideo dantur vasa arteriosa secundi generis flava, quæ lymphatica tertii generis edant, ex quibus per gradus minorum generum prodeant vascula? Non videtur consentire facilis transitus sanguinis, mercurii, ceræ in vasa exhalantia, perspirantia, urinifera, adiposa, cellulas pulmonis; & non difficillimus etiam sanguinis error, in vasa lactifera, lymphatica, lacrumalia, quo non videretur perventurus, si per aliud systema vasorum intermedium, globulis sanguinis angustius, iter ipsi faciendum esset. Neque finit admittere summa ex hac fabrica oritura retardatio

tardatio liquidi in tertio vasorum genere, perpetuo major futura in minoribus.

XLVI. *Venæ* arteriis in multis similes, sunt sex; quarum duæ arteriæ aortæ, quatuor reliquæ pulmonis arteriæ respondent. Perinde ad cordis ventriculos basin habent, apices in extremo quoque ramo, per omnem corporis ambitum, excepto uno in hepate exemplo. Plurimis etiam locis arteriis comites migrant, parallelæ & adjectæ. Sed varia sunt, quæ discrimen faciunt.

XLVII. Tenuis venarum fabrica est, tota levis, ægre in membranas separabilis, intimam, arteriosæ similem, & huic circumvolutum textum cellulofum stipatum, valde distensilem: cui & supra cor, & infra, fibræ transversæ musculosæ, sed unico exemplo circumponuntur: ubique vero laxa, qualis in arteriis cellulofitas, qua cum reliquo hominis corpore conjunguntur. In ea tenuitate passim satis firmæ sunt, neque facillime crepant infarto aere, ipsis arteriis in plerisque exemplis firmiores. Facilius tamen in vivo homine rumpuntur, quod ex morbosis experimentis constat in crure, brachio, facie, etiam alibi. Neque se sustinent dissectæ, sed collabuntur, & lumine tunc hiant rimæ simili, nisi quando a cellulosa aliqua firmiori circumposita retinentur, ut in hepate, utero. Modice irritabiles sunt, neque a solo stimulo, nisi is chemicus fuerit; tunc autem magis contrahuntur, quam arteriæ. Non pulsant, nisi obstructo alicubi canali, si fides historię,

storiæ, aut in morientibus, repulso ex aure cordis dextra in cavas venas sanguine, aut de cerebro relapso.

XLVIII. Ampliores sunt arteriis, & quadrata diametrorum habent dupla, tripla, & quadrupla fere, ad sedem vasorum renalium & in vasis renalibus; in universum tamen in ratione 9 ad 4, ut tamen venarum capillarium lumen arteriolarum sodalium lumen parum superet. In divisione passim differunt. Truncos habent numerosiores, pro una arteria in artubus frequenter duos. Rami majores venarum magis reticulati sunt, ac frequentioribus anastomosibus, nec inter parva, sed inter maxima vasa, inter vicinas, dextras & sinistras, superiores & inferiores venas, ubique adparentibus, coeunt. Superficiem corporis adfectant, & per artus, collum, caput, longe cutaneæ decurrunt, quod in arteriis rarissimum est, a quibus eam ob causam recedunt. Tunc venæ superficiem sequuntur absque comite arteria, hæc profunda cum aliquo minori ramo venoso meat. In minoribus ramis, retibusque membranosis, viscerumque interiori fabrica, arteriæ venæque plerumque conjunctæ ambulant. Minus fere flexuosæ sunt.

XLIX. In majoribus venis sanguineis *valvule* magna copia reperiuntur. Membrana intima venæ duplex in cavum venæ adfurgit ad veli modum, hinc & inde in progredientem venam altius producta, quæ cornicula dici possunt: robustior vero basis, qua in arcus circuli speciem de vena nascitur,

nascitur, *agger* est. Velare spatium cum progredientis venæ pariete intercipiunt, cujus paries exterior ipsa vena, interior valvula est, quæ convexitate sua in tubulum venæ eminet. Parabolici fere spatii basis, sive ostium cavi venarum valvulosi, semper ad cor respicit. Reperiuntur in venis subcutaneis omnibus, in artubus, in venis colli, faciei, linguæ, in venis penis, ad magnorum ramorum ortum, duæ, tres, quatuor, ad quinque usque, quod rarum, ad minores ramos singulæ. Nullæ sunt in viscerum profundorum venis, nullæ adeo in cerebro, pulmone, corde, hepate, & omni systemate venæ portarum, renibus, utero, excepta una alterave venæ spermaticæ valvula, nullæ denique in venis minoribus, intra lineam diametrum habentibus. In azyga, sed raro, visæ sunt. An in cava ad ostium venarum hepaticarum, renalium? harum loco rugas aliquas vidi. In minoribus ramis solitariæ valvulæ longæ & acutius parabolicæ sunt, fere eo longiores, quo ramus minor est. Eæ potentius, quam majores, sanguinis recursum resistere videntur.

L. Origines venarum sunt, quas in arteriis diximus. Ab arteriis minimis per insertos ramos, per reflexionem recurvi trunci, continuæ oriuntur. Aliæ a venis minorum generum, aut continuantur, aut radices tamen & accessiones habent, exemplo vasorum lymphaticorum, ductus thoracici. Aliæ a venis resorbentibus ex ambitu corporis universo nascuntur, ex cavis oculi, intestinorum, pectoris,

ctoris, peritonæi, pericardii, ventriculorum cerebri, bibulæ. Hinc venosus fudor, injecto per truncos venosos liquore aquoso, per totum corpus humanum facile imitabilis: hinc aqua, gelatina, oleum ex vena portarum in cava intestina perfluunt: hinc aqua in abdomen vivi animalis impulsæ celeriter evanescit. Sed ea fusius per sua loca repetentur.

LI. Parum diversæ sunt venæ, quæ ex tunica cellulari quacunque oriuntur, & aquas hydropicas, vaporem roscidum, adipem solutum, cruorem effusum sed tabescentem, opii virus in cellulosa telam dati, in sanguinis massam refundunt: vel ipsum sanguinem ex cellulosa fabrica penis, clitoridis, papillæ mammæ post æstum venereum reducunt. Et hujusmodi venas in omnes glandulas hiare probabile est, in quibus resorbtus humor tenuis reliquam massam spissiore relinquit, exemplo bilis, feminis, muci.

LII. *Venas minorum generum* rubris similes, experimenta, perinde ut in arteriis, demonstrant, ut in oculo iridis venæ sunt, & adnatæ non pauci trunci, & non dubie venulæ de vitreo corpore reduces sano homini pellucidæ.

LIII. Sed in majori parte corporis humani aliæ venæ reperiuntur, rubello, subflavo, ad ignem concrescibili liquido plenæ, vel pene pellucido, tenera tunica factæ, a chemico acri, irritabili. Creberrimis plerumque valvulis gemellis interceptæ sunt, ut sæpe, ubi turgent, geniculatæ quasi adpareant, quæ sensim confluentes,
aut

aut omnes, aut pleræque, in ductum thoracicum conveniunt. Oriuntur in toto corpore animali ex cellulosa tela, ut dudum de lactiferis mammarum vasis, deque efferentibus testis vasculis, de lymphaticis demum ex glandulis mesentericis nascentibus, didiceram; nunc de lymphaticis vasis testis, lienis, aliisque ostensum est. Oriri credas, per analogiam, & per morborum, & hydropis potissimum analogiam, ex magnis corporis humani caveis. Nec repugnat, minimas venulas in id genus vasorum tenuem humorem inmittere. Omnes autem in itinere glandularum proprium genus offendunt, conglobatas: has subeunt, ex venosis conicis convergentibus arteriosæ factæ, divisæ in ramulos: & ex iisdem redeunt, confluxuræ in alios trunculos.

LIV. Ipsæ ex glandulæ sunt vasorum lymphaticorum glomeres cellulosa tela connexi, in quam liquor arteriis inmissus exsudat, & ex eadem in vasa lymphatica efferentia recipitur. Eas membrana continua vestit ovali fere figura, ut congestæ sint, vel solitariae, & vasorum majorum sanguineorum, & potissimum venarum ductum in toto corporis trunco ad artuum usque principia sequuntur, secundum venas jugulares, subclavias, cavam superiorem, asperam arteriam, gulam, venam cavam lumbalem, portarum, iliacas, hypogastricas, cruralem, popliteam, vasa etiam ventriculi, lienis, mesenterii & mesocoli.

LV. Repertæ sunt in superficie viscerum thoracis & abdominis, in brutis animalibus tamen

D

facilius,

facilius, in faciei parte inferiori, linguæ musculis & vicinia, collo, parte artuum superiorum trunco propiori ad usque cubiti flexuram, omni longitudine mediastini antici, postici, omnique fede, ubi glandulæ conglobatæ in collo & thorace reperiuntur, omni regione lumbali aortæ contigua, mesocolo, pelvi, testis vasis & superficie, artubus inferioribus ubicunque glandulæ conglobatæ adsunt, ad usque genu. An ultra? an ubique, & in cerebro, oculo, manu, pede, dorso, peritonæi parte anteriori? Non satis certa in homine experimenta, aut non satis copiosa sunt, quæ adfirmant. Ubique in superficie viscerum reperiuntur. Colliguntur fere ubique in fasciculos, qui non longe a vasis magnis rubris incidunt. Ex artubus inferioribus, pelve & lumbis in unum ductum coeunt, cui alius fasciculus ab hepate, liene, ventriculo, veniens, se inmittit. Is ipse truncus erit ductus thoracicus. Superiora vasa ex pectore universo in eundem ductum, ex capite & artu superiori, in eum, circa finem superiorem, conveniunt. Videntur tamen utique in venas rubras etiam finire.

LVI. Quid boni hæ glandulæ vasis lymphaticis conferant, nondum satis cognitum est. Turgent in fetu cremore lacteoso, etiam thymus & renalis glandula, quem tamen succum non satis certum est in cellulosa spatiola effundi; probabile tamen nupera experimenta reddiderunt, succum aliquem in iis glandulis parari, qui lymphæ adfundatur, cum humor tenuis in arterias injectus
vasa

vafa lymphatica fubeat. Cum ætate is succus evanescit, & ipsæ glandulæ ficcatae fere disparent. Scirrhus in his glandulis creberrimus moram videtur indicare.

LVII. Valvulae istae LIII. sunt gemella vela semicircularia, quæ cedunt liquido ad truncos majores venienti, & adplicata parietibus lumen relinquunt liberum. Eadem valvulae, si liquor ex latiori tubo ad canales tenuiores rediverit, tum inpletæ, expanduntur, lumen claudunt.

C A P. III.

MOTUS SANGUINIS PER ARTERIAS ET VENAS; SIVE CIRCULATIO.

LVIII. In arteriis & venis hætenus descriptis, continetur vel sanguis vel lympa. Sanguis ruber, cujus natura dicetur ubi de secretionem agemus, replet arterias & venas vulgo notas, quas rubras, vel primi generis vocamus, & quarum origo in corde est. Ita vero replet in vivo homine, ut modo laxæ & imperfecte distendant, modo plenissimas reddat & turgidas. A morte, venæ sanguine plenissimæ sunt; nonnunquam tamen venæ minores, maxime diutius a morte, aere turgidæ reperiuntur. Arteriæ in cadavere plerumque modicum sanguinis continent.

LIX. Sanguis iste per vasa omnia corporis vivi rapide movetur. Demonstrant vulnera, per quæ

cito ad mortem usque tantum sanguinis effluit, quantum ad vitam requiritur, quod ex arteriis magnis fere subito, ex minoribus & minimis nonnunquam celeriter sæpe, ex venis, nisi maximæ sint, ægrius contingit: neque tamen defunt exempla hæmorrhagiæ mortiferæ ex vulnibus venæ angularis oculi, raninæ. Experimenta denique in vivis animalibus capta summum impetum, quo sanguis, inprimis per arterias, movetur, satis adseverant. In arteriis majoribus velocissime procurrit, in minimis aliquanto lentius. In venis magnis in ea ratione tardius, quam per arterias, promovetur, quo arteriarum lumen venoso minus est, duplo pene vel triplo. Argumento etiam est compressa vena, & soluta, ut sanguis a valvula ad valvulam promoveatur. Motus iste in venis satis æqualis, in arteriis alterne major est, ut modo altius subsiliat, modo remittatur. Id in vivis animalibus oculi usu confirmatur.

LX. Directio *motus sanguinis* per vasa rubra hujusmodi per experimenta inventa est. Primo arterias & venas communicare omnes, certum est, cum ex una, sæpe parva, arteria, aliquando etiam ex vena, omnis sanguis ad mortem usque & summum pallorem omnium carniū exiverit, non ejus solum artus, qui percussus est, sed corporis universi. In arteria narium internarum, gingivæ, digiti, dentis, poro cutaneo, puncto lacrumali, cucurbitulæ vulnere, hirudinum morfu, tristia experimenta facta sunt.

Oportet

Oportet adeo, ut viæ sint, per quas ex venoso systemate in arteriosum sanguis celeriter veniat.

LXI. Deinde in arteriis sanguinem a corde ad extremam partem fluere, demonstrat microscopium, & vinculum in vivo animali arteriæ injectum. Quæcunque enim arteria vinculo adstricta fuerit, ea tumet inter cor & partem ligatam, depletur inter vinculum & reliquam, remotius a corde positam, partem arteriæ, neque ibi pulsatur, neque læsa ibi sanguinem fundit. Quod vinculum, id morbus facit, tumor conprimens, aneurysma intercipiens motum cordis. Experimenta in plerisque arteriis facta sunt, etiam a nobis. Anastomoses nonnunquam exceptionem fingunt, aut sanguinis in proximum vinculo ramum secessus, aut in moribundo animali sanguinis retrocessio.

LXII. In venosi sanguinis motu dubitatum est, omnisque antiquitas persuasa fuit, sanguinem & in venis a corde, vel certe hepate, ad partes omnes fluere. Rari sunt, qui errorem agnoverunt: in vena pulmonali quidem plures; in vena cava pauciores, & solus ANDREAS forte CÆSALPINUS, pro casu vero rariori VESALIUS.

LXIII. Primus HARVEIUS per experimenta ita adstruxit motum sanguinis venosi, qui undique ad cor redit, ut nullus dubio locus supersit. Et primo valvulæ ad veritatem ducunt. Commune enim his valvulis officium est, omnem pressionem, undecunque venæ urgeantur, ad cor determinare, dum sanguini venoso, qui truncum
semel

femel subiit, omnem spem refluxus in ramos intercipiunt. Cum enim spatia velaria fursum, versus cor, patula sint, subit in ea sanguis a corde rediturus, & expandit. Sic pars earum valvularum, quæ in lumen venæ libera eminent, accedit ad axin, donec obpositam contingat, tubulum claudat. Docet flatus, ligatura, injectio, neque enim unquam facile contra valvulas liquidum in venam urferis. Non quidem ubique caveam penitus claudunt, sed etiam tunc magna ex parte obturant.

LXIV. Alterum valvularum officium esse videtur, sustinere pondus sanguinis, ne superior in inferiorem gravitet, neque sanguis per truncum fluens sanguini per ramos venienti resistat. Si enim ex lentiore motu sanguinis factum sit, ut pondus sanguinis aliquam majorem, ad motum impressum, rationem habeat, & aliqua pars columnæ sanguinæ incipiat a pondere deorsum moveri, sustinet proxima valvula labentem, facit ne columnam successuram urgeat, tempus concedit vicino alicui musculo, ut concussu suo valvulam liberare, columnam promovere possit. Hæc ratio situs valvularum in artubus, in collo; quæ ibi & plures, & robustiores sunt, quam alibi. Hæc etiam causa varicum, ubi sanguis valvulas ingressus deorsum urget earum solidum verticem, & descendere & dilatari cogit. Etiam in musculorum actione valvulæ faciunt, ut totus pressio- nis, quam venæ patiuntur, effectus sanguinem secundum iter legitimum ad cor deducat.

LXV.

LXV. Sed etiam eæ valvulæ, quæ in corde dextro sunt, eam habent, quæ dicetur, fabricam, ut sanguinem, flatum, ceram ex venosis truncis cavæ in cor libere admittant, ex corde nihil finant elabi.

LXVI. Deinde ligaturæ in vivo homine poterant rem evidentem facere. Arte, casu, ligatis cum ipso artu venis poplitis, brachii, tibiæ, tumet artus undique sub vinculo, distenduntur venæ, turgent, & percussæ sanguinem liberaliter fundunt. Nihil hujusmodi super vinculum contingit, neque venæ ullæ adparent. Idem fit, quando viscera scirrhusa, glandulæ tumentes venam conprimunt. A polypis venarum magnarum frequentes tumores. Eadem vincula sanguinem reservant in artu, quem adstrinxeris, ne ad cor rediens, per alterius membri vulnus amittatur.

LXVII. Accuratiores sunt, quæ in vivis animalibus facta sunt experimenta. Per ea, etiam nostra, constitit, ligata in vivo animali quacunque vena, ad cavam vel ad pulmonales venas pertinente, semper tumere partem a corde remotiorem, & sanguine retento sub obstaculo distendi, super cor detumescere, pallefcere. Denique, si & arteriæ & venæ ligatæ fuerint, detumescunt venæ, eademque, soluto vinculo, continuo replentur.

LXVIII. Sic infusio venenorum, & medicamentorum, ostendit in quamcunque venam acidos chemicos spiritus immisisses, sanguinem ad cor usque

usque ex efficacia veneni cogi : cæterum cerebrum vim narcoticam opii sensisse, intestina purgatricem, emeticam in ventriculo, manifesto argumento sanguinem, cum quo venenum measset, a ramo venoso in cor, & in universum animalis corpus venire.

LXIX. Porro ex transfusione sanguinis constitit, sanguinem vitalem unius animalis per venam alterius, omni sanguine exhausti, immissum, ejus cor, & arterias, & venas ita replere, ut totum alacre, turgidum, etiam plethora laboret.

LXX. Sed ex arteriis minimis in venas minimas sanguinem transire docet injectio, per unum truncum arteriosum replens omnes arterias venasque, facile fere in omni corpore, si liquor aquosus fuerit & fluxilis, facillime in capite, mesenterio, corde, pulmone.

LXXI. Denique microscopium in pellucetium animalium caudis, pedibus, mesenteriiis, extra dubium constituit, sanguinem per arterias ad extrema delatum, vel in continuas reflexæ arteriæ venas, vel per ramos a trunco arterioso in parallelam venam communicantes, transmitti, & per venas ad partem cordi propiorem redire. Fit autem hic transitus tum in minimis unius globuli capacibus venis, tum in paulo majoribus, quas duo globuli perfluunt. Spongia vel parenchyma inter arterias & venas nusquam intercedit : demonstrat microscopium, injectio, quæ materiem in massas informes effunderet, si cellulosa spatia arteriam inter & venam essent.

LXXII.

LXXII. Itaque inter veritates medicas ab omnibus est recepta *circulatio sanguinis*. Omnis nempe sanguis humani corporis per arteriam aortam a cordis sinistro sinu versus extrema convergentium ramorum arteriosorum ducitur: omnis inde in venas minimas transmittitur, hinc in majores, per eas ad venas magnas, cavamque & cor usque redit, idemque iter perenne legit & relegit.

LXXIII. Est tamen, ubi ex adfectu animi, ex subita revulsione per venæ sectionem magna, ex convulsione, sanguis ex arteriis minoribus in majores retrocessit. Est vicissim, ubi ex venosis trunculis super valvulas, obstaculo nato, sanguis in extremos ramulos relabi visus est. Sed hæc brevia plerumque sunt, & in naturale iter cito redeunt. In abdomine & vena portarum putes frequentiora esse mala.

LXXIV. In vasis lymphaticis valvulosis, venosis, itineris naturam ligatura demonstrat, & valvulæ. Omne enim vas lymphaticum ligatum, tumet inter minores radículas suas & thoracicum ductum, detumescit inter eum ductum & vinculum. Valvulæ omnes, similes venosis, iter liberum ad thoracicum ductum permittunt flatui, argento vivo; contrario itineri, & sæpe pertinaciter, resistunt, etsi nonnunquam in cadavere cesserunt.

LXXV. Vapor, quo cellulosæ telæ madent, halitus abdominalis aliorumque ventrium, ex venis minoribus ad rubras ita vehuntur, ut ad cor liquores suos remittant. Hinc sub vena con-

E
pressa,

pressa, ligata, œdema fit, stagnans nempe intercepto itinere vapor. In reliquis minoribus vasis experimenta fieri nequeunt, sed consentit ratio & analogia; & de fluido, ex intestinis, ex vesiculis pulmonis, ex cute resorbto, experimenta suis locis adferentur.

LXXVI. Omnes ergo in corpore humano liquores ex corde in aortam expelluntur, omnes inde per venas minimas ad cor redeunt, iis exceptis, qui extra corporis cavitatem exhalant, aut excernuntur. Supereſt, ut via inveniatur, qua sanguis ex dextro corde in sinistrum veniat; sed ea via supponit cordis & vasorum pulmonis historiam.

C A P. IV.

C O R.

LXXVII. Thoracis fabrica, ossibus & cartilaginibus structa, in universum conum truncatum refert, ut alibi dicetur. Hujus coni laterales partes sunt duo sacci membranei, superne obtuso fine super primam costam terminati: vicini ibi & cellulosa aliqua unice distincti. Obliquitas vero ea est, ut faccus dexter latior sit, & ad medium sternum adhæreat, descendendo vero sinistrorsum inclinetur, & a margine ipso sterni veniat; sinister non ex sternum, sed ex cartilaginibus costarum descendat. Utriusque sacci internæ sibi que oppositæ laminæ sunt, quod vocant anatomici *mediastini*.

mini.

num. Hi facci nusquam communicant, & potest dexter aperiri, ejusque pulmo destrui, sinistro illæso. Membrana vero, quæ hos faccos facit, simplex, densa, extus cincta cellulosa tela, *pleura* vocatur, peritonæo durior, maxime ad dorsum, antèrius mollior, sensu proprio destituta. Mediastini cavitas, sive intervallum facci dextri finistrique, superne latius, neque inferius nullum, thymum continet, glandulas conglobatas, adipem, vasa, & in morbis pus.

LXXVIII. Inferius iidem facci divergendo a se invicem recedunt, medianque in omni dimensione relinquunt cavitatem, quæ faccos separat. Ea cavitas pericardium est. Sed facci pleuræ ad latera pericardii, & ante idem & pone descendendo, ultimo in septo transverso terminantur, ad quintam sextamve costam; & in eo basin suam oblique truncatam habent, ut ea basis antèrius brevis, retrorsum longius descendat, eademque sursum cava sit. In his faccis pulmones sunt. Posterius iidem facci teneriores sibi vicini pariter cellulosa fabrica separantur, quæ in pericardio terminatur, & arteriam quodammodo magnam, & certius asperam & œsophagum continet. Hoc est *posterius mediastinum*. Triangulæ productiones utriusque laminæ mediastini faciunt ligamenta pulmonis, unum utrinque.

LXXIX. *Pericardium*, sive faccus tertius, quem cellulosa primo, deinde adplicata pleura ubique, tamquam exterior lamina, laxè circumdat, exigua quidem parte sternum contingit,

cum pulmo repletus antèrius etiam pene totum cor operiat, seque ſterno & pericardio inferius interponat, & mediſtinum ſenſim ſiniſtrorſum divergendo, anguſtum omnino intervallum, ſub thymi ſine inferiori habeat, ad cuius utrumque latus ipſi pulmones ſequuntur, qui quidem ſitus corrumpitur, ni cautus ſis in eo modo, quo thorax aperitur. Baſin pericardium habet latam, ſubrotundam, quæ ſepto tranſverſo tendineo, minorique parte in ſiniſtro latere ad quintam ſextamve coſtam carneo, laxiori in junioribus, ſtrictiſſima in adultis, cellulosa tela adnaſcitur, & ad dextram latior eſt, ſiniſtrorſum gracileſcit. Corde aliquanto majus eſt, ut libere moveatur. Numquam certo deſuit.

LXXX. Surſum pericardium ſenſim anguſtatur, & ſupra cor in adpendicem conicam, obtuſam, abit, quæ in magnorum vaſorum tunicas ad partem pene ſupremam ſterni adhæret, primum ad inferiorem ramum venæ pulmonalis ſuperioris dextræ; tunc ad venam cavam; hinc ad aortam, ad cuius acceſſionem altior eſt; deinde ad eandem deorſum, & in ductum arterioſum; hinc in ramum ſiniſtrum arteriæ pulmonalis; demum ad utrumque ramum venæ pulmonalis ſiniſtræ ſuperioris. Poſterius iterum ad venam pulmonalem dextram adnaſcitur; tunc ad ſiniſtrum ſinum, & ad utramque venam pulmonalem ſiniſtram, & ad auriculam ejus lateris; tum longe a vena pulmonali ad cavam inferiorem uſque; tum ad ſinuum ſeptum; tum ad cavam inferiorem;

rem; præterea ad arteriam pulmonalem, ejus ramum dextrum, aortam sub magnorum ramorum origine, ut cylindrica productione utramque arteriam amplectatur, hinc inter duo vicina quæque instar septi adpareat. Sic etiam venam cavam superiorem anulo continet, libereque cavea posterior pericardii & anterior inter eam venam & aortam continuatur. Similis ambit inferiorem. Sed ea vagina, quæ vasis circumponitur, exigua longitudine naturam conservat, & continuo cum ipsis magnis vasis, quibus ibi pro externa tunica est, ad cor redit; cellulofam vero fabricam in pulmonem vaginæ modo, cum vasis magnis arteriosis & venosis mittit.

LXXXI. Pericardii arteriæ sunt a thymicis, a comitibus phrenici nervi supernis & infimis, a phrenicis majoribus, a mammariæ ramis mediastinis, a bronchialibus, ab œsophageis, a mediastinis posterioribus, a coronariis, quæ cum bronchialibus aliisque inosculantur. Venarum trunci similes sunt, sed evidentioribus a dextris in sinistras anastomosibus. Nervi, a cardiacis superficialibus.

LXXXII. Valida membrana est, quæ pericardium proprie efficit, alba, stipata, aorta ipsa robustior, per cujus crassitiem nervi cordis & vascula descendunt. Exteriorem superficiem cellulosa circumposita subasperam facit, interna, quæ cordi respondet, levissima est, & aquoso halitu undique irroratur. Is halitus, in vivo animalis perpetuo mihi visus, parcam, sed aliquam, constituit

constituit aquam pericardii limpidam vel subflavam, subrubellam, subviscidam, quam non bene negant aliqui, morbi vero in inmenſum nonnunquam augent. Natura hujus aquæ lymphatica eſt, cum ad ignem in gelatinam ſpiſſeſcat inque villos & cellulofam pariter naturam in morbis cogatur, miſta cum viſcore, qui undique de corde & de pericardio exſudat. Abſque glandulis ullis porifve viſui conſpicuis ex arteriis exhalantibus cordis, pericardii, aurium excernitur. Demonſtrat exſudans aqua, gluten, injectum arteriis magnis.

LXXXIII. Utilitas pericardii eſt, vaporem & cor continere, ut firmitatem habeat, ad quam, tamquam fulcimentum, motum fibras adducat, neque vaſa magna in motu diſtrahat, neque in corporis variato ſitu pendulum fluctuet. Omnibus ideo datum eſt animalibus, quibus cor verum eſt. Aquoſus vapor irrorat cor calidiſſimum, rapidiſſime motum; friktionem, & cohæſionem cum pericardio inſedit. Siccato vapore, idem pericardium adhæret cordi, aut in aliquo loco, aut ubique, ut nullum eſſe videatur.

LXXXIV. Cor NATURA pleriſque animalibus dedit, infectis etiam multis, vermibusque; negavit aliis, & ſimpliciſſimis quidem animalium, quotquot toto ſuo corpore irritabilia ſunt, etiam grandibus, ut holothurio hydræ. Iſdem animalibus, quibus nullum cor eſt, neque vaſa data ſunt.

LXXXV. Venæ, quæ ab univerſo corpore ad cor ſanguinem revehunt, duæ ſunt, ſi a pulmonalibus

nalibus recedas. *Cavam* vocant anatomici, sed truncus aut nunquam unus est, aut brevissime. Earum magnarum venarum inferior, major, in homine, statim supra diaphragma, dextro quidem pariete adscendit, paulum dextrorsum gibba, ut superiorem cavam contingat, eademque ex parte posteriori faciat septum medium inter hunc dextrum & sinistram sinum. Sinistra vero pars tubi degenerat in aurem dextram, cujus fibræ cum cavæ venæ fibris continuantur. Idem de superiori cava verum est.

LXXXVI. Ita nascitur cavitas, cujus dexter limes liber, convexus, factus est ex concursu duarum venarum cavarum, plenus fibris carneis inter duas membranas simplices varie intextis. Sed eadem cavitas antè, sinisterius, secundum perpendiculum oblonga, pene ovalis, antèrsum dilatatur, & sursum denique in cæcum finem acutum, a corde liberum, arteriæ magnæ incumbentem terminatur. Ea cavitas undique, inter externam cordis membranam & tenerriam internam, fibras copiosissimas habet, carneas, liberas, pene parallelas, ut tamen oblique se fecerint, quæ & a dextro limite totius cavitatis, & a sinistro ortæ, in arcuum parallelorum speciem, circa anteriorem semicylindrum ejus cavitatis, circumducuntur, etiam ramosi. Eos arcus musculosos minimæ obliquæ fibræ connectunt. Hæc pars anterior, lacertosa, *aureis*, dextra vero & posterior *sinus* vocatur, levis ista secundum auricularum septum, tum inter anulum

lum ovalem & cordis ostium ad venæ cavæ sinistra. In adpendice tres fere majores musculi sunt; anterior, posterior, inferior.

LXXXVII. In septo, quod duas auriculas separat, sedes inter duas venas cavas media pene ad vestigii modum sinistrorsum deprimitur, magis superius, inferius minus, eaque sede septum est quam tenuissimum. *Fossam* dixero *ovalem*. Ejus latera columna utrinque carnosæ tenet, quorum concursu arcus sursum convexus efficitur, cujus fibræ carneæ in arcum circumducuntur, imæ vero radices tenuiores ad se invicem recurvantur: *anulum* dico *ovalem*, isthmum alii.

LXXXVIII. Ubi cava vena inferior in aurem dextram hiat, a columna tumida foraminis ovalis sinistra, oritur lunata membrana secundum naturam integra, ob teneritudinem nonnunquam in adultis reticulata, quæ circa limitem inferiorem auriculæ circumducta, perpetuo gracilescens, dum dextrorsum redit incurva, fere dimidium auris ambitum circumscribit, & a vena cava aurem tamquam septum separat; *valvulam* vocant EUSTACHII. Ovale foramen alibi dicitur.

LXXXIX. Sanguis duarum venarum cavarum in hoc, ex sinu & aure compositum, unum tamen cordis *atrium* confluit, vi, quæ, in utraque ea vena, musculosa est. Quam longe utraque pectore continetur, fortes & irritabiles musculosas fibras est nacta, quarum constrictione sanguis in auriculam vicinam inpellitur.

XC. Pariter & auricula irritata undique arctatur. Et primum constrictis musculosis lacertis auris, semicylindrus auris anterior ad planitiem reducitur, dum ad anteriorem terminum sive initium cordis, & ad posteriorem sive finem, contractæ, medium arcum retrorsum ducunt: Deinde auriculæ adpendix descendit, & una transversim contrahitur, dum pars infima adscendit; ita auricula brevior fit: Demum etiam limes sinister ad dextrum evidentius, iste ad sinistrum aliquantum accedit; ita auricula angustior redditur. Ita sanguis in cordis ostium, liberum nunc, per valvularum patentem rimam cunei similis ita inpellitur, ut valvularum dextri cordis ventriculi plana undique ad cordis parietes adplicentur. Ne in inferiorem cavam redeat sanguis contracta aure, & succedens sanguis ex abdomine & valvula EUSTACHII inpedit: Ne sursum redundet, & sequens unda sanguinis & pondus cavet. Rejicitur utique utrinque, si in pulmone obstaculum fuerit.

XCI. Cor ipsum dimidii coni aliquam speciem habet. Sectio coni per axin ducta, conumque bipartiens, triangularis fere sed sine obtuso, fere bifido, incumbit septo transverso, ad ejus formam conplanata, & ab eo sustinetur. Coni vero superficies convexa, in pericardio sub magnis vasis ita inclinatur, ut crassior semicircularis curvitas sit in superiori & sinisteriori termino, qui *margo obtusus* recentioribus: inferius, antea eadem in aciem quamdam extenuetur, sive *acu-*

tum marginem. Mucro paulum antrorsum dirigitur. Hic situs est in homine; in brutis enim cor pene parallelum axi pectoris majori, apice unice septum contingit.

XCII. Cor totum cavum est, & *ventriculum* quidem *anteriorem*, olim *dextrum*, habet auriculæ dextræ sinique, ut vocant, conterminum, latum, similem quartæ partis coni, minus quam sinister longum, cæterum ampliorem, qui ad bifurcati apicis breviorē mucronem finitur. Ostium hujus ventriculi, quo ad aurem aperitur, ellipticum, albo, non tendineo adeo, quam calloso & glutinoso margine, terminatur, cui fibrarum & carnearum stratum incumbit, & extus pinguedo.

XCIII. Ab eo margine porrigitur intra cor anulus membraneus, ex duplicata membrana interna auris productus, in ventriculum fluitans, hætenus continuus. Sed ille idem anulus parte ea, quæ in ventriculo natat, in tres partes inæquales trapezias, ita finditur, ut aliquo modo possis & *valvulas* vocare, & tres numerare, quæ tamen sunt unius anuli, unice hic latioris, partes continuæ. Hæ *triglochines* dictæ sunt veteribus.

XCIV. Earum valvularum facies, quæ cordis parietem respicit, tendineis fibris roboratur, quæ eundo collectæ, firmissimis funiculis aliquot ordinibus sibi incumbentibus, implantantur partim in cordis parietes, partim in musculos papillares, vel cylindricos, ex parte ventriculi dextri sinistra dextrorsum adfurgentes, etiam bifidos, trifidos, aut ramosos.

ramofos. Maximus est, qui majori valvulæ respondet, quæ eadem superior est, & respondet vicino ostio pulmonalis arteriæ : Media septo cordis. Minima valvula inferior est, & acuti marginis anterior.

XCIV. Hujus valvulæ utilitas absque obscuritate est. Contracta aure dextra (XC.), sanguis retentus in atrio cordis dextro, in finem liberum auriculæ, cordis nempe ostium compulfus, pendulas portiones anuli, quas valvulas vocant, instar cunei separat & parietibus adprimit. Ita repletur cordis dexter ventriculus, & una valvula superior (XCIV.) obturat arteriam pulmonalem, ne sanguis debili impetu auriculæ in eam arteriam subeat, sed corde prius receptus, valida inde contractione violentius in arteriam expellatur.

XCVI. Hoc sanguine copioso, calente, gravi, irritatur cordis sentiens caro, & ad constrictionem sollicitatur. Irritatum enim cor contrahi in moriente, in mortuo, demonstrat impulsæ aqua, aura, quæ cor etiam quiescens, ad motum revocat.

XCVII. Cordis motus peragitur a fibris muscularibus, quarum in universum origines sunt ab anulis cellulosa firma tela factis, qualem descripsi XCII. & quales omnia vasa majora cordis circumdant. Inde ortæ fibræ obliquo ductu lente descendunt, sinistrorsum, ad apicem, stratis multis & subinde se paulum decussantibus, quorum media magis transversa sunt, extima & intima rectius descendunt. In plana facie cordis

(XCI.) paucæ sunt, & ita tenues, ut post pinguedinem fere nuda cavea sequatur. Ventriculum, qui sinister dicitur, firmissimæ circumdant, & in septo cum fibris dextris leniter decussatæ intrincantur. Earum fibrarum multæ, dum versus apicem properant, deflexæ in cordis caveas descendunt, & in retis modum intricatæ etiam repetito, foveas intercipiunt inter carneos lacertos latentes carnes illas faciunt, quas dixi ad XCIV. Aliæ ad apicem in vorticis speciem circumductæ, bicornes ventriculos firmo glomere terminant. Et externam superficiem & internam fibrarum tenuis & levissima membrana obducit; externæ vero maxime circa vasorum coronariorum ductum plurimus adeps subest. Nihil ego ultra fatis distincte in humano corde vidi, cum hæc propria cordis fibris sit indoles, ut ramosis adpendicibus inter se conjunctæ, nunquam possint absque laceratione separari.

XCVIII. Magni vero viri, quorum & industriam & candorem veneror, fibras istas evolutas & descriptas dederunt. Fibræ nempe cordis externæ utrique ventriculo communes descendunt ad mucronem, & in itinere aliæ in septum se defigunt, aliæ ad mucronem perforant ventriculum sinistrum, atque revolutæ contrario ductu ad basin redeunt, per interiorem ejus ventriculi superficiem. Mediæ vero inter intimas modo dictas & extimas, etiam descriptas, aliæ sunt, quæ varie inclinatæ, versus basin magis transversæ septum constituunt. Alii etiam viri multorum ordinum, quorum

quorum extremi intimorum contrarii, intermedii transversi sint, icones & historias dederunt. Quæ, uti non maxime a meis observationibus differunt, minime negare sustineo, etsi nunquam satis manifesto vidi, novique magnos anatomicos nihilo feliciores fuisse.

XCIX. His fibris sui sunt, ut reliquis musculis, nervi, multiplices, & variæ originis. Primi, supremi, in latere sinistro a nervi intercostalis ganglio cervicali supremo. Cum eo conveniunt alii ex plexu pharyngeo nervorum mollium, ex eo ganglio natorum, & ex glossopharyngeo misti; alii ex trunco nervi intercostalis accedunt; & alii a medio ganglio insidente recto musculo circa transitum thyreoideæ arteriæ, quod & ex supremo isto nervo ramos habet, & a trunco intercostali, & a phrenico; alii a recurrenste octavi paris. Ex his fontibus nati cordis nervi, in plexum intricati, partim ante magnam arteriam, in qua sequentes se admiscunt; partim, variis prius minoribus plexibus factis, inter asperam arteriam & magnas illas ex corde euntes arterias, plexum faciunt, unum aut plures, ex nervis dextri & sinistri lateris conjunctos, aliquando tamen etiam distinctos. Ab eo plexu, plexibusve, rami alii inter aortam atque pulmonalem arteriam ad cordis dextram arteriam adveniunt; alii trans arteriam pulmonalem, inter eam & aurem ejus lateris, ad coronariam sinistram eunt; alii pone arteriam pulmonalem ad eam coronariam; alii denique pone arteriam pulmonalem dextram ad sinum

num finistrum & cordis faciem planam profundissimi descendunt. Ad eum, quem dixi plexum, alii majores nervi accedunt, & a cervicali quinto, & ab inferioribus, & aliquando a phrenico nervo, & a ganglio cervicali infimo nervi intercostalis orti, cui maximæ radices a cervicalibus imis nervis accedunt. Hi majores, mollissimi, transversi, partim miscentur priori plexui, partim ad pulmonem veniunt. Denique ab octavo pare, & recurrente, ad plexum cardiacum ramuli aliqui incerto loco & numero accedunt, varie inosculati cum intercostalibus, & cum octavo confusi. Quos clari viri a plexu magno abdominis per foramen venæ cavæ ad cor adscendere viderunt, eos utique nondum vidi, etsi diaphragmaticos eo loco ortos, neque ab iis viris memoratos, etiam ganglia propria habentes, facile sit detegere.

C. Hos nervos ad movendum cor plurimum facere, suadent clari viri ex considerata communi natura muscutorum, motu cordis ab irritatis nervis octavi paris, aut cerebro, aut spinali medulla aucto, languore a ligatis nervis, plerumque vel subito funesto, vel certe post aliquot dies, etiam si exiguam nervorum partem vincere liceat, cum intercostales, & magis adhuc a ganglio thoracico supremo ortos, vincere non detur.

CI. Aliquid tamen aliud subesse causæ, ostendit cordis motus ab omni nervorum irritatione in vivo animali inperturbatus, a capitis, etiam cerebelli, & medullæ spinalis maximis vulneribus superstes,

superstes, etiam in corde de pectore evulso, in animalibus potissimum, quibus pulmo inmeabilis cordis viribus non resistit; ipsa porro cordis in fetu ante confirmatum cerebrum vis vividissima, inque animalibus capite carentibus. Et omnia experimenta consentiunt, cor etiam absque sensu moribundi & mortui demum animalis irritatum fotu, vapore, frigida, veneno, & inprimis impulsio flatu, aqueo liquido, cera, sanguine, excitata scintilla electrica, continuo contrahi, & fibras omnes in motum cieri rapidum, vehementem, modo toti cordi communem, modo alicui particulæ proprium.

CII. Ita vero penitus insidet cordis fibris impatientia stimuli, ut etiam in emortuo pene viscere diversis locis ex punctis quasi radiantibus rugæ motusque in viciniam propagari adpareant; deinde evulsum cor, & frigans, conpunctum, inflatum, laceffitum, se constringat, & fibræ dissecti cordis orbiculatim se corrugent, nullo nunc nervo, nulla arteria cordi subpetias ferente. Eaque vis irritabilis major & diuturnior cordi, quam ulli alteri corporis parti insidet, ut possit ad motum eo tempore laceffendo revocari, quo nullus alius musculus revocari potest. Fetus cor magis irritabile est & grandius, & sui motus etiam in frigore tenacissimum. Is motus est *insitus*, nec a cerebro advenit, nec ab anima, cum in mortuo animali, cum in corde de pectore avulso supersit, neque a voluntate aut incitari possit aut tardari.

CIII.

CIII. Ergo ab impulso sanguine venoso cor stimulatum contrahitur. Contractio ista convulsiva, summa celeritate, cum manifesta fibrarum corrugatione fit, & cor totum brevius, crassius, durius redditur, & ventriculus sinister modice, dexter magis ad septum cordis accedit, & basis aliquantum ad apicem, manifestius vero apex ad basin accedit, quod in vivis brutis dissectis certa fide crebro vidi, ut aliquid fraudi fuisse oporteat clarif. viris, qui cor in contractione longius fieri adfirmaverunt. Expallefcere autem in animalibus calidi sanguinis non videtur. Etiam septum cordis brevius redditur, & se ad basin colligit. Ea actione intumescunt introrsum carnes cordis, atque, uti digitum inmissum conprimunt, ita sanguinem. Accurate vero satis cor evacuari demonstrat & eventus, pallor in animalibus evidens quibus cor album est, ranis, pullis gallinaeis, & monticulis plena superficies interna, quæ tubera sulcis undique respondentia habet, & reticulatos, crassos, lacertos fossis interruptos. Cæterum apex paulum ad radii circuli modum antrorsum conversus circa quintam vel sextam costam ferit partem pericardii & thoracis proximam, antrorsum præterea pulsus a sinu venoso sinistro, qui eo inprimis tempore repletur. In expiratione valida satis vehementer sursum & antrorsum adtollitur. Experimento utrumque constat.

CIV. Sanguis, quem cor contractum urget (CIII.) undique quærit effugium. Dum vero a
parietibus

parietibus cordis orta contractio sanguinem ad axin ventriculi conpellit, ea pars sanguinis, quæ inter anulum venosum XCIII. fuit & cordis parietes, urget ante se anulum, et introrsum ejus fines liberos extendit. Sic, dum idem in omni ambitu fit anuli, extenditur iste; sanguinis aliquam partem rejicit in aurem dextram, quæ in conum apertæ valvulæ descenderat, deinde obturat ostium venosum, eo fortius, quo cordis contractio validior est, & procul dubio valvulas, quæ *tricuspidæ* dicuntur, in aurem urgeret revolutas, nisi muscoli papillares (XCIV.) retinerent earum oras, & contractione sua, quæ contractioni cordis eadem est, eas in ea figura firment, in qua & tensi sunt lacertuli innexi valvulis, & tamen non violantur.

CV. Sed idem sanguinis nixus aliam viam sibi aperit. Dum valvula dextra major (XCIV.) ad axin cordis adcedit, a parietibus vero repellitur, deserit id, quod claudebat, ostium pulmonalis arteriæ, & sanguis id aperit, valvulas ipsi arteriæ adpositas ad parietem ejus arteriæ adprimit, in pulmonalem arteriam erumpit.

CVI. Ex parte nempe suprema posteriori ventriculi, qui *dexter* dicitur, via ducit in arteriam, inter carnes cordis productas quasi receptam, celluloso callosoque circulo cum corde valide connexam, quæ sinistrorsum adscendit & retrorsum, & retro arcum aortæ se recipit. Modica est huic arteriæ firmitas, ut aorta multo debilior sit. In interiori vero superficie arteriæ, ex ea parte, quæ

cum corde connectitur, *valvulae semilunares* oriuntur. Harum quaelibet fit duplici arteriæ membrana, ex obtuso, fatis plano arcu, de parte cordi propiori arteriæ sursumeducta; in universum parabolica, margine libero, fluitante. Eum marginem corpusculum callosum, conicum fere, sed ex planis inclinatis compactum, medium plerumque dividit, in ipso nonnunquam fetu, ut, qui margo lunulæ figura alioquin foret, in duas nunc lunulas dividatur. Inter duas membranas valvulæ fibræ aliquæ musculares, vel tendineæ adparent, ex ora & firma radice valvulæ natæ, partim transversæ, quarum aliquæ etiam valvulam ad proximum parietem cordis firmant, relictis nonnunquam intervallis, in reticuli speciem. Aliæ adscendunt ex basi, corpusculo calloso adnatæ; eæ valvulam retrahunt, & sinum aperiunt.

CVII. Earum valvularum quaelibet, cum tumente paulum ibi arteriæ pariete, spatium intercipit ad cor cæcum, sursum apertum, parabolicum, ut de venosis valvulis diximus XLIX. Dum ergo sanguis a corde contracto ad axin ventriculi compulsus, secundum eum axin exit, cunei modo inter valvulas erumpit, earum liberos velares margines contra parietem arteriæ pulmonalis adprimit, liberrime effluit. Demonstrat fabrica, injectio, vinculum, cordis dextri cavæ majores quando pulmo obstructus eas non sivit depleri.

CVIII. In pulmonalem arteriam receptus sanguis porro per pulmonem circulationem obit.

Ea.

Ea arteria primo in duos ramos dividitur; finistrum minorem, brevem, qui pulmonem suum continuo subit; dextrum ampliorem, longiorem, qui retro aortam transverius ad suum pulmonem migrat. Ex utroque, multiplicata ramorum divisione, minimi ramuli oriuntur, quorum pars exhalat aqueum liquorem in cellulas pulmonis, pars in venulas continuatur. Ea enim directione ire sanguinem demonstrat fabrica; ligatura, quæ sanguinem inter cor & pulmonem coercendo arteriam dilatat; polypi, a quibus obstructo ostio arteriæ pulmonalis, cor dextrum enormiter intumescit, & denique rumpitur, dum finistrum inane manet; injectio, quæ aquam, gelatinam, lac facillime ex arteria pulmonali in venam inque cor finistrum urget. Anastomoses vero arteriarum cum venis ipsas, in ranis microscopium demonstrat.

CIX. Neque relabi potest in cor is sanguis, qui semel arteriam pulmonalem subiit. Valvulæ enim (CVI.) eas mensuras habent, ut explicatæ perfecte claudant ostium cordis; & ita firmæ sunt, ut longe majori nixu, quam est arteriæ pulmonalis contractio, nequeant superari. Uti-que tamen a magno nixu contractæ arteriæ callescunt nonnunquam, aut laceratur altera membrana, & ossea materies in duplicaturam valvularum effunditur. Dum nempe sanguis a contracta arteria versus cor retrogreditur, offendit aperta ostia spatiorum velarium CVII., ea subit, expandit valvulas, & cogit ad medium axin accedere,

dere, quæ, ubi expansæ sunt, ostium claudunt, ut ne rima superfit, nam & eam corpuscula illa dura CVI. abolent.

CX. *Venæ pulmonales*, alibi uberius dicendæ, colliguntur in ramos, in truncos denique *quatuor*, raro duos, etiam rarius quinos, quorum loco mos invaluit, ut unicam pulmonis venam nominent. Ii trunci pericardii, a quo vaginam accipiunt, caveam fubeunt; & inferuntur angulis quadrati *sinus sinistri*, sive *posterioris*, quem etiam pulmonalem vocant. Superiores venæ descendunt, adscendunt inferiores. Venas autem istas sanguinem suum in ea directione ferre, quæ ad sinum ducit, ligatura demonstravit, qua vena inter vinculum & pulmonem retento sanguine turgida facta est.

CXI. Sinus iste sinister pene cubicus variis fibrarum fasciculis inter duas membranas decurrentibus, firmiter compositus, ad dextra, anteriora, communem habet cum dextro sinu parietem (LXXXVI.), ad anteriorem vero terminum & sinistrum, in adpendicem abit conicam, processibus crenatam & cristatam, quæ bis, terve, in serpentem flexa, ventriculo sinistro incumbit, *auris sinistra* nomine, mucrone antrorsum eminente. Ejus fibræ, ut in dextra auricula, aliæ in arcum flexæ aurem adstringunt, aliæ ab origine adpendicis deductæ, in apicem insertæ, eam depri-munt. Sinus iste una cum aure sua, dextra aure paulo minor est.

CXII.

CXII. In hoc sinu sanguis expectat cordis relaxationem, cum qua, sanguinis nixus valvulas venosas inpellens, & nixu sinus fortior, remittit. Tunc sinister sinus antrorsum contra cor se explanat, & una transversim arctatur, & adpendix manifesto arctior fit & brevior. Ita atrium sinistrum sanguinem ea ratione in cordis sinistrum ventriculum inpellit, uti auris dextra in suum thalamum eam undam inpulit (XCV). Nam similis ibi *anulus* valvulosus, ovalis, membranaceus, similes habet productiones, quas *valvulas* vocant *mitrales*; & pro duabus numerare solent. Longiores etiam sunt, & robustiores dextris. Earum perinde carnei sunt muscoli, cuique suus & unicus, sed multo valentior; frequentius vero, quam in dextris valvulis, ex summo nixu cordis confricata valvula passim tumoribus cartilagineis in principio tendineorum funiculorum abundat.

CXIII. Ergo in sinistrum ventriculum sanguis venit, quem cavæ venæ in dextram aurem miserant (LXXXIX.) hæc infuderat ventriculo cognomini (XCV.) is in pulmonalem arteriam inpulerat (CV.) qui, ex ea in venas pulmonales receptus, convectus fuerat in sinum sinistrum (CX.) indeque in ventriculum sinistrum pulsus est (CXII.) Hæc est minor circulatio, multis nota veterum (LXII.) Confirmant eam sinistrarum venarum pulmonalium, vaforum etiam dextrarum cavearum cordis aucta amplitudo ex obstructo ostio ventriculi sinistri.

CXIV.

CXIV. *Sinister ventriculus*, vel posterior, vel superior, primigenius, inque plurimis animalibus solus, cordis semiconici eam partem occupat, quam obtusam esse dixi (XCI.) Angustior dextro est, & longior paulo, & teretior, minori in unversum cavea. Capacitas enim fere duarum unciarum est, dextri ad tres usque. Fabrica intus reticulata similis est, subtilior tamen, & perinde sub ostio arterioso levis; vis major, quod ipse carnem multo validiorem circumpositam habeat, pene triplo. Septum cordis majori parte ad sinistrum, aliqua ad dextrum ventriculum pertinet, totum pariter reticulatum, solidum tamen, neque injectum liquorem ex altero ventriculo in alterum transmissurum.

CXV. Et ipse sinister ventriculus, laceffit ab impulso sanguine, ex eadem natura irritabili, de qua superius (CII.) verba feci, contrahitur, & vehementi motu sanguinem suum ad axin compellit, & ad basin, dum conus cordis ad basin accedit. Idemque cum sit valvularum adparatus, sanguis venosum quidem anulum expandit, dextram vero valvulæ productionem ab ostio, quod claudebat, aortæ arteriæ removet, hoc ostium sibi aperit, valvulas semilunares in eo ostio positas contra parietes aortæ adprimit, in eam arteriam exit, vehementissimo impetu. Ostendit oculus in vivo animali, ventriculi sinistri amplitudo aucta, quando aortæ ostium inpeditur.

CXVI. Nihil valde a valvulis pulmonalis arteriæ differunt aorticæ. Unice, ut osculum majus,

jus, ita & ipsæ majores, & fortiores sunt, & rarius destituuntur globulis illis callofis. Fibræ etiam valvularum tum transversales, tum ascendentes, paulo magis conspicuæ sunt.

CXVII. Post contractionem cordis sequitur ejus remissio sive diastole : inane nempe, laxum, & molle longitudinem priorem recuperat, & ventriculi a septo recedunt, & ab apice basis. Sed cum præsto sit ante eos undique expectans sanguis in auriculis, ille per valvularum venosarum intervalla irruens parietes obpositos dimovet, & cor una & amplius, & longius undique efficit. Sed etiam postquam auriculæ sanguine recepto se liberarunt, laxantur eadem, & parietes obpositi a se invicem relabuntur. Easdem aures sanguis in venas cavas aut pulmonales collectus, his venis contractis replet, & aures pariter ut ventriculos, undique & longas, & latas & crassas reddit, & denticulos ipsos cristati marginis distendit & explicat. Fibras in corde esse dilatantes repugnat conjunctioni fibrarum, quæ per ramos medios colligatæ non possunt seorsim moveri ; & incisionibus vivorum animalium, quæ totum cor una constringi ostendunt.

CXVIII. Considerandum vero est hos motus auris dextræ, sinistræ, ventriculi dextri & sinistri non ea successione fieri, secundum quam, ordinis gratia, eos motus descripsi. Aures enim utique contrahuntur dum ventriculi laxantur, atque aurium contractio præcedit ventriculorum contractionem, manifesto experimento in moribundis,

bundis, inque animalibus, quibus sanguis friget. Sed una utraque auris repletur primo momento, una evacuatur utraque secundo, uterque ventriculus contrahitur tertio, sed quod idem primo est, & uterque evacuatus remittitur quarto, quod idem est secundo. Qui alia docuerunt, non satis magnum experimentorum in vivis animalibus fructum ceperunt. Auriculam ante mortem crebro palpitare, antequam vel semel cor contractionem perficiat, & pergere dextræ motum, quando sinistra quievit, utique certum est. Auricula cum sinu unum saccum efficit, & uno repletur tempore, uno inanitur.

CXIX. Sed quæri potest, quare cor indefesso motu, tot in vita annis, tot in anno diebus, in hora denique pulsibus, qui in sano homine non multo pauciores sunt quam 5000, contrahatur, nunquam ferietur, sed repletioni contractio, huic nova repletio succedat in æternum firmo ordine, neque unquam a tanto labore, quem nullus alius musculus vel paucis horis ferat, lassetur aut doleat. Varii respondebunt varia, desumpta a nervis inter arterias magnas compressis, de arteriis coronariis alterne cum corde repletis, &c.

CXX. Sed summa mihi videtur naturæ simplicitas. Repletur auris, quando laxa est, vi musculosa venæ proximæ: ita cor pariter contrahitur, quando a sanguine per aurem in vesiclo irritatur. Ergo idem, ubi sanguinem accepit, vi irritabili, & stimulo, quo fibræ in contractionem aguntur, constringitur, sanguine se evacuat,

cuat, idemque stimulo liberum quiescit atque relaxatur. Sed nunc laxum, ab auricula, quam par stimulus sanguinis venosi irritat, contracta repletur, cum perennis actio cordis & arteriarum, ad aurem continuo sanguinem adpellat. Ita se habere demonstrat observatio, quæ successionem repletionis & contractionis in vena, aure, corde, arteria facile in debiliore animali distinguit; evidentius vero in iis animalibus, quibus unicus ventriculus est, testudine, rana, serpente, piscibus, pullo in ovo contento, cui pro corde curvus unice canalis adest. Porro hæc confirmat cordis quies a ligatis venis, cordis motus a solutis, si hæc phænomena satis firma sunt; certius autem ab impulsu flatu, liquore, cordis ranæ circa bullam aeream inflatam perpetua contractio, quam alterne multis horis mittit in aurem, & alterne recipit. Quiescit primus sinister ventriculus, tunc auris ejus lateris, inde dexter ventriculus, tunc dextra auricula, postea venæ pulmonales & cavæ. Quem cavæ venæ motum tribuunt, is auri debetur, repellenti in utranque venam cavam sanguinem, quem cor emortuum non recipit.

CXXI. Neque quidquam ultra requiri credo, præter perpetuum stimulum ad particulam summe irritabilem adplicatum. Nam etiam sub ipsam mortem ipsum frigus artuum, quos calida vita relinquit, venas constringit, & sanguinem cordi submittit, quo tempore pulmo ex respirationis defectu immeabilis sanguinem ad fini-

stras caveas nullum transmittit. Et contra cor rite inanitum quiescit. Ita fieri potest, ut pro vena cava aureque dextra, ultimi viventis prærogativa ad aurem & cor sinistri lateris transferatur, si facias ut dextræ caveæ inanes sint, sinistræ a sanguine irritentur. Si enim a nervorum compressione quietem cordis derivaveris, repugnant auriculæ, quarum nervi non conprimuntur, exemplo piscium & pulli gallinacei, ubi nulla nervorum compressio locum habet. Si ab arteriis coronariis repetieris, experimentum contrarium est, cum valvulis aortæ non tegantur, & ex arteriis coronariis sectis tempore systoles cordis sanguis altius exsiliat.

CXXII. Neque cum cordis viribus conjungo oscillationem vasorum minimorum, quam experimenta refutant: neque vis caloris externi, cum in summo septentrionis rigore animalia vivant vigeantque: & arteriæ vis contractilis & pondus partium & atmosphæræ adjuvat sanguinem in cordis diastole: sed eadem resistit in systole, ut nihilo majori compendio per contractiles arterias sanguis promoveatur, quam quidem per arterias rigidas animalium minutiorum.

CXXIII. Quæ vero celeritate, & quo impetu sanguinem cor promoveat, varie disputatum est. Recentiores scriptores calculum ita posuerunt, ut pro celeritate quidem definienda admitterent, ex ventriculis cordis prodire uncias duas, ea celeritate, ut pulsus pars, quæ dicitur systole, intra tertiam partem pulsus totius, sive intra $\frac{1}{2\frac{1}{2}3}$ minuti

minuti primi perficeretur, aream autem ostii aortæ æstimaverunt ut o". 4187. Ita dividendo spatium, quod a duabus unciis sanguinis repletur, 3. 318. poll. per aream ostii aortæ, hunc numerum, nempe longitudinem aortæ cylindricæ, quam replent duæ sanguinis uncia, $= 7 \frac{29309}{33180}$ pollicis, multiplicando per 225. sive numerum pulsuum, invenerunt pedes 149. & 2. unc. dec. pro spatio quod intra minutum primum sanguis percurreret, si ea velocitate pergeret, qua ex corde expulsus est, & per arteriam cylindricam fluere. Pondus vero sanguinis, quod cordi incumbit, æstimarunt ex saltu, quo ex arteria majori sanguis in vivo animali prodit, ad 7 pedes, decimas quinque, & ex areæ ventriculi, 15 unciarum, ratione. Sic prodeunt 1350 uncia cubicæ sanguinis, sive libræ 51. & 5. uncia, quæ contra ventriculum cordis contracti nituntur. Ea ergo velocitate cor 51. l. projicit, qua intra minutum primum 149 pedes percurrant; idque 4800ies intra horam.

CXXIV. Etsi multa hic subsunt, neque confecta, neque forte extricanda unquam; etsi aortæ ostium distentum in vivo amplius est, incerta sit mensura areæ ventriculi, neque saltus satis forte altus, si cogitaveris ex minutissimis arteriis sanguinem vehementer in vivo animali erumpere, etsi denique non possit facile confici, quantum partem totius pulsus systole cordis sibi summat, a quo tamen numero mutato maxime calculus omnis mutatur; interim adparet validam

esse machinam, quam cor vocamus. Consentit experimentum, quo demonstratur, difficillime injectione anatomica repleri vasa omnia rubra, minora omnia replere impossibile esse, & tamen cor sanguine impulsio non solum lente distendere vasa omnia majora, minora, minima, sed magna præterea celeritate sanguinem promovere. Et in minimas arteriolas cor sanguinem urget, ut etiam subsultus ejus alterni percipiantur; & in venas, & demum in vasa minora, cum in frigidis animalibus, inque insecto ovo contento, nulla præterea potentia sit, quæ cor per id vasorum genus promoveat: & ex minimis arteriis saltum aliquot pedum & parabolam descriptam vidi, cujus altitudo esset quatuor pedum, amplitudo vero projectionis ad septem pedes; & ex aorta testes sunt, qui viderint ad duodecim pedes sanguinem exsiluisse.

CXXV. Deinde, ut vim cordis in vivis animalibus æstimemus, cogitandum est, quantæ sint resistentiæ, quas cor superat: æstimandum enorme pondus sanguinis totius, quinquaginta & ultra forte librarum, id enim totum, ubi quievit, in motum facile cor solum reducit, exemplo eorum, qui in deliquium animi inciderunt, aut ex aquis sunt revocati. Porro considerandum est maximum decrementum velocitatis, quod a majori lumine ramorum oritur, & omnino vel in intestinis videtur ad 24tam vel 30am potentiam rationis $\frac{3}{2}$ æstimari posse. Et tamen celeriter moventur per minima vasa liquores, argu-
mento

gumento perspirabilis Sanctoriani, quod valde velociter fumi modo adscendere vidi in subterraneis cuniculis, & sanguinis in piscibus moti. Cumque frictiones in omni machina maximam partem virium consumant, in humano corpore, ubi liquidum longe aqua viscosius fluit, in adeo angustis canalibus, quos singuli globuli, & ne sic quidem absque mutata figura, perfluunt, frictionem maximam retardationem facere, facile intelligitur, magnam ergo vim esse, quæ tantam molem, per resistentias & virium decrementa promoveat. Sed etiam aneurysmata, & arteriæ vi cordis ruptæ, & pondera maxima una cum corpore humano per cordis systolen elevata.

CXXVI. Sanguis in aortam impulsus offendit arteriarum coronariarum duo oscula, vicina aorticis valvulis, sed superiora, neque ab iis valvulis tegenda: in ea omnium primo irruit; sic cor sibi ipsi sanguinem suppeditat. Hæ arteriæ fere semper duæ sunt, & ex corde angulo prodeunt cum trunco obtuso, quarum *dextra* inter aortam & arteriam pulmonalem, superior & *sinistra* inter aurem, sinistram & aortam exit. Omnes arterias externas multa pinguedo sequitur. Non magis quam aliæ arteriæ valvulis interceptum habent cavum. Hæ arteriæ quidem parvis ramulis inter se ubique circa septum cordis & apicem communicant, anulum verum circa cor non perficiunt. Desinunt duplici modo.

CXXVII. Prior finis in venas est, quarum rami arteriarum focii decurrunt, trunci necessario differunt,

differunt. Itaque sinistrae arteriae comes est vena *coronaria magna*, quae ad sinisteriora valvulae Eustachianae in aurem magno & valvula, aut pluribus etiam membranulis, protecto orificio inferitur, radicem legit auris sinistrae, & ramos superficiales arteriae dextrae comitatur.

CXXVIII. Altera vena, sive partem prioris feceris, eadem enim utrique est insertio, per septum cordis in facie plana descendit, *mediae* nomine digna. *Tertia* auris dextrae radicem transversa legit, & hinc in magnum ostium venae coronariae CXXVII. aut certe in viciniam hujus orificii, inde in venam anteriorem aperitur. Datur ventriculi dextri parti in facie plana sitae. Innotatas, proxime dicendas, saepe recipit.

CXXIX. Aliae sunt venae aliquot *anteriores cordis*, sed una major, quae in ventriculi dextri parte aciei vicina decurrit, & auri dextrae, obliquo itinere, aliquamdiu inter membranas repens, inferitur in partem maxime anteriorem, & nonnunquam in truncum venae cavae superiores. Ea anterior vena aliam occultam per radicem sinus dextri mittit, quae in ipsa auris substantia tecta migrat, atque iterum inserta coronariae magnae circulum venosum cordis perficit, qualem fere arteriosum, sed mihi ignotum, alii describunt.

CXXX. Sed aliae, incerto numero locoque, venae plurimae dantur, quae ad partes profundas, neque vulgo accessas, bases cordis pertinent, inter origines magnorum vasorum reconditae. Eae numerosis osculis aperiuntur in sinum dextrum, auremque,

auremque, sinumque sinistrum ; sed hæ rariores. Ita vidi venam propriam ex sinu in carne auris dextræ latente sursum ivisse, versus aortam, & arteriam pulmonalem, & insertam ab altero latere fuisse venæ coronariæ majori : aliam inter ostium venæ coronariæ & aortam occultam, insertam sinui dextro : aliam per vestigium foraminis ovalis & septum duorum sinuum, huic ipsi sinui insertam : alias ad valvulas venosas pertinentes : aliasque nimis fuscè dicendas. Vidi etiam a sinu sinistro in venam cavam insertam.

CXXXI. Aliæ minores venæ, quarum trunculi breves sunt, neque dissectione facile adtingi possunt, osculis brevibus, per omnes illas infinitas foveas ventriculi dextri & sinistri in septum cordis, & utrumque atrium obliquis osculis aperiuntur. Eas demonstrat aqua, flatus, mercurius, post ligatas undique venas coronarias fociis arteriis inprimis inmissus, vel ipsis etiam venis, intercepta majorum orificiorum insertione. Per omnem enim ambitum utriusque ventriculi bullæ aeræ, guttæ aquæ tinctæ, & argenti vivi erumpunt, etiam absque violentia, quæ credi possit venas rupisse. Est tamen ex arteriis in sinistras caveas difficiliter iter.

CXXXII. Sunt, qui velint coronarias arterias sanguinem non contracto corde accipere, sed ab aorta subsidente, ob angulum retrogradum, valvulas, ut credunt, tegentes, pallorem contracti cordis. Sed posteriora refutat experimentum : prior ratio sanguinem forte paulum retardat, aut minuit,

minuit, influxum non impedit; ubique enim in vasis feminalibus, bilariis, flatus, argentum vivum demonstrant, angulos etiam magis retrogrados in canali pleno non arcere liquida ab osculis canalium. Sed etiam in coronaria arteria pulsus eadem cum aliis in corpore animali arteriis tempora servat; sanguis contracto corde altiori saltu adscendit (CXXI.).

CXXXIII. De refluxu minus dubium esse potest. Omnis sanguis coronarius refunditur cordis ventriculis & auribus dextris, & sinistris, sed istis parcius, tum majoribus ostiis (CXXVII. CXXVIII. CXXIX. tum minoribus CXXX. tum minimis illis CXXXI. in quæ tunc facillime transit injectio, quando venæ majores ligatæ sunt. Hæc circulatio videtur intra brevissimum tempus perfici, ob summam velocitatem sanguinis a corde ipso urgente acceptam. An omnis intra unum pulsum? Non credo, neque enim cordis vasa expallescent, aut ita penitus evacuantur. In adipem via ex arteriis cordis valde libera est. Quæ causa venarum minorum CXXXI? Reducunt sanguinem arteriarum profundarum, quibus nullæ comites venæ majores sunt.

CXXXIV. Humores cordis, qui sanguine tenuiores sunt, in venas valvulosas lymphaticas redeunt, quæ vasa coronaria comitantur, & versus subclaviam ductumque thoracicum adscendunt, rarissima visu, etsi in brutis animalibus vidi.

SANGUINIS ET HUMORUM CORPORIS HUMANI INDOLES.

CXXXV. Liquidum illud, quod arteriis pulsantibus, & venis continetur quæ his arteriis respondent, uno nomine *sanguis* vocatur, qui obiter spectatus homogeneous, coagulabilis undique ruberque videtur, eo rubicundior, quo quodque animal robustius fuerit, & uberius pastum, in debili & famelico flavescent. Albor admixtus fere a chylo est. Sed experimenta varii generis variam indolem in hoc liquido demonstrarunt.

CXXXVI. Ignem admixtum calor demonstrat, qui in sanguine hominis & animalium adfinium est a 92 ad 100 gradum, major calore mediocri aeris atmosphærici, summo minor. Deinde de effuso sanguine volatile aliquid & halituosum aufugit, cum odore quodam inter fœtorem urinæ & sudoris odorem medio. Id, vasis idoneis receptum, aquosum adparet, cum levi alcalinæ indolis quasi tinctura.

CXXXVII. Hoc halitu emissio sanissimi hominis sanguis sponte cogitur in tremulam, scissilem massam, in calore vero ebullientis aquæ gradu minore, & 150. quidam graduum, accuratius coit, magis in homine febriente, tamen etiam in sanissimo. Coit non rarissime in viventis hominis venis, inque vulneribus arteriarum reperitur.

Sed etiam in vivo homine, & in ægro a febris impetu moriente, in gelatinam tremulam per omnes venas coivisse visus est. Hujus coaguli pars princeps est *cruor*, qui ruborem sibi proprium habet, & reliquis partibus sanguinis communicat. Is in confusam massam ex quiete compactilis, modico frigore, ab igne 150 graduum, alcohole, & acidis mineralibus spiritibus in speciem hepatis coiturus, mollis tamen est, nisi adtritu vitæ, aut æmula concussione induretur. Ponderosus est, & aqua fere ab una undecima parte gravior; inflammabilis totus, quando ab aqua liberatur. In massa sanguinea media pars, & ultra, cruoris est. In robore valido serum minuitur ad tertiam partem, in febre ad quartam & quintam reducitur, in morbis a debilitate incrementum.

CXXXVIII. Ex eo grumo secedit, & de poris quasi fudat, & denique in lacum abit, in quo grumus subsidet, altera albida, subflava portio sanguinis, quæ iterum homogenea videtur, cum non sit. Ea enim pars sanguinis in universum aqua quidem trigesima octava parte gravior, globulosa vero massa pene duodecima levior, in igne 150 graduum, & ab acidis & ab alcohole adfufis, & a motu concussorio coagulabilis, duriora producit coagula, quam ruber cruor, (CXXXVII.) & in gluten irrefolubile, membranam, corneamque demum soliditatem, & friabilem gummi similitudinem coit. Ex ea corium pleuriticum, polypi, membranæ artificiales. In eo sero, præter

ter hoc coagulabile albumen latet & aqua simplex, cujus maxima est portio, & mucosum aliquid, fila trahens parciora quam ruber cruor, neque tamen in albuminis modum cogendum ab igne aut ab acido.

CXXXIX. Sola putredo & vis aeris ad gradum 96 calentis totum sanguinem & serum inprimis resolvit in liquamen foetidum, primo serum, cruorem lentius, donec omnis & cruor & lympa abeat in volatilem foetidumque halitum, exigua faece relicta. Putredine resolutus sanguis aliquamdiu & prius quam foeteat, & cum foetore naturam alcalinam præ se fert, & cum acore fervet; inde amittit, ut a putredine minus det falis alcalini. Putridus idem nulla arte spissatur: coactus a spiritu vini difficillime solvitur. A nimio corporis motu, aeris calore & morbis malignis sanguinis cohæsiō perinde solvitur, & natura alcalina nascitur, fere ut a putredine.

CXL. Præter ista, quæ absque ulla violentia adhibita sanguinem videntur constituere, est etiam in eo salis marini aliqua copia, quam subfalsus sapor & nonnumquam microscopium distinguit. Terram inesse & nutritio demonstrat, & chemica analysis, quæ in fluidioribus partibus, & oleo maxime mista latet. Ferri terra cum phlogisto quocunque verum ferri elementum facile restitutura, magna satis copia inesse in calcinato cruore nuperrimis experimentis ostensum est. Denique aer non elasticus, neque is exigua copia, sanguini mistus est, quem putredo in san-

guine & fero demonstrat, & aeris ambeuntis extractio. Non ideo globuli aeræ bullæ sunt, cum specificè fero graviores sint.

CXLI. Ab admistis salibus mediis sanguinis color altior fit & elegantior, ut neque solvatur, neque spissetur. Ab acido leni vix mutatur, a meraco cogitur. Sales lixivii fixi fere faciunt, quæ medii: volatiles potius & fuscèdinem addunt, & coagulant: alcohol & olea stillatitia co-
gunt, ut acor meracus. Cum nullo sale efferves-
cit.

CXLII. Chemia ad sanguinis indolem varias vias aperuit. De sanguine recenter emisso, neque putrefacto, leni gradui ignis exposito, aqua copiosa stillat, quæ totius sanguinis quinque sextas partes efficiat, & ultra, pene insipida, aliquo tamen foetidulo oleo inbuta, eo magis, quo posterior prodit.

Residuum, fortiori igni subiectum, alcalinos liquores varios fundit. Eorum primus foetidus, acer, rufus, *spiritus sanguinis* vocari solet, fitque ex sale volatili & oleo in aqua dissoluto. Proportio est ad vigesimam usque totius sanguinis partem. Acor & in adipe, et in carne etiam putrida, & in sanguine superest.

Et antè & una cum oleo sequente prodit sal volatilis siccus, in flocculos ramosos ad collum vitri adhærescens. Copia exigua, et circa octogesimam est.

Alter liquor sensim lentior, sensim gravior, flavus primo, deinde niger, tenacitate denique
picea,

picea, acer, inflammabilis, est oleum sanguinis humani, exigua copia, circa quinquagesimam.

Manet in fundo carbo sanguinis porosus, inflammabilis, qui incensus deflagrat, & cinerem relinquit. Is lixivio facto salem dat, qui ex sale marino & alcalino fixo mistus est, & terræ fatuæ modico. Sal fixus vix quingentesimam portionem sanguinis efficit, cujus iterum pene quarta pars est alcalina. Ex hoc sale ultima tortura ignis aliquid acidî habetur, quod partim marino sali, qualis etiam in spiritu sanguinis demonstratus est, partim vegetabili ciborum indoli, nondum satis subactæ, acceptum referimus. Hinc in animalibus herbivoris, perinde ut in homine, reperitur. Terra vero, cujus centesima forte & quinquagesima portio est, aliquas etiam particulas habet, quas magnes adtrahit.

CXLIII. Hæc analysis demonstrat inesse liquida sanguini, alia aliis graviora, tenaciora; alia aquea, alia inflammabilia; & maximam partem ad putredinem & alcalinam indolem sanguinem vergere. Nam idem, dum integer est, & a putredine & ab ignis nimia vi tutus, neque alcalescit, neque acefcit, sed blandus, subsalsus, in morbis tamen nonnunquam satis acer est, & putredini proximus, exemplo scorbuti, in quo vasa sua erodit, hydropicorum, quorum aqua alcalinæ proxima fit. In infectis vero calx alcalescens reperitur, quæ cum acidis effervefcit.

CXLIV. Microscopium sanguini recenti, in tubum vitreum recepto, adhibitum, vel sangui-

ni in venis animalis vivi moto, calidi, ut pullus est gallinaceus, frigidi, ut rana, in sanguine distinguit globulos rubros, qui cruorem procul dubio constituunt, dictum CXXXVII. An lenticulares potius particulæ, ut in piscibus a LEEUWENHOECKIO, in homine nuper inventum? Difficile satis iudicium est, neque tamen, toties microscopio usus unquam desideravi eas in globulis umbras, quæ crassitiem & convexitatem indicant.

CXLV. Color in his globulis ruber est, tanto fortior & cocco propior, quanto animal est valentius: & eadem proportionem numerus cum flavo fero comparatus increfcit. Diameter exigua, inter $\frac{1}{2000}$ & $\frac{1}{5000}$ uncia. Figuram in oblongam ovi speciem dicuntur mutare, quod nunquam certo satis videre potui. In alios minores flavescentes, dicti sunt diffilire, quod & ipsum neque vidi, neque facile admitto.

CXLVI. Ex sanguine abunde, ex fero parce nascuntur fibræ, si super linteum effusum multa aqua sensim elueris, aut effusum in aquam sanguinem virgis percusseris, ad $\frac{1}{85}$ fere sanguinis. Ex glutine conascuntur, in vivo animali nondum genitæ, cum neque microscopium eas detegat, quod tanto minores globulos adeo facile detegit, neque longorum filorum figura ad motum recipiendum apta sit.

CXLVII. Ex his experimentis inter se comparatis efficiuntur ea, quæ hætenus de sanguine nota sunt. Cruorem nempe globulis componi. Eorum

rum globulorum naturam inflammabilem demonstrat siccatus cruor, qui flammam concipit, & pyrophorus ex sanguine humano natus; exque iis majorem partem olei picei, quod ex sanguine per ignis torturam habetur, oriri summe probabile est.

CXLVIII. Igne tortum sanguinis ferum dat fere elementa quæ sanguis ruber, sal, oleum, terram; sed plus aquæ; ferrum omnino nullum. Similia, sed cum pauciori oleo & sale aquei humores reddunt qui de sanguine parantur, saliva, mucus.

CXLIX. Sanguinis in universo corpore moles non potest ita certo definiri. Humorum quidem pondus multo solida parte majus est. Verum eorum multi circulationem non obeunt, ut gluten partium, adeps. Si ex hæmorrhagiis majoribus, & tamen integra vita toleratis, experimentis cum animalibus factis, quibus sanguis omnis eductus est, arteriarum venarumque mole, judicium utcunque ferre licet, erunt humorum, qui in circulum redeunt, minimum quinquaginta libræ, quarum circa 28 sunt veri sanguinis. Arteriæ quintam fere partem continent; quatuor alias venæ.

CL. Neque perpetuæ sunt eorum elementorum, quæ hætenus dixi, proportionēs. Cruorem, ruborem, vim densabilem, partiumque cohæSIONem, feri coacti duriTatem, pondus, principia alcalina, auget vita exercitata, ætas virilis, febris. Serum, & in eo, mucum, augent contraria,

contraria, vita propior origini animalis, iners, diæta aquea, vegetabilis, a quibus cruor minuitur, & aqua abundat. Senium cruorem auget, gelatinam minuit.

CLI. Ab his principiis, cum solidæ tamen fabricæ consideratione conjunctis, temperamentorum diversitates pendent. Plethoram enim globulorum rubrorum copia facit; phlegmaticam temperiem aquosæ partis in sanguine abundantia. Cholericæ indoles in humoribus quidem ab acriori sanguinis & magis alcalescente natura oriri videtur, argumento hominum carnivorum, & anthropophagorum, quos constat ferociores esse iis, qui vegetabilibus utuntur. In solidis partibus vis irritabilis major & duritas cum mobilitate ad cholicum, vis irritabilis minor cum modica magis duritate ad sanguineum, irritabilitas minor cum minori duritate ad phlegmaticum temperamentum refertur. Sed datur etiam temperamentum cum parva irritabilitate robur corporis summum conjungens, bæoticum. In melancholico irritabilitatem maximam, cum debilitate conjungi adparet. Sed cavendum est, ne nimis hæc temperamenta ad systematis modum definiantur, quæ in natura non quatuor, aut octo, sed infinitis gradibus distincta sunt.

CLII. Ruber cruor calori generando inprimis infervire videtur, cum in eadem ratione cum ipso sanguinis calore sit. Idem vasis primi generis ob magnitudinem sphæricularum retentus, eorum collapsum impedit, cumque motum a corde
communem

communem accipiat, ob molecularum vero densitatem majorem impetum habeat, liquoribus minorum generum motum inprimit. Neque repugnat cor a ponderoso cruore melius irritari. Globosa figura meabilitatem facit cum densitate conjuncta; istam & potentiam forte generandi caloris ferri abundantia auget; tum olei. Hinc sanguinis rubra parte per venæ sectiones nimis diminuta, stagnationes in vasis minoribus succedunt, & obesitas, hydrops. Ab ejus etiam cruoris legitima copia reparatio novi sanguinis pendere videtur, eodem argumento. Nam ab hæmorrhagiis sanguis ex rubra densaque natura in pallidam & ferosam degenerat.

CLIII. Serum coagulabile inprimis nutritioni partium destinatur, ut adparebit capite XXX. Liquida tenuiora varios habent usus; ad solutionem ciborum, ad irrorandam superficiem externam, superficiem internam cavitatum corporis humani, ad flexilitatem conservandam in solidis, ad motum nervorum, ad visum, &c. Salfæ particulæ ad solvendum cibum, ad stimulanda vasa idonea videntur. Aeris dotes non satis notæ sunt. Ignis fluorem facit, neque facile ad eum gradum intenditur, quo humores humanos cogit.

CLIV. Quare neque absque crasso sanguine sanitas consistere potest, cujus portione diminuta omnia in vasis minoribus stagnant, pallent, omnia frigent, & debilia sunt. Neque absque minorum generum liquidis aut officia vitæ humanæ, aut

valetudo sibi constant, cum cruor privatus portione aquea cogatur, obstruat angustias vasorum, calorem nimium accendat.

CLV. An sit aliqua sanguinis arteriosi & venosi diversitas? Videtur, cum ille pulmonis actionem recenter passus sit. Sed in experimentis vix observabilem reperio, vel in colore, vel in densitate, vel aliis notis diversitatem; etsi alias evidentissimam vidi, ut splendidus sanguinis arteriosi rubor, ab atra fuscitudine sanguinis venosi discrimen facere videtur; id tamen in exemplo pulli incubati manifesto ex sola profundiori serie globulorum in crassiori vena sequitur. Sed neque satis certo inter diversarum arteriarum sanguinem verum est discrimen.

CLVI. Ex uno sanguine in aortam expulso generantur omnia liquida corporis humani, quæ in certas classes consentiunt. Qua arte ea generatio fiat, ex glandularum fabrica explicari oportet. Sed præmitti debet quid sanguis a suis vasis patiatur.

C A P. VI.

ARTERIARUM COMMUNIA OFFICIA.

CLVII. Sanguis ex cordis sinistro ventriculo propulsus in aortam arteriam, ex corde primum paulum dextrorsum, deinde sinistrorsum, retrorsum, in arcum valde acutum flexam, incurrit mole

mole sua primo in dextrum parietem aortæ, inde reflexus in sinistrum, unde fluento vertiginoso, quantum plenitudo permittit, & illis parietibus & percussus pergit per arterias. Quæ primum de corde prodit aorta, eadem in amplitudinem aliquam intumescit.

CLVIII. Arteriæ in vivo homine perpetuo sanguine plenæ sunt, cum saliens ex arteria sanguis non alternis interrumpatur in quiete cordis motibus, sed perpetuo filo profluat, & in vivis animalibus microscopium arterias & in diastole plenas demonstrat & in systole, neque arteriæ fibræ circulares se omnino constringere, tubumve totum evacuare possint. Quare dum nova sanguinis unda in plenas arterias advēnit, etsi parva sit ejus ad totius corporis arteriosum systema ratio, quæ duas uncias vix superet, attingit tamen undam priorem, quæ remotior a corde lentius promovetur, eam ergo inpellit, arteriam in longitudinem producit etiam cylindricam: ejusdem diametrum auget, membranas propius ad se invicem adprimit, convexas partes flexionum extrorsum urget, & spiras facit magis serpentinæ, ut injectio demonstrat. Hæc arteriæ dilatatio, & luminis ex minori circulo in majorem mutatio, *pulsus* vocatur, cujus diastole est arteriæ super naturalem diametrum expansio. Ea, vitæ propria, a corde unice proficiscitur, neque arteriæ sibi commissæ naturalis est. Hinc intercepto motu cordis pulsus nullus, sive ab aneurysmate, sive a vinculo cordis impulsio oc-

cupetur : hinc subita pulsus abruptio a perfoſſo in vivo animali corde. Tanto magis autem arteria dilatatur, quanto minus expedite unda anterior fugit, & quanto major eſt exceſſus velocitatis undæ novæ ſuper undam priorem.

CLIX. Dilatationem arteriæ ſequitur contractio. Nempe cor ſanguinem expulit, ſtimulo ſe liberavit, hinc quieſcit. Arteria vero eo ipſo tempore elatere, quem innatum habet & inſitum fibris circularibus ſuis, ab eodem ſanguinis impulſi ſtimulo irritata, conſtringitur, & tantum ſanguinis expellit, quantum ſuper medium ſuæ diametri modum acceperat. Ea quantitas omnis tranſit in vaſa minora, aut in venas : cum retrorſum ex parte aortæ proxima reſiſtant valvulæ aortæ ſemilunares. Quamprimum ea unda ſe liberavit, remittit de contractili vi non ſtimulata arteria, & continuo cedit novæ undæ, quam cor emittit, & nova oritur diaſtole.

CLX. Arteriam conſtringi, & ſanguinem ea vi promoveri, demonſtrat ejus indoles contractilis ; dilatationis a corde factæ evidens remiſſio ; evacuatio arteriæ propria vi facta per ramos laterales inter duo vincula ; ſanguinis per venas in cor reſitus, cujus arteria ligata eſt, quem adeo ſanguinem cor non propellit ; ſanguinis ſaltus per arteriam etiam major, dum cor quieſcit, magnis viris obſervatus ; ſanguinis ex aorta ligata ſub vinculo valide ejeſti vivida projectio ; arteriarum per ipſam quietem cordis evacuatio ; venarum a morte major, quam arteriarum plenitudo ;

nitudo; sanguinis etiam a morte ex arteria majori notabilis, ad duos pedes, in animali saltus; exiguum lumen arteriæ male plenæ in animali jejuno; clausio orificii in vulneribus; sphacellus artus cujus arteriæ osseæ factæ, & venæ tunc sanguine turgentes.

CLXI. Celeritas sanguinis mediocris, diminuta celeritate systoles, ut augeatur ea quæ in diastole superest, potest esse ejusmodi, ut sanguis paulo minus pede uno intra minutum secundum percurrat, & plenitudo perpetua arteriæ, efficit, ut nulla successio in pulsu diversarum arteriarum percipi possit, & videantur omnes in corpore humano arteriæ & eodem tempore omnes, & eodem cum cordis ad pectus adfultu micare. Successionem tamen inesse certum est, & videntur aortæ contractiones in eodem ordine succedere, quo repletio a sanguine, quem cor expulit, ut primo constringatur pars arteriæ cordi proxima, atque ita sensim ad ultima vis contractilis progrediatur. Ita exemplum intestinorum demonstrat, & oculus in insectis, quibus longum illud & nodosum cor manifestissima successione a principio ad finem contrahitur. Sed anima observantis anatomici tempuscula minora nescit separare, quæ sint paucarum tertiarum.

CLXII. Ubinam finis est pulsus? In minimis, puto, & cylindricis arteriis. Diximus quæ celeritate sanguis ex corde profiliat. Sed de ea celeritate perpetuo decedit aliquid. Certum est, arterias minores lumen ex summa fuorum
luminum

luminum conpositum, perpetuo eo majus habere aortæ lumine, quo ulterius procedit earum divisio, atque adeo, cum ratio trunci ad ramos semper sit minoris inæqualitatis, etsi variabilis esse queat, maxima erit ad aortæ orientis lumen ratio luminis juncti arteriarum minorum, ubi eæ minimæ sunt. Et erit eadem retardatio sanguinis, quæ est in aneurysmate. Deinde arteriarum membranæ ad sua lumina rationem perpetuo habent majorem, quo sunt minores, donec maximam habeat, quæ unum globulum transmittit. Id demonstrat anatome; impulsus aer, qui arterias semper eo difficilius rumpit, omnibus computatis, quo sunt minores; calculus positus, qui globuli ad duas membranas semicylindricas minimæ arteriæ magnitudinem determinat. Adde frictionem liquidi per minimos, longos, inflexos, ad angulos convenientes canales, quæ frictio etiam in fluxili aqua, per simplices & unice longos canales fluentis, insignissime velocitatem ejus minuit, eo magis, quo ii tubi minores sunt: cum præterea, quo minor est arteria, eo major numerus globulorum parietem arteriæ contingat, radat, contra eum fricetur. Et conica arteriæ figura efficit, ut latior a trunco veniens unda sanguinis per angustius rami lumen non absque resistantia transeat, nitatur adeo eum ramum distendere. Sed etiam flexiones & plicæ sanguinem morantur, cum semper aliqua pars vis inpellentis absumatur in inpellenda parte plicæ convexa, & mutanda figura vasis flexi.

Anguli

Anguli etiam majores eo plus de velocitate trunci demunt, quo longius ab angulo nullo, nempe a rectissimo ductu recedunt. Porro visciditatis in sanguine omnino ratio habenda est, cum sanguis quiete sola continuo in grumos coeat, solo motu circulatorio autem hæc adtractio mutua partium superetur, eademque impediatur, ne sanguis ad parietes arteriarum adhæreat, ut adhæret in aneurysmate, & vulnere, aut inter se coeant globuli, ut a morte solent. Et obstaculum ramorum sanguini resistentium in ipso truncō velocitatem minuit: & contrarii sibi sanguinis torrentes partem sui motus in anastomosibus delent. Intelligis summam retardationem sanguinis in vasis minimis. Calculum ponere non facile est, satis magnam rationem esse facile intelligitur. In vivo animali in truncis sanguis instar torrentis fluit. In minimis sanguis plerumque lentius moveri incipit, deinde coagulari. Ex parvo ramo, dum vicinus sit cordi aut aortæ, longe periculosius sanguis erumpit, quam in majori & remotiori arteria, chirurgorum experimento. Pondus incumbentis atmosphæræ: musculorum & carniū arteriæ incumbentium: vis ejus contractilis resistunt equidem cordi, cæterum velocitatem sanguinis non minuunt; tantundem enim reddunt in cordis diastole, quantum systoles tempore de ejus viribus demferunt.

CLXIII. Certum tamen est, in animalium viventium incisionibus, sanguineos globulos, qui singuli moventur, non tantum de sua velocitate amisisse,

amiffisse, quantum calculi pofcunt. Quare oportet, caufas aliquas dari, quæ destrucricem motus potentiam minuant. Et quidem certum est, ramorum lumina in minimis non tantam ad truncum rationem habere: frictionem levitas fumma minuit. Facilitas etiam, qua fanguis per venas refluit, motum ejus per arteriolas expedit, quæ proxime cum venis communicant. A pondere fanguinis, a nervorum vi, a laqueis, nihil valde fperari poteft, quorum illud & refiftere poffit, & adjuvare; hi nihil quidquam in vivis animalibus virium habeant. Vis derivationis, quæcunque ea fuerit, & motus mufculorum novam celeritatem generare poteft.

CLXIV. Pulsus ideo fit, quod unda anterior fanguinis lentius, posterior celerius fluat; hinc anterior posteriori fit obftaculo (CLVIII.). Verum cum cordis motus fanguini inpreffus elanguat eundo, arteriarum contractio augeatur, minor erit, & minor perpetuo, exceffus celeritatis undæ posterioris, quæ a corde advenit, fuper priorem, quam contractio minimorum vaforum promovet, donec locus fit, ubi nullus ifte fit exceffus, & ibi definet pulfus fieri, quod eadem celeritate fanguis & prior & posterior, hinc uno filo fluat. Is locus non erit in arteriis majoribus, in iis enim unda a corde noviter adveniens præcedente velocior est. Demonstrat pulfatio inflammatoria, inprimis minorum arteriarum oculi. In minimis vero arteriis pulfus evanefcit. Testatur æqualitas fanguinis in mo-

tu per arterias minimas, in rana microscopio sæpe observata. Sed etiam in majusculis vasis, sextam partem lineæ diametro æquantibus, vivo in animali pulsus conspici desinit. In venis, microscopio conspicuis, jam nullus pulsus est, & nulla acceleratio sanguinis, dum cor contrahitur, neque microscopio, neque experimento conspicua fit.

CLXV. Etiam in venis sanguis in parietes premit, vel fulcorum in ossibus effossorum exemplo, tumorisque venæ ligatæ. Cur venæ non saliant? neque enim admittimus aut pulsum, qui a respiratione fit, aut eum qui a sanguine de auricula dextra rejecto, aut de cavæ venæ parte musculo-fa. Causa ea videtur, quod sanguis, dum de corde proxime prodit, magis retardatur, in minimis minus: hinc tempusculum, quo nova unda celeritatem undæ prioris superat, ad cor majus, in extremis vasis minimum sit, donec totum evanescat. Huc pertinet experimentum, quo siphon in canalem coriaceum aquam subsultim impellens, eandem per spongiam canali extremo circumpositam, absque saltu continuo filo propulit; & aliud experimentum, quo idem evenit, cum arteriis mesentericis alterno pulsu aqua injiceretur. Nam etiam tunc aqua ex venis continuo fluxu prodiit.

CLXVI. Pulsus est mensura virium quas cor inpendit, cum sit earum virium proximus & plenus effectus. Hinc rarus, cæteris paribus, in sanissimis corporibus, ubi nullus stimulus, nulla resi-

stentia, quæ pro stimulo est, & cor libere & faciliter sanguinem promoveret. Obstacula excipias, quæ sanguinem vetant in aortam venire. Ab ea causa in asthmaticis pulsus rari : Sic a corde parum sentiente aut debili, cui solitus stimulus non sufficiat ad contractionem ciendam. Magnum pulsum facit arteriarum præsens plenitudo, cum magna vi cordis conjuncta ; parvum inanitas arteriæ, & minor unda a corde submissa. Durus designat obstaculum, stimulum, vim cordis auctam cum densiori sanguine, vel arteria rigidiori, aut obstructa : Celer stimulum, obstaculum, cor acute sentiens & irritabile. Optime tangitur, ubi arteria nuda, osse fulta est : sed obstructions faciunt, ut alienissimis locis nonnumquam pulsus percipiatur.

CLXVII. Omni animali pulsus eo rarior, quo majus est, quod cor & pro portione minus sit, quam in minori animali, & minus, cum toto reliquo corpore, irritabile, & ad majorem distantiam sanguinem propellat, & frictionum augmentum majus videatur esse, quam major vis cordis. Hinc parva animalia voracia, magna paucivora, ut balæna, elephas. Homini adulto mane pulsus ad minimum 65, vesperi ad 80 sunt, in minuto primo ; noctu iterum pauciores, & sensim ad numerum matutinum usque redeunt. Motus enim muscularis, actio sensuum internorum, externorum, calor aeris, cibus & potus venosum sanguinem urgent ad cor, unde frequentior stimulus, contractiones plures. Hæc causa

causa paroxyfmi vespertini in omni febre. Somnus retardat & sanguinem, & motum quemcunque.

CLXVIII. Frequens pulsus a celeri diversus est, & potest idem & celer esse & rarus. Sed celeris difficilis est observatio. Frequens est, quem vulgo celerem vocant. Is est in pueris, eo rarior, quo senior quisque fuerit. In puncto saliente 134 pulsus, in pueris nuper natis ad 120, in senibus denique ad 60 sunt. Febrilis pulsus a 96 incipit. Mediocris celeritas in febribus & a motu muscolari homini adulto est ad 110, 120, maxima circa 130, 140, cum quo numero homo rarius convalescit, neque ultra eum numerum unquam inivi. Hyeme pauciores, differentia sæpe 10 pulsuum, æstate plures sunt, plures sub torrida zona, ad 120. Varie turbantur ab animi adfectibus. Obstacula sanguini obiecta pulsuum accelerant, neque ex hydraulicis legibus, aut ob canalem angustiores, neque ex animæ insurgentis inperio: Unice cor stimulan- te sanguine malignius liberatum, contrahitur ac-crius, & cum minoribus intervallis. Irritatio a sanguine acriori frequens pulsus febrilis causa est.

CLXIX. Per venas minimas sanguis lente movetur, vi aliqua cordis, & aliqua arteriarum contractilium. Illam demonstrat motus sanguinis fuscitatus in submersis, quem solum cor fuscitatum promovet. Vim contractilem arteriæ vero arguunt, quæ diximus CLX. A morte sangui-

nem movet pondus, aer elasticus, quem putrescens generat.

CLXX. In venis majoribus sanguis celerius movetur. Quoties enim vires pellentes sufficiunt, & tubuli vehentes angustiores redduntur, motum accelerari necesse est; angustior enim truncus venosus est iis ramis, ex quibus confluit, uti arteriosus angustior est ramis, in quos dividitur. Quare, si nihil decederet interim motui sanguinis venosi, esset ratio celeritatis in vena cava ad celeritatem venæ trigesimæ divisionis, omnino trigesima potestas rationis luminum junctorum omnium venarum minimarum, ad lumen cavæ venæ. Simul frictio minuitur, & contactus sanguinis ad parietes.

CLXXI. Verum, cum sanguis in vasis minimis arteriosis, & nascentibus adeo venulis, valde tarde fluat, & pondus sanguinis passim ejus refluxum mire inpediat, & a membrana tenuissima venarum vix magna vis contractilis expectari possit, præsidia varia natura addidit venoso sanguini, ne lento motu stagnaret, cogeretur. Ergo reddidit venis vaporem lymphamque fluxilem, majori quantum videtur copia, quam arteriæ amiserunt, ob insignem pulmonis exhalationem.

CLXXII. Adjecit præterea venas musculis, qui turgendo interpositas venas conprimunt, cumque omnis pressio venosi sanguinis ob valvulas ad cor determinetur (LXIII.), omnis hæc compressio unice inpenditur redditui sanguinis ad cor accelerando. Hinc a motu muscolari pulsu-

um crebritas mira (CLXVII.), calor, rubor, respiratio velox.

CLXXIII. Porro muscoli, qui omnes partes undique vehementer urgent, quas aliqua communis cavitas continet, venosi sanguinis motum vehementer promovent. Id in abdomine diaphragma præstat, & abdominalium musculorum conjuncta pressio. Denique vicinæ ubique venis & parallelæ arteriæ pulsu suo venosum sanguinem incitant, cum semel demonstratum sit, omnem in venas agentem inpulsum unice ad cor sanguinem venosum determinare.

CLXXIV. Accedit etiam vis nondum satis cognita derivationis, quæ sanguinem a sede magis compressa, ad sedem laxiorem & minus resistentem ducit. Denique multum potest respiratio, in qua alternis momentis sanguis per vim derivationis in laxum pulmonem ab universo corpore acceleratur: & vicissim idem in expiratione in truncos venosos capitis & abdominis rejicitur. Inde tumor venarum, etiam cerebri, per tempora expirationis. Non quidem adjuvatur ab his causis circuitus, sanguis tamen agitur & urgetur. Anastomoses eadem quæ in arteriis faciunt; facilitatem autem augent, qua sanguis a locis impeditis ad loca libera fugit.

CLXXV. His præfidiis obtinetur, ut sanguis in homine sano, qui corpus suum, quantum satis est, exercet, moveatur ea velocitate, quæ sufficiat, ut tantum sanguinis vena cava cordi reddat omni pulsu, quantum arteria aorta eduxit. Quies vero corporis, & debilitas fibrarum contractilium

tractilium cordis, & muscutorum, sæpiſſime motum venoſum difficiliorem faciunt. Inde varices gravidarum, hæmorrhoides, quas defectus valvularum in vena portarum adjuvat. Hinc menſes ipſi. Et, cum venis lentius ſanguinem cordi remittentibus, ſubtilis ex vaſis minimis vapor ad cor redire impoſtagnet, hinc frequentia œdematata languidorum.

CLXXVI. Tempus quo uncia ſanguinis de corde ſiniſtro emiſſa in dextrum redit, & quod vulgo habetur pro tempore, quo circuitus major abſolvitur, incertum eſt, & in quaque corporis particula ſuum. Si tamen quæras de uncia ſanguinis ea copia projecta quam diximus, quinque fere ſeſcunciarum erunt in hora, cum pulſibus 4500; perfecti circuitus 23 fere cum dimidio.

CLXXVII. Effectus motus cordis & arteriarum in ſanguinem varii ſunt, qui ex prioribus ſequuntur, & æſtimantur, ſi ſanguinem animalis mortui cum vivo, ſani cum ægroto, inertis cum velociter moto comparaveris. Vivi enim ſanguis calet, rubet cum coccineo quodam flore, homogeneus videtur, etſi ex miſtis principiis conpoſitus ſit, totus globulis ſit, fluit expedite per minima, halitum, quem fuſius deſcripſimus, volatilem emittit. In mortuo animali, nulla hætenus admiſſa putredine, de rubore amittit plurimum, ſecedit in graviora & tenuiora principia, halitum nullum emittit, venis eductus cogitur aut totus, aut maxima parte ſui. Sed etiam in vivo, debili tamen animali, cui pulſus & reſpiratione

ratio aliqua, sed minima sunt, sanguis friget, ad notabilem gradum. Inde, si sanguinem hominis & corpore & animo quieti contuleris, cum vehementer exercitati hominis sanguine, reperiēs in isto calorem majorem, ruborem summum, sanguinem magis compactum & specificè graviolem, principia volatilia copiosissima, quæ omnia phænomena videntur manifesto effectus motus cordis & arteriarum esse, cum iis auctis augeantur, minutis minuantur, sublatis desint.

CLXXVIII. Ut modus intelligatur quo hæc phænomena in sanguine producantur, considerandum est, quis cordis sanguinem expellentis sit effectus, quis arteriarum alterne reprimentium. Et cor quidem sanguinem inpellit summa celeritate (CXXIII.). Eum sanguinem projicit in curvos canales confuso ordine, ut globuli dextri in aortæ ostium expulsi sinistram partem arteriæ feriant, inde repulsi versus dextram inclinentur, atque adeo omnes massulæ sanguinæ turbinofo confuso motu agitentur. Eundem etiam sanguinem, impulsam contra canales curvos, in parietes inPELLI necesse est, eos dilatare, in convexitatem majorem mutare; denique in canalibus minoribus paucorum, uniusve globuli capacibus, in quibus plurimi, deinde omnes globuli parietem arteriæ contingunt, ii parietem ita accurate radunt, ut etiam figuram mutare necesse sit, ut transitum inveniant.

CLXXIX. Arteriæ vero elastica vi sanguinem a parietibus in axin sui canalıs repellunt, in prementem

mentem renituntur : denique per ostia circularia minimorum vasorum singulas arteriis massulas transmittunt.

CLXXX. Fit ergo maxima in arteriis frictio, tum a sanguinis globulis ad arterias, tum ab arteriis contra sanguinem tamquam obstaculum contractis, tum a sanguinis moleculis inter se confuso & vorticofo ordine propulsis. Hujus frictionis effectus æstimatur ex natura sanguinis viscida, inflammabili, ex angustiiis quas percurrit, ex valido impulsu cordis, valido arteriarum renixu, pondere incumbente partium, quas arteriosus sanguis sublevat. Hic frictus generat fluiditatem, dum globulos a contactu cum globulis perpetuo removet, vi adtractili resistit, particulas diversi generis commiscet, quæ conjunctæ sint fluidiores, ut aqua cum oleo intrita. Deinde rotatio & mutuus adfrictus ad sphæricam figuram moleculas sanguinis præparat, dum particulas ramosas, difformes, detritis eminentiis, sphæræ propiores reddit. Quæ vero de eminenti superficie molecularum difformium detrita fuerunt, ea ab ipsa frictione, rotatione, & minorum canalium circularibus luminibus, rotundam naturam induunt. Hinc sanguis in vasis ante mortem coagulatur, & suscitato cordis motu fluiditas amissa sanguini redditur, experimento in vivis animalibus factò. An motus sanguinis & ab eo nata densitas ruborem facit, cum is fere in densitatis ratione sit, & ab iisdem causis & augeatur, & depereat? Videtur a terra ferri esse, cum oleo intrita.

CLXXXI.

CLXXXI. An etiam calorem motus sanguinis gignit, perpetuo in omnibus liquoribus, etiam aere, experimento, magis vero in liquidis animalibus inflammabilibus, aqua densioribus, a contractili tubo compressis, adtrititis, a canalibus ipsis celerrime flexis & extensis? An id suadet sanguis calidus piscium, quibus magnum cor est, frigidus eorum, quibus exiguum, ut generati calores sint in ratione cordium ad sua corpora? summus calor avium, quibus cor grandius, pulsus plures? calor auctus ab omni motu, etiam frictorio? congelatio certissima liquorum humanorum in frigoris gradu, in quo homo riget, & sanguinem calidum retinet, dum vivit? frigus hominum in quibus pulsus debilis & obscurus? Neque ab aliquo certe putredinis in sanguine initio calet idem, cum ne perfecte quiescentes humores eum calorem generent: neque a vi vitali, obscuro ente, manifestum phænomenon explicatur. Et si aliquando calor cum paucioribus pulsibus major, cum frequentioribus minor fuerit, potest causa discriminis, in sanguinis diversa indole, in vasorum densitate diversa, in perspirationis abundantia aut parcite fuisse.

CLXXXII. Putredinem eadem causa impedit, dum non finit motum intestinum invalescere: dum admiscet particulas adversas putredini, dum alias dissipat, quæ incipiunt corrumpi.

CLXXXIII. Ipsa autem diversa indoles particularum, quæ conjunctæ sanguinem efficiunt, ea facit, ut unius cordis impetus diversus sit esse-

ctus in varias sanguinis moleculas. Celerius nempe promoventur, quarum densitas major majorem impetum recepit, figura commoda, & minor superficies minorem resistentiam in fluido reperit, cum quo moventur. Celerius etiam aguntur, quibus per axin moveri contigit, sive ex suo pondere, sive ex directione, qua ex corde exierunt. Porro in convexitatem flexionum feruntur, quæcunque motu projectili excellunt; eæ vero repunt per concavitatem, quæcunque magis gravitati, aut lentori, minus motui projectili parent. Ita sanguis ad secretionem disponitur.

CLXXXIV. *Systole arteriarum* primo compactionem efficit, dum contra sanguinem tamquam obstaculum contractæ, hunc aliunde viscidum, compressilem, urgent, liquidiora in oscula lateralialia expellunt, puncta contactuum inter globulos augent, crassiora adunant, moleculas planas in densitatem conpingunt. Densitas autem est, partim ut numerus globulorum, partim ut globulorum ipsorum densata materies.

CLXXXV. Deinde oscula hæc minima, uni globulo pervia, videntur modulus esse, in quo massulæ sanguineæ detritis angulis ad sphaericam figuram præparatæ, eam nunc induunt, & in perfectas sphaerulas mutantur. Inde denuo densitas, cum sphaera figurarum solidarum omnium sit capacissima.

CLXXXVI. *Reticula arteriosa* obstructionis periculum auferunt, dum ad quamcumque sedem arteriæ,

arteriæ, in qua obstructionem incipere vel sanguinem coire posueris, contrarium flumen admittunt, quod hærentem glebulam contrario ductu in latiore truncum repellat, & inter se, sanguinisque directum torrentem comminuat. Inreparabilem etiam obstructionem, vel jacturam vasis alicujus, supplet vicini canalis major distentio, confirmata in chirurgicis, post resectam ligatamve principem arteriam. De velocitate sanguinis aliquam partem demit collisio obpositorum torrentium. Reticula frictionem globulorum augent.

CLXXXVII. Uti velocitatis, ita lentioris motus in vasis minimis sui sunt effectus. Moleculæ diversissimæ turbido motu inter se rotantur in arteriis majoribus; in minoribus, diminuto motu progressivo, secedunt a rubris & ponderosissimis laxiores moleculæ, & ad circumferentiam ramosque expelluntur, dum axin firmiores tenent. Vires etiam adtractrices molecularum sanguinearum augentur, hinc pingues moleculæ se adtrahunt, secedunt in hiantia oscula lateralia, quæ & pigræ sint, & magnæ: alia tenuiora liquida per ramos laterales gracilioris orificii amandantur, donec in orientem venulam fere solus sanguis ruber transeat. Miscentur etiam in unam venam diversæ indolis particulæ, ut sanguis ad certos usus contemperetur, ut in venæ portarum exemplo. Sed hæc omnia, quæ sanguinem ad secretionem disponunt, dicentur cap. VII.

C A P. VII.

S E C R E T I O.

CLXXXVIII. Clâſſes humorum, qui ex ſanguine in alia vaſa depoſiti, *ſecerni* dicuntur, videntur quatuor poni poſſe. Prima eſt liquorum viſcidorum, coagulabilium ad ignem 150 graduum, ab acore meraco & ab alcohole, qui tamen plerumque in vivo homine vaporis inſtar exhalant, & a morte demum in gelatinam ſpiſſabilem coguntur. Huc pertinet liquor ſeu halitus ventriculorum cerebri, pericardii, pleuræ, peritonæi, tunicæ vaginalis, amnii, articulationum, capſularum renalium, uteri forte, liquor gaſtricus, inſteſtinalis, lymphæ denique vulgo nota.

CLXXXIX. Altera eſt liquidorum, quæ partim perinde exhalant, ſed ſimpliciora prioribus (CLXXXVIII.), & magis aquea, neque ab igne, neque a vini ſtillatitio liquore cogi poſſunt; partim non exhalant, ſed in proprios ductus excretorios depoſita, per commune orificium alicujus glandulæ proprio loco excernuntur. Ad prius genus pertinet perſpirabile Sanctorianum, pars lacrumarum, humor aqueus oculi. Ad poſterius lacrumarum altera pars, ſaliva, ſuccus pancreaticus, urina. Sudor ex perſpirabili & oleo ſubcutaneo miſtus videtur.

CXC. Tertium genus ab utrôque priorum differt, aqua gravius, lentum, viſcidum, ſed aqueæ

quæ indolis, neque in gelatinam spissabile, sed diffata aqua in crustas potius siccas coitutum. Cum nullo sale effervescit, & ab acidis fortioribus contrahitur & lentescit: solvitur a lixivis. Ab igne in aquam resolvitur, & salem volatilem parcum, paucumque oleum. Hujusmodi est *mucus* omnis in corpore humano, per viam aeream, cibariam, urinæque iter & genitalium partium cavitates dispersus, semen.

CXCI. Ultimum genus est liquidorum inflammabilium, quæ recentia quidem aquosa sunt & tenuia, per moram vero, diffata aqua, in unguen abeunt tenax, oleosum, ardens, sæpe amarum. Huc bilis refertur & cerumen, & sebum, unguenque cutaneum, & medulla ossium, omnisque per corpus humanum pinguedo, tum castoreum, & vitellus ovi. Lac ipsum, quatenus butyrum continet, huic generi propius est.

CXCII. Alii humores ex iis componuntur, quos simplices descripsimus, lac ex butyro & aqua, unguen articulorum ex adipe & lymphæ.

CXCIII. Qui cogitavit in sanguine reperiri serum coagulabile (CXXXVII), aquam exhalantem (CXLII), mucidum aliquod viscidum (CXXXVIII) oleum denique (CXLII.), incipiet percipere, potuisse omnino fieri, ut hujusmodi liquores (CLXXXVIII. ad CXCI.) ex sanguine separarentur, ut qui principia sua in massa sanguinea habeant. Sed quo modo factum sit, ut hoc loco oleum, in alio viscere aqua, alio mucus de sanguine

guine secedat, id indagandum superest, & requirit descriptionem organorum secretoriorum.

CXCIV. Liquores coagulabiles pene ubique ex arteriis absque ulla intermedia machina fecernuntur, in canales excretorios ex arteriis continuos. Demonstrat injectio glutinis, & aquæ, olei demum tenuioris, quæ adeo promte ex arteriis rubris in omnes caveas exsudat & effunditur, in quibus vapor iste coagulabilis naturaliter reperitur, nullosque intermedios nodos, neque cavernulas moratrices invenit. Sanguis demum per stagnationem, moram, impetum paulo majorem, absque permanente noxa, in plerasque harum cavitationum effunditur, documento, non longam, nec inpeditam viam inter rubra vasa & eos ductus excretorios interesse, uti neque flava lymphamultum a sanguine distat.

CXCV. Aliud coagulabile liquidum, ab acidis etiam spiritibus, & ab alcohole inspissabile, est albuminosus articulationum humor, qui adipe vero & oleo medullari & liquore exhalante mistus linimentum constituit mollissimum, lubricandis cartilaginibus, & minuendæ frictioni aptissimum. Huic fecernendo conglomeratæ quædam peculiaris fabricæ glandulæ datæ sunt, quæ in foveis ossium articulatorum asperis ita federe solent, ut modice conprimi possint, elidi nequeant.

CXCVI. Harum glandularum peculiaris fabrica est. Majores acinorum glomeres in lata basi ossi fere hærent, involuta adipe; inde, in aciem vero cristatam extenuatæ ex tenuissimo limbo liquorem

quorem deponunt, patulis, quos tamen non satis manifesto reperio, ductibus. Aliæ minores passim & in vaginis tendinum, & inter fibras diffidentes capsularum ligamentosarum articularum sitæ, fere de glandularum simplicium indole esse videntur, flavo mucofo sero turgidæ.

CXCVII. Liquores non coagulabiles CLXXXIX. prioris generis, eadem ratione fecernuntur, uti spissabiles illi CLXXXVIII. nempe ex arteriis exhalantibus, quæ nullo medio folliculo ex rubris arteriis nascuntur. In vasis perspirationem cutaneam fundentibus, lacrumalibus prioris generis, humore aqueo, injectio aquea vel glutinosa tenuior ex arteriis ita exsudat, ut nullum dubium supersit. Etiam his arteriis irritabilis natura est, ut ab acri tactæ multo plus liquoris, quam sanæ, in dato tempore stillent.

CXCVIII. In posteriori vero genere, salivali, secretio fit ope glandularum *conglomeratarum*, quas ex ipso acinoso habitu veteres inprimis distinxerunt, & pro glandulis habuerunt. Eæ fiunt acinis, sive lobulis subrotundis, laxa cellulosa fabrica conjunctis in unam majorem molem, quæ sæpe densa aliqua cellulositate, tamquam communi involucro, extus obducitur, exemplo parotidis, maxillaris glandulæ. Per intervalla acinorum vasa migrant arteriosa, satis hic ampla, & venosa. Pleræque vero conglomeratæ glandulæ liquidum ea lege ex sanguine separant, & amandant, ut quilibet acinus *ductum excretorium* emittat, is conjunctus
cum

cum sui similibus in majorem trunculum, denique venoso more in unum canalem coeat, qui liquorem in ea glandula separatum aufert ad loca destinata, cavitatem oris, intestinorum, superficiem oculi, &c. Est ubi hic ductus excretorius aut nullus est, aut certe nondum inventus, exemplo capsulæ renalis, glandulæ thyreoideæ, thymi, nisi istæ ad conglobatas accederent.

CXCIX. *Acini* ipsi cellulofam duriores limitantem circumpositam habent, & in minores acinos dividuntur, teste oculo, microscopio. Quis finis divisionis? An simplex quivis acinus, in medio cavus est, & in folliculum sudantem ex arteriis humorem accipit, per ductum excretorium amandat? An hanc fabricam suadent glandines, hydatides, renes scirrhis rotundis pleni? An viscera majora secretioni præfecta sunt conglomeraæ glandulæ? an in hepate, liene, rene, teste, cortice cerebri, suadent hanc opinionem morbose rotunda concrementa? an animalia minora, quibus ea viscera acinosa adparent? An in ipsa cellulofitate, quæ omnia in corpore humano, etiam extrema vasa, ambit, spatiola cava sunt, & areolæ, in quas secretus liquor effunditur?

CC. Nihil hujusmodi obtinere videtur. Et acini quidem viscera animalium componentes loci sunt, non elementares, sed magni pro suis bestiolis, & compositi. Morbose concrementa fere omnia in cellulosa tela placentæ, & in ipsis artubus a suspicione glandulosæ fabricæ remotissimis,

simis, sedem habuerunt, fiuntque oleo, halitu, terra, in cavum aliquod minimum cellulofum effufis, ftagnantibus, conprimimentibus vicinos folliculos, & proprios fibi parietes parantibus. Sed etiam aquea fluxilis natura liquidi hic fecreti (CLXXXIX) fuadet, nullam fuiſſe in ejus fecretionem moram, nullum locum, ubi ftagnaverit. Quæ enim liquida quieſcunt in corpore humano calido, pleno reſorbentibus vaſculis, ea omnia inſpiſſantur, & ad mucii, oleivæ naturam accedunt. Deinde injectio anatomica difficilior quidem ex arteriis in ductus excretorios penetrat; quæ, ſi craſſa fuerit, retineatur; ſi tenuis, exhalet in cellulofam telam. Summo tamen artificio magnorum virorum factum eſt, ut craſſa faſtis & ceræ ſimilis materia tranſiverit ex arteriis glandularum ſalivalium, hepatis, in continuatos ductus excretorios, neque nodulos interpoſitos repleverit, ut oportebat ex theoria CXCIX. fieri.

CCI. Quare acini videntur conponi ex arteriis venisque diviſis, ſubdiviſis, multa cellulofa tela reticulum diſtinguente, connexis, donec, ea tela ſenſim duriori facta, rotundam aliquam figuram imitetur. Suadent analogia loborum pulmonalium, loborum thymi, inſectorum fabrica, & inprimis teſtis, cui maniſeſtiſſime lobuli ex vaſis excretoriis in faſciculos molliſſima membrana connexis conponuntur. In cellulofitatem vero liquida glandularum non videntur effundi, unde aut nulla, aut difficillima via ad ductum excretorium ſit. Nuperior denique Clar. incifo-

rum industria vascula minima, cylindrica, alba, vera viscerum elementa addidit, quæ sperari possint repetitis experimentis confirmatum iri.

CCII. Liquor tenuis, non spissabilis, neque tamen exhalans, sed aqueus, alibi etiam absque acinosis conglomeratis glandulis generatur. Ita urina ex arteriis rubris in fistulas membraneas manifesto continuatis deponitur, facili via pro aere, aqua, argento vivo. Ea etiam, etsi occultior, ratio videtur esse liquidi nervosi, quod in cerebro secernitur.

CCIII. Tertium genus liquidorum *mucosum* CXC. pene ubique ex finibus, aut glandulis cavis secernitur. *Glandula veræ* folliculive in universum ea sunt fabrica, ut amplam cavitatem nactæ sint, membrana undique circumscriptam, ita tamen, ut aliquando pro altero, clauso hemisphærio folliculi, ipsa caro ejus partis sit, cui glandula adhæret, alias membrana continua totum ovale aut rotundum glandulæ receptaculum perficiat. Ea cavitas rotunda plerumque, nonnumquam tamen longa est, & oblique inter vicinas partes repit, exemplo urethræ virilis, folliculorum sinus muliebris. Irritabiles sunt, & ab acri laceffitæ secretionem accelerant.

CCIV. In hos folliculos arteriæ minimæ vel carnis, cui innata crypta est, vel membranæ, quæ cryptæ convexam partem perficit, finibus in cavitatem cryptæ productis aperiuntur, suumque liquidum exhalant, quod folliculo receptum, ob angustiam ductus excretorii moram nectens, spissatur,

spiffatur, aquæ parte reſorbta per venas, arteriis exhalantibus ſimiles. Ita docet fabrica folliculorum ſimplicium linguæ, in quibus & efferens oſtium, & advehentes pori etiam oculo conſpici poſſunt; tubuli ventriculorum avium, in quibus villus ſecretorius in caveam manifeſto pro- pendet; injectio, quæ decolorem ceram in glandulas ſimplices emittit.

CCV. Sive longus fit ſinus mucoſus, ſive rotunda glandula, oſtium excretorium habet, plerumque ſatis amplum, ut tamen in rotundis glandulis non magnam rationem ad glandulæ cavitatem habeat. Hoc oſtiolum non raro abſque ullo medio ductu in communem illam amplam cavitatem hiat, in quam mucum oportet effundi. Ita ſe habet in dorſo linguæ, in glandulis ſimplicibus ventriculi, inteſtinorum. Has *cryptas* vocavit RUYSCHIIUS. Sinus ſæpe ſimili ſunt fabrica, & abſque alio ductu aperiuntur, ut in urethra virili.

CCVI. Aliud harum glandularum genus eſt, ubi multi folliculi ſimplices uno communi involucro excepti, oſtiis ſuis amplis in unum communem ſinum hiant, abſque vero excretorio ductu. Ita in tonſillis fit. *Conglutinatas* vocant.

CCVII. Aliæ glandulæ ſimplices *ductum excretorium* naſcæ ſunt, per quem ſuum mucum effundant, vasculum nempe membraneum, cylindricum, anguſtum, orificio ſuo poſteriori hians in cavitatem glandulæ, anteriori in communem cavitatem, cui mucus deſtinatur. Hujus-

modi ductus excretorii alicujus longitudinis sunt inprimis in glandulis subcutaneis, asperæ arteriæ, palati, sebaceis. Est ubi porum & ductum manifestius, quam folliculum demonstres, ut in naribus, larynge, intestino recto.

CCVIII. Alias plufculi hujusmodi ductus, ex suo folliculo orti, singuli confluunt, uti rami venosi solent, in unum grandiore excretorium ductum, qui pluribus folliculis communis sit. Huc pertinet glandulæ compositæ intestinorum, sinus cæcus linguæ, ex glandularum classe: ex finibus, aliqui compositi sinus urethræ, piscium & tubuli ventriculi fibri, avium: Hujusmodi glandulæ *ex simplicibus compositæ* vocari possunt. Ubi vero unice vicinæ sibi sunt, *agminatas* solemus vocare, vel *congregatas*; ut in intestinis, ventriculo, faucibus.

CCIX. Liquida inflammabilia (CXCI.) feceruntur in diversæ fabricæ organis. Adeps & medulla ex arteriarum exiguis ostiolis in tunicam cellulosam deponuntur, absque glandula. Idem adeps subcutaneus per exiguos ductus porosque passim exit, absque glanduloso folliculo. Sed cerumen, sebumque cutaneum per glandulas fecernitur, easque variorum generum. Plufculæ, sebacei generis, osculo in cute nudo adparent, & absque ductu alicujus longitudinis sunt, ut in auriculis, nymphis muliebribus, vallecule inter eas & labia pudendi intercepta, præputio penis, clitoridis, area mammarum. Hæ nihil valde diversæ

versæ sunt a cryptis (CCV.) nisi materia, quam fecernunt.

CCX. Aliæ sebaceæ habent ductum excretorium alicujus longitudinis, ut cutaneæ fere omnes, ut, quæ in cellulosa tela positæ, ductum necessario sint nactæ, qui cutem perforet. Ita in facie inprimis notissimum est, & longitudinem ductus metitur expressus vermiculus, qui ipsa sua magnitudine demonstrat, folliculum graciliori poro subesse.

CCXI. Aliæ denique sebaceæ glandulæ ex eo sunt genere, quod dixi CCVIII. in quo multæ cryptæ exiguis ductibus in unum excretorium majorem ductum consentiunt. Ita in facie passim pori majores multis cryptis communes sunt. Ita se habent sebacea illa intestinula palpebrarum: ita in organo secretorio moschi, castoris, hyænæ, civettæ, gliris, glandulæ unguinosæ, quæ in unum commune receptaculum sebum suum congerunt,

CCXII. Lac, quod ex aqua & oleo mistum, & sui generis est, in glandula conglomerata fecernitur, qualis dicta est CXCVIII. & forte ex adipe resorbto. De bile controvertitur: Sed ibi vasculosam fabricam obtinere, & absque medio folliculo ex vena portarum in radices feilleas bilem deponi, multa suadent; maxime vero injectio Ruyschiana, quæ ex vena portarum in eas radices penetrat, neque intermedios moraturos nodos offendit. Sed & lac, & bilis, multo tenuiora, aquosiora, sunt sebo folliculorum, adipe.

CCXIII. Superest, ut inquiremus, quomodo
factum

factum sit, ut ex una communi sanguinis peni-
suis semper locis constanter eadem peculiaria li-
quida generentur, neque lac in renibus, in thy-
mo bilis, in sebaceis glandulis mucus fecernatur
unquam. Hoc vero problema perfecte is demum
solvet, qui intimam fabricam organorum secre-
toriorum perspectam habebit. Interim propono,
quæ certa fide hætenus nota sunt.

CCXIV. Primum sanguis ipse, ex quo liqui-
dum aliquod parabitur, variis locis eum propri-
um characterem induit, ut plures in eo sangui-
ne particulæ sint ejus indolis, quam in liquido
ibi fecernendo regnare NATURA voluit. In he-
par sanguis venosus advenit, lente motus, plenus
adipe, plenus vapore semiputrido intestinorum.
Ad testes sanguis fertur lente per flexos, graci-
les, longos, minimo angulo ortos canales, sub
cute, loco frigido. In carotides probabile est ni-
ti validiores sanguinis partes, & spirituosas, &
densas, ut aquosius sit; quodcumque descendit in
abdomen renesque, & salivam pancreatis, suc-
cum gastricum, & intestinale separat.

CCXV. Deinde præparat ad secretionem ipsa
retardatio sanguinis in vasis minimis, qua fit, ut
sanguinis rubra pars & densior axin sui canalis sola
teneat, expellantur ad laterales ramos reliqua li-
quida pigriora, leviora, minus velociter mota,
occurrant osculis secretoriis ex latere canalis exe-
untibus, his viscore suo adhæreant.

CCXVI. Hæc ostia varia forte diametro, sem-
per tamen angustiora sunt, quam ut sanguinem
in statu naturali transmittant. Hinc aucto cor-
dis

dis impetu, utique multa sanguinem recipiunt, ut ex arteria rubra continuo oriri, neque valde minora esse rubris globulis, probabiliter concludere possis. Hinc eadem ostia secretoria ceram, sebumque crassius repellunt, tenuiora liquida arteriis injecta plerumque recipiunt. Quare hæc prima & simplicissima est secretionis machina, ut lumen osculi excretorii solas eas moleculas admittat, quarum diameter maxima diametro luminis minor sit. Hac sola ratione fit, ut arteria flava sanguine purum liquorem vehere possit, ut ductus urinifer sanguinem excludat, serumque coagulabile. Unica non est, cum grandia animalia similes cum parvis liquores generent.

CCXVII. Ea lex multis modis secreta liquida variare potest. Nam tenuissima oscula sola ultimæ tenuitatis liquida recipiunt, ut in cerebri vasculis; crassiora aquam, gelatinam, crassissima adipem admittunt. Deinde, si multa secretoria organa ex ordine ex arteria secretrice provenerint, eaque majoribus osculis donata fuerint, ultima, quæ ab eadem arteria exeunt, sola tenuissima liquida admittent. Si contra tenuia fuerint, quæ prima in ordine ex arteria secretrice provenerunt, ultima sola crassa liquida recipient. Objectum est multo minora in fetu vascula esse, pares humores. Sed quæ in fetu adeps, bilis, lympa, urina dicuntur, ea ab hominis adulti adipe, bile, lympa, & lotio valde differunt.

CCXVIII. Huc pertinet omnino, quod secretionem quidem pleræque fiant per vascula ex rubra arteria absque medio oriunda (XLV.). Eæ crassa
sa

sa liquida, & coagulabilia, & aquea separant, exemplo adipis, urinæ, fucci enterici, gastrici. Aliæ vero secretiones tenuiorum liquorum fiunt per vasa ex arteriis non rubris, sed tenerioribus oriundis; ad quarum adeo ostia non solum non sanguis, sed neque serum, neque adeps, neque crassa ulla liquida accessum inveniunt. Ita puriora tenuiora secerni necesse est. Exemplum est in oculo.

CCXIX. Nonnihil forte ad secretionem facit *angulus*, quem ramus secretorius cum trunco intercipit. Facile enim est demonstratu, ad angulos rectos, retrogrados, viscida sola & pigra expelli, per vim particularum fortiorum medium canalem tenentium; in angulos vero semirectos exitura esse liquida, quæ velocitatem suam conservant. In vivis enim animalibus velocitatem in acutis angulis majorem, in rectis angulis minorem veraces viri viderunt. Effectum vero horum angulorum in secretionem aliquem esse, vel ipsa suadet corporis fabrica, cum alios in aliis partibus ramorum ex truncis angulos, alia reperiaimus. Arbusculas enim passim referunt vasa minima, trunculis utrinque ramos fundentibus, sed variis sub angulis, parvis in intestinis crassis, majoribus in tenuibus. Aspergillum in liene referunt arteriolæ rubræ, confertim ex trunculis oriundæ; penicillum in intestinis, serpentes in renibus, stellam in hepate, cincinnum in teste, circulum in uvea efficiunt. Non frustra vero fabricæ hanc diversitatem a CREATORE factam esse,

esse, non obscura conjectura est. Nondum tamen neque fida satis diversorum retium historia habetur : neque adfinitatem fabricæ adfinitas in liquore secreto sequi videtur : & sunt venis sue fere similia retia, ad compendia utique aliqua motus sanguinis facta, non ad secretionis diversitates.

CCXX. *Flexiones* canalium minimorum tum arteriosorum, tum excretoriorum, motum insigniter retardant, in quibus adeo evidenter impulsionis a corde acceptæ pars major in mutanda figura canalis absumitur. Repetita ergo flexio arteriæ secretricis viscida colligit, quibus mora tempus concedit, quo se adtrahant. Rectitudo celeritatem, hinc copiam secretionis, facilitatem, impuritatem præterea facit, ut in urina.

CCXXI. *Densitates* arteriarum minimarum & densitates pariter osculorum secretoriorum diversas esse posse, nihil repugnat, & suadet in majoribus ramis certa observatio. Quo densiora autem erunt vasa capillaria, eo magis solas validas particulas admittent, tum tenuissimas ; ad leviores, minori impetu motas, ad crassiores con nivebunt. *Irritabilitas* fere similia facit. Si enim colum secretorium acriter senserit, repudiabit crassiores humores, transmittit fluidos : pro mucos urethræ serum flavum & tenue dabit, & simile fere pro sebo subcutaneo : augebitur etiam secreti liquoris copia, ut in lacrumæ exemplo.

CCXXII. Denique velocitatem insigniter augeat, si cor propinquum est ; si recta arteria est ;

si ad angulum exiguum nata ; si ductus excretorius ex majori arterioso trunculo, supra finem ortus est : minuit, si arteria secretrix longo ductu capillaris fuit, & a frictione maximam partem sui motus sanguis amisit ; si loco a corde remoto, ad magnum angulum nata est. Undecunque demum orta sit diversitas, velocitas major auget copiam secreti liquoris, educit liquida ponderosa, crassiores, impuriore, secretiones facit, fluidos tamen, cum moram demat, qua viscorem contrahant : tarditas adtractionem, visciditatem juvat, & forte puritatem liquidi secreti, quia similia corpuscula sibi vicina opportunius quiete data se adtrahunt, in magno canali manent, tenuiora vero per minores ramos exeunt. Hinc solus nimius cordis impetus omnes secretiones confundit.

CCXXIII. Has condiciones natura varie conjungere, separare, per suos gradus fortiores aut debiliores cuique colo inpertire potest, variisque adeo modis secretum humorem temperare. Exempla anatome subpeditat, si colum bilis, feminis, lentorum succorum, cum colo urinæ aut lacrumæ comparaveris, qui sunt fluidi.

CCXXIV. Ex his omnibus incipimus intelligere, cum omnino sint in sanguine particulae aliae lentæ, mucosæ, aliae coagulabiles, sed fluidæ, aliae rubræ, crassæ, aliae aqueæ tenues, aliae adiposæ viscidæ (CLXXXVIII. seqq.) inter eas particulas, quæcunque densissimæ sunt & maximæ, ut cruor, eas tenere axin canalis, truncumque,
hinc

hinc continuo ductu ex arteria in venam rubram transire (XXXIX.).

CCXXV. Quæ pigræ sunt & lentæ, & magnæ, ut adeps, eas decedere convenit per ostia ampliora, ex canali rubro lateraliter exeuntia, in ductus breves, cum lentor olei in longioribus stagnaret. Phænomena secretionis adipis cum hac descriptione consentiunt (XIX.). Quæ moleculæ coagulabiles sunt, specificè graviores mere aqueis, & tamen, dum vita valet, fluidæ, eæ ex arteriis rubris in arterias non rubras, sed continuas rubris, minoresque transeunt, sive eæ in trunci speciem producantur alios daturæ ramos, ut arteriæ minorum generum XLI. sive abrupto fine exhalent, ut vasa CLXX.

CCXXVI. Liquida tenuia & aquea per vasa quæcunque continua rubris, aut tenuioribus (XLIV.) exire adparet, dummodo ea minora fuerint, quam ut crassa liquida recipiant : sive ex lateribus vasorum majorum prodierint, sive a mandato per canales majores omni crasso liquido, tenuior canalis trunci loco productus fuerit, exemplo oculi. His liquidis simplicissima fabrica sufficit, & ipsa directæ arteriæ secretricis in ductum excretorium continuatio, ut in urina credibile videtur. Recta ergo hic & simplex, & absque multis flexionibus fabrica, & velocitas hætenus satis integra hic locum habent.

CCXXVII. Quæ aquosa, hinc levia, sed viscida simul, hinc pigra & immobilia, sunt, ea facile per fistulas adpensas rubris vasis breves, & angu-

stiores, quam pro pinguedine, exeunt; eoque majori copia in aliqua corporis parte de sanguine decessura esse adparet, quo velocitas a corde accepta minor, arteriæ flexio crebrior, longitudo capillaris arteriæ major fuerit.

CCXXVII. An sua singula partibus fermenta, pororum figuræ, pondera specifica, filtra, suo humore ebria, neque alium admissura nisi suo analogum, quæ determinant naturam generandorum humorum? Consideret, qui hæc admittit, diversitatem summam, quæ est in liquido ab eadem parte corporis secreto, pro varietate ætatis, generis vitæ, &c. Bilis fetui dulcis generatur, semen tenue absque vermiculis, lac vel nullum vel aquosum, urina aquea mucosa insipida, mucus uteri albissimus, cutis vasa rubro succo plena sunt, humor aqueus ruber, adeps gelatinosus est. In iisdem organis adulto homini separatur bilis acris, semen crassum, lac butyrosus, urina flava alcalescens tenuis, sanguis menstruus, humor aqueus limpidissimus. In ipso homine, quam diversa urina aquea, urina cocta, urina febrilis ponderosior, salibus, oleis plena. Adfectus animi, qui nihil mutant, nisi nervorum stricturas, miras secretionum mutationes faciunt, sanguinem per cutis vasa expellunt, bilemque. Adde frequentem secretionum turbationem, commutationem ex levibus causis, ut velocitas major alia & alia liquida per idem organum separet: sanguis enim transit fere in omnes vias liquorum omnium, fudoris,

fudoris, lacrumarum, mucī narium, mucī uterini, lactis, feminis, urinæ, adipis. Lac verum per glandulas femoris fecerni visum est. Urina, quæ ob vesicæ, ureteris, renum vitium, non separatur, exhalat in cutem, ventriculos cerebri, cellulofam totam. Perspirabile Sanctorianum, adeo tenue, frigore ad vias urinæ, medicamento adhibito, metu, ad intestinorum villos excretorios deponitur. Exhalans illud viscidulum telæ cellulosæ in eodem organo, alternatim cum adipe, adeo diverso, fecernitur, reforbetur (XVIII.), &c. Salivatio exhalans fluidum Sanctorii, exhalans internum subplet. Bilis reforbta in oculorum vasa conspicua transit. Adparet, nihil esse in fabrica quacunque cujuscunque visceris aut glandulæ, quod indolem secreti liquidi figat, aut ita determinet, quin velocitas major, minor, strictura nervorum mutata alia in integerrimis organis liquida fecerni faciat. Pondera specifica viscerum & colorum neque apud suos autores respondent ponderibus specificis humorum in iis percolatorum: neque omnino per vera experimenta innotuerunt.

CCXXVIII. Supereſt, ut inveniatur, quomodo puræ secretiones in sano homine fiant. Nempe omnia liquida recenter secreta, nullo excepto, ne oleo quidem, multum habent admixtæ aquæ, neque crassiores liquores generari posse videtur, qui nihil de tenuibus habeant: qui fit adeo, ut exuta nimia aqua semen, bilis, oleum, mucus suam propriam viscedinem, aliasque dotes consequantur?

CCXXIX.

CCXXIX. Ergo NATURA glandulas, folliculos, magnos parvosque, fabrefecit pro liquoribus, ex quibus aquam separari oportebat, ut residuum viscidius, meracius, fiat. Mucosa leniter aqua & parum haftenus diversa a perspirabili vapore, aut lacruma, deponitur in folliculos narium, asperæ arteriæ, intestinorum. Non continuo excernitur, quia ostium excretorium folliculo angustius (CXCVI.), ductus excretorius nonnumquam longus & gracilis, alias repetito flexus & anfractuosus, aut per duram cellulofam telam transmissus, aut clausus a vi aliqua sphincteris æmula, liquidum retardat, ut vix exeat, nisi aliunde pressum: neque forte nisi irritatus copia, acrimonia, folliculus peristaltico motu incommodum succum exprimat. Demonstrat matutina emunctio, egestio muci pulmonum, sternutatio post nocturnam stagnationem. Interim venæ in cavitatem folliculi productæ, patulæ, resorbent de muco tenui partem aqueam, ut magis spissetur, quo diutius retinetur, quem aqueum exprimit tenuemque, si vis stimuli continuo excernit, postquam secretus est. Exemplum in urethra, in naribus, in ipso cerumine habemus, tum in bile, quam hepar aquosam, parum amarant, non valde flavam, separat. Eam ergo vesicula retinet, calor fovet humanus, diffatur per venas resorbentes tenuius liquidum per ipsas membranas, reliquum amarius, magis oleosum, spissius fit. In femine idem est mechanismus; id in vesicula feminali conservatur, ibi spissescit, & in re-
petita

petita venere fluidum, in castis viscidissimum exit. Est ubi natura hæc receptacula duplicavit, triplicavit in eodem organo, quoties viscidissimum liquorem quærebat. In feminis via recte testis, finis epididymidis amplius canalis est, & ampla vesicula, angusta vasa testis, ductus deferens, ductus prostaticus. Hinc nusquam veræ glandulæ, nisi pro liquido viscido fecernendo. Et, si viscidus liquor ex arteriis absque folliculo separatus fuerit, semper in folliculo majori stagnat. Semen, bilis, liquor articularis, adeps, exempla præbent.

CCXXX. Potest etiam in receptaculo liquor adfuso novo liquido mutari. Semen spissescit adfuso liquido prostatæ, chylus adtenuatur admista saliva pancreatis, fero gastrico, intestinali, alcalescit bile adfusa: albumen articulare temperatur duplici pinguedine (CXCIV.).

CCXXXI. Demum id quod resorbetur, potest suas proprias utilitates animali præstare, quando in sanguinem resumtum est, ut semen mirum rigorem animali masculo addit, Plerumque etiam acrimonia in humore retento nascitur lixiviosæ similis, & ad suos fines utilis, in bile, in semine.

CCXXXII. Sed ea summa utilitas est folliculorum, receptaculorum, ut possit liquor quicunque reservari ad ea tempora, quibus solis vitæ humanæ servit, & major ejus copia colligi, quæ suis usibus certo tempore sufficiat. Bilis ad digestionis tempora, semen ad legitimam venerem conservatur,

conservatur, mucus narium noctu congeritur, ut aeris perflantis vim interdium temperet.

CCXXXIII. Hinc uti NATURA machinas fecit, quæ liquidum in folliculis magnis vel parvis morentur, ita fecit alias, quæ suo tempore ejiciant. Musculos proprios dedit glandulis nonnullis, maxime brutorum testibus, vesicæ urinariæ, vesiculæ fellis, intestinorum, ventriculi. Vel vicinos adjecit musculos, qui liquorem promoveant, ut biventer, masseter, musculi abdominis, septum transversum: vel irritabile genus nervosum adjunxit, quod, stimulo ineffabili in actionem excitum, vias clausas aperiat lacti, femini, lacrumæ, aut ab acri tactum, uti dictum, celerius liquorem destillet; quo bilis, liquor ventriculi, intestinorum, sebumque pertinet.

C A P. VIII.

R E S P I R A T I O.

CCXXXIV. Saccos pleuræ (LXXVII. LXXVIII.) replent *Pulmones*. Hoc nomine veniunt viscera duo, dextrum sinistrumque, figura ea quæ faccorum est, inferne nempe lata basi, superne obtuso ad primam costam cono terminata. Facies anterior plana, exterior convexa, postrema rotundior, media sive interna plana, posterius cava est, in sinistro potissimum, ut cor recipiat. Major est pulmo dexter: itemque frequentius in tres lobos semisectus, sinister rarius. Liberi

ex

ex magnis vasis suspenduntur, nisi ligamentum velis, quod membrana externa pleuræ, ad pulmonem abscedens, ad septi transversi sedem efficit. Inter pulmonem & pleuram vapor aquosus, coagulabilis reperitur, ut in pericardio, (LXXXII.) qui ex pulmonis & ex pleuræ superficie sudat, in fetu perpetuus, nec rarus in adulto. Is in hydropem augetur, aut in sebi speciem spissescit; aut demum in fibras pulmonem revincentes coagulatur.

CCXXXV. Pulmoni *membrana externa* simplex, tenuior, etsi pleuræ continua, ex adhæsione magnorum vasorum cordis undique super pulmonem spargitur, integra tamen flatum, facile, etiam separata a pulmone sustinens. Eadem tegit, pontis instar, intervalla lobulorum. Cum pulmone cellulosa tela conjungitur.

CCXXXVI. Fabrica pulmonis fit ex lobis, per media intervalla divisis, in quibus laxior cellulosa tela est: divisione prima in duos majores mediusque minorem lobum, cohærentes tamen, inde longa serie in minores minimosque, semper cellulosa tela undique comprehensos; donec lobuli resolvantur in cellulas membraneas exiguas, aere in adulto homine plenas, variæ figuræ, quæ inter se undique communicant. Neque adeo unico orificio ampulla ovalis musculofo textu cincta, pulmonis est elementum, quæ ex aspera arteria aerem recipiat, sed exhalantem ex ejus arteriæ minimis ramulis aerem ita admittit, ut in irregularia spatiosa effusus, a qualibet pulmonis par-

ticula in omnes, libere meet, remeetque. Id flatus demonstrat, qui in quemvis, etiam minimum, lobulum impulsus per suum asperæ arteriæ ramum, in omnes transit. Neque in homine & in animalibus minoribus intervallorum cellulosa fabrica seclusa est a pulmonalibus vesiculis, neque lobis peculiaris membrana circumdatur: in maximis utique aeris inter vesiculas & cellulosa illa spatia lobulis circumdata nullum est commercium.

CCXXXVII. Aerem in eas vesiculas adducit *arteria aspera*. Ea a larynge oritur, alibi dicendo, exque eo aerem unice habet. Pars prima unica, simplex, cui sinisterior œsophagus subiectus est, fulta latis planisque colli vertebrae, partim carnea est, partim cartilaginea. Nempe intra cellulosa telam, quæ asperam circumligat, sequitur canalis, alterne ex circellis factus cartilagineis, carneisque. Illi tenues, elastici, antè planiusculi & crassiores, extremitatibus suis posterioribus tenuioribus conjunguntur, & circulum perficiunt, adhærentibus utrique libero fini fibris muscularibus, transversis, valentibus. Inferiores circelli minores sunt, supremus sæpe adpendice auctus, proximus denique divisioni perpendicularis.

CCXXXVIII. Anuli carnei, cum cartilagineis alterne positi, sunt fibris musculosis rubris. Earum aliæ transversæ anulorum fines liberos conjungunt; aliæ ab anulo superiori ad inferiorem quemque descendunt. Aliæ vero fibræ musculares

lares ab ipsa deorsum cricoidea cartilagine descendentes, & infra divisionem bronchiorum deductæ, in pulmone evanescunt. Transversæ arctant arteriam; longæ breviorē reddunt. In pulmone, inter imperfectos anulos, aliquid etiam musculosi reperitur, minus uniforme.

CCXXXIX. In cellulosa tunica, quæ musculari circumponitur, sed maxime posterius in intercapedine cartilaginum (CCXXXVII.). sedent innumerabiles glandulæ simplices, quæ per exiguo ductu, pori simili, aperto in cavitatem asperæ arteriæ, mucum in eam cavitatem deponunt, pellucidum, aquosum, in lemas non coagulabilem, lenissimum, cujus summa est utilitas in membrana sensilissima defendenda ab aere impuro, pleno corpusculis mechanice molestis, & chemice acribus. Conglobatæ glandulæ asperam arteriam ejusque bronchos, plurimæ circumstant, sed eæ lymphatici generis sunt; etsi earum niger humor non rarissime in asperam arteriam penetrat. Denique internum asperæ arteriæ tubum perficit membrana, epidermide tecta, cuti & oris membranæ continua, levis, pulposa, valde irritabilis. Eam, qua musculosæ tunicæ respondet, cellulosa tela ambit.

CCXL. Vasa hujus partis integræ asperæ arteriæ sunt, in collo a thyreoideis inferioribus, in thorace ab aliis etiam ramulis subclavium truncorum, aut mammariarum, & bronchialium proprie dictorum. Nervi a recurrente, ab intercostali, copiosi.

CCXLI. Ad supremum thoracem aspera arteria inter laminas posterioris mediastini recipitur, inque tertia vertebra aut paulo superius, in duos trunco similes ramos dividitur, perinde imperfectis cartilaginibus factos, glandulis similibus instructos, quorum uterque in suum pulmonem descendit, dexter autem brevior & major est. Ubi in pulmone sunt, anuli cartilaginei abeunt in fragmenta magis & magis difformia, gnomonica, angulosa, triquetra, majori portione membranæ mista, donec decrescente cartilagine, ultimi ramuli *bronchiorum* membranei fiant.

CCXLII. Ejus ultimi rami, invisibiles, exhalant aerem, in cellulosa spatia pulmonis adulti, atque ab iisdem spatiis recipiunt vaporem arteriosum, expirantem.

CCXLIII. Vasa bronchiorum sunt arteriæ venæque bronchiales: Illæ fere duæ, ut una ab intercostali aortica suprema prodeat, & dextro vel utrique pulmoni prospiciat, altera a trunco aortæ ad sinistrum pulmonem eat. Aliquando plures visæ, ut tres sint, accedente secunda aortica: Alias unica, communis est. Bronchi pars thoracica extra pulmonem posita, propria ab aorta, aut a subclavia, aut a mammaria, aut ab intercostali, vasa habet. Venæ bronchiales duæ, constantiores, dextra ab azyga, sinistra a venæ subclaviæ proprio ramo, intercostali superiori sinistra. Hæc vasa cum asperæ arteriæ ramis migrant, in membranas eorum descendunt, & arteriæ cum arteriis pulmonalibus communicant,

venæ

venæ cum venis, & rete faciunt in cellulosa tela interiori. Est ubi vena pulmonalis ipsa pulmōni dedit ramos minores, asperæ arteriæ, superficiēi pulmōnis.

CCXLIV. Sed alia majora vasa pulmōni data sunt, arteria dicta CVI. CVIII. & vena CX. Arteria magna, in fetu quam aorta major, in adulto homine exigua portione minor, duos habet ramos, dextrum majorem sed brevem, sinistrum angustiores & longiores. In fetu truncus ipse in aortam descendentem continuatur, ductus arteriosi nomine notus. In adulto homine iste truncus in solidum ligamentum abit. Venæ pulmonales quatuor se ramis arteriosis & asperæ arteriæ, comites addunt per pulmōnem, multa cellulosa circumdati, quæ aucta ultimo ipsum pulmōnem constituit. In ea dividuntur & aerea vasa, & levia, & in cellulosæ ultimæ spatiosis minimæ arteriolæ venæque repunt, intertextæ in retis speciem, ibique & arteria vaporem copiosum in pulmōnis aereas cellulas exhalat, & vena ab iisdem vaporem aquosum recipit. Hinc aqua tincta, serum lactis, cera tenuior impulsæ pulmōnali arteriæ cum spuma in asperam redit, & vicissim ex aspera in pulmōnalem arteriam venit. Eademque ratione ex vena pulmōnali in aspera vasa, ex his in venas, & denique ex arteriis rubris in venas pulmonales libere liquor injectus it reditque.

CCXLV. Vasa lymphatica, ut alibi, in superficie pulmōnis reticulum faciunt, a quo rami ad mediastini

mediastini posterioris caveam, glandulas adfidentes œsophago, & ductum thoracicum veniunt. Nervi exigui anteriores minores, posteriores aliquanto majores, sunt a nervo octavi paris; & aliquid a recurrente etiam, & a cardiacis plexibus, cum vasis magnis accedit. Quare exiguus pulmonis sensus est, acris tamen nervulorum in naturam bronchorum divisorum. Neque pulmo de irritabili genere est.

CCXLVI. Maxima, quæ pulmonem subit, est sanguinis portio, æqualis illi quæ totum corpus eodem tempore adit, & forte major; demonstrat ergo aliquam summam utilitatem esse hujus visceris. Ea ab aere manifesto pendet, ex consensu totius naturæ, in qua nullum facile animal absque respiratione reperitur; ex fetus fabrica, in quo inutilis pulmo, ob aeris absentiam, minorem tantum partem ejus sanguinis recipit, quem arteria pulmonalis ex corde effert. Dicenda est ergo respiratio, sive aeris in pulmones adtractio, & expulsio.

CCXLVII. Aer, ex physicis, elementum est fluidum invisibile, elasticum incorruptibili cum renixu, soniferum. Sed aer, quem vulgo pulmone recipimus, impurus est, copiosissimis aqueis vaporibus aliisque, etiam salibus, & acore universali, feminibus animalium, vegetabilium, alienisque aliis minutiis plenus, gravis, ut tamen pondus octingenties quinquagesies fere quam aqua, minus habeat, & pes cubicus inter 610 & 694 grana ponderet. Hic aer circumfusus undique

undique terræ, pressus ab incumben-
tibus superne columnis, pressus a lateralibus, subit ubique minus resistitur, vi magna, ut demon-
strant experimenta in vacuo spatio facta, phænomena ant-
liarum; ut in corpus humanum non minus
30000 libris nitantur. Arcetur a poris potissi-
mum membranarum, quos tamen aqua permeat:
difficiliter etiam per oleum penetrat, mucumve.

CCXLVIII. Ab omni corpore humano exclu-
ditur aer ambeuns cute densa, aeri, etiam ubi
sicca est, inpermeabili, subjecto adipe, angustis
vasorum reforbentium, æquabili resistantia. Pul-
monem aere in homine adulto alioquin semper
plenum, hinc æqua vi atmosphæræ toti reniten-
tem, cur subeat aer, videndum: semper vero
aerem continere demonstratur, quod, utcun-
que presseris, levior sit aqua, etiam post paucas
inflationes, & innatet, qui in fetu, aere non-
dum admissò, fundum petebat.

CCXLIX. Sublato æquilibrio, aer in locum,
qui minus resistit, descendit ubique, perpetuo
(CCXLVII.). Descendet autem facilius aer den-
sus & ponderosus, minus facile levis aer, cujus
vis pulmonalem aerem parum superat, neque
resistentiam bronchiorum & virium pulmonis a-
eream partem conprimentium eadem vi superat.
Hinc commodius in densiori aere vivitur, minus
commode in leviori: etsi ubique melius tolera-
tur, qui purus in sua levitate est, qualis est Al-
pium editiorum aer. Ergo ut aer in pulmonem
veniat, faciendum, ut pulmo minus resistat aeri,
quam

quam prius, nempe ut rarefiat aer, quem pulmo in cellulosa sua fabrica retinet ; id autem obtinebitur, si dilatetur pectoris cavitas, quam pulmo replet. In id amplius spatium diffundit se aer, qui pulmoni nunquam non inest : ita, dum in majus spatium effunditur, debilitatur, aeri externo minus resistit. Ergo ex eo aere externo, ea portio descendit in pulmonem, quanta sufficit, donec aer, qui pulmones nunc replet, eandem densitatem cum aere externo recuperaverit.

CCL. Dicendæ ergo vires quæ pectus dilatant. Pectus aut thoracem vocamus cratem mistum ex ossibus, cartilaginibus & carnibus, qui dolii fere elliptici figura est, antrorsum tamen compressi, posteriori eminentia divisi, cujus circuli costæ sunt, singulari firmitate. In ejus cratis parte laterali sedent pulmones ; mediam, inferiorem, primo pericardium, deinde viscera abdominis occupant.

CCLI. Fundamentum thoraci præstat columna, in quam vertebræ duodecim coalescunt, curvula, retrorsum superne gibba, ut etiam ea sede, quæ suprema, eadem maxime posterior sit. In unam autem columnam suis corporibus coalescunt, quæ inter duas pectoris caveas antrorsum prominet, dextramque a sinistra dividit, antrorsum plana, & ad latera lata. Costas, qua a corpore arcus secedit, levis sinus excipit. In unam columnam revincit, tum elastica tabula utrique corpori interposita, & cum utroque coalescens, tum alia ligamenta, & spinæ spinis incumbentes,

&

& costarum conjunctio, quæ faciunt, ut ægre aliquis inter eas motus sit. Latera pectoris costæ duodecim perficiunt. Istæ in universum in arcus modum flexæ sunt, sed irregularem, cui posterius & lateraliter magna curvatura sit, in anteriori sede in rectam lineam explicetur. Costarum osseæ partes inter se utcunque parallelæ sunt; pars maxima ossea est, posterior crassa, teres, anterior plana, tenuis. Reliqua costæ pars anterior perficitur cartilagine, quæ in universum figuram ossis continuat, lata, conplanata, sinui difformi osseæ partis innata, in osseam naturam non transitura, nisi sero in senio.

CCLII. Posterior ossea, crassaque pars costarum, in capitulum terminatur, quod foveolam ingreditur, in supremæ & imarum duarum vertebrarum corpore, in reliquarum duarum quarumcunque vicinis marginibus insculptam. Ligamenta vertebrae costis revinciunt firma, quorum præcipuum a quavis costa in vicinam utramque vertebram radiatim dividitur: alia processum transversum ad tuberculum costæ revinciunt, alia ipsas proximas costas, & una processus transversos inter se colligant. Deinde inter angulum curvaturæ & articulationem cum vertebris, quælibet decem superiorum costarum tuberculum educit, quod processui transverso vertebræ cujusque planiuscula superficie conjunctum, brevibus, fortibusque ligamentis ita ad eum processum revincitur, ut lenis aliquis costæ adscensus & descensus,

Q

scensus, sed cum magna stabilitate, liber relinquatur.

CCLIII. Inter anteriores illas cartilagines, septem superiores ad sternum perveniunt, & foveas laterales, cartilagine incrustatas, hujus ossis ingrediuntur, bipartito capitulo, brevibus etiam ligamentis confirmatæ. Reliquarum, quæ quinque sunt, superior septimæ, deinde inferior quæque superiori adglutinatur firma cellulositate, ita marginem continuum efficiunt, qui & ipse in sternum firmatur. Eadem inter se & ligamentis propriis, & cartilagineis per cellulositatem junctis adpendicibus connectuntur: imæ duæ liberæ sunt, solisque cum musculis connectuntur. Eæ cartilagines inferiores inter se & cum sterni ligamentis firmis uniuntur.

CCLIV. Prima costa brevissima est, sed eadem solidior; ut sequuntur ad septimam & octavam, ita binæ binæque in circellos abeunt longiores & mobiliiores. Octava longissima omnium est, inde continuo, uti inferiori loco, ita breviores sunt.

CCLV. Directio costæ supremæ descendit, secunda fere ad angulum rectum sterni committitur, reliquæ adscendunt, & ad vertebrae, & ad sternum, hic vero magis. Ipsa vero pars ossea costarum ita dirigitur, ut supremæ planities anterior valde declivis antrorsum, pene transversa sit, tertiis ad perpendicularum ponatur, mediis inferius paulum antrosum emineat. Præterea firmitates costis valde diversæ sunt. Superiores breves, sterni connatæ potius, quam dearticula-

tæ,

tæ, transversæ, sæpe demum conferruminatæ, firmissime resistunt. Inde mobilitas ad inferiora augetur, donec ima costa, carnibus solis innata, mobilissima sit.

CCLVI. Sternum in universum tenuē & spongiosum os, in adulto unicum, fetui varie multiplex est. Suprema pars latior octogonia, & a claviculis firmatur, quæ triangulari capite, & valde arctâ articulatione sternō committuntur, & a costâ utrinque prima. Pars altera longior, angustior, deorsum latefcit, ejusque latera costas in proprias angulares cavitates recipiunt. Ima pars minor, brevior, obtusam linguæ figuram imitatur. Ea in liberam, partim osseam, partim cartilagineam mutabilis figuræ adpendicem, continuatur, quam ensiformem vocant, quæ & obtusa lingula & mucronata, & bifida, & perforata reperitur.

CCLVII. Ut dilatetur ergo pulmonis sedes, adeoque ea nascatur conditio, qua data aer externus in pulmonem descendit, thoracem elevari necesse est. Ita omnes sectiones thoracis rectos angulos faciunt, capacitate crescunt. Eum motum varii muscoli præstant, qui vel constantius vel rarius operantur. Perpetuo ergo costas elevant *intercostales* omnes. Hoc nomine intelliguntur viginti duo muscoli, quorum undecim externi sunt, sive cuti propiores, totidem interni, qui a pleura solo adipe & cellulosa tela separantur. Externorum initium est ad costarum posteriorem articulationem (CCLII.) finis in ossea

parte costarum antèrius, ad aliquam a cartilagine distantiam, ut reliquum spatium inter cartilagine ad sternum usque musculorum loco aponeurosin habeat. Directio ea est, ut a margine inferiori costæ superioris, in marginem superiorem costæ inferioris antrorsum descendant. Elevare costas omnes fere auctores consenserunt, quod a costa superiori, firmiori, ad inferiorem mobiliorè ita descendant, ut pars inferior ab articulatione cum vertebris, sive hypomochlio vectis costarum, remotior sit.

CCLVIII. Sed interni intercostales ad aliquam ab ipsis vertebris distantiam oriuntur, fere ad exteriora tuberculi CCLII. Inde pergunt ad sternum usque, cui primi hujus generis superne inferuntur. Directio contraria prioribus est, excepta primi musculi interni parte anteriori, ut a costæ superioris margine inferiori ad inferioris costæ superiorem marginem retrorsum descendant. Quare de actione ambigitur: cum pars musculi inferior in eam costæ sedem inferatur, quæ propior est articulationi cum vertebris, adeoque immobilior esse videatur. Sed elevant tamen. Longe enim major est excessus firmitatis costæ superioris, ex articulatione, pondere, ligamenti nata, quam mobilitas illa orta a majori ab hypomochlio distantia. Demonstrant vivorum animalium sectiones, quibus constat, in elevatione costarum internos musculos operari, in depressione quiescere; fila sceletò humano flexili adfixa, & adtracta secundum directiones intercostalium

staliū musculorū internorū, quæ costam inferiorem semper & ubique ad superiorem adducunt; firmitudines costarū supremarū, quæ inferioribus pro puncto fixo sunt, cum primæ costæ octuplo & duodecuplo reliquis veris firmiores sint, diversitas vero distantiae ab hypomochlio vix sit vigesima pars totius vectis; experimentum in cadavere, cujus thorace elevato intercostales interni intumescunt.

CCLIX. Horum ergo musculorū actione thorax elevatur, non totus, tanquam una machina, neque inde respiratio adjuvaretur. Sed costæ, circa suas articulationes rotatæ, posterius parum mutatæ, tamen deorsum anteriori suo fine descendunt, angulos & cum sternō & cum vertebris majores faciunt, in mediis vero arcubus adscendunt, marginem suū inferiorem antrorsum erigunt. Una sternum antrorsum a vertebris a costis conjunctis educitur. Ita costæ, & a vertebris removentur, & dextræ a sinistris recedunt, & diameter utraque a dextris ad sinistras, & a sternō ad vertebrae augetur, utrumque ad duas fere lineas: & adeo, cum in omni imaginabili sectione thoracis idem contingat, satis ampliter pectoris cavea dilatatur. Id in feminis fit inprimis, & in viris paulum anhelantibus. Hæc etiam omnium minime a costis primis fiunt, magis a sequentibus. In fortissima inspiratione & posterius costæ descendunt & antè, & una cum ipsis sternum, & spatia inter cartilaginee minuuntur. Sed neque sufficit hæc dilatatio
fano

sano homini, neque in viris fere manifesta est, et si etiam tunc muscoli intercostales, retinendo costas & elevando, inspirationem plurimum taciti adjuvent, dum punctum fixum septo transverso præstant, ut vim omnem, non deprimendis costis, sed proprio velo deprimendo inpendat. Major pars ergo spatii, quod thorax acquirit in inspiratione, est a *septi transversi* actione.

CCLX. Eo nomine musculus venit, in planum curvilineum expansus, qui in universum saccos pulmonales ab abdomine ita distinguit, ut pars fere media tendinea altissima sit, & pericardium fulciat; partes laterales, quæ a partibus solidis thoracis & lumborum oriuntur, undique humiliores sint, humillimæ tamen quæ postremæ. Carnes hujus musculi oriuntur ab adpandicis ensiformis facie interna sive posteriori, ad ipsum finem, a costa sexta, septima, octava, nona, decima, undecima, apice duodecimæ: tunc intervallum aliquod sequitur, in quo nuda pleura peritonæum contingit. Inde porro septi musculosæ adpandices, multo validiores, & in teretes musculos duos, tres, quatuor utrinque collectæ, oriuntur carneæ a processu transverso vertebræ lumbalis primæ, a latere corporis secundæ, tendineæ demum a secundæ, tertiæ, quartæ corpore medio, & interpositis cartilaginibus, in sinistro latere universum altius, inferius in dextro.

CCLXI. Fibræ istæ omnes (CCLX.) in tendineam naturam mutatæ, efficiunt centrum septi transversi, quod obtusum gnomonem refert, medioque

dioque latiori angulo pericardium fulcit, latera-
libus alis, quarum sinistra angustior est, retror-
sum descendit. Liberior hoc centrum est, sed
media in parte tendinea, & vicina carnea cor re-
sistit; laterales alæ & quæ vicinæ sunt carnes, ex
mobilissimæ sunt. Ejus tendinis fibræ pulcherri-
mæ faciunt telam quidem principem superiorem,
quæ a quaque carne ad obpositam carnem tendit:
deinde fasciculos insignes inferiores transversum,
dextrum, sinistrum, etiam posteriorem, qui ta-
men superior est.

CCLXII. Foramina in septo duo sunt, quo-
rum dextrum obtuse quadratum in tendinis dex-
tra parte quatuor fasciculis validis tendineis cin-
gitur. Sinistrum ellipticum ponitur inter carnes
dextras & sinistras, a mediis corporibus vertebra-
rum lumbalium ortas, sub foramine se semel &
bis decussantes, superius vero in tendinem ab-
euntes. Quare hoc stringi in actione septi, illud
in eadem immobile esse probabile fit. Tendines
enim in motu musculorum minus mutantur.

CCLXIII. Fabrica, vivorum animalium sectio
demonstrat, septi transversæ carnes, cum undi-
que a partibus firmis adscendant ad medias & mo-
biles, eas ipsas deprimere, atque adeo laterales
saccos thoracis (LXXVII.) quibus pulmo inest u-
trinque, deorsum ducere, sic diametrum per-
pendicularem pectoris insigniter augere. Magis
carnes deprimuntur, tendo minus; tum quod
innatus pericardio, tum quod ipse non contra-
hatur. Oesophagus, etiam vena cava stringun-
tur,

tur, dum diaphragma laborat. Solum fere septum in viro sano, quieto, respirationem perficit, & in thorace, cujus costæ fractæ, aut sternum ruptum fuerit, aut ob dolorem homo costis uti noluerit. Plus etiam, calculis positis, diaphragma in dilatando pectore potest, quam reliquæ conspirantes vires. Magna inspiratio hactenus coercetur, quod in summa septi transversæ contentione costæ infimæ introrsum ducantur, & hactenus pectus arctatur. Id ne fiat intercostales muscoli in respiratione non maxima intercedunt, in maxima inparēs diaphragmati. Nervus phrenicus, evidentius quam in plerisque musculis irritatus, diaphragma cogit suo officio fungi. Ipse pulmo unice obedit aeri, septo costisque, his adpressus, ut per amplum vulnus: integris omnibus, per pleuram septumve pellucidum adparet.

CCLXIV. In majoribus inspirationibus, quas copia sanguinis pulmoni adpulsi exigit, aut difficultas in pulmone objecta, accedunt ad dilatandum pectus vires elevantes thoracem variæ, vel thoraci, vel claviculis, vel scapulæ insertæ, scaleni muscoli, mastoidei, trapezii, cervicales descendentes, ferrati superiores, pectorales, tum levatores parvi, quos ex anatome oportet repetere.

CCLXV. Habemus vires, quæ secundum omnes tres diametros pectoris capacitatem augeant (CCLXIII. & CCLIX.) ab iis pectoris cavitas dilatatur, ut pulmonem minus quam prius comprimant;

primat; in id spatium pulmo nititur se diffundere, cum nunquam aere destituatur, qui pressione sublata se in raritatem expandat. Absque ea musculari vi pulmo nulla propria sua potentia aerem adtrahere aptus est: & eo plenissimo, obturata arteria aspera, animal tamen per suas intercostalium muscutorum & diaphragmatis vires conatur inspirare. Superest, ut aer (CCXLVII.) gravis & ab incumbentibus atmosphææ columnis pressus, subeat pectus; eo majori vi, quo minus aeris in pulmone est; maxima, si nullus adfuerit; nulla, si aer ad pulmonem per vulnus pectoris admissus, vi pulmonis superficiem conpresserit. Ergo hac actione, quæ inspiratio vocatur, bronchia undique augentur, longitudine, latitudine; cum ad omnes diametros pectus augeatur, pulmo vero inflatus absque ullo intervallo pleuram contingat. Una, vasa, quæ cellulosa vagina cum bronchiis conjungit, longiora fiunt, extenduntur; anguli parvi fiunt majores; hinc circulatio faciliior. Deinde, dum vesiculosa pulmonis caro aere plena fit, spatium augetur, in quo vasa capillaria pulmonis migrant, rami arteriarum & venarum in majores angulos diducuntur, lobi lobos minus conprimunt, compressio vicinorum minuitur, liberius ergo ex corde missus sanguis in majora, minimaque vasa arteriosa pulmonis irrui, & acceleratur. Hinc moribundum animal inflato pulmone, sanguinis ergo ad sinistrum ventriculum itinere nunc faciliiori, ad vitam revocatur, & perinde homo qui aquis submersus mor-

tui similis extrahitur. Preffionem vero aeris in sanguinem, in tanta ejus levitate, negligere possumus, quæ tercenties vi cordis minor sit, neque aerem in sanguinem urgeat, quod siphon non difficulter potest.

CCLXVI. An aer inter pulmonem est & pectus? an is aer rarefit in inspiratione, idemque restitutus, comprimens pulmonem, facit expirationem? An hanc sententiam confirmat avium exemplum, ubi omnino vera est? Omnia contra hanc opinionem consentiunt. Pone pleuram animalis quadrupedis vivi, aut cadaveris, pulmo nudus oculis distinguitur, nullo spatio diremtus. Perforata pleura pulmo se, quamprimum ab aere adtingitur, ad vertebrae recipit. In avibus utique pulmo grandibus foraminibus pervius aerem in cavum thoracis dimittit: sed in iisdem pulmonem inter & pleuram manifestum intervallum est: perinde in quadrupedibus futurum manifestum, si pulmo a pleura distaret. Majora vulnera, aere in unum cavum thoracis admissa, respirationem minuunt, in utrumque recepto, subprimunt. Sub aqua apertus thorax nullam in aquam emittit aeris bullulam; emittit vero in avibus, quibus in pectore aer est. Spatium imaginabile inter pulmonem & pectus vapor replet, vel aquula. Pulmones, si adhæserint, modice respirationem lædunt, quæ nulla superesset, si aer inter eos & pectus ad respirationem medius requireretur. Aer denique externus omnes in corpore humano membranas admissus corrumpit,
nisi

nisi plurimo mucro defendantur ; is autem a pleura abest.

CCLXVII. Verum respiratio, five inmixto vapore subputri, five alio quocunque modo, certo vitiat aerem, & ineptum reddit, qui vel pulmonem distendat, vel flammam alat ; denique id elementum elatere suo exsistit. Credas id a putredine fieri, cum aer a turba hominum pestilens reddatur, febresque malignissimas intra paucas horas generet. Utut id fiat, aer certe in pulmone retentus vitatur, amittit elaterem suum, non potest ita distentum tenere pulmonem, ut sanguinis copiam nunc per dilatatas arterias pulmonales auctam in venas transmittat. Neque potest voluntas supra certos fines dilatare pectus, aut transitum eum sanguinis adjuvare. Orietur ergo status in quo sanguis per pulmonem meare nequit.

CCLXVIII. Ita nova resistentia nascitur sanguini a corde perpetuo advenienti, &, in diuturnioribus spiritus retentionibus, ut in nixu, sanguis venosus, maxime capitis, stagnat ante clausum cor dextrum, quod se in pulmones evacuare non potest, faciem tumefacit cum rubore, rumpit aliquando venas cerebri, colli, intestinorum, renum, pulmonis demum, auremque dextram. Hæc causa anxietatis in anima summæ, hæc causa mortis in aere conpresso, in submersis, in strangulatis, multo magis subita, quam vulgo de submersis creditur. Ergo illi, quæ a sanguinis itinere suppresso oritur molestiæ, ut homo vivus

obviam eat, relaxat vires inspirationis, & ciet in actionem vires expirationis, quæ aere nimis rarefacto pectus liberent.

CCLXIX. Vires istæ sunt primum elater costarum ex suo nativo situ sursum ductarum, quæ remotis viribus elevantibus sponte se in angulos cum sterno & vertebris acutiores reponunt. Accedit elastica pariter vis bronchiorum & vesicularum, ab aere distentarum, qua in contractionem nituntur. Hinc exspiratio facilior, & celerior inspiratione: hinc morientium ultima actio.

CCLXX. Porro consentiunt muscoli abdominis; obliqui, deinde recti, & transversi. Eorum priores aliqua parte sui firmantur ad costas inferiores, alia retinentur ad os pubis, iliumque immobile, si cum pectore compares. Quare contracti, recti quidem arcum illum, in quem viscera a diaphragmate depressa abdomen expulerunt, contrahunt, convexitatem abdominis rectitudini propiorem faciunt, viscera abdominis retrorsum, sursum, contra septum transversum, quod solum cedere potest, inpellunt, id in thoracem urgent, eum breviorum faciunt. Obliqui similibus causis laterales etiam partes abdominis constringunt, hepar, ventriculum, retrorsum premunt, inque partem minus resistentem urgent. Omnes denique costas detrahunt, ab intercostalibus elevatas. Transversus costas non detrahit, introrsum tamen paulum ducit spuriarum cartilagine, abdomen totum vehementer angustius reddit, viscera eadem contra septum urget. Accedere pu-

tes vires sternocostalium, intercostalium interiorum longiorum, qui depressores dicti sunt. Ex hac conjuncta vi costæ superiores descendunt, magisque mediæ, supremæ minus, ima maxime: & eadem introrsum margine suo ducuntur: cartilagine adscendunt, inque acutos cum sterno angulos redeunt, & sternum retrorsum cum costis redit. Sic pectus per conversam CCLIX. angustius omni modo & brevius fit, expellitur de pulmone pars aeris tanta, quanta sufficit ad tollendam molestiam CCLXVIII.

CCLXXI. In validioribus respirationibus, quando inspirationes majores factæ sunt, majores expirationes aliquæ aliæ causæ adjuvant, ut sacrolumbalis musculus, longissimus, quadratus. Ea vi efflationis glandes plumbeæ drachmæ & ultra pondere ad 363 pedes projiciuntur, eaque vis tertiæ parti pressionis atmosphæræ æqualis est. Sed in sano homine soli muscoli abdominis sufficiunt, neque pulmo ita, ut in efflatione, evacuetur.

CCLXXII. Effectus expirationis sunt, comprimere vasa sanguinea pulmonis, angulos bronchorum acutiores reddere, vasis reticularibus pondus vicinorum vasorum inponere, sic aerem corruptum de pulmone expellere, partem sanguinis arterioli capillaribus inactam ad cor sinistrum per venas propellere, parti vero sanguinis resistere, quæ a corde dextro advenit. Sistet ergo exspiratio sanguinis facilius ad pulmonem iter, & cum una totum pectus conprimatur,
sanguinem

sanguinem venosum in venas capitis repellit, cerebrumque & ejus sinus inplet.

CCLXXIII. Ita nova necessitas respirationis renascitur, dum sanguini a corde dextro aliquoties expulso, collapsa vasa pulmonis resistunt. Ea causa mortis altera in iis animalibus est, quæ in spatio aere vacuo pereunt. Pulmones iis diutius in vacuo morantibus aere educto densi, solidi, aqua graviores: hinc sanguini inmeabiles redduntur. Similis est eorum animalium mors, quæ a fulmine extinguuntur, forte & ab antris charoniis. Quare vi sapientissimæ fabricæ, ad primum sensum incommodi ab impedito transitu sanguinis nati, laxatis viribus expirantibus, inspirantes in motum cientur, motus sanguinis per pulmonem liberatur & acceleratur.

CCLXXIV. An aliæ causæ alternæ respirationis? An aliquid sperandum a compressa vena sine pari, nervo phrenico, a sanguine ad cerebrum non misso? Repugnant hæc anatomix comparatæ, quæ absque ullo simili nervo, vena, ubique eam alternationem respirationis reperit: experimento, quod ostendit, pulmonem ad summum distentum nervum phrenicum sua vi movendi diaphragmatis non privare. An ab alterna tractione antagonistarum musculorum, inter quos expiratorii inspiratorios relaxant, isti priores? sed ex eadem ratione omnes in corpore humano muscoli perpetuo in motu alternarent.

CCLXXV. Ex prioribus satis constat, respirationem homini sano & adulto perfectæ necessitatis

tatis esse. Nam five in inspiratione pulmo manferit, five in expiratione, perinde perit (CCLXXIII. CCLXVIII.). Hinc nullum animal, quod pulmonem nostro similem habet, postquam aliquamdiu respiravit, ut pulmo aerem per intima receperit, & arteria pulmonalis sanguinis novam abundantiam in pulmonem detulerit, aeris ufura supra pauca minuta horæ carere potest, quin vel pereat, vel certe in eum statum incidat, qui a morte sola suscitabilitate differt. In animali nuper partu edito hæc aeris necessitas non ita subito nascitur.

CCLXXVI. Sed ab ea necessitate differt utilitas respirationis. Illam natura evitasset pulmone aut nullo facto, aut tali, qualis in fetu est. Utilitatem ergo respirationis magnam esse oportet, quum omnia animalia aut pulmonem nacta sint, aut branchias, aut asperam arteriam per corpus omne divisam.

CCLXXVII. Ut eam utilitatem eruamus, comparemus sanguinem adulti hominis cum fetus sanguine & cum piscium liquido vitali. Adparet in fetu deesse sanguini ruborem floridum, densitatem solidam; a piscium sanguine ipsum calorem abesse, densitatem vero ibi minorem, & tenerum crassamentum reperiri. Utramque proprietatem sanguinem in pulmone acquirere natura rerum ipsa suadet.

CCLXXVIII. An in pulmone calor imprimis nascitur? Nonne id fit ab alterna extensione & contractione, relaxatione & compressione vasorum

rum CCLXV. & CCLXXII. unde perpetuo solidæ partes inter se ipsas confricantur, & sanguinem constrictæ adterunt? Addet adeo pulmo ad reliquarum arteriarum officium, quod in eo magis quam usquam alterne sanguis laxetur, alterne conprimatur. Sed pulmone obstructo, ulceroso, pene deleto, calor morbosus in homine invalescit: sed in pulmone aer frigidior sanguinem ex proximo contingit.

CCLXXIX. Densitas quidem adjuvatur exeunte de pulmonis vasis copioso aqueo vapore, quo separato reliqua massa specificè gravior fit. Eodem etiam, quo in aliis arteriis, modo sanguis per modulos minimorum vasorum alterne retardatus, alterne velocius transactus, figuratur, sphaericus fit, hinc densior, plus nempe ponderosorum globulorum, levis liquidi minus. Neque nihil potest vena pulmonalis angustior focia arteria, in qua adeo propius ad se invicem accedunt globuli, & vis adtractrix augetur. Et tamen cum minimo pulmone animalia frigida sanguinem densum & coagulabilem habent, & aere destitutus pullus. Et sanguis per pulmonem brevius iter habet, per universum corpus longius, & arteriam debiliorem; cor, a quo agitur, debilius.

CCLXXX. An ergo aer ipse in sanguinem recipitur in pulmone, & ibi oscillationes facit necessarias? An id demonstrat resistentia corporis contra pondus aeris externi? aer in sanguineis vasis, telis cellulosis, & cavitatibus corporis hu-
mani

mani repertus ; strepitus in articulationum extensione ; aer in multorum animalium corda manifesto ex tracheis effusus, ut in locusta ; aer de sanguine & humoribus animalium in vacuo BOYLEANO exeuns ; necessitas oscillationis vitalis in sanguine ; rubor auctus sanguinis pulmonalis ?

CCLXXXI. Imo nihil aeris elastici in sanguinem hic recipi demonstrat aeris in sanguinem negatus aditus, si elasticum contineret ; inutilitas recipiendi, si in sanguine elaterem deperit ; perfecta sanguinis in frigore inmutabilitas ; exilitas vasorum inhalantium ; mucus perpetuo illinens vesicularum parietes ; aeris elastici natura ad iter per vasa capillaria minime idonea ; repulsio ab aqua, qua impeditur, ne per chartam, linteam, pellem madidam aer transeat. Idem impulsus asperæ arteriæ non transit in cor, & tunc demum transit, quando nimia vi inpellitur : Aer in vasis humanis, & in humoribus ex non elastico fit elasticus, gelu, putredine, vacuo externo. Is autem aer in omni liquido inest ; cum cibus, cum vaporibus advenit, lente mistus & difficulter. Nulla unquam in vivo calido animali bulla aerea in sanguine visa est, nisi post vulnus. Animal, cui aer in sanguinem inflatur, perit certo & velociter. Neque quidquam satis certi est in sanguinis venarum pulmonalium aucto rubore. Demum solvitur quidem aer in plerisque humoribus, & in aqua, sed lente, etiam tunc post aliquot demum dies, quando prior aer per antellam exhaustus fuit. Et tunc elasticam suam

naturam deponit, neque quidquam producitur causæ, cur in sanguinem aut expeditius deliquescat, aut dissolutus naturam elasticam retineat.

CCLXXXII. An refrigeratur in pulmone sanguis? An id docet mors animalis in aere, qui eo gradu calet, quo animal, ut creditur constitisse in diebus æstivis fervidissimis, ventis æstuosus orientis? An ideo minores arteriis pulmonis venæ? An inde in laboriosis frigoris desiderium? Refrigerari in pulmone sanguinem hæcenus verum, quod aerem contactu calefaciat, aliquid ergo ipsi de suo calore tradat. Sed eum finem naturæ non fuisse, demonstratur, cum nemo sanguinem venosum arterioso calidiorem dixerit, frigidiorum invenerint aliqui; nemo cor sinistrum dextro frigidius viderit. Sed venosus sanguis in pulmonem venit. Si ibi refrigeratur, sequitur, ut arteria adhuc frigidior accipiat. Eum ergo, quem amisit, calorem, & ultro sanguis recuperat, & omnino in aere multo calidiori vivi potest, quam sanguis ipse est, in balnearum familiari exemplo, & regionum calidiorum. Amplitudo arteriæ pulmonalis, in fetu non respirante major est, dextrique cordis aurisque major area pariter in fetu multo major, videtur receptaculum esse pro mora sæpe necessaria; & angustia venæ aliquid ad accelerandum sanguinem confert.

CCLXXXIII. An ab aere sanguinis rubor? Repugnant animalia frigida, aeris usura pene carentia, quibus æque ruber sanguis est ac quidem calidis:

calidis : ruboris in ranis certa conjunctio cum ubere cibo, palloris cum jejunio : via, ut modo diximus, aeri ad sanguinem interdicta. Et tamen ab aeris accessu ad sanguinem rubor nascitur, & reparatur ; ab eodem averso extinguitur. An subtilius elementum ab aere in sanguinem penetrat, quod eum colorem faciat, ut lumen ad plantarum colores requiritur ?

CCLXXXV. An utilitas pulmonis est resorbere nitrum sanguini de aere ? An inde rubor floridus, qui in placentæ sanguinæ superficie adparet, dum pars fundo proxima atra est ? an ea animalis contra putredinem tutela est ? Acorem volatilem in aere aliquem inesse certum est, qui, cum terra propria, nitrum facit. Terræ enim nitratae exhaustæ, aeri expositæ, nitro iterum imprægnantur. Sed idem acor cum alia terra & vitriolicum falem, & alumen, & marinum denique componit, per certa experimenta. Nam caput mortuum salis marini a destillato spiritu superstes recipit ab aere eam vim, ut novum spiritum fundat destillatum : & in nive sal cubicus est : Marcasitæ vero vitriolo efflorescunt, & colcothar spiritum, quo orbatum fuerat, recuperat, & alcali abit in tartarum vitriolatum. Non ideo hæc utilitas respirationis est ? Nimis exigua est copia, qua hi sales aeri insunt, & optime respiratur in montibus altissimis, ubi paucissimi sunt ; neque in sanguine nostro notæ nitrosi salis ullæ reperiuntur.

CCLXXXVI. Cur diu vivunt absque aere testudines, ranæ, lacerti, cochleæ, erucæ, insecta plusscula? Illis pulmo non ad præparandum adeo sanguinem, quem paucum recipit, quam ad natationis perfectionem datus est? Hinc ipsis pulmonibus ex cava venæ, ex aorta arteriæ. Insecta aerem inhalant, exhalant per stigmata. Cur perit animal omne in aere non renovato, etiam parvum, etiam avicula? Quia aer, quem semel pulmonibus hausit, redditur inquinatus vaporibus aqueis non elasticis, vaporibus alcalinis, ideoque nocet; non quod levior fiat, parum enim cadit argentum vivum in aere non renovato, qui animal occidit. Hinc iterum diutius supervivunt animal, si is aer naturali magis compressus fuerit. Nam ibi proportio elastici elementi major est, hinc aer ferius corrumpitur. Sed & alioquin inclusus aer in venenum abit sola stagnatione, repletus vaporibus. Cur turgent in vacuo spatio animalia? Ab expedito ex sanguine aere, qui inerat non elasticus.

CCLXXXVII. Conventus aliquis est pulsui cum respiratione. Ordinaria naturæ lege, tres pro una respiratione pulsus numerantur, aut quatuor. Si plus sanguinis ad cor advenit, augetur numerus pulsuum, respirationum. Hæc causa anhelationis in homine corpus movente, incitante sanguinem venosum (CXLII.). Si major resistentia facta fuerit in pulmonibus, neque sanguis ex corde dextro expedite transiverit in sinistrum, augetur numerus, & magnitudo inspirationum,

tionum, ut expediatur iter. Hæc causa fufpirii, ofcitationis, anhelitus, quorum illud profunda, hæc lenta & maxima eft infpiratio, in anhelitu frequentior & imperfectior. Neque tamen femper refpirationum numerus cum pulfu crefcit, experimento a febris fumto, in quibus pulmo liber eft.

CCLXXXVIII. Mucus obliniens fenfilem membranam bronchiorum moleftus fit copia, acrimonia: vifus eft fuffocaffe in hydrope pulmonico. Quare copiam, adhæfionem, acrimoniam vindicat tuffis: irritato nempe fyftemate refpiratorio, alternis magnis infpirationibus, magnis exfpirationibus velociter fibi fuccedentibus, icribus mafculorum abdominalium, folvitur, expellitur mucus, calculus.

CCLXXXIX. Rifus a tuffi differt caufa, quæ fere in mente eft, aut certe in titillatione nervorum aliquorum cutaneorum: deinde, quod poft unam majorem infpirationem crebras, fed imperfectas exfpirationes faciat, per glottidem arctatam, nec aerem plene evacuet de pulmone. Inde rifus aliqua falubritas, quod unius infpirationis plenæ loco plures in eodem tempore infpirationes & exfpirationes fiant, & concuffio major fit. Inde periculum a ftagnatione fanguinis, quia exfpiratio non plena fit, atque adeo fanguis in pulmonalem arteriam admittitur, non vero emittitur. Fletus infpiratione magna incipit, poft quam parvæ infpirationes & exfpirationes alterne fequuntur; idemque finitur magna exfpiratione,

ratione, quam continuo inspiratio sequitur. Hinc eadem fere & bona & mala habet, & anxietates a tristitia modicus levat. Singultus est maxima & sonora subitaque inspiratio. Sternutatio unica, sed maxima inspiratione, unica etiam, sed fortissima expiratione continetur, & acre naribus molestum excitato torrente explodit.

CCXC. Utilitates accessoriae respirationis plurimae sunt. Exhalat copiose, & noxium forte, de sanguine difflat, cum id ipsum suffocet, si in aere hæserit, & respiratio multorum hominum in clausum, nec amplum locum stipatorum, suffocante vi aerem inprægnet. Vicissim forbet de aere vaporem tenuem, cujus forte non satis perspecta est utilitas. Perpetua etiam vis ea est, qua abdomen cum suis visceribus comprimit, ventriculum, intestina, vesiculam felle, vesiculam chyli, vesicam urinariam, intestinum rectum, uterum evacuat, cibos conterit, sanguinem per hepar, lienem, mesenterium urget. Fluxum & refluxum aliquem sanguinis excitat, ut alternis vicibus versus extremos fines venarum reprimitur, & paulo post versus cor accelerata, quasi in spatium inane, celeritate properet. Porro inspiratio odoratas particulas ex aere adtrahit, ad sensorium vehit. Sed etiam suctio, adeo necessaria homini modo nato, inspirando fit, & parando spatium amplius, in quo aer contentus ore rarefcit, ut nixus aeris externi lac in eam minus resistentem sedem inpellat. Denique vox ab aere est, & præcipuus quasi respirationis effectus, eorum
rum

rum qui manifesti sunt. Eam hic videmur opportunius describere posse.

C A P. IX.

V O X E T L O Q U E L A.

CCXCI. Vocis princeps organum est *larynx*; eo enim læso, aer ex aspera arteria absque voce exit. Eo nomine venit coagmentata ex cartilaginibus cava machina, quæ a faucibus aerem recipit, & in asperam arteriam mittit, sibi per ligamenta, fibrasque musculosas connexam. Harum cartilaginum, quæ majores sunt, anularis & scutiformis, in adultioribus interius offescunt. Anteriorem partem ampliorem hujus laryngis, pene subcutaneam, duæ cartilagines faciunt, thyreoidea & cricoidea, ad quas etiam lateralis laryngis pars ita pertinet, ut semper eo major portio sit cricoideæ, quo altior quæque sedes est. Posterio-rem partem primo eadem anularis facit cartilago, deinde connexæ per musculos arytænoideæ. Epiglottis super laryngem leviter cum thyreoidea connexa aut erigitur, aut inclinatur. Vasa sunt a thyreoideis superioribus, inferioribus: nervi, copiosi, inferiores a recurrentibus, superiores ab octavo pare varie inosculati, aliqui etiam ab intercostali. Illum celebrem reddidit ortus ex thorace; reflexio circa arteriam aortam, & subclaviam dextram; origo, quam præstat nonnullis nervis

nervis cordis; experimentum, quo constat hoc nervo ligato vocem tolli.

CCXCII. Omnes istæ cartilagines variis ligamentis & musculis ita inter se conjunguntur, ut mobilitatem totius cum firmitate partium aliquarum, & summa mutabilitate aliarum una possideat. Et *scutiformis* quidem sive *thyreoidea* cartilago, anterior, ex duobus fere quadrangulæ planis fit, ad se invicem ad angulum obtusum inclinatis, qui anterior est. In his planis nonnunquam pro vasis laryngis internis foramen utrinque unum reperitur, sed rarius. Superiores processus hujus cartilaginis, sine tumidiori terminati, retrorsum, sursum, inclinati, propriis fortibus ligamentis, nonnunquam ossæ missis, cum ossis hyoidis cornibus conjunguntur. Inferiores, breviores, cricoideæ cartilaginis parum cavis & pene planis facieculis adaptati, firma valde articulatione conjunguntur, ob brevem, solidamque, quæ utramque unit, cellulositatem. Media pars anterior firmis perforatis ligamentis in mediam anularem cartilaginem inmissis unitur: aliisque superioribus ex cornu descendente scutiformis in partem superiorem anularis cartilaginis euntibus.

CCXCIII. *Cricoidea* cartilago antè crassa, duraque, retrorsum in speciem anuli inæqualiter truncati, augetur, & media perinde eminente linea in duas foveas separatur. Firmior ista est & pene reliquarum basis. Ab ea in asperam arteriam & musculares fibræ longitudinales descendunt

dunt CCXXXVIII. & ligamenta. Pharynx cum utraque harum cartilaginum multis stratis musculosis conjunctus, laryngem in faccum suum recipit. Ab ea cartilagine in arytænoideam utrinque breve ligamentum venit.

CCXCIV. *Arytænoideæ* duæ cartilagines composita valde figura sunt, & in duas quæque partes sponte secedit. Earum inferior, major, modice cava basi cum tumente cartilagine cricoide mobili articulatione conmittitur, idemque processum antrorsum educit, qui glottidem separat, & ventriculi laryngis partem inferiorem sustinet. Sursum eadem effertur triquetra, hedra posteriori cava, anteriori convexa, tribus fulcis distincta, & sursum gracilescit, donec capitulum cartilagineum, ovatum, crassiusculum, inpositum eam perficiat. Pars inferior earum cartilaginum multis fibris musculosis, partim transversis & partim obliquis, ita conjungitur, ut utramque directionem videas, musculos separare nequeas: Arytænoideos vocant. In superiori parte cartilago arytænoidea diffidet a sua sodali, rima ad perpendiculum posita, quam non bene passim glottidem dixerunt.

CCXCV. Cum thyreoidea cartilagine conmittuntur arytænoideæ, transversis ligamentis, plerumque satis fortibus, & elasticis, sed mucosa tamen communi laryngis membrana obvolutis, quæ, infra mediam arytænoidearum regionem orta, inferuntur in angulum planum thyreoideæ cartilaginis. (CCXCII.) Ea ligamenta possunt a

se invicem deduci, remotis a contactu cartilaginibus arytaenoideis, & conjungi iterum, iis ad se invicem accedentibus. Hæc vera *glottis* est, continua, sed ad angulum rectum cum rima illa CCXCIV.

CCXCVI. Ex eodem angulo thyreoideæ cartilaginis, sub hilo, ex firmo ligamento & erecto gracili petiolo educitur cartilago, utcunque ovalis, retrorsum cava, antrorsum convexa, sine tamen superiori retrorsum reflexa & cava, quæ suo elatere ita erigitur, ut retro linguam recta surgat, ita vero inclinari potest a linguæ retrocedente dorso, ut transversa facta omnem aditum laryngis claudat, protegatque, qui inter hanc *epiglottidem* & arytaenoideas cartilagines deorsum ducit. Cum lingua fibris membraneis, pallidis, cum osse hyoide multa membranacea expansione conjungitur. Musculosas vero a thyreoarytaenoideis, ab arytaenoideis fibras, vel nullas habet, vel nimis, pro elatere suo, exiguas.

CCXCVII. Ad latus ligamentorum glottidis CCXCV. alia duo ligamenta superiora, molliora, minus aut tendinea, aut elastica, parallela exeunt a cartilagine arytaenoidea quaque ad scutiformem. Inter hæc duo ligamenta utrimque CCXCVII. & CCXCV. cavitas propria sive *ventriculus* descendit, qui compressi parabolici spatii figura inter duplicem membranam laryngis deorsum producit, ore superiori perpetuo in laryngem patente, elliptico.

CCXCVIII.

CCXCVIII. Denique omnis interna cavitas laryngis eadem mucosa, molli, irritabili membrana obducitur, quam in aspera arteria descripsimus (CCXXXIX.) Eam vero plurimæ hic glandulæ irrorant. Supremæ parvæ, coacervatæ ex simplicibus, (CCVIII.) insident anteriori dorso epiglottidis, & per ejus varia foramina sinus majoresque propagines in faciem cavam emittunt, pares ibi in acinos duriusculos continuatas. Deinde dorso anteriori fulcato arytænoidearum (CCXCIV.) cartilaginum insidet glandula utrinque, laxè conglomerata, fere gnomonica, ex acinis rotundulis composita, procul dubio mucifera, cujus quædam dissoluta pars utrinque descendit ad usque anularem cartilaginem. In ventriculis sinus mucosi plurimi sunt. Denique omnis interna superficies laryngis plena est poris mucosis, grandiusculis. Omnes hæ glandulæ tenuem, aquosum, sed cum viscore, mucum separant.

CCXCIX. An huc aliquid facit *thyreoidea glandula*, conglomerati generis, sed mollis, lobulorum involucris multo, quam in salivali genere, tenerioribus, perampla, cartilagini thyreoideæ, cricoideæ, asperæ arteriæ antè insidens, & lateralibus cornibus complectens latera thyreoideæ, isthmo cum sodali angustiori, & inferius emarginato conjuncta, medio vero gracili processu antè ascendens fere ad os hyoides usque? Plena est seroso, flavescente, leniter viscido humore. An eum in asperam arteriam emittit? an in oesophagum? Neutri ductus satis

certo innotuerunt. An omnino succum retinet, inque venas refundit, ut cognatus ex fabrica thymus? An est de genere conglobatarum? Non ignobile certe officium esse, quod præstat hæc glandula, demonstrat insignis magnitudo arteriarum, quas & ex carotidibus, & ex subclaviis inferiores habet. Venæ ad jugulares, ad subclavias redeunt. Musculus proprius, non perpetuus, ex margine ossis hyoidei, & nonnunquam a cartilaginis thyreoideæ inferiori sinistro fere margine, azygos descendit, & super hanc glandulam fibras tendineas diffundit, cui alioquin sternohyoidei & sternothyreoidei musculi instrati incumbunt.

CCC. Totus larynx de osse hyoideo & ex ligamentis in cornua superiora thyreoideæ cartilaginis euntibus suspenditur, & ex media basi in conjunctionem planorum eam cartilaginem perficientium. Idem una cum conjuncto osse hyoide insigniter elevari potest, & ad semipollicem, supra mediam altitudinem. Id præstant biventres musculi, geniohyoidei, genioglossi, styloglossi, stylohyoidei, stylopharyngei, thyreopalatini, hyothyreoidei, vel omnes vel aliqui. In ea elevatione glottis angustatur, & ligamenta CCXCV. propius ad se invicem accedunt. Ita vero, accedente vi muscutorum arytenoideorum, obliquorum & transversorum, glottis accurate claudi potest, ut incredibili vi toti innitenti atmosphæræ resistat.

CCCI. Idem larynx totus deprimi potest, ad semunciam fere infra medium situm, per sternohy-
oideos, sternothyreoideos, coracohy-
oideos, ut vo-
cant, & his agentibus per cricothyreoideos utrof-
que anteriores, posteriores. In eo motu cartila-
gines arytænoideæ a se invicem recedunt, & glot-
tis amplior fit. Eandem rimam diducunt mu-
sculi lateraliter inserti arytænoideis cartilaginibus,
cricoarytænoidei postici, laterales, thyreoarytæ-
noidei: isti præterea ventriculos laryngis
(CCXCVII.) incumbendo possunt conprimere.
Cartilagines peculiares, quæ in laryngem consen-
tiunt, vix possunt seorsum moveri.

CCCII. A larynge aer venit in os & nares.
Oris nomine hic cavum amplum & difforme, in-
ter palatum molle & durum, utrumque per
medium concavum, & inferius succumbentes
musculos maxillamque inferiorem interruptum.
Nares super palatum molle antrorsum adscen-
dunt; latæ duæ caveæ inter septum medium, &
ossa cavernosa, aliaque varia interceptæ, undique
osseæ & cartilagineæ.

CCCIII. Media in ore lingua est, lata caro, in
omne genus figurarum facile mutabilis, adque o-
mnem oris sedem absque mora prompta admoveri;
per suas proprias fibras carneas perque adnatos
aut sibi musculos, aut ossi hyoideo, multis car-
nibus & membranis secum conjuncto, expeditif-
sime in omnem situm, omnemque figuram regen-
da. Antrorsum a genioglossis & geniohyoideis;
retrorsum a styloglossis, stylohyoideis, cerato-
glossis,

glossis, basioglossis, chondroglossis, & biventre ; deorsum a sternohyoideis, ceratohyoideis ; sursum a styloglossis, stylohyoideis & a biventribus, etiam a mylohyoideis.

CCCIV. Haftenus anatome. Sequitur, ut demonstramus, quam actionem producat aer ex pulmone in expiratione expulsus a viribus CCLXIX. CCLXX. per asperam arteriam in laryngem, inde per glottidem in os varie figuratum expressus. Is effectus vox est, & loquela, & cantus. Et vox quidem unice nascitur, quando aer per contractam glottidem ita velociter expellitur, ut illidat in ligamenta glottidis, adeoque larynx in tremorem cieatur, quem reddit, contremiscens ex elatere, & auget. Ex tremore tunc ligamentorum CCXCV. & cartilaginum laryngis conjuncto, sonus oritur, quem *vocem* vocamus, & animalium singula genera proprium sibi habent, qui totus a larynge & glottide unice pendet. Absque tremore *susurrus* oritur.

CCCV. In voce robur facit quantitas aeris efflati cum angustia glottidis : ergo pulmo amplus, bene dilatabilis, aspera arteria & larynx amplus, cartilagineus, elasticus, narium resonitus liber, exspiratio valens. Sed acutum & gravem tonum videmus a variis causis pendere. Illum partim angusta glottis efficit, partim tensa : hunc aut laxa aut dilatata : inde enim eodem tempore aer pluribus undis in angustæ glottidis ligamenta incidit, plures eodem tempore tremores excitat, & in dilatata glottide contraria fiunt. Et a tensione

ne majori ligamentorum pariter tremores fiunt ex eodem ictu numerosiores. Quare ad acutam vocem elevatur totus larynx, & antrorsum ducitur, eo majori conatu, quo requiritur acutior, ut ipsum etiam caput resupinetur, quo plenæ vires sint musculorum laryngem elevantium. Confirmat experimentum; digitus admotus laryngi in sonis acutis, qui adscensum, & quidem dimidii pollicis fere pro octava, facile percipit; anatome comparata, quæ arctissimas glottides & cartilagineas invenit in avibus canoris, latas in animalibus raucis, mugientibus, mutis: Exemplum huc facit sibili, ubi vox acuta manifestissime ab arctatione oris provenit; instrumentorum musicorum, in quibus angustia foraminis aerem dimittentis, & celeritas efflati aeris acutos sonos faciunt.

CCCVI. Gravitationem contraria faciunt, descensus laryngis per causas CCCI. glottis lata, larynx peramplus. Demonstrat digitus, qui in canentibus manifesto descensum laryngis percipit, perinde ad semipollicem pro quavis octava; vox in virili sexu gravior; degeneratio vocis gravissimæ in mutum efflatum.

CCCVII. An omnis in tono diversitas unice in longitudine ligamentorum glottidis, quam augeat antrorsum tracta cartilago scutiformis, tum retrorsum ductæ arytenoideæ? ea lege, ut acutissimi toni sint, qui fiunt a ligamentis maxime tensis, celerius adeo vibrantibus? Ita per experimenta a claris viris etiam repetita recentiores a-

liqui

liqui anatomici, qui viderunt, chordis five ligamentis glottidis tensis, aere in asperam arteriam inflato, produci animalis cujusque sonum : eam vocem magis tensis ligamentis acutiorem, remissis graviolem fieri : stricto toto ligamento vocem subprimi : stricta media parte, alteram liberam, dare sonum una octava altiolem, stricta tertia parte, quinta altiolem, &c. Non desunt contra novam theoriam mota dubia, desumpta ab avium cartilaginea & ossea demum glottide immobili, non extensibili : a voce certissime acutiori in sibilo ex mera angustia labiorum : ab exemplo feminarum, quibus cum molliori larynge acutior tamen vox est quam viris : ab experimento, quo constat sonos acutiores fieri glottidis ligamentis ad propiores contactus adductis : ab absentia perfecta machinarum, quæ ligamenta tendant, & a cartilagine anulari cartilaginem scutiformem antrosum abducant. Cum tamen experimentis constiterit, ad acutos sonos tensionem ligamentorum sufficere, absque glottidis arctatione, credas plus ad diversitatem sonorum glottidis diversam tensionem facere, diversam diametrum minus.

CCCVIII. *Cantus* dicitur, quando vox per varios gradus acutiei & gravitatis modulata, ex suspenso inter vires contrarias & tremente larynge expellitur, qua in primis nota a loquela distat. Hinc laboriosus est, ob perpetuam actionem musculorum laryngem æquilibrantium : hinc calefacit, quod acuti toni angustam glottidem, tardam adeo expirationem, & tamen multum aerem ad
robur

robur (CCCV.) hinc magnam inspirationem requirant. Hinc mire siccat asperam arteriam, ob aeris celeriores transitum: & mucum plurimum requirit. Inde tot muci apothecæ in larynge, quibus valde suspicor ventriculos CCXCVII. accensendos esse.

CCCIX. *Loquela* fit larynge quiescente, tonis acutie & gravitate parum diversis, sed voce per organa oris varie mutata. *Loquela* canora varietates habet in tonis, & præterea vocis temperationes per oris organa.

CCCX. Omnis loquela refertur ad pronunciationem literarum, quæ variis gentibus variæ, in plerisque tamen in omni orbe terrarum conveniunt. Earum ex dicuntur *vocales*, quæ fiunt voce unice per os expressa, absque linguæ adlissione ad ullam partem oris. *Consonantes* vero fiunt a linguæ adlissione ad aliquam partem oris, labia, dentefve. Plura vetat instituti ratio, quæ pulcherrimam artem non finit enarrare. Ea, raro in physicis exemplo, plenas causas corporeas literarum omnium ita liquido detexit, ut etiam absque auditu, ex sola inspectione & tactu organorum, dum literæ pronunciantur, agentium loquelam docuerit imitari.

C A P. X.

C E R E B R U M. N E R V I.

CCCXI. Reliquas actiones corporis humani secundum ordinem, quo sanguinem accipiunt, considerabimus. Coronarias arterias in cordis historia diximus. Proximæ ex aorta prodeunt carotides.

CCCXII. Aorta, quæ anterior a corde prodit (CLVII.) ut ad vertebrae thoracis se conflectat, insigni arcu, & angulo rotundo quidem, sed non magno, flectitur retrorsum una & sinistrorsum. Ex ejus arcus convexitate tres rami prodeunt. Primus dextrorsum adscendit, & absque mora finditur in duas magnas arterias, quarum inferior in trunci directione est, & subclavia vocatur. Altera adscendit secundum asperam arteriam, & caput adit : vocant *carotidem dextram*. *Sinistra carotis*, sinistrorsum paulum inclinata, ex ejusdem aortæ arcu proximo prodit : ut tertia, quæ inclinata magis, subclavia fit sinistra, minor compare. Sub originibus horum ramorum aortæ proximus limbus crassior est, & paulum sinisterius eminet. Varietates raræ sunt.

CCCXIII. Carotis arteria multa & densa cellulositate cum vena jugulari & nervo octavi paris revincta, plerumque absque ramo venit ad cartilaginis thyreoideæ supernam sedem. Ibi in duos truncos fecedit. Anterior, quem *externam* vocant

cant *carotidem*, magis in trunci directione est, & potius major: ea dat *thyreoideam superiorem*, & flexuosam *lingualem*; deinde *labialem*, & ex facie posteriori divisioni proxima *pharyngeam adscendentem*, quæ, præter pharyngem & veli palatini musculos, etiam ad duram matrem, per foramen venæ jugulari & nervo octavi paris commune, ramum non minimum offert, ad sedem ossis petrosi, foramini magno vicinam, & processum cuneiformem ossis multiformis divisum.

CCCXIV. Deinde ex margine exteriori carotidis externæ prodit *occipitalis* arteria, quæ etiam per proprium foramen duræ matri in angulo ossis petrosi a mammillari portione abscedentis, ramum mittit, qui sedi cerebelli prospicit: alius super atlantem ad duram matrem & sub cranio & in cranium venit: tertius nonnumquam per fossam jugularem ad duram matrem it. Proxima arteria *auricularis* adit partem auris posteriorem, membranam tympani, tempora.

CCCXV. Quod superest de arteria carotide externa, per parotidem glandulam adscendit, & datis ramis ad eam glandulam, faciem, palpebras, edit inprimis *temporalem*, insignem. Truncus carotidis inclinatus retro maxillam inferiorem se recondit *maxillaris internæ* nomine.

CCCXVI. Ibi magnum continuo truncum duræ membranæ mittit, qui per proprium alarum magnarum pterygoidearum foramen, ad sedem mediæ fossæ cerebri venit, & latissime per tempora & sinciput in dura matre regnat, ad si-

num usque falciformem. Aliquando duplex est, & sæpe ad glandulam lacrumalem oculi conspicuum ramum edit. Eadem arteria maxillaris porro superiorem partem narium triplici trunco subit, ibi absunta, postquam dedit maxillæ inferioris & superioris dentibus, & infraorbitalem, ramum ad partem aliquam faciei, & palpebrarum, & palatinam osseo palato, & minutos ad duram meningem furculos, tum per minores poros alarum magnarum, tum cum tertio & secundo quinti nervi ramo, & cum dura denique matre farciēte fissuram orbitalem inferiorem.

CCCXVI. Sed alter truncus, posterior, vulgo *interna carotis* (CCCXIII.) absque ramo adscendit. Ea arteria, insigni prius serpentina flexione facta, per foramen proprium ossis petrosi subit, circumdata ibi vagina a dura matre qualis per omnia cranii foramina exit, sursum, deinde antrosum inclinata, in caveam cranii penetrat, adscendit flexuose incurvata secundum fellam equinam, in medio sinus cavernosi sanguine, parvis ad nervum quintum, duram matrem, infundibulum, ramis datis, majori ad oculum, cujus pars proprio foramine in duræ membranæ partem redit, quæ orbitis incumbit media. Rete mirabile bestiarum est, non hominis.

CCCXVII. Truncus vero hujus carotidis internæ super fellæ partem anteriorem se effert, & retrorsum incurvus, arachnoidea membrana receptus, datis in pontem & crura cerebri ramis, & ad plexum choroideum missō furculo & nervi optici

optici comite, finditur in ramum anteriorem & posteriorem. Ille brevi anastomosi cum fodali conjunctus, secundum corpus callosum retrorsum sursum incurvatur, & cerebri parti mediæ prospicit, & postremæ, ramosque nonnunquam falciformi processui dat, exque ipso ortu ventriculo tertio, fornici, thalamisque. Iste anastomosi mediocri cum vertebralis arteriæ ramo junctus, nisi ea ex trunco indiviso carotidis nascitur, porro ad partem cerebri lateralem longe per fossam SYLVII adscendit, idemque dat choroideo plexui. Omnes rami carotidis, qui cranio continentur, tenui, solida, fragili magis quam reliquæ arteriæ, substantia sunt.

CCCXVIII. Sed arteria *vertebralis* ex subclavia sui lateris fere oritur, ut tamen sinistra ex trunco aortæ sæpe visa sit oriri, loco recondito, & absque ramo subit foramen processus transversæ vertebrae colli sextæ, & porro alterne flexuosa per reliquos vertebrarum colli processus adscendit: in singulis intervallis ramis quidem minoribus ad musculos cervicis exeuntibus, cum thyreoidea inferiori communicat, aliis paulo majoribus & posterioribus nervos singulos ad medullæ spinalis piam matrem comitatur; anterioribus vero non ita multis, sed amplioribus, in eadem medulla spinali cum ejus arteria priore communicat. Ad secundam vertebam denique minori, magno vero flexu circa primæ processum in transversum flexa, editis ibi duobus notatu dignis ramis ad musculos colli, parvis vero in ipso trans-

itu per magnum foramen ad duram matrem magni foraminis cranii & proximæ cavæ cerebelli missis, porro per id foramen caveam cranii subit. Ibi, dum secundum oblongatam medullam ascendit, dexter truncus sinistro sensim propior, peracutum ad angulum conjungitur sinistro, rarissimo exemplo, in unam arteriam, *basilarem*, quæ subtenfa ponti VAROLII in pia matre suspenditur. A vertebralibus priusquam conjungantur, aut ex trunco communi modo nato, exeunt arteriæ & superficiem *inferiorem cerebelli* adeuntes, & profunde ventriculum quartum subeuntes, & intimam substantiam cerebelli. Hæ dant arterias spinales. Est ubi istæ ex conjuncto trunco veniunt, aut ex trunco in uno, ex ramo in altero latere. Deinde basilaris producit, præter ramos ad medullam oblongatam & crura cerebri, arterias cerebelli inferiores alias. Inter eos ramos etiam nascitur arteria comes nervi auditorii. Ultimo finditur basilaris in anteriori termino pontis in duos utrinque ramos, unum ad *superiorem cerebelli* partem, ad ventriculum quartum, ad crura medullæ cerebelli, nates, testesque, & glandulam pinealem; ejus loco duo etiam trunci sunt; alterum *profundum cerebri* ad lobum cerebri posteriorem, plexum choroideum, plexum incumbentem pineali glandulæ, eam glandulam, thalamos, corpora striata, fornicem & totum ventriculum anteriorem divisum.

CCCXIX. Ex hac arteriarum cerebrum adeuntium historia adparet, magnam vim sanguinis quolibet

quolibet pulsu ad cerebrum adscendere, quæ sit sanguinis in corpore humano omnino sexta pars & ultra, ex truncis cordi proximis, a convexitate flexionis erumpentibus. Validas hinc particulas, & motus sui tenaces, caput adire non improbabile. Nonne id demonstrat argenti vivi effectus in solo fere capite: spirituum inebriantium velox in caput potentia: camphoræ vis stuporem brevem excitans: calor faciei & sudor frequentior, quam in ulla parte corporis: miasmatum summe volatiliū in facie eruptio? Locus tutus, quo arteriæ capitis adscendunt, defendit ab injuria magna & necessaria vasa. Anastomoses frequentes utriusque trunci, qui caput adit, & ramorum inter se mutuo, obstructionum periculum minuunt. Hinc ligatis carotidibus non ideo perit animal, & nequidem valde laborare videtur. Flexiones insignes arteriæ vertebralis & carotidis inserviunt moderando impetui sanguinis ad cerebrum advenientis, cum magna pars velocitatis a corde acceptæ in mutanda figura flexionis consumatur. Hoc in loco paulo ampliores esse aliqui idonei auctores observarunt.

CCCXX. Cerebri historia ab involucris merito incipit. Teneræ parti, ad vitam necessariæ, ossea sphaera primum circumdatur, ex multis partibus composita, hinc extensilis, pressioni autem omni efficaciter objecta. Huic sphaeræ undique interius adnascitur membrana firmissima, ex duabus laminis satis distinctis composita, toti osseæ superficiei infinitis vasculis, etiam in exte-
riores

riores capitis partes tendentibus, tamquam pedunculis, pertinaciter adnata, & in sano homine nusquam separata, paulo levius ossibus tenuissimis, tenacissime vero adhærens iis ossium cranii commissuris, quas ex figura futuras vocant. In junioribus corporibus ita cranio adhæret, ut una adnexas fibras avellas. In adultis hominibus, multis vasis deletis, minus inseparabilis, non sine vi tamen dura membrana a cranio separatur. Inde guttulæ sanguineæ, quæ avulso cranio adparent. Hinc vana omnia, quæ de motu duræ matris dicta sunt: quem vero in vulneribus vident motum observatores, is fuit aut ab arteriis pulsantibus in loco non resistente, dum reliquum cranium cordi immobile obnitebatur, aut a cerebro per expirationem turgescente. Eadem absque sensu aut irritabilitate, & absque nervis est, quos alia ad loca euntes aliqui huic velamento tribuerunt.

CCCXXI. Lamina *externa* est, quæ ossibus cohæret, & est pro periosteo, eademque cum nervis vasisque per omnia foramina cranii exit, atque cum periosteis capitis vertebrarum, totius denique corporis cohæret, unde nomen *matris*, a barbaris inpositum, derivatur. Lamina *interna* plerisque locis continua priori, nonnullis tamen secedit, ut in alis magnis sphenoides, ad sellæ equinæ latus, ubi plurimus inter utramque sanguis effunditur, & in sede sellæ equinæ: eadem, deserta externa lamina, quæ ossi adfixa hæret, duplex descendit ad generandam *falcem*, quæ
ab

ab osse multiformi pone cristam galli, deinde ab ea crista, porro ab omni conjunctione duorum ossium frontis & sincipitis, denique a media posteriori parte ossis occipitis oritur, & retrorsum latior, cerebri mediis hemisphæriis interposita, inminet corpori calloso antèrius remotior, proxima in parte posteriori, eadem sede in aciem extenuata. Fibras in ea splendentes, & a conjunctione cum tentorio ramorum palmarum speciei versus sinum longitudinalem dispersas adesse, certum est, non ideo motrices futuras, inter quas non raro nulla membrana superest, sed foramina naturalia interponuntur. Cum medio tentorio conjungitur falx, & continuatur. Pari ratione, situ tantum alio, lamina eadem falcem cerebelli brevem, lobos separantem producit, & fortissima *tentoria*, quæ a cruce occipitis orta, transversa se cerebro & cerebello interponunt, & ultimo petrosi ossibus & processibus clinoidæis anterioribus adnata, pene ovalem, pro medulla spinali, viam liberam relinquunt. Hæ propagines duræ membranæ efficiunt, ut nullo in situ cerebri pars ulla reliquo cerebro incumbere, neque concusso cerebro lobus lobum conprimere possit. Hinc agillissimis quadrupedibus, ubi metus a concussione major, septum cerebri & cerebelli osseum.

CCCXXII. In piæ matris superficie exteriori, non longe a sinu falcis, sedent glandulæ, in reticulo duræ membranæ, & partim sinum respiciunt, cavitati obversæ, ut nonnullæ caveam sinus contingant, partim ad insertiones magnarum

venarum in pia membrana ita ponuntur, ut cum prioribus, modo dictis, continua agmina faciant: modo molles, ovales, albæ, modo rubræ, duræ, verrucarum similes, etiam in tentorio cerebelli visæ. Vapor autem, qui ex piæ membranæ superficie exhalat, non a glandulis istis est: nam ubique, ubi nullæ sunt, etiam in ventriculis, copiosus halitus exspirat ex arteriolis minimis, argumento ducto ab injecta aqua, glutine, quæ ab omni superficie piæ sudant.

CCCXXIII. Alterum involucrum cerebri, multo propius, & cerebri figuram exprimens, ut illud cranii cavitatem, est, quod a tenuitate *arachnoideam* dixerunt. Undique cerebro circumponitur, aquose pellucens, tenuissimum, & quantum fert ea tenuitas, firmulum, sulcos majores & minores cerebri supergrediens, vasisque majoribus ita circumjectum, ut ea inter arachnoideam & piam media sint. Non est piæ lamina, a qua situ differt, cellulosa tela cum ea connexa, & exemplo medullæ spinalis, etsi in cellulosam naturam inter cerebri hemisphæria resolvitur.

CCCXXIV. Tertia *pia* est, sive mollior cerebri meninx. Hæc encephali, & spinalis medullæ superficiem omnem undique convestit proxima, tenera, ex vasculis numerosissimis facta, quæ celluloso textu conjunguntur: ea vero vasa ordinata cerebro porrigit inserta, tamquam radículas. In anfractus omnes descendit, inque fissuras cerebri, cerebelli, medullæ spinalis se insinuat, vinculum est,

est, quo cerebri colliculi conjunguntur, pro sua tenuitate firmulum. In internas cerebri cavitates suscepta, mutata fabrica, mollis fit & pene medullaris, maxime ubi paulo longius a morte cadaveris culter anatomicus accessit, ut tamen ipsa vasa eam facile demonstrent.

CCCXXV. *Venæ cerebri* non ea ratione se habent, qua in aliis corporis humani partibus. Neque enim valvulas habent, neque arteriis perinde sociæ decurrunt, neque truncos habent vulgaris, quæ alibi dominatur, fabricæ. Ergo ex intimis quidem cerebri caveis, venæ, quæ jugis striatorum corporum incumbunt, venæ plexus choroidei, septi lucidi, ventriculorum anteriorum, colliguntur in truncos, unamque denique majorem venam, sæpe duplicem, quæ plurimis arteriolis plexus choroidei comitata, retrorsum descendit ad septum cerebri & cerebelli. Ibi recipit venas a posteriori & inferiori intima parte cerebri adscendentes, & aliquas cerebelli, & finum offendit, venam nempe inclusam duplici laminæ internæ duræ membranæ, in eum finum mutata plerumque in minorem transversum finum descendit, qui frequentius est sinistri lateris: alias utrique bifurcatus inmittitur. *Quartum* numerant.

CCCXXVI. *Venæ superiores & superficiales cerebri* magnæ sunt, & instratæ gyris, quibus cerebrum undique abundat: iis venis per totam cerebri superficiem inferuntur aliquæ venæ duræ matris, quum aliæ peculiaribus ostiis finum fal-

ciformem fubeant. Inde sensim collectis truncis antrorsum pleræque, paucæ aut recta aut retrorsum euntes, eæque fere maxime priores, inmittunt se, finibus oblique resectis, in *sinum falci-formem* longum, qui fit a laminæ internæ duræ matris dextro folio & sinistro, inferne in falcis superiori dorso convenientibus. Triangularis hinc est, superne convexus: initium gracile ducit a sede foraminis cæci, quod ante cristam galli est; adscendit, sequitur iter falcis, & ubi eadem cum tentoriis conjungitur, plerumque quidem dextrorsum inclinatus, nomen induit *sinus transversus dextri*, perque foveam propriam ossi occipitis temporumque inpressam, transversam, deinde incurvatam, in foramen jugulare venit, ubi amplissimus, recipit petrosos sinus inferiores, & occipitales, & in jugularem venam effunditur. *Sinister* vero *sinus transversus*, similis priori, & pariter ducens in jugularem, inferitur potius dextro, quam trunco continuatur. In eum quartus ille CCCXXV. se inferere solet, & occipitalis. Est ubi hæc omnia contrario modo se habent, ut in sinistrum sinum finiatur longitudinalis. Tunc dexter quartum & occipitalem recipit. Alias æqualiter in duos truncos *transversos* finditur. Alias medius sinus transversos conjungit. Etiam duo sibi similes & paralleli sinus fuerunt.

CCCXXVII. *Falcis inferiorem* crassiorē oram legit gracilis *sinus* & teretior, & irregulariter huic oræ parallelus, venæ similior, & a

fa'ce

falce ipsa venas habet, etiam in superiorem finem communicantes, & a cerebri vicinis sibi hemisphæriis, & a calloso corpore. Ubi tentorii anteriori parti falx cohæret, ibi in quartum finem pariter effunditur.

CCCXXVIII. *Venæ cerebri inferiores*, quæ basin cranii respiciunt, varie inferuntur. Anteriores, ex fossa venientes SYLVII, in aliquot truncos collectæ, inferuntur in finem cavernosum sive intervallum illud triangulare externæ & internæ laminæ duræ membranæ, quod ad latus fellæ equinæ est. Aliæ, ab ipso ponte venæ, ducuntur in finem petrosum superiorem. Aliæ posteriores ex lobis posterioribus cerebri ortæ, in sinus transversos in tentorio numerosæ inferuntur.

CCCXXIX. *Cerebelli venæ* superiores in magnos truncos confluentes partim in finem quartum se inmittunt, partim in sinus transversales. Inferiores & a cerebello & a medulla oblongata inmittunt se in finem petrosum superiorem; istæ etiam in transversum exitui jam proximum.

CCCXXX. Sinus, præter eos quos diximus, numerosi supersunt. Eorum maxime anterior est, qui sæpissime *circuli similis*, ambit glandulam pituitariam, & inter processus clinoideos cum cavernosis sinibus communicat, & cum petrosis inferioribus, inter eos processus & carotidem, & denuo per viam nervi sexti cum petrosis superioribus, pone quintum nervum. Est ubi venam ophthalmicam recipit: est ubi *trans-*
versus

versus conjungens cavernosos, aut pro circulari, aut una cum ipso adest.

CCCXXXI. *Superior petrosus sinus* in fovea ossis petrosi retrorsum ducitur, ortus in ultimo fine anteriori fulci ossis petrosi, communicans ibi cum cavernoso, recipit insertas venas duræ matris, & nonnunquam venas anteriores cerebri dictas (CCCXXVIII.), & inferitur angulo sinus transversi, ubi flecti incipit, nonnunquam etiam in petrosum inferiorem. Alia vena per petrosi ossis dorsum incedens in angulum etiam transversalis sinus inmittitur. *Inferior petrosus*, brevior, amplior, legit radicem cognominis ossis, & cum sodali pone processus clinoideos communicat, & bis cum cavernoso, & cum superiori sub nervo quinti paris conjunctus, inferitur ultimo fossæ jugulari. Etiam aliquas a vertebrarum sede duræ membranæ venas recipit. Ad eandem utraque tendit *occipitalis posterior*, qui majusculus, legit oram foraminis magni, & ad falcem cerebelli veniens (CCCXXI.), citius feriusve cum sodali plerumque conjunctus inferitur, in quartum finem, & cum eo in sinistram transversalem, vel in hunc finem ipsum; vel denique, sine etiam diviso, in utrumque transversum. Hic sinus venas duræ matris inferiores posteriores & aliquas ex vertebra recipit.

CCCXXXII. *Occipitalis anterior*, irregularis, multiplex, partim transversus, partim descendens ad magnum foramen, petrosos inferiores varie conjungit, a quo cum nervis noni paris,
vel

vel proprio etiam foramine, emissaria in venam vertebralem externam communicant; alii autem rami deorsum euntes in circulos venosos medullæ spinalis aperiuntur. *Gavernosus* vero *sinus* duræ matris (CCCXXV.) multa fartus cellulositate, præter sinus CCCXXIX. CCCXXX. venas majores, jam dictas accipit, etiam ophthalmicam & præcipuam venam duræ membranæ, idemque propriis venis cum nervo primo, secundo, tertioque quinti, cum arteria duræ matris majori CCCXVI. cum carotide interna (CCCXVI.), & per foramen non perpetuum alæ magnæ emittit emissaria, quæ cum venis extracranium positis, ad jugulares pertinentibus, & imprimis cum plexu maximo venarum nasalium pterygoideo anastomoses habent. Ita per foramina parietalia venæ pericranii in sinum longitudinalem, per canalem mastoideum venæ occipitales in transversum, per canalem anteriorem ossis occipitis vertebrales externæ venæ in fossam jugularem se inferunt: aliæque ab occipitalibus anterioribus nervum nonum comitantur. Ita fit, ut infinitæ viæ sanguini pateant, qua ex sinibus, in quos nimis frequenter congeritur, effugere possit, varia directione, prout quæque pars laxior, declivior fuerit. Hinc una vena, etiam magna, ligata, aut utraque jugulari vena contracta filo, nulla magna symptomata.

CCCXXXIII. Copia sanguinis, quæ cerebrum adit, inpetus in arterias carotides major (CCCXIX.), absentia omnis compressionis in par-

te ab offibus defenſa, tardior motus ſanguinis per viſcera abdominis & pedes, ſenſuum & cerebri perpetua officia quæ determinant ad eas partes adfluxum ſanguinis, aliæ cauſæ, faciunt, ut ab omni augmento circulationis continuo caput ſanguine mire repleatur. Hinc rubor faciei, oculorum turgelcentia, ſcintillatio, dolor capitis, pulſatio major, hæmorrhagiæ narium, a motu aucto adeo frequentes. Quare, ſi venæ tenues, teretesque in cerebro fuiſſent, facile adparet, non potuiſſe evitari periculum ſummum rupturæ, etiam nunc frequens, & apoplexiæ. Ergo natura venis, ad quas cerebri ſanguis confluit, dedit aliam figuram, facilius dilatabilem, quia inæqualiter reſiſtit, aliamque & duriffimam fabricam, difficillime diffilituram, maxime majoribus ſinibus, & qui trunci ſint loco, minores enim aut teretes ſunt, aut ſemicylindrici, aut irregulares. Intus trabeculas dedit ex forti membrana factas, a dextro pariete ſinus imi in ſiniſtrum euntes, quæ in diſtentione majore ſinus angulum acutum, qui plurimum diſtenditur, firmant, a crepatura vindicant. Dedit iis venis anastoſes innumeras inter ſe ipſas, cum vaſis medullæ ſpinalis & externi capitis, quo ſe deplet nullo ſanguine poſſent facilius (CCCXXXII.).

CCCXXXIV. An etiam arterioſus ſanguis in ſinus cerebri effunditur? an pulſant ab eo ſanguine animati? Non pulſare in confefſo eſt, cum dura mater ubique quidem cranio adhæreat, longe tamen firmius in ſinum ſede. Ab arteriis
liquores

liquores injectos utique recipiunt. An exhalantem per vasa tenuia? an per venas prius obeuntem circulum? Id utique multo magis credibile est.

CCCXXXV. Omnis ultimo sanguis cerebri in venas jugulares confluit, valde dilatabiles, ob eandem rationem, valvulis defensas a regurgitatione sanguinis ex cordis auricula, plurima cellulosa circumposita firmatas. Nam parum est, quod a capite ad vertebrales venas convenit. Jugulares autem e directo ita respondent ramo utrique magno venæ cavæ superioris, ut rectissima via ad cor sanguinem reducant, & dextra demum e directo dextræ auris est. Rami earum, fere ut arteriarum, sunt cerebrealis, & facialis.

CCCXXXVI. Jugularis externa est cutanea colli vena, quæ temporalem producit, & lata anastomosi cum interna secundum oram maxillæ inferioris unitur, eademque ramum per os mamillare in sinum transversum mittit. Vertebralis interna per processus transversos cervicis in sinum transversum venit, quoties canalis illi proprius apertus est.

CCCXXXVII. Sinus medullæ spinalis duo, laterales, totam longitudinem medullæ spinalis legunt, & ad singulam vertebralem semicirculari arcu conjunguntur, & denique cum jugularibus sinibus, & occipitalibus uniuntur: ad medullam spinalem vero furculos edunt, cum anteriori & cum posteriori vena spinali conjunctos.

CCCXXXVIII. Innumerabiles venarum anastomoses faciunt, ut sanguis de cerebro facillime redeat, cujus repletio periculosissima fit. Inspiranti etiam cerebrum facilius evacuatur, & aperto cranio subsidet; tumet idem expiranti. Quare periculosa emunctio, & sternutatio & tussis iis, quibus cerebrum sanguine retento turget.

CCCXXXIX. Lymphatica vasa an visa satis certo in cerebro? Descripta legas in plexu choroideo majori, inter nervi olfactorii fibras, in pia matre. Sed ego quidem nunquam vidi; & nulla adesse probabile fit, cum glandulæ conglobatæ a cerebro absint, quæ nunquam longe ab his vasis removentur. Quæ de glandula pituitaria, de infundibulo, de ductibus inde in venas capitis euntibus, aquam de ventriculis resorbentibus, varie dicta sunt, nullo experimento anatomico confirmantur, ut probabile fit, in sano homine vaporem ventriculorum pro ea, qua secretus est, portione, venis inhalantibus recipi, & si quid abundet, id ex imis ventriculis descendere in basin cranii, ipsamque medullæ spinalis laxam cavitatem. Id fieri demonstrant hemiplegiæ post apoplexias, tumores aquosi imæ medullæ spinalis in hydrocephalicis.

CCCXL. Superest, ut de encephalo ipso dicamus. Multiplex est partium numerus, quæ hoc communi nomine comprehenduntur. *Cerebrum* magis proprie vocamus, ejus visceris, quod cranio continetur, partem superiorem, quæ antè solà est, postèrius subjèctam sibi partem alteram

teram habet, quæ in recessu posteriori inferiori ossis occipitis, sub tentoriis sedet, & *cerebellum* dicitur. Inferior, media, alba pars, cerebro subposita, cerebello antè adjecta, partim *pons*, partim *oblongata medulla* dicitur.

CCCXLI. *Cerebri* figura fere dimidii ovi est; quod per mediam longitudinem profunde dividitur, non tota, sed plus quam media parte suæ longitudinis, in hemisphæria, quæ sunt ovi quartæ partes. In superficie, & superiori & inferiori, gyrorum in homine est plurimum, qui alternis rotundis angulis profunde satis cerebrum in undulatos lobulos dividunt; major tamen qui utrinque a lateribus fellæ turcicæ extrorsum ascendit, & hemisphærium in duos lobos dividit. In eorum lobulorum superficie, mollissimus *cortex* est, ex subflavo & subrubello cinereus, omnium in corpore humano partium tenerimus: interiora occupat *medulla* fere alba, in fetu rubicundior, quæ plurimis vasis arteriosis perforatur, rectilineis, & simplicibus, solidior, magis figurabilis in mollitie sua, copia quam cortex majori. Arteriæ carotidis major ramus posterior CCCXVII. dextram, & perinde sinistram cerebri medietatem in lobum anteriorem minorem, majorem vero posteriorem dividit.

CCCXLII. Fabrica corticis diu in controversia fuit. Satis nunc constat per anatomicas injectiones, longe maximam partem ex vasculis constare, quæ a piæ matris ramulis ubique, pediculorum modo, dimissa, in corticem immerfa, liquorem

sanguine subtiliorem vehunt, & nonnunquam in morbis, a strangulatione, & in brutis, avibusque inprimis, verum sanguinem recipiunt. Reliquam partem, quam nulla injectio replet, vel venosam esse, vel teneriprum vasculorum, probabile fit; nihil enim in cortice integro/dissimile adparet, unde suspiceris partem aliquam tubulosam esse, solidam alteram. Et de simillimo sui cortice tanto major pars in vascula abit, quo major in replendis vasis incisoris industria fuerit, & humoris injecti tenuitas. Glandulas communis consensus deseruit, neque usquam certe minus probabilis fuit opinio, quæ admisit.

CCCXLIII. Ut medullæ naturâ cognoscatur, considerata est anatome interior cerebri, comparata cum brutorum animalium, & piscium cerebris. Ergo cerebri pars, quæ sub supremis gyris sequitur, alba, sensim latior, uberior, denique sectionem *cerebri ovalem* totam efficit, foliis in ambitu corticalibus gyris exceptis. Ibi hemisphæria duo cerebri, quæ dixi, non tota divisæ esse, media medulla cohærent. Ea pars medullaris, quæ sub falciformi est processu, sed remotior, *callosum corpus* vocatur. In ejus superiori superficie duæ striæ albæ parallelæ decurrunt, ab arteriarum pulsu factæ, antè divergentes & ad commissuram anteriorem terminatæ, postè perinde divisæ. Corporis vero callosi anterior finis cum crurum cerebri parte a lobis cerebri anterioribus veniente confunditur: posterior, latior, breviori sine in unguis modum cur-

vo introrsum ducitur, & alia columna in cornu ventriculi inferius descendit; longiori in hippocampum continuatur. Tota porro superficies hujus corporis tranversis fibris striata est, quæ in cerebri proximam etiam medullam adtenuatæ continuantur. Etiam interior ejus corporis natura striata est: & inferior superficies suam raphen suasque transversas fibras habet.

CCCXLIV. Difficiliora sunt, quæ sequuntur. Cerebrum nempe non solidum est, sed ab ima parte medullari, quæ ossi multiformi incumbit, qua parte crus cerebri majus exit de cerebro, cavea incipit, sola tecta pia membrana, quæ sensim retrorsum adscendit, deinde conversa, antrorsum & sursum pergit ire. Tunc, ad finem fere posteriorem corporis callosi, finditur, & una parte breviori, posteriori, in lobum cerebri posteriorem exit, sine introrsum verso, ungue pleno, quem dixi. Anteriori autem longe ad latera corporis callosi producitur horizonti parallela, & cornu extroverso lateacente, desinit in lobo cerebri anteriori. Hujusmodi cavitas, una utrinque neque conjuncta, vocatur *ventriculus anterior* sive *tricornis*: eum naturaliter vapor replet, qui frequenter admodum in aquam cogitur, sive in gelatinam.

CCCXLV. Hæc cavea plena est, ut congruant inter se supernæ cerebri partes & inferiores. Inferius ipsi pavimentum varie figuratur. Anterior quidem cornu fit inferius colle modice conve-

xo, longo, retrorsum divergente, membrana te-
 cto valde vasculosa, externe cinereo; *striata* cor-
 pora vocantur, quod alternas intus in multo cor-
 tice albas strias ovales ostendant, sibi parallelas,
 posterius longiores, præter minores maculas &
 micæ quasi medullofas. Interius, posterius,
 duo alii colliculi similes, magis ovati, versus
 ventriculum tertium & alibi magna parte extus
 cinerei, obscurius striati, sibi ita accumbunt, ut
 etiam frequenter cortice confuso superne cohæ-
 reant; qui introrsum euntes, per cornu ventri-
 culi anterioris descendentes ad basin cranii, gene-
 rant *nervos opticos*, quorum *thalami* dicuntur.
 Inter striata corpora & thalamos istos media &
 parallela alba stria medullaris est, quæ *centrum*
semicirculare geminum vocatur, nata a *commis-
 sura anteriori*, & fornicis non raro cruribus, ipsa-
 que inprimis ante thalamos cerebri medulla. Ea
 commissura lata, robusta, partem anteriorem
 cerebri ante thalamos conjungit. Geminum
 centrum posterius latius multis fibris in pedis
 hippocampi cum cerebri medulla conjunctione
 oritur. Corpora vero striata cum thalamis *cru-
 ra cerebri* medullosa constituunt, quæ in basi ce-
 rebri medullæ cerebelli se superjiciunt, & ad an-
 teriorem finem pontis conjunguntur, quem dice-
 mus. Qua sibi proxime uniuntur, quodque edu-
 cit colliculum hemisphæricum, *mammillarem*.
 Ipsæ fibræ medullæ cerebri, cum cerebelli me-
 dulla intricatæ, descendunt in medullam oblon-
 gatam,

gatam, & proprio fasciculo corpora pyramidalia adeunt.

CCCXLVI. Sed callosum corpus medium horum ventriculorum communi axi inminet. Posterius fornici contiguum incumbit. Anterius, ad thalamorum concursum usque cum striatis corporibus descendunt ab eo corpore duo similes parietes medullares, quos *septum pellucidum* vocant, inferius uniti triangulares, retrorsum posito vertice, mediamque caveam anonymam includentes. Hoc septum inferius continuatur *fornici*, quadricorni nempe medullari trabeculæ, cujus anteriora initia ex cerebri medulla, nonnunquam etiam ex corporibus mammillaribus, & a commissura quam diximus, & pone eam sub thalamis inprimis, & a gemino sæpe centro, & a linea flexa thalamorum sunt. Is fornix incumbit intervallo corporum striatorum, deinde intervallo thalamorum, & degenerat partim in latam *fimbriam* tenuem, fini hippocampi, qua in ungues dividitur, & partim in alia tubera & fornici continua & calloso corpori, sed ab isto, ut crassiori, evidentius continuata, semicylindrica, quæ fimbriam adpositam habent. Ea descendunt in cornua inferiora anteriora ventriculorum, & ultimo extrorsum convexo arcu decem fere fulcis percurso, quos ipsi cerebri gyri inprimunt, & quasi quadrifulco pede terminantur, unde nomen *hippocampi*, qui exterius tenerrima lamina medullari teguntur, intus corticales sunt. Ad principium divisionis pedis hippocampi tænia desinit

finis in albas strias duas, longam brevemque, huic pedi & cerebro infertas aut unam, inmissam ungui intimo. Simile tuber in cornu posterius ventriculi venit, ultimo introrsum curvum, calcari avium simile, cui continua columna postremam sedem cornu descendens ventriculi tenet, cum corpore calloso continuatum. Inter discedentia crura posteriora fornicis pars medullaris retro plexum medium ventriculorum transversis plerumque & palmatis striis picta, quas arteriis tribuo, *psalterium* dicitur.

CCCXLVII. In ventriculorum parte anteriori inferiori incipit utrinque *plexus choroideus* sola pia meninge inclusus, cætera in cavitate cranii nudus, factus ex plurimis arteriis CCCXVII. CCCXVIII. & venulis a trunco illo magno CCCXXV. natis, quæ vasa plurima pia matre conjuncta, multipliciter plicatum velum referunt. Multæ sæpe, neque tamen semper, miscentur glandulæ pellucidæ, rotundæ, hydatidum similes. A basi cerebri ascendit per cornu ventriculi descendens, sursumque ut incedit, ita dilatatur : inde porro angustior cum thalamo optico ad posteriorem septi lucidi finem pergit. Ubi ad eum finem anteriorum thalamorum pervenerunt hi plexus, ibi cohærent & continuantur cum plexu vasculoso egregio, qui per lacunam ventriculi tertii ad glandulam pinealem usque leniter descendit, & in piam matrem loborum posteriorum cerebri continuatur. Inde calor interni cerebri, & procul dubio exhalatio, & inhalatio.

inhalatio. Plexus vero choroidei latissimi, ubi ventriculi anteriores descendere incipiunt, deorsum sensim contractiores, in fine imo anteriori ventriculi sola pia matre tecti eminent.

CCCXLVIII. Inter thalamos, recta fere superficie sibi adplicatos, fissura naturalis est, quæ cruribus cerebri convenientibus in basi cranii terminatur; *tertium* vocant *ventriculum*. Antrorsum declivi infundibulo in columnam corticalem ducit, in brutis animalibus cavam, in homine minus evidenter fistulosam, innexam *pituitariæ glandulæ*.

CCCXLIX. Ea utrinque compressa, simplex, incertæ fabricæ, anteriori majori parte pene rotunda, subrubella, posteriori minori, cinerea, transversim lata, vestita pia membrana cerebri, propriæ inpressioni sellæ turcicæ, insidet, quædam, ut videtur, cerebri adpendix.

CCCL. Posterius thalami conjunguntur, in fundo ventriculi, & media fascia medullari, sive *commissura posteriori*, & minori transversa chorda, ex qua utrinque in arcum flexa stria alba superior exit, quæ in geminum centrum & in commissuram anteriorem, & nonnunquam in crus fornicis se immittit. Anterius & superius tubere thalami eminent, quod fornix triangulus facit duobus thalamis interjectus.

CCCLI. Is colliculus tertii ventriculi superius triangulare cavum, a fornice repletum, ab inferiori calamo scriptorio ita separat, ut & anteriori fini tertii ventriculi, & posteriori, cavea a sum-

mo ad imum continuetur. Sed etiam *anterior commissura* trabecula est medullaris, quæ ante fornicis anteriora crura thalamos unit.

CCCLII. Nempe posterior thalamis adplicatur, medullaris, transversa, figurata eminentia, quæ loborum posteriorum cerebri dextri & sinistri medullam conjungit. Ea posterius quatuor ovatis, extrorsum gracilescentibus, eminentiis exsculpitur, quas *nates* & *testes* vocant, & quibus extus medulla, intus aliquis cortex inest. Majores in homine sunt, quæ superiores, quæ eadem nates audiunt. His insidet corticalis glandula, ex ovata conica, multis vasis, in quæ plexus choroideus degenerat, irretita, *pinealis* illa celebris, adeo frequenter morbofa, cum cerebro exiguis petiolis conjuncta, inmissis in lineam albam per thalamos antrorsum euntes. Inter hanc quadrigeminis jugis sculptam eminentiam, & crura medullæ oblongatæ, canalis ex tertio ad ventriculum quartum, *aquæ ductui* similis ducitur, manifesto apertus.

CCCLIII. Univerſa cerebri medulla inferius in basi colligitur, in duas craſſiſſimas columnas conpreſſas, per ſuperficiem ſecundum longitudinem lineatas, intus aliquid corticale habentes, *crura nempe cerebri*. Ea retrorſum coeuntia, teſta a cruribus cerebelli ſubjectis, manifeſtis fibrarum ſtratis in corpora pyramidalia medullæ oblongatæ inferuntur, aliisque profundioribus, quæ fibræ tranſverſæ interiores a cerebello venientes

entes a prioribus separant, initium componunt oblongatæ medullæ, una cum cerebelli medulla.

CCCLIV. *Cerebellum*, ut minus, ita simplicius est. Duo ipsi lobi sunt, sed nusquam profunde distincti, verum & superius & inferius undique medio anulo uniti, similis fabricæ; eum *vermem* vocant, ad cujus latus planus colliculus est, ejusdem cum cerebello indolis. Huic parti encephali plurimus est cortex, cum pauciori medulla. Et cortex quidem etiam in ambitu ponitur, sed inscriptus gyris potius parallelis, arcus circulares facientibus. Ita lobuli definiuntur non profundi, qui singuli suam medullam edunt, & multis sensim medullaribus striis collectis in unum truncum, arbuscularum effigies nascitur. Ea medulla, collecta in magna *crura cerebelli*, intus lineis ferratis & intricatis corticeis distincta, triplicem finem habet. Una pars adscendit versus natium sedem, ibique cum cerebri medulla unitur sub testibus; *transversa* autem medullari *stria* dextra cum sinistra conjungitur, retro nates. Ab eadem fibræ aliquæ distinctæ extrorsum adscendunt, & fibris transversis *pontis* se adjungunt. Hos inter primos cerebelli processus lamina medullaris tenditur, pone quartum ventriculum, fibras trans processum emittens. Altera descendit in spinalem medullam, & in propria clavata tubera terminatur, quibus alia corticalia adjacent, utraque anonyma. Tertia media, major, deorsum transversim euns, subjicit se cruribus cerebri, eaque amplectitur, bis alter-

nata cum fibris eorum medullaribus (CCCLII.) transversis ipsa fibris, & parte magna cum ipsis confunditur.

CCCLV. Ita nascitur ex cruribus cerebri supra crura cerebelli descendentibus, & ex medulla cerebelli circa cerebralem tranversim eunte, *pons* primo, ovalis fere, sed utrinque magis retusus, in medio depressus, fibris undique transversis inscriptus. Deinde continua ponti, in medio separata fulco proprio, *medulla oblongata* fit, intus aliquo cortice variegata & striata, quæ conica, versus magnum foramen declivis est. Ea ante pontem duo paria tuberculorum habet, externum *olivari* figura, internum *pyramidali*, nempe deorsum conice diminutum: medius ea fulcus dividit, quem pia meninx subit. Sed inter eam medullam & vermem cerebelli cavitas nascitur, quatuor processibus minoribus limitata, quæ aut adscendunt, aut descendunt, primo angusta, super tubercula CCCLIV. latior, rhombi figura; *ventriculum quartum* dicunt, quem posterius claudit *valvula magna*, sive medullare velum, uniens processus a cerebello adnates euntes, atque vermem, cum stria transversa testibus subjecta, & ventriculum posterius claudens (CCCLIV.). Is ventriculus modicum fulcum habet, tumida utrinque ora comprehensum, inscriptum medullæ oblongatæ, & respondentem canali, quem nates testesque tegunt, & quem *aquæ ductum* vocant (CCCXLVIII.). In eo ventriculo similis, ut in prioribus, plexus choroidæus

choroideus est sed minor, & fulcus quem *calamum* dicunt. Uterque fulcus per medullam spinalem continuatur, evidentius anterior, posterior minus. In illo transversæ fibræ tum in oblongata, tum in spinali medulla, a dextro latere ad sinistrum abeunt. Striæ vero transversæ quarti ventriculi, duæ tresve, in nervum mollem abeuntes, ab eminentiis fulcum intercipientibus nascuntur: aliæ ad par octavum, aliæ similes ad crus cerebelli adscendunt.

CCCLVI. Medulla omnis cerebri & cerebelli per diversa foramina cranio exit, ad locos destinatos. Minores fasciculos *nervos* vocant, majorem *medullam spinalem*, quæ oblongatæ (CCCLV.) est continuatio. Nervi vero fasciculi sunt medullofi, in origine mollissimi, facti fibrarum funiculis ex cerebro confluentibus, etiam ibi nonnullis in exemplis distinctis, rectis, in nervo parallelis. Ii funiculi, post aliquem progressum, pia matre obducti, rubella, firmula, in magis constantem fasciam uniuntur, per cellulosam telam cum sui similibus conjuncti atque divisi vicinique, ad suum in dura matre foramen properant, per ejus canales & intervalla decurrunt, donec foramen in cranio reperiant, & per infundibulum duræ membranæ exeant. Elapsus ex cranio nervus plerumque dura matre cingitur, & robustus fit & solidus. Sic in optico, quinto, aliisque fit, nam in aliis nulla dura membrana factis certo nervo circumdatur, ut in auditorio molli, olfactorio, nervo intercostali. Nudus nunc, interque

interque musculos minus defensus nervus, funiculos suos constituentes habet, quibus sua medulla est, suaque involvens pia mater. Hujusmodi minimi funiculi in alios majores conveniunt, quos multa cellulosa tela unit, per quam arteriolæ & venulæ plurimæ decurrunt, & nonnunquam adeps ipse effunditur. Universale vero involucrum funiculis omnibus dura aliqua cellulosa tela præstat, quæ contineat omnes, & in unum nervum uniat, sæpe veræ membranæ simile.

CCCLVII. Omnibus nervis capitis commune est, quod ab inferiori partæ medullæ cerebri aut cerebelli proveniant. Ab intervallo loborum anteriorum cerebri fibra laterali, recta vero a medulla lobi anterioris, provenit *olfactorius*. *Opticus* magna ex parte ex thalamis (CCCXLV.) sed aliqua etiam a cerebri crure, dum nervus id decussat. *Tertius* ab imo crure medullæ cerebri, pone corpora mammillaria. *Quartus* simplex aut bifidus, a latere processum cerebelli ad testes prodit. *Quintus* a pedunculis cerebelli evidentissime nascitur. *Sextus* ab imo ponte, profunde inter medullam oblongatam pontemque, ex sulco CCCLIV. *Septimus* altera parte molliori posteriori, majori ex medulla oblongata, exque ipso quarto ventriculo, duabus transversis striis; altera duriori a parte cruris cerebelli proxima ponti. *Octavus* ab intervallo corporum olivarium & pyramidalium, ex sulco medullæ oblongatæ, & secundum aliorum clarorum virorum experimenta, ex ventriculo quarto. *Nonus*, ab olivaribus corporibus, & a pyramidalibus. *Decimus* est
nervus

nervus cervicis, ob duplicem radicem, arcum cum superiori et inferiori vicino, locum exitus. Nullus ergo ex cerebello proprie ramus prodit, nisi quintus, & quartus; ex cerebro vero solo anteriores nervi, olfactorius, opticus, tertius; reliqui ex iis locis, ubi utraque medulla conjuncta est.

CCCLVIII. *Spinalis medulla* funiculus medullosus est, mollissimus, qui a medulla oblongata ad secundam usque lumborum vertebra[m] descendit. In collo antè & postè plana, ad latera gibba est, in dorso undique fere quadrata. Maxima, qua ex capite prodit, inde in summo collo minor, in imo major, in dorso pene toto iterum angustior, crassior in imo, finem demum in tuberculis tacit, ovali & conico. Pia mater ipsi propria est, ut cerebro, quæ anteriorem fissuram profunde subit, & medullam pene bipartit. Corticem intus obscurum habet: arteriam autem anteriorem majorem, a vertebralium ramis in cranio natam, retrogradam, per omnem longitudinem piæ matris descendentem, perpetuis flexibus alterne sinuosam, quæ secundum nervos, non tamen omnes, anastomoses habet cum vertebralium, intercostalium, lumbalium, sacrarum ramis, donec ultimo, propria vagina a pia matre obducta, ad coccygem exeat & evanescat. Similes, sed minores, posteriores arteriæ duæ a ramis inferioribus cerebelli veniunt, magis serpentinæ & frequenter sibi inosculatæ. Venæ spinales ab ipso cerebro cum arteriis descendunt,

&

& ramis pariter nervorum fociis exeunt, in tot circulares sinus in dura matre positos, quot sunt vertebræ, qui omnes ita inter se communicant, ut quilibet cum superiori & inferiori recto utrinque ductu consentiat, extrorsum vero dato ramo cum vertebralibus, intercostalibus, lumbalibus, sacrisque venis uniatur. Supremus sinus cum occipitalibus anterioribus CCCXXXII. anastomoses habet.

CCCLIX. Sed laxè & remote circumdatur medullæ spinali alterum involucrum, nullis pictum vasculis, aquosè pellucidum, firmulum, ex cerebro continuatum; *arachnoideam* vocant, quæ longior pia membrana, ad imum os sacrum producta, nervos ibi solos in fasciculum sibi accumbentes continet. Quomodo cum nervis exeat, nondum dictum est. Eam inter membranam & duram vapor est, qui in rubellam aquam frequenter densatur, propriumque hydropem facit.

CCCLX. *Dura* denique *membrana* spinalis medullæ, cerebrali continua, circumdata arachnoideæ, & perinde ad imum os sacrum descendens, in principio, in imo collo, & lumbis amplior, in dorso gracilior, ultimo filamentis pluribus, ad ossis sacri periossteum adnexis, in gracilem conum evanescit. Dum per eam membranam nervi exeunt; exterius ipsis circumponit involucrum, & continuo cum iisdem in *ganglion* intumescit, durum nempe, ovalem, rubellum nodum. Huic duræ meningi intus ad intervalla nervorum omnium

mnium *ligamentum denticulatum* adhæret, ex cranio ortum, sub nervi noni paris itinere, & triangularibus productionibus arachnoideam cum dura, in singulis nervorum intervallis, inter anteriores & posteriores fasciculos conjungit ad ima usque, & duodecimam dorsi vertebram. Exterius duræ matri pingue aliquid unguinosum circumponitur, deinde involucrum internum vertebrarum, æque ipsæ, ita in canalem adaptatæ, ut in nulla flexione medulla spinalis conprimi queat.

CCCLXI. Medullæ spinalis fibræ in hydropicis, in animalibus, distinctæ adparent. Eæ prodeunt ex omni & anteriori, & posteriori planitie spinalis medullæ, solentque in universum anteriores funiculi, pia matre obducti, radiatim convergere in fasciculum majorem, cui simillimus alter ex posterioribus filis conjunctus accedit, & in unum nervum coalescit, qui per foramen duræ membranæ, inter duas quasque vertebra exiens, porro nervum generat. Numerus, qui vertebrarum, ad triginta. In collo fibræ nerveæ numerosæ, radiatæ, grandem, pene transversum nervum componunt. In dorso descendunt, in universum minores, ut tamen imi majores sibi fere continentur. Lumbales magni & longi in caudam equinam consentiunt. Sacri imi minimi sunt, supremi grandes. Dorsalium multi, lumbales & sacri pia sua membrana vestiti, arteriis comitati, arachnoidea inclusi, funiculum faciunt, quem vulgo *caudam equinam* vocant.

CCCLXII. Hi nervi quidem ad omnes partes corporis distribuuntur, ratione valde composita, neque hic enarrabili. Hæc tamen omitti nequeunt. Omnes nempe nervi spinales, vix uno alterove in collo excepto, egressi de vertebris, posteriorem & anteriorem truncum habent. Ille musculis unice datus est. Iste producit radicem nerveam, quæ juncta sodalibus, & addito exiguo furculo, qui a sexto nervo cerebri & a ramo secundo quinti per canalem pterygoideum advenit, unum principem corporis humani nervum efficit, qui cum fere omnibus aliis nervis totius corporis conjunctus, ad cor, & abdominis viscera omnia ramos nerveos educit. Idem tot ganglia, quot a medulla radices habet, nisi ubi plures in unum ganglion conveniunt: cum cruralibus, brachialibus, diaphragmaticis, vagis nervis nonoquæ parè varie communicat. Alter primarius nervus *octavus* est, *vagusve*, cerebralis iste, in imo collo, pectore, & abdomine cum intercostali conjunctus: is triplici funiculo ex cranio exit, quorum, qui major est, laryngi, gulæ, cordis ipsis plexibus (XCIX.) pulmone, oesophago, ventriculo, hepatis ramos mittit. Tertius *phrenicus* est, ex plerisque nervis inferioribus colli ortus, & a brachialibus, & nonnunquam a nono radice actus, descendit secundum pericardium, & in superiorem faciem septi se immittit: inferior enim ramos ab intercostali nervi maximo plexu habet. Ultimo *accessorius* a sex septemve primis nervis posterioribus cervicis,

&

& a medulla oblongata, plurimis radiculis ortus, ad octavum accedit, in cranium retrogradus, & videtur aliquem consensum inter eum nobilem nervum & spinalem medullam efficere. Denique artuum nervi, plexuosi isti in origine, & ob longitudinem duriores, multoque quam in visceribus majores, ad manum quidem ex quatuor imis colli nervis, dorsali vero primo & altero veniunt, ad pedem a lumbalibus & sacris.

CCCLXIV. Nervi vasorum modo ramosi, acutis tamen angulis & sæpe manifesto retrogradis divisi, sensim molescentes, sensim diminuti, ut tamen alias crassiores fiant, dum a cerebro recedunt, ultimo fine raro visibili in pulpam terminari videntur, depositis, quæ circumdata habebant, involucris, exemplo optici nervi. Fibrarum rectitudo ab ipso cerebro continuata tanta est, ut in divisione nulla findatur, sed unice secedant, quæ cellulosa fabrica conjunctæ erant. Demonstrant determinata vitia partium non omnium, sed singularum, a cerebri vitiis nata, aphoniæ, surditates, mutitates, paralyfes singulorum musculorum. Cellulosa tela cum vicinis partibus conjuncti, vix elastici, dissecti non resiliunt, sed medullam expellunt, contractis involucris. Sed neque irritati ullo modo contrahuntur; neque in musculorum motu, quem cient, ipsi redduntur breviores. Plurimi musculos adeunt, multi cutem, pauciores viscera, paucissimi pulmones, nulli duram, piamque membranam, arachnoideam, tendines, capsulas & ligamenta, demum se-

cundas universas. Anastomoses inter se, ut vasa, frequentes faciunt, aut ex uno trunco in multos ramos finduntur, & in concursu ramorum ex diversis truncis ortorum inprimis ganglia reperiuntur, duri nempe tumores nervei, plerumque vasculosi, firma membrana inclusi, incertæ hætenus aut fabricæ, aut utilitatis, in quibus fibrarum nervearum rectitudo interrumpitur. In sensoriis unice nervis non reperiuntur, & nulla sunt octavo, phrenico, nervis artuum, spinalibus vero & intercostali, qui vere spinalis est, & quinto propria.

CCCLXV. Anatome hæc fere de cerebro & nervis docet; sequitur, ut utilitates harum partium physiologicas eruamus. Ergo nervus omnis irritatus, a causa quacunque, sensum doloris accerrimum facit. Sentire vero est, mutari animam, quando corpus mutatum est. Medulla est, quæ in nervo sentit. Si nervus peculiari sensui præfectus fuerit, perit is sensus, compresso, dissecto nervo, totius denique corporis vel sensus, si cerebrum compresseris, & partium, quorum nervi, infra sedem pressionis nascuntur, si medullam spinalem eliseris. Si certæ cerebri regiones pressionem passæ fuerint, ex quibus definiti nervi nascuntur, tum ii sensus soli pereunt, visus, auditus. Sentiunt eæ corporis humani partes, quæ nervos acceperunt, acrius quæ multos, nudosque, ut oculi, penis; obtusius, quæ paucos, ut viscera; nihil quidquam, quæ nullos, ut du-

ra membrana cerebri, tendines, ligamenta, secundæ, ossa certe lata, & cartilagines.

CCCLXVI. Non est adeo obscurum *sensum* omnem oriri ab objecti sensibilis inpressione in nervum quemcunque corporis humani, & eamdem per eum nervum ad cerebrum pervenientem tunc demum repræsentari animæ, quando cerebrum adtigit. Ut etiam hoc falsum sit, animam in proximo per sensoria nervorumque ramos sentire. Refutant enim hanc sententiam dolores post amputationem superstites, interruptio doloris omnis a nervo compresso, vitia sensuum a cerebri malis. Et sensuum effectum in cerebro servari constat ex memoriæ jactura, quæ cerebro compresso & læso supervenit; delirio, quod in aliis malis, stupore & sopore qui iterum in aliis. Duram matrem non sentire monuimus.

CCCLXVII. Altera functio nervorum est, motum in musculis ciere, eumque vehementissimum. Irritato nervo musculus continuo convellitur, quemcunque is nervus adit, & plures musculi, si ad plures is nervus ramos miserit. Id fit & dum vivit animal, & paulo post mortem, dum humecta sunt omnia. In majori irritatione etiam alii musculi in convulsionem cientur, & denique omnes. Neque necesse est nervum integrum esse; nam & resectus, quando irritatur, in musculo pares motus ciet. Vicissim compressus & ligatus nervus paralyfin facit, musculi nempe, qui ab eo nervos habent suos, inmoti jacent etiam, quando a voluntate jubentur agere. Idemque
motum

motum recuperant, quando compressio remove-
tur, neque nervus damnum accepit.

CCCLXVIII. Sed cerebri medulla profunde
suis in cruribus vellicata, irritata, late per o-
mne corpus diræ convulsiones regnant, nec ulla
est exceptio a partis irritatæ diversitate, neque
in cerebro, cerebello, callosive corpore ulla
prærogativa. Idem fit, si medulla spinalis irrita-
tur. Encephalo vero ipso compresso, ubicunque
id fit, pars aliqua corporis motu privatur, quam
eam omnino esse, quæ nervos habet a compressa
parte cerebri, arguunt experimenta in vitiis de-
terminatæ sedis cerebri, in quibus compressa ori-
gine nervorum, vox sublata est, aut motus alte-
rius brachii, cruris, lateris pharyngis alterius.
In medullæ spinalis læsionibus evidentius est,
eam partem aut convelli, si irritata, aut resolvi,
si compressa fuerit, quæ nervos habet, ortos a
parte læsa medullæ. Majori vero aliqua parte
cerebri compressa, a sanguine, aqua, scirrho,
osse in tacto, causa mechanica, major pars cor-
poris, & denique universum corpus vim motri-
cem amittit, voluntati quidem parentium orga-
norum in minori malo, omnium in gravissimo.
Eadem omnia mala abeunt remota causa compri-
mente. Denique læsa medulla spinali in collo,
non tarda mors consequitur, cum ab ista sede in-
primis oriantur cordis nervi (XCIX.).

CCCLXIX. Non videtur his positis dubium
esse posse, quin motus in corpore humano ma-
gna causa oriatur a cerebro, & connexis cum eo
cerebello

cerebello atque medulla spinali, indeque per nervos ad omnes musculos partesque in corpore humano perveniat. Neque adeo in partibus singulis habitat causa motus, cum alioquin superesset cerebro deleto, neque aueretur, cerebro irritato, neque langueret, eo compresso.

CCCLXX. An princeps aliqua in cerebro sedes est, in qua omnium motuum origo, omnium sensationum finis sit, ubi anima habitat? An id suadet frequens adnotatio, cum cerebri magnis malis integrum sensum, motus integros superfuisset? An ea est in calloso corpore? an id demonstrant vulnerum in ea parte major ad necanda animalia potentia, morborum in corpore calloso funesti effectus? An satis connexum cum nervis hoc corpus est? An extant experimenta, quæ inde deducant nervum quintum, septimum, aliosve? Annon eadem lethalitas, aut major, vulnerum medullæ spinalis? quæ tamen non est animæ sedes, cum ea compressa, deleta, diu homo supervivat integerrimis mentis functionibus. Imo plurima repugnant; aves quibus nullum callosum corpus est; vulnera ejus corporis nihilo magis funesta, quam alterius in cerebro particulæ, ut per certa experimenta ostensum est.

CCCLXXI. Sed neque cerebelli major ad vitales motus ciendos est prærogativa, neque distinctæ vitalitatis & animalitatis provinciæ; neque cerebellum nervos cordis & vitales alios producit, cerebrum nervos sensuum & motus voluntarii organa adeuntes. A cerebello nervus quintus evidentissime

dentissime producitur. Sed is adit linguam, musculos pterygoideos, buccinatores, temporales, frontales, auriculam, oculum, nares, partes omnes aut a voluntate motas, aut destinatas sensui. Deinde idem nervus, ut octavus, vitales ramos dat cordi, pulmoni, animales & voluntarios laryngi, sentientes ventriculo. Denique ne quidem verum est, vitia cerebelli ita certam & celerem necem inferre. Nam & vulnera & scirrhus cum vita superstitite tulit, per certa experimenta, etiam nostra; neque multum est, quo a cerebro distat, quo mollius est & tenerius; & denique, neque rarissime, vulnera cerebelli sanata legimus. Est tamen aliquanto major ejus partis ad convulsiones excitandas potestas.

CCCLXXII. De animæ sede per experimenta videndum. Erit ea in capite primo, non in medulla spinali. Hac enim impedita nihil de constantia mentis decedit. Deinde erit ex convulsionum experimento, quæ demum intimis cerebri irritatis superveniunt, non in cortice, sed in medulla, & non inprobabili conjectura, in cruribus medullæ oblongatæ, corporibus striatis, thalamis, ponte, medulla oblongata, cerebello. Et denique per conjecturam iterum non absurdam, ubi initium est nervi cujuscunque, ut omnium nervorum junctæ primæ origines efficiant verum sensorium commune. An ibi sensationes animæ repræsentantur, & oriuntur motus voluntarii aut necessarii? Valde hoc probabile videtur. Neque enim infra originem nervi motus origo videtur

videtur esse posse: gratis enim aliqua pars nervi immobilis aut insensibilis adsumeretur, adeo similis reliquo nervo. Neque superius in arteria poni potest motus origo (CCCLXIX.), cum arteria neque sentiat, neque motu voluntario cieatur. Superest, ut ea sit sedes animæ, in qua primum nervus incipit.

CCCLXXIII. Ratio, quæ nervi sensuum & motuum organa sunt, explicanda venit; quæ, cum lateat in ultima elementari fabrica fibræ medullaris, supra sphæram sensuum & rationis poni videtur. Conandum tamen per experimenta, ut accedamus, quantum licet. Et primo demonstratur, sensum non per membranas a sentiente organo ad cerebrum venire, neque motum per velamenta a cerebro in musculum mitti. Cerebrum enim ipsum profundius, quam eæ membranæ, & sensuum excipit inpressiones, & læsum convulsiones in musculis excitat. Porro certum est nervos a medulla cerebri oriri, cum id sit manifestissimum exemplo nervorum cerebri omnium, inprimis olfactorii, optici, quarti, septimique, qui longo ductu medullarem naturam puram retineant prius quam induantur piæ matris involucro.

CCCLXXIV. Quærendum ergo, quid medulla sit. Pulpa est præmollis, durior in animalibus insectis, in stultis, cæterum sui undique similis. Amat tamen figurari in fibras, sive fila parallela, secundum longitudinem sibi accumbentia. Id infinita demonstrant, maxime exem-

pla corporis callosi, striati, thalami optici, medullæ spinalis, piscium denique cerebra, & eorum potissimum thalami optici. Deinde fibras cerebri cum fibris nerveis continuari, & in unum continuum corpus produci, constat exemplo paris septimi, quarti, quinti, valde evidenter. Plurimum in medulla cerebri oleum est, supra decimam sui ponderis partem.

CCCLXXV. Incipit controversia in natura hujus fibræ, quæ cum sui similibus & medullam, & nervos conponit. Eam fibram solidam esse non pauci inter recentiores adsumferunt, ut unice adluatur vapore exhalante in cellulofam fabricam, fibris nerveis circumpositam. Percuti vero a corpore sensibili, & vibrationem excitatam in cerebrum advenire.

CCCLXXVI. Non vero finunt solidas esse fibras nerveas, phænomena nervorum vulneratorum. Si enim concutitur nervus irritatus, & id fit chordæ elasticæ modo, quæ tremit correpta, oportet nervum duris fibris fieri, & per extremos fines ad firma corpora adligatis, & tensis, nec enim aut molles chordæ, aut non tensæ, aut non firmatæ tremunt. Sed nervi omnes in origine sua medullares sunt, & mollissimi, & ab omni tensione remotissimi: ubi per tutos canales transeunt, molles iidem manent expertesque membranarum, ut in intercostali, in nervis quinti paris secundis, aliqui etiam per totam longitudinem suam, quanti sunt, nusquam non molles sunt, exemplo nervi mollis olfactorii, acustici,
de

de quo tremorem imprimis speraremus, soni exemplo. Deinde, ut duri sint nervi, mollescunt tamen in visceribus, musculis, sensoriis, priusquam operantur. Quare fibræ nerveæ nec in principio, nec in fine tensæ, non possunt elasticè tremere. Sed eadem in propriis & nobilissimis exemplis tremere nequeunt, quod per totum inter suum pertinaciter ope cellulosæ fabricæ ad duras partes sint revinctæ, exemplo nervorum cordis ad arterias magnas, ad pericardium firmatorum: Denique ab omni elatere nervos alienos esse demonstrat experimentum, quo nervus resectus non brevior fit, neque dissectos fines ad partes solidas retrahit, sed paulo longior præ laxitate redditur, & medullam suam in tuber expellit. Et molissima cerebri medulla omnia phænomena doloris, convulsionis, quæ nervus edit, absque ulla de tensione suspicione.

CCCLXXVII. Adde nunc motum nervi irritati deorsum propagari, nunquam in experimentis superiores, super sedem irritationis, musculos convelli. Id omnino ab elastica natura alienum est, chorda enim plexa ad utrumque a loco percussionis finem perinde tremores suos propagat. Si vero sensus & motus phænomena a natura elastica explicari nequeunt, superest ut sit probabile, liquidum esse, quod a cerebro adveniat, in nervos descendat, ad extremas partes effluat, cuius motus ab irritatione acceleratus, secundum directionem fluenti sui unice operatur, neque fursum convulsiones remittere potest, quibus

novum a cerebro adfluens fluidum resistit. Idem vero liquidum a sensibili corpore in organo sensus in motum excitum, eum motum sursum ad cerebrum ferre, cui nullus contrarius a cerebro adveniens sensorius torrens resistat.

CCCLXXVIII. Cavas ergo esse fibrillas nerveas &, quarum eadem natura est, cerebri medullares fibras, probabile fit. Neque quidquam contra experimenta proposita potest tenuitas fistularum, quas nullum microscopium adtingit: absentia tumoris in ligato nervo, non satis vera, & hujus modi argumenta, quæ debilitatem sensuum nostrorum demonstrant, contra spirituum nervorum veram præsentiam nihil valent. Si fistulæ sunt, ab arteriis cerebri suum humorem habere, valde probabile est.

CCCLXXIX. Sed de natura liquidi dubitatur. Eam enim multi, maxime recentiores, summe aut duram aut elasticam volunt, ætheream, electricam denique: priores aqueam potius, incompressilem, albuminosam tamen. Neque dissimulandum est, valde multa esse, quæ neutram sententiam hætenus nos sinant admittere. Electrica materia quidem potentissima est, & ad motus excitandos aptissima. Sed ea non coercetur nervis, totum enim animal communicata penetrat, carnesque perinde & adipem ac nervos vi sua replet. Verum in vivo animali soli nervi, aut partes, quæ nervis percurruntur, tremunt irritatæ. Oportet adeo hujusmodi liquidum esse, quod nervos perfluit, ut in nervorum fistulis contineri

contineri possit. Et vinculum nervum coercens sensum motumque tollit, torrentem electricum non moratur.

CCCLXXX. Aquea & albuminosa natura plerisque liquidis humanis communis est, & facile cogitari posset inesse nerveo, exemplo aquulæ exhalantis ventriculorum cerebri, ex iisdem vasculis natæ, gelatinosi liquoris effluentis ex dissectis cerebris piscium, & nervis animalium majoribus, tumoris in nervis ligatis oriundi. Verum an sufficit ea natura explicandis stupendis viribus convulsorum nervorum, quas vivorum animalium, etiam minimorum, dissectiones demonstrant, viresque maniacorum, hystericarum? An aliquid valet exemplum illud hydrostaticum de tubis gracilibus? quod equidem robur in motu utcunque explicat, a celeritate vero refutatur.

CCCLXXXI. Oportet enim liquorem nerveum, qui sensus & motus organum sit, mobilissimum esse, & sensuum inpressionem aut voluntatis imperia absque adsignabili mora deferre ad destinatos fines: neque a corde solo causam sui motus habere. Tenuissimum porro & invisibile, neque excitati alicujus aut saporis & odoris: & tamen ex cibis reparabile. A liquore vasculorum in intervalla funiculorum nerveorum exhalante, viscido, visibili, omnino oportet distinguere.

CCCLXXXII. Per fistulas potius quam per spongiosam solidamque nervi materiam eum liquorem moveri, celeritas suadet, & analogia totius

tius corporis, cujus omnes liquores, adipe excepto, per sua vasa fluant.

CCCLXXXIII. Quare in univerfum certum esse videtur, ex vasis corticis separari in cavas medullæ fistulas liquidum aliquod, quod in nervos tubulos continuatum, ad extremos nervorum fines propulsum, causa sit, cur nervus sensus & motus organum sit. Duplex autem motus in eo humore erit, lentus & constans a corde inpressus: non perpetuus alter, sed velocissimus quem vel sensus ciet, vel causa quæcunque, ut motus in cerebro nati.

CCCLXXXIV. Idem manifestissime nervi & sensui præficiuntur & motui, ut duo systemata, motorium a sentiente diversum, non licet adoptare. Si sensus aliquando superest, destructo motu, videtur ad istum multo plus virium requiri. Moribundi audiunt & sentiunt, motu amisso.

CCCLXXXV. Quoniam abit liquor nervosus, quem magna copia non potest non generare sanguis copiosissimus, celeriter motus, si compares cum uberrima secretionem lentioris sanguinis, a corde remotioris, in minori renali aut mesenterica arteria? Exhalare per nervos cutaneos non est improbabile; lassitudo certe ad motus & ad sensus intra paucas horas superveniens, per spirituosam medicamenta superabilis & amitti suadet & reparari. Exhalare in cavitates varias corporis, ventriculum, intestina, multis placuit. Partem aliquam reorberi expectes ne nobilissimus

mus humor nimis cito dispereat. Nutrire non credas, nimis mobilem, a quo non expectes adhæſionem: id tardi eſt humoris & viſcidi.

CCCLXXXVI. Quæ cauſa tot diverſorum collium in cerebro, quis finis ventriculorum, narium, teſtium, diſtinctionis cerebri a cerebello, tot funiculorum tranſverſorum communicantium ab una parte cerebri, cerebelli, medullæ ſpinalis, ad oppoſitam?

CCCLXXXVII. Ventriculorum neceſſitatem videtur ſe iſſe neceſſaria ad magnos uſus diſtinctio partium. Ut corpora ſtriata, thalamive ſeparatam medullam retinerent, oportuit vaporem intercedere, qui coalitum impediret, eademque in cerebro & cerebello eſt ratio. Forte etiam neceſſitas introducendi in craſſam medullam caloris, peperit neceſſitatem cavitatis, per quam arteriæ ſubirent, copioſæ & confertæ. Et oportebat forte in intima cerebri vaſa exigua venire, neque magna ulla. Et poſſis ſuſpicari, molli-
tatem fibræ cerebralis egere brevitate, ut ſe ſuſtineat.

CCCLXXXVIII. Tuberum plerorumque utilitates ignoramus, eamque oportet diſcere ex morbis, ex anatomicis in animalibus homini ſimilibus captis experimentis. Sed exigua ſpes eſt, in partibus exiguis, profundis, abſque funeſto vulnere vix unquam violandis. An totidem ibi habitant diſtinctæ idearum provinciæ, exemplo thalamorum opticorum? ſed plerique colliculorum nullos nervos producunt.

CCCLXXXIX.

CCCLXXXIX. Striæ ductusque interni fere communicationem aliquam motuum forteque sensuum videntur facere. Aliqui cerebellum cum cerebro conjungunt, alii medullam spinalem cum nervis cerebri, ut accessorius, plerique dextras & sinistras partes inter se uniunt, exemplo commissuræ anterioris (CCCXLV.), posterioris duplicis (CCCL.), callosi corporis (CCCXLIII.), striæ inter processus a cerebello ad testes (CCCLIV.), trabecularum medullarium in imo ventriculo tertio, in medulla oblongata & spinali (CCCLV.). Manifestum enim videtur inde fieri, ut per infinita exempla, dextro latere cerebri læso, potius sinistri lateris nervi per totum corpus resolvantur, & contra, etsi id videtur difficile, non semper eam decussationem locum habere. Deinde ea ratione videtur natura obtinuisse, ut quacunque parte cerebri læsa, non ideo perpetuo nervus inde ortus inutilis reddatur. Si enim & a suo, & ab alterno cerebri hemisphærio per communicantes funiculos fibras suas nervus habet, potest sui lateris fibris destructis, aliquam integritatem functionis a fibris lateris alterni retinere. Hinc tot exempla vulnerum, etiam cum majori cerebri jactura, quæ nulla secuta est in ullo nervo, ulla animæ facultate constans jactura. Multas cæterum, subtiliores strias & nervorum imagines, & tubercula ipsa necessitas produxit & accumbentium vasorum pulsatio, incumbentium partium figura.

CCCXC.

CCCXC. Nervos organa esse diximus sensus motusque. Motum, qui simplicior sit, & uniformis, & magis perpetuus, cum in fetu ante ple-rosque sensus fuerit, visum est præmittere.

C A P. XI.

MOTUS MUSCULARIS.

CCCXCI. Motus in corpore humano non unum organum est. Et primum in animali & in vegetabili fibra quacunque, capillo etiam, pluma, in membranis & cellulosa tela, inque fibra musculari humida: denique & in glutine animali & vegetabili vis est contractilis, qua & suæ distractioni resistit, & per eam, remissa causa extendente, in brevitatem priorem se restituit, neque unquam cessat ad proximum elementorum contactum niti, quem fabrica admittat. Post mortem, etiam a multis diebus, eadem facit, ut dissecti musculi fibræ suos ad fines se retrahant, amploque hiatu separentur: etiam arteria dissecta se in brevitatem colligit.

CCCXCII. *Mortuam* hanc vim voco, quod a morte supersit efficax, hætenus a vitæ viribus diversa. In vivente vero animali aliquanto est alacrior. Nam & a frigore & a terrore cie-tur cutis, ut dure scat & erigatur, seque cum duritie in brevitatem colligat. Denique fibræ cellulosæ hoc in brevitatem nixu perpetuo animantur, inque suam contractionem tendunt.

Hinc extensa cutis, aut membrana demum alia, causa suæ extensionis liberata, paulatim lento nixu se in priorem brevitatē recipit. Sed etiam alioquin distentioni perenni conatu resistit, lenique sed continua elementorum suorum accessione contentum adipem, aut aquam aut infixā casu corpora promovet : et videtur eadem potentia excretionem vaporis limitare, ut, vitiose laxatis cellularum fibris & laminulis, in inmensum aut adeps in cellulosa telam deponatur, aut aquosus vapor. Eaque debilitas videtur princeps veri hydropis causa esse. Eadem in corde, in artubus, ubique in corpore embryonis efficax & laboriosa, arterias, & auriculas, & ventriculos ad propiores contactus adducit, flexiones facit, cor quasi dissolutum in conum contrahit. Arcana denique vi videtur eadem plerasque corporis animalis partes figurare, dum gluten in cellulas receptum expellit, elementa terrea ad se adducit, soliditatem definitam & curvitates & vicinias definit.

CCCXCIII. Naturale huic potentiæ est agere perpetuo, lenta, sed nunquam interrupta, potestate : commune etiam a venenis quidem cieri in omni membrana, omni fibra, omni cellulosa tela : a ferri vero razione aut a conpunctione nunquam excitari. Hæ enim notæ fibræ rubræ musculosæ propriæ sunt. Hujus ergo fabricam oportet contemplari.

CCCXCIV. Fibræ musculosæ in corpore humano vocantur filorum rubrorum fasciculi, a quibus

quibus motus manifestus perficitur. Quando multæ fibræ, eæque evidentius rubræ, coacervantur, tunc *musculus* vocatur. Fabricæ simplicitas summa fecit obscuritatem in intelligenda ratione, qua, tanto robore, molles & exiguæ carnes motus producant maximos, tum in homine, tum omnium maxime in crustaceis insectis.

CCCXCV. In omni musculo reperiuntur *fibræ* longæ, graciles, molles, cum aliquo elatere, fere semper in universum parallelæ, quæ multa cellulosa tela cinctæ in lacertulos colliguntur. Isti, laxiori revincti tela, & plerumque pingui, in majores fasciculos coeunt, quos semper striæ cellulosæ & septa membranacea dividunt: donec plurimi lacerti aut paralleli, aut inclinati, membrana cellulosa tenui, cum septis continua, circumdati, & crassiori paulo celluloso textu a vicinis carnibus separati, pro uno musculo habeantur. In fibra ipsa visibili qualibet adparet series filorum, quæ, detortis finibus inniستا cum sui similibus & conglutinata, in fibram majorem conjunguntur.

CCCXCVI. Plerisque musculis, maxime vero omnibus, qui ossibus inferuntur, & omnibus, qui ab aliis potentibus carnibus incumbentibus premuntur, fibrarum non unum genus est. Carneæ enim illæ fibræ CCCXCV. in medio musculo crassitiem solent, quam vocant *ventrem*, collectæ efficere, eædemque in utroque musculi fine degenerant sensim & gracilescunt, & dure-

scunt, & deposito rubore splendorem argenteum induunt, & propius sibi adpositæ rara cellulosa tela & brevi colliguntur, & paucioribus vasculis pinguntur, & indolentes sunt, & ægre irritabiles, & *tendinis* nomen accipiunt, si collectæ fuerint in angustiore, teretem, fasciculum, *aponeuroscos* vero, si in amplam planamque superficiem. Cellulosam telam, quæ totum tendinem communis amplectitur, *vaginam* vocant, musculi tunicæ similem. Carneas enim fibras vere in tendineas mutari suadet comparatio fetus, cui paucissimi tendines sunt, cum puero, cui longe plures; hujus cum adulto & sene denique, cui plurimi. Et tamen natura tendinis non irritabilis, & quorundam tendinum in cellulosa telam facilis diductio pene persuadent, diversum tendineæ fibræ a carnea genus esse. Musculi nulli ossi innati plerumque tendines non habent, ut cor, sphincteres, lingua, musculosæ membranæ viscerum, vasorum. In tendines autem inprimis longos abeunt, ubi circa articulationes & epiphyfes decurrere oportet, & in eo extremo, quod mobilius est. In fetu manifestum est, musculos soli periosteo inferi; in adulto homine, ubi periosteum intime cum osse conjunctum est, cum eo velamine confusi in foveolis ossis ipsius adhærent.

CCCXCVII. Fibræ tendineæ sæpe quidem cum carneis e directo jacent, & quasi continuantur. Minime tamen rarum est, fibras carneas oblique ad tendinem inclinari, eique adhærescere, ut ipse
eundo

eundo crassescat, novis subinde fibris receptis : *Pennatum* musculum vocant. Alii tendines medii sunt inter duo plana fibrarum hinc & inde ad angulum deorsum obtusum sibi innascentium. Est ubi in unum musculum tendines numerosi, hinc & inde pennati componuntur. Dantur & alii tendinis cum carne conjungendi modi.

CCCXCVIII. In cellulosa tunica fibris circumposita dividuntur arteriæ, venæque, & retia rectangula faciunt, focia plerumque & vicina : inde vapor, adeps, in cellulosam tenuem, crassam, effusi, inde resorbt. Lymphatica vasa per musculos linguæ, colli, faciei, decurrunt, in artubus ægre demonstrantur. Sed etiam nervi, & copiosiores quidem, quam ad alias corporis partes, oculo excepto, cum vasis per cellulosam musculorum distribuuntur : verum deposito duriori involucro, molliores, prius evanescunt, quam ad fines ultimos profèqui possis. Multis locis musculum eundem subeunt, nec ullum peculiarem aditum adfectant. In tendinibus demonstrari nequeunt. Neque ullæ sunt fibræ nerveæ, quæ lacertos ambeant & constringant. Qui descriperunt, nihil viderunt, nisi telam cellulosam.

CCCXCIX. Fibræ minimæ, quæ musculo pro elemento sit, fabrica in homine, & animalibus, microscopio, investigata, semper similis fuit majorum fibrarum fabricæ; & præter minima fila, cellulosa tela inter se conjuncta, nihil certa fide adparuit. Nullæ ergo vesiculæ, neque catenulata rhomborum series locum habet. An

cavæ fibræ sunt? an continuæ arteriis? an ea diversitas carnearum a tendineis, quod istæ, elisæ, expulso fluido, solidæ factæ sint? De sanguine non probabile esse demonstrat tenuitas fibrarum, quæ globulis rubris minor est, albedo muscoli, postquam sanguis elotus est, rationes physiologicæ CCCCXI. Et in universum plus videtur roboris sperari posse a fibra solida.

CCCC. Musculo triplex vis ad minimum infidet: mortua primum cum aliis fibris animalibus communis: altera, quam diximus *insitam*, per sua phænomena diversa. Nam vitæ primum, & primis a morte horis proprior est, multoque prior evanescit, quam illa mortua. Deinde alternis oscillationibus in plerisque exemplis absolvitur, ut huc acta ac illuc, modo ad medium se contrahat, modo vicissim a medio se ad fines extendat, etiam aliquoties iterato motu. Porro manifesta, velocior, maximos motus peragit, mortua exiguos & latentes. Et a ferro stimulante, inque cavis musculis etiam ab inflato aere, ab aqua, ab omni acrimonia suscitatur, potentior autem omni alia irritatione est excitatus torrens electricus. Denique soli musculari fibræ propria, in nulla alia corporis humani parte cum his, quas enumeravi, dotibus reperitur. Sed oportet accuratius ejus phænomena exponere.

CCCCI. Musculo ergo naturale est, brevior se reddere, extrema ad medium ventrem adducere. Ut ex data fabrica potentia motrix eruatur, phænomena muscoli contracti consideravisse juvat.

vat. Musculus ergo omnis in actione sua brevior & crassior fit. Hæc in brevitatem contractio varia est, in aliis minor, in aliis major, in nonnullis fatis magna, exemplo sphincterum, iridis, septi transversi, & intercostalium, ut longe infra tertiam partem longitudinem musculi diminui adpareat, quæ mensura ab erronea hypothese profecta est.

CCCCII. Tenacissima virium insitarum intestinalia sunt, quæ & evulsa pergunt se contrahere, & frigida demum: etiam his tenacius cor, si omnia computaveris, in pullo etiam evidentissime & in frigidis animalibus. Aliis etiam & aliis stimulis melius ad motum cientur, vesica ab aqua, a sanguine cor, ab aere intestinum. Nervis remotis, aut in his musculis a commercio cum cerebro sevulsis, nihil valde de irritabili natura decedit. Eandem irritabilem indolem latissime per fibram animale regnare polyporum aliorumque insectorum exemplo constat, quibus nullum cerebrum, nervi nulli, summa tamen ad omnem stimulum impatientia est; ex plantarum denique adfinitate, quarum plurimæ flores & folia pro vario frigoris calorisque gradu aut aperiunt aut contrahunt, aliæ etiam celerrime, ut nihil cedant animalibus. Hæc vis ab omni alia hætenus cognita proprietate corporum diversa & nova est. Neque enim a pondere, neque ab adtractione, neque ab elatere pendet, cum in molli fibra sedeat, a durescente evanescat.

CCCCIII.

CCCCIII. Sed a nervis causam motus in musculos advenire tamen adparet, per experimenta CCCLXVII. seq. Nervus enim solus sentit, solus dictata animæ defert, cui nihil quidquam aut imperii in eam partem, aut ab ea perceptio est, cujus nervus ligatus, aut resectus, aut nullus sit. Nervo nempe, medullave spinali irritata, etiam in mortuo animali, musculus vel musculi, qui ramos ab iis partibus nerveos habent, vehementissime convelluntur. Ligato, resecto nervo musculi cujuscunque, aut compressa fede medullæ spinalis, cerebrique unde nervus ejus advenit, languet resolutus musculus, & nulla vi ad motum, vitali similem, revocari potest. Solutō nervo, musculus vim, qua in motum cietur, recuperat. Irritato, sub ipsa sectione nervo, musculus, ad quem nervus spectat, contrahitur. Experimenta plurima facta sunt, maxime in phrenico & recurrente.

CCCCIV. Hæc vis non est eadem cum vi insita. Forinfecus ad musculum advenit, in quo altera inquilina habitat. Cum vita destruitur, a qua altera, per certa experimenta diu superest: subprimitur a vinculo nervo injecto, a læso cerebro, a propinato opio: motus insitus ab iis omnibus nihil patitur, & superest nervo revincto, resecto in intestino de corpore revulso: viget in animalibus cerebro destitutis: movetur, quod sensu caret, & sentiunt corporis partes, quæ sunt absque motu. Voluntas motum nervosum ciet & aufert, in insitum nihil potest.

CCCCV.

CCCCV. In motu muscutorum infito & *ner-voſo*, fibræ ad ventris medium contrahuntur, & extrorſum recedunt; rugis que tranſverſis variantur; & brevior totus fit musculus, finesque ſuos ad medium adtrahit: hinc partes, in quas ſe immittit, adducit ad ſe invicem in ratione reciproca firmitudinum; & musculus contractus tumet, unaque durus fit, & undique ad ambitum quaſi turget. Pallere nunquam vidi: Num in univerſum creſcat, & plus adquirat in latitudine quam longitudo amiſit, difficile eſt cognitu. Tendines adtrahit obſequioſos, non ipſos neque mobiles, neque irritabiles. Poſteſt & totus musculus una moveri, & pars ejus; ſi alter finis muſculi eſt in parte inmota, ſola movetur pars quæ cedere apta eſt.

CCCCVI. An aliquid ad motum muſcularem arteriæ conferunt, argumento paralyſeos artuum inferiorum, quæ ſequitur ligatam aortam? Nihil omnino, niſi quod integritatem muſculi, & mutuum partium habitum conſervent, vaporem, adipemque ſecernant, & nutriant. Nam arteria diſſecta musculus non reſolvitur, neque ligata, niſi longo poſt tempore, deſtructis a gangræna muſculis. Irritata arteria nihil in muſculo mutat. Deinde fieri non poſteſt, ut motus peculiarium muſcutorum explicetur a cauſa, quæ a corde adveniens, æqua vi in totum corpus operatur. Denique in nervos voluntati inperium eſt, non in arterias, neque in partes firmas corporis.

CCCCVII. Sed ratio, qua nervi muscolum in motum cient, ita obscura est, ut de ea eruenda fere desperari possit. Et de vi primum insita, ne quærimus quidem, quæ videatur esse alacrior adtractio elementorum fibræ, qua ad se invicem propius accedunt, & genicula quasi fibræ in medio accumulunt. Eam vim adtractilem stimulus excitat & auget, quæ fibræ motricis insita est natura. Reliqua sunt hypothefes. Vesiculæ nervæ, quæ celerius advecto spiritu turgeant, repugnant anatomicæ veritati, quæ fibrillas cylindricas demonstrat, nusquam vesicarias; celeritati qua motus muscularis perficitur; muscoli, dum agit, moli potius diminutæ, quam auctæ. Catenulæ rhombique inflatæ fibræ repugnant perinde anatomicæ inspectioni, celeritati; viriumque faciunt inmensam jacturam, & muscolum parum breviorē reddunt. Nervus irritabili natura caret, quæ est in musculari fibra. Denique nullo modo demonstrari potest fibras, adeo multas, oriri a nervis, adeo paucis, & alia directione fere transversa ad fibras distributis. Nervi circumplicati arteriosæ fibræ, eainque elatere suo constringentes, ponunt falsam fibræ fabricam, quæ gratis sanguine plena ponitur, nervosque sumunt, ubi cellulosa fila sola demonstrantur. Et ostendunt iterum animalium phænomena, quæ absque cerebro aut medulla spinali sunt, ad motum perinde aptissima, fabricam muscutorum etiam absque nervis motui sufficere posse. Bullæ sanguinæ aere plenæ, indeque deductæ explicationes falsam

fain ponunt sanguinis naturam, aerem nempe elasticum inesse, qui nullus est (CCLXXXI.). Electrici torrentis naturam non est in spiritu.

CCCCVIII. Si quid licet phænomenis addere, putes in liquore nerveo naturam esse stimuli, qui elementa musculosæ fibræ propius ad mutuos contactus cogat adcedere. Causa motrix, quæ ad motum muscularem excitandum in musculum spiritum cogit influere, non videtur esse anima, sed lex a DEO lata. Nam animalia nuper nata, nuper transformata, absque ulla palpatione aut exercitatione motus compositos difficillimis calculis definiendos edere norunt. Anima vero quæ operatur, ea discit, lente, imperfecte, & per experimenta. Is ergo musculus contrahitur, in quem dato tempore plus liquidi nervosi advenit, sive id a voluntate fiat, sive a causa irritante in cerebro nata, aut ad nervum applicata.

CCCCIX. Verum possis de anima in motu nervoso cogitare: in motu insito non possis. Cor & intestina, etiam organa quædam venereæ cupidinis reguntur vi insita, & stimulis. Non nascuntur a voluntate: non minuuntur ab eadem, non incitantur, non subprimuntur, non mutantur. Nulla consuetudo, ars nulla faciet, ut hæc motus insiti organa cedant voluntati: neque faciet, ut satellitium motus voluntarii dediscat parere animæ imperiis. Motumque a solo corpore produci, adeo certum est, ut nullum motum ab ulla anima vel suspicemus oriri, præter eum, quem in animalibus voluntas producere videtur.

Et in eo ipso animalis voluntatis ministerio stimulus motus maximos invitissima anima excitat.

CCCCX. Id discrimen videtur esse in musculis animæ parentibus, & in iis, qui motu reguntur infito, quod isti magis irritabiles, facillime a leni stimulo in motum cieantur, exemplo cordis, intestinorum, quæ organa manifestissime & maxime irritabilia sint & constantissime. Contra muscoli voluntati obnoxii minus facile & minus durabili sint potestate: hinc aut voluntatis egent efficacia, aut stimulo fortiori, quo equidem incitati & ipsi perinde præter voluntatem in motum animantur. Ita fit, ut in apoplecticis muscoli animæ famulantes langueant resoluti, qui cerebri quocunque influxu destituantur: dum vitales muscoli nihil cerebrealis operæ indigi pergunt a suis stimulis ad contractionem incitari, a sanguine cor, ab aere & cibo intestinum.

CCCCXI. Robur hujus actionis insigne est, & in omnibus hominibus, & inprimis in phreniticis, & in quibusdam valentioribus mortalibus, cum pauci sæpe muscoli pondus elevent, toto corpore humano multo majus. Sed etiam in sano homine exigui muscoli ad ducentas & tercentas libras elevarunt. Dorsales etiam ad ter mille. Et tamen nixus sive potentiæ, quæ a musculo exercetur, semper longe maxima pars absque effectu visibili perit. Nam omnes muscoli propius hypomochlion inferuntur, quam pondus adpenditur, atque adeo in ea ratione debilius agunt, quæ vectis partem breviorē, quam pondus, movent.

Deinde

Deinde plerique muscoli omnino in ossa, artuum maxime, ad angulos valde acutos parvosque inferuntur, atque adeo iterum effectus agentis musculi nixu, quem exserit, tanto minor est, quanto sinus anguli inter musculum & os interceptus minor est sinu toto. Iterum media pars omnis nixus musculosi perit, quia pro chorda trahente haberi possunt, quæ oppositum pondus ad punctum suum fixum adtrahit. Porro multi muscoli jacent in angulo duorum ossium, a quorum uno orti alterum movent. Eo ergo osse moto flectuntur, & chordæ flexæ novo impetu egent, quo extendantur. Multi supergrediuntur aliquot articulationes, quarum singulam aliquantum flectunt, ut minor pars totius nixus superfit, qui destinatam articulationem flectat. Ipsæ fibræ musculorum carneæ cum suo tendine communi angulos sæpissime intercipiunt, unde denuo pars magna efficacix perit, & tantum ea superest, quæ est ad totam, ut sinus anguli insertionis, ad totum. Ultimo muscoli pondera sua obposita cum summa velocitate & expeditissime movent, non adeo solum equilibrium superant, sed præterea magnam superantem velocitatem addant.

CCCCXII. His dispendiis omnibus computatis, adparet vim, quæ a musculis in actione inpenditur, valde magnam esse, & ab omni mechanica ratione remotam, cum effectus ejus vix sit $\frac{1}{8}$ totius nixus a musculis editi, paucique hic muscoli & paucarum librarum, elevent vere pondera aliquot mille pondo, & cum summa celeritate elevent.

levant. Neque ideo non sapiens institutum CREATORIS est. Nam omnes istas jacturas requisivit corporis concinnitas, motus muscularis, & necessaria celeritas, & directio, quæ omnia contraria poscit compendiorum mechanices. Sed id omnino inde concluditur, potentissimam esse actionem motus animalis, qui in tantillo organo vim aliquot millibus librarum æqualem, etiam diu, etiam per integros dies exferat: neque videtur aliter explicari posse, nisi per incredibilem celeritatem, quæ ad voluntatis imperium influxui hujus liquidi accedit. Unde vero hæc velocitas nascatur, dici nequit, & sufficit scriptam legem esse, ut ad datam voluntatem, data celeritas in liquido nerveo noviter producat.

CCCCXIII. Adjuvat motus muscularis æquilibriumem *antagonistarum* opera. Ubique nempe in corpore humano, musculus quilibet æquilibratur vel pondere obposito, vel elatere, vel musculo, vel liquido, quod cavo musculo expellenti renititur. Ea causa est vis insita, & perpetuo operatur, etiam dum musculus agit, & quam primum accessoria ea celeritas remittit, quæ a cerebro advenit, obtinet conando, ut artus aut pars quæcunque in statum priorem reponatur, in quo statu æquilibrium est inter musculum, causamque obpositam. Quoties antagonismus a musculis est, accedit, quod nullus musculus possit contrahi, quin extendatur antagonista, unde distentis nervis, nato sensu incommodi, etiam magis ad restituendum æquilibrium nitatur

nitatur. Hinc dissecto flexore, extensor operatur, etiam in cadavere, & contra.

CCCCXIV. Sed & alia adminicula sunt, quæ motum muscularem tutum, certum, & facilem reddunt. Musculi magni, longi, a quibus magnæ flexiones perficiuntur, includuntur vaginis tendineis, firmis, quas alii musculi tendunt & adtrahunt: ita musculus, dum artus flectitur, extensus tamen, & ossi adpressus manet, & magnum virium decrementum vitatur. Tendines vero longi, incurvi, ut super flexos in motu suo articulos extensi, recipiuntur propriis armillis, quæ suos lubricos canaliculos inscriptos habent, & tendinem cum mobilitate firmant, ne aberrare, sub cute rigere possit, cum dolore, jactura motus; & in iis quasi tubulis proprium unguen tendini circumfunditur. Similia alibi ipsi perforati musculi præstant. Alibi tendines vel circa eminentia ossa ducuntur, ut ad majorem angulum se in os inmittant, quod movent, vel alteri ossi inferuntur, ex quo alius tendo, longe majori sub angulo, in os movendum descendit. Alibi musculos ex loco obportuno repetitos, contraria directione, & quasi circa trochleam, ad partem movendam NATURA deduxit. Undique musculis denique circumposuit adipem lubricantem, & fibrillis, & fibris, & lacertis, & musculis vicinum, qui compressus, inter tumentes musculos fibrasque effusus, fibras oblinit, flexilitatem conservat.

CCCCXVI. Deinde unius musculi efficacia determinatur societate aut oppositione aliorum, qui vel partem alteram firment, a qua oritur musculus, vel una flectant, vel musculi actionem a recta in diagonalem mutant, concurrente sua actione. Adjuvant se etiam musculi, satis magno intervallo remoti, dum primi os firmant inmotum, ex quo secundi oriuntur. Quare nullius omnino musculi actio ex ejus unica consideratione intelligi potest, sed omnes una considerare oportet, qui alterutri parti, cui musculus inhæret, & ipsi inferuntur.

CCCCXVII. Ab his musculis, varie inter se consentientibus & repugnantibus, perficiuntur gressio, statio, artuum flexiones, extensiones, deglutitio, reliqua omnia vitæ humanæ munera. Sed actiones musculorum etiam publice utiles sunt. Venosum enim sanguinem accelerant, elisis & vicinis inter tumentes musculos venis, & musculo propriis, inter turgidos laceratos, ejusque pressionis vi per valvulas unice ad cor determinata, cordis viribus auxiliantur, adipem sanguini reddunt, arteriosum sanguinem conquassant, conterunt, pulmone velocius subministrant, secretiones & excretiones regunt, morantur, aut incitant, hepatis, mesenterii, uteri, &c. sanguinem, bilem, contenta, promoveant, stagnationis periculum minuunt, ventriculi robur augent, suo addito, sic digestionem adjuvant, ut omnino iners & sedentaria vita contraria sit naturæ destinationi, & morbos invitet

a stagnatione humorum, a cruditate alimentorum pendentes. Qui magni muscoli universo ventri circumponuntur, ii sanguinem in eo ventre contentum promovent, ad cor urgent. Multa vero actione & ipsi muscoli indurantur, tendinescunt undique, & partes, quibus adponuntur, cartilagineas, membraneasque in osseam naturam mutant, ossium processus & asperitates augent, plana adposita excavant, cellulas ex diploe dilatant, curvant ossa in partes suas.

CCCCXVIII. Musculus quem stimulus desinit irritare, aut quo animæ porro non opus est, relaxatur, mollescit; rugæ explanantur, fibræ longiores redduntur & ad fixos fines a medio recidunt & detumescit musculus. Ablata est illa quæcunque causa accessoriæ contractionis, superest ea, absque qua musculus nunquam est, dum vivit. Neque antagonismo hic opus, etsi adjuvare potest. Quæsitum est, quo spiritus abeat, a cerebro submissus. Pars forte exhalat, partem suspicor ad fibram adhærescere, ita fieri, ut cum exercitatione muscoli invalescant, torique crassiores fiant.

C A P. XII.

T A C T U S.

CCCCXIX. Altera nervorum & cerebri operatio est, *sentire*, sive ab inpressionibus corporum externorum mutationes & in corporis per-

E e

cussis

cussis partibus pati, & analogas alias in animæ repræsentationibus experiri. Ergo singulatim primum sensus persequemur, deinde id considerabimus, quod omnibus commune est, & mutationes sensoriorum in anima sequitur.

CCCCXX. TACTUS duplici modo fumitur. Ita enim in universum vocamus omnem nervorum mutationem, natam a calore, frigore, asperitate, levore, pondere, humiditate, siccitate corporum externorum, in quacunque demum corporis parte ea mutatio oriatur. Eo sensu tactus fere omnibus corporis humani partibus tribuitur, magis quidem aliis, aliis minus, ut aliis aliisque locis nervi numerosiores, et nudiores, & tenerioribus tecti sunt velamentis; & ea ratione dolor, voluptas, fames, sitis, anxietas, prurigo, sensus reliqui, ad tactum pertinent.

CCCCXXI. Sed alio paulum sensu magisque proprio tactus dicitur, mutatio a corporibus externis, quæ in cute orta, animæ repræsentatur, & inprimis in digitorum manus apice. Ibi enim qualitates tangibiles omnes longe accuratius distinguuntur.

CCCCXXII. In ipsa cute quidem sensus non facile ullam particulam distinguit, quæ non sentiat. Cum tamen tactus soleat peculiariter papillis tribui, fabrica cutis dicenda erit. Quæ ergo vere *cutis* dicitur, ea densa tela ex cellulosa stipatissima componitur, cujus fila intricata, intertexta sunt, hinc mire extensilis, contractilis, porosa. Ejus strata aeri exposita & obversa epidermidi

pidermidi densius stipata sunt ; ad pinguedinem sensim eadem laxatur, inque molliorem cellulofum textum solvitur. Tenerior aliis locis aliis durior est. Eam percurrunt arteriæ ex subcutaneis advenientes, neque longæ, neque magnæ, sed plures nonnullis locis, ubi rubet cutis, ut in genis, alibi pauciores ; truncos ad cellulofam telam, ramulos minutissimos versus epidermidem habent : Venæ a reti subcutaneo copiosissimæ nascuntur : Nervi vero in cute uberrimi sunt, sed nimis cito evanescentes, ut extremos fines eorum difficillime definias. Inter cutem & musculos cellulosa fabrica est, in quam cutis sensim laxata degenerat, plerisque locis adipe plena, cujus colliculi cuti foveolas inprimunt, nonnunquam tamen absque pinguedine, in pene, labiorum parte rubra, &c. Rari sunt in homine loci, ubi continuo cuti fibræ musculares succedant, nulla separatæ pinguedine. Nam dartos non est nisi cellulosa tela, neque fibras musculares habet. Est ubi tendinosæ fibræ cuti inferantur, ut in palma manus, pedis planta.

CCCCXXIII. In cute quidem universa, remota epidermide, plerisque in corpore humano aut maximi animalis locis, ægerrime aliquam asperitatem reperias, nisi *granula* velis minutissima, vix ulla visibili altitudine elata, obtusa. Sed in apicibus digitorum majores paulo, & ægre tamen oculis exhibendæ, *papillæ*, sedent in foveolis epidermidis, & nervos ægre conspicuos recipiunt, monticuli nempe ex vasis facti, & nervu-

lo uno pluribusve, & conjungente tela. In labiis post macerationem longæ, & villosæ adparent; in pene floccorum similes; in lingua evidentissimæ, ex cujus fabrica per analogiam ad cutaneas papillas concluditur.

CCCCXXIV. Cuti circumponitur aliud involucrium, ab aere minime violabile, quod cum cute infinitis vasculis & pilis transeuntibus cohæret. Hujus involucri exterior superficies, cornea quasi, sicca, inputrescibilis, insensilis, vasculis nervisque destituta, determinato modo rugosa, ad cutem quasi reticulata, *epidermis* dicitur, quam innumeri pori majores fudoriferi, minores vaporiferi, perforant, multa vero tenera vascula lanuginis similia ad cutem revinciunt. Tritu, ustione, epidermis crassescit, & novæ laminæ se priori addunt, inter eam cutemque enatæ; callum vocant. Sed absque morbo in Æthiopibus duæ lamellæ distinctæ adfunt.

CCCCXXV. Interior superficies epidermidis magis pulpofa, semifluida, & quasi ex muco concreta, ægre in Europæo, facile in Africano Æthiopo separatur; ubi vere membranacea, & solida, & separabilis est, tum in palato brutorum. Incumbit cuti, & papillas in molles alveolos recipit. *Rete* vocant *Malpighianum*: sed cribri conspicuo modo perforatum non esse, certum est.

CCCCXXVI. Et istud rete quidem ex coacto aliquo humore, de cute exhalante, conponi, valde probabile videtur. Epidermidis fabrica in
obscuris

obscurum est. Nam vasis cum destituatur, & regeneretur, & indolens sit, non videtur ad organicas corporis partes pertinere. An sit coagulata pars exterior muci Malpighiani CCCCXXV. ab aere, a tritu? quam infinitis locis perforant ductus exhalantes, inhalantes, osculis circumfuso coacto glutine unitis. An hoc fuadet mucosa membranula in membrana tympani? dissolutio in aqua clavis viris observata, ab aliis, in Æthiopicis, negata?

CCCCXXVII. Ad cutis porro historiam pertinent glandulæ simplices, quæ plurimis locis sub cute sedent in cellulosa tela, eamque ductu suo excretorio perforant, & adfundunt cuticulæ, in capite capillato, & in auriculæ sede convexa, pingue, molle, semifluidum smegma. Aliæ glandulæ sebaceæ, partim simplices, partim compositæ, in facie lentius, siccum, album smegma generant, in inguinibus & alis, magis oleosum, quo obuncta nitet cutis, & ab aere, a frictione defenditur. Reperiuntur, ubicunque aeri corpus humanum se magis nudum necessario offert, ut in facie, ubi multæ de composito genere sunt; vel ubi frictio major evitari non poterat, in mamma, ala, inguine, penis glande, nymphis, ano, poplite. Pilos non raro edunt. An ubique etiam in cute reperiuntur hujusmodi folliculi? Etsi anatome eos non demonstrat, probabile videtur adesse utique, argumento foridum quæ circa totum corpus colliguntur, & sebacei generis esse videntur. Aliud autem genus unguenti

guenti oleosi ex ipsa pinguedine, absque glandula per suos poros super cutem effunditur (CCIX.) maxime ubi capillos producit.

CCCCXXXVIII. Sed etiam *pili* ad cutem pertinent, & ungues. Illi per totum fere corpus, vola & planta excepta, sparsi, sed plerisque locis molles, brevesque, longiores in cranii cute, genis, mento, pectore virili, artuum antica facie, alis, inguinibus, pube. Ex celluloso textu cuti substrato, prodeunt, ex bulbillo ibi orti, membranaceo, robusto, vasculoso, ovali ad cellulofam telam laxiori, eaque ex sede vasis aucti, in quo bulbillo alter anterior bulbus latet principio subrotundo, cætera cylindricus, sanguine circumfusus. In eo secundo bulbo pilus est, pingui humore obductus. Et pilus, & utraque cylindrica vagina adcedit ad foramen cutaneum, exit per eam viam, epidermidem inpellit in similem vaginam, inde constantia pili incorruptibilis: & tunc involucrum quidem a cortice ultra separari nequit, filamenta vero & spongiosa & cellulosa materies per omnem pili longitudinem continuatur. In cellulosa subcutanea secundum naturam, per morbos etiam alibi in adipe nascuntur. Continuo crescunt, & resecti renascuntur, a medulla a cute sursum propulsa, epidermide protracta. Ea medulla in senio destituti pili siccantur, fiunt, pereunt. Color est a succo, qui cellulofam telam internam replet. Per apicem videtur exhalare, & forte per omnem pili superficiem, argumento protrusionis in medulla continua,

nuæ, quam finem invenire oportet, plicæ Polonica, luminosæ striæ ex pilis animalis exeuntis, cui electrica natura *communicata* est. Viam pili pinguitudo subcutanea sequitur & exhalat.

CCCCXXIX. *Ungues* de epidermidis fabrica & ingenio sunt, & cum ea delabuntur, pariter insensiles, & renascibiles. Reperiuntur in extremis digitis manus pedisque, inque iis dorsi sedem occupant, averfi, & subjecti papilloso apici tactili, quem fulciunt, ad objectum adprimunt. Oriuntur quadrata radice inter cutis stratum interius cum periosteo mistum & alterum exterius, paulo ultra articulationem ultimam: exeunt ex cutis exterioris lunata rima: ibi epidermis partim contra unguis radicem, cui connascitur, retroit, partim exterior ungui superjicitur, & cum ungue antrorsum producta, ipsi pro involucro est. Ipse unguis, mollis, ubi primum natus, & in parte cute tecta, per ætatem, & ubi nudus aeri exponitur firmior, corneus, solidus, elasticus, fibris longis fit, glutine unitis, sulcis distinctis, fissilibus, multorum ordinum. Ita factus ad extremum digitum exit, perque hoc totum iter interiori lineatæ superficiei subtenditur sulcata cum periosteo confusa cutis, cujus fila primo brevia, inde longiora, longissima vero sunt, quæ prope apicem unguis adhærent. Ea radici unguis pertinaciter nectuntur. Ultra unguis adhærentem partem cutis iterum libera est, & ungui distincta subjacet suamque habet epidermidem. Reticulum cuti & ungui interponitur, fulcatum, ut
papillas

papillas protegat separabile & molle, deinde ubi fulci sunt sensim durius, ut ægre demum ab ungue distinguas. Tendines ad unguem non perveniunt.

CCCCXXX. Cellulosa subcutanea paucissimis locis ob necessarium cutis motum macilenta est. Ubi adipem recipit, calorem internum defendit ab aere, cutis mobilitatem super musculos tuetur, foveas musculis interpositas replet, formam, alborem, auget: cutis, & Malpighianus mucus, & epidermis, non solum extremum corporis limitem undique obducunt, sed, ubi perforatæ videntur, introrsum susceptæ sensim demum degenerant. Nam epidermis in ano, vagina muliebri, urethra, cornea oculi membrana, meatu auditorio, ore & lingua manifestissima, ne ipsi quidem ventriculo, aut intestinis deest, mutata tamen ob perpetuam emollitionem fabrica, & in villosam tunicam laxata. Sic vera cutis cum palati, linguæ, pharyngis, narium internarum, vaginæ, interna fabrica continua, in albam ubique, pulposam, crassulam, *nerveam* vulgo dictam harum partium tunicam abit.

CCCCXXXI. Quæ hætenus dicta sunt, ad tactum intelligendum sufficiunt. Papillæ ultimi digiti in sede volari paulo majores, pulchro ordine dispositæ in spirilibus plicis, per adtentionem animi forte paulum erectæ, argumento horripilationis, papillarum muliebrium, intestini elapsi, adpressæ objecto tactili, frictu leni, recipiunt inpressionem ab objecto, in nervosa sua fabrica,

brica, transmittunt truncis nerveis, & cerebro. Hoc *tangere* est. Ita cognoscitur inprimis asperitas objecti, quam ita nonnunquam callide homines senserunt, ut etiam coloratæ superficies a solo tactu distingui visæ sint. Calorem etiam percipimus, quando corpus externum digitis nostris magis calet; pondus, quando pro mole sua plus solito premit. Humiditas judicatur a præsentia adhærentis aquæ, mollities a cessione objecti, duresces a cessione digiti, figura a limite aspero circumscripto, distantia a confuso calculo, per experientiam facta, cui longitudo brachii pro mensura est, &c. Reliquorum sensus aberrationes corrigit, ut tamen & ipse erret, & alii sensus absque tactu animali tutos se duces præbeant.

CCCCXXXII. Mucus Malpighianus moderatur actionem corporis tactilis, papillarum integritatem, mollitiem, conservat. Epidermis aerem a peritura cute arcet, inpressiones corporum temperat, ut ad sensum excitandum sufficiant, dolorem parere non possint. Hinc usu crassior tollit tactum, mollior justo nimis dolorificum patitur. Pili cutem a frictione defendunt, calorem generant & conservant, occultanda tegunt, partium membranas reddunt irritabiles, quas oportet a subeuntibus insectis defendere, forte aliquid excernunt non utilis, viam præbent exhalanti oleo. Ungues tactui præfunt, dum resistunt tactili objecto, ne papillæ cedant retroflexæ; & robur adprehensionis augent, & rerum minorum tractationem adjuvant. Animalibus ple-

risque loco armorum sunt, & homini forent, nisi refecaret.

CCCCXXXIII. Neque tamen hæc sola cutis præstat. Magnum enim emolumentum hujus tegumenti est, exhalare de corpore magnam vim humorum, aliosque de aere resorbere. Ergo cutis omnis superficies per infinitas arteriolas tum in papillas productas, tum in cute sedentes, fudat vaporem, qui ex respondentibus epidermidis poris exhalat, situ vero vasorum mutato inter epidermidem & cutem effunditur. Has arterias injectio aquæ, vel glutinis piscium, facile demonstrat, quæ in arterias facta est. De universa enim cute infinitæ guttulæ fudant, quæ sub epidermide, a morte immeabili, effusæ, hanc in vesicas elevant.

CCCCXXXIV. In vivo homine hæc exhalatio multis modis demonstratur. Speculum purissimum, obpositum cuti calenti, nudæque, fuscat vapor humido. In cuniculis subterraneis, ubi densior aer est, manifestissime, ex omni parte superficiei corporis, abit in auras conspicua, & densa nebula.

CCCCXXXV. Quoties sanguinis motus incitatur, & una cutis laxa est calensque, in homine, & in nonnullis quadrupedibus, non in aliis animalibus, pro invisibili vapore *sudor* de cutis porulis exit, minutissimis guttulis, sed conspicuis, quæ cum sui similibus in magnas guttas confluent. Sudant autem imprimis loca callidiora, caput, pectus, plicæ partium corporis. Experimentum

mentum CCCCXXXIII. & ipsa naturæ simplicitas, & perspirationis pulmonalis atque cutaneæ (CCCCXXXIV.) conspicua crassities, suadent, sudorem per eadem vasa excerni, per quæ perspiratio exhalabat, & copia unice & celeritate differre: tum admisto liquore glandularum sebacearum, CCCCXXVII. & oleoso subcutaneo, qui dilutus arterioso liquido, copiosius secreto, pingui flavaque specie effluit, & sudoris odorem, coloremque inprimis efficit. Hinc fætidior & flavus in alis, inguinibus, qua glandulæ istæ copiosiores adsunt. Et sanguis & arenulæ cum sudore de cute prodierunt.

CCCCXXXVI. Quæ natura sit perspirationis, inquirendum est per experimenta, & analogiam perspirabilis pulmonalis, quod similiter, sed frequentius, in aere frigido conspicuum fumat. Aquam esse inprimis, quod ita avolat, experimenta demonstraverunt, in quibus anima coercita magnis vasis in guttas collecta est. Consentunt, crustæ in speculo teneritas, natura avolabilis, repercussæ perspirationis in diuresin, in diarrhœam familiaris mutatio, potuum calidorum facilis derivatio ad perspirationem cum calore, cum frigore ad urinam. Aqua ista a potu est, qui magnam partem perspirationis efficit, & ab inhalatione. Sæpe etiam ciborum odores in perspiratione distincti supersunt; & materia electrica admiscetur, in omni homine, in nonnullis evidentius lucida.

CCCCXXXVII. Sed volatile aliquid alcalinæ indolis admisceri demonstrant, & nostri sanguinis natura, & noxæ insignes a retenta perspiratione, in morbis acutis evidentes, quoties ea introrsum conversa pallidas urinas facit, & aeris demum corruptio a respiratione. Hoc alcalinum volatile est a sanguinis particulis, diuturno tritu, calore, extenuatis, in acrem naturam mutatis. Hos odores canes sequuntur, non dignoturi heros, nisi de ipsis propriis humoribus, sui hominis characterem habentibus, aliquid perspiraret.

CCCCXXXVIII. Copia perspirantis liquidi insignis est, sive magnitudinem organi secretorii, sive vaporis de unico pulmone halantis ubertatem, sive experimenta SANCTORIANA spectes, per quæ de cibi potusque octolibris quinque, per alia vero pericula in frigidiori regione a 56 ad 30 unciaæ perspirare videntur, quæ neque ponderi corporis accedant, neque per ullam visibilem excretionem amittantur, ut tamen salivam, sudorem, mucumque narium, de eo pondere demas. Imo majorem esse exhalationem constat, quæ non solum tantam cibi copiam difflet, sed etiam ea, quæ per inhalationem sanguini accesserunt (CCCCXLII.), iterum expellat. Multum tamen hic possunt variæ conditiones aeris, corporis. In regionibus calidis, in mensibus anni æstivos, in juvenili corpore & exercito, plus transpiratur, minus per urinam decedit. In frigidis regionibus, mensibus temperatis & gelidis, corpore senili, quieto, plus per urinam a-

bit,

bit, quam per insensibilem dissectionem. In temperatis regionibus tamen, totius anni computo inito, aliquanto plus perspiratur, quam per urinam decedit, & conjunctis omnium regionum experimentis pene æqualis est utraque excretio. Distantia a pastu aliquid etiam mutat, & ea regula obtinere videtur, ut eo tempore copiosissime perspiretur, quo cibi maximam partem subacti, sanguine recepti, ad difflationem idonei sunt. In somno etiam in fervidis regionibus naturaliter minuitur, augetur vero a calore stragularum.

CCCCXXXIX. In universum bonum signum valetudini præfert perspiratio copiosa, æquabilis, & una robustum corpus. Nam nimia, cum debilitate, magis quam nulla nocere dicta est, si satis vera sunt, quæ in eum sensum scripta leguntur. Ratio signi, quod libertatem vasorum per omne corpus disperforum denotet, & ciborum subactionem perfectiorem, quorum pars magna in halitum resoluta sit. Minuta strictionem cutis, languorem cordis, cibi coctionem debilem indicat. Nimia forte ipsos spiritus amittit. Augetur motu musculari modico, ad sedecuplam portionem perspirationis quieti hominis, & ad integram in hora, & denique in semihora libram. Magis autem augetur, si una adfuerint, vasa libera sed densa, potus aquosus, leniter spirituosus, calens, cibus facilis concoctionis, aer gravis neque frigidus, lætitia. Contrariis minuitur & tollitur, cute densa, aere humido, aut frigidissimo.

do sicco cum quiete, aucto lotio, aut suborta diarrhœa, a nervosa demum concussione in ingrato animi adfectu. Neque tamen adeo superstitiose integritas vitæ ab hac excretionē pendet, quæ per leves causas adeo facile & absque noxa, augeatur & minuatur, & in multis gentibus, oleo cutem perpetuo obducentibus, inque animalibus adeo multis exigua sit. Quæ subpressa vehementer nocet in febribus mali moris, fere ob particulas putrescentes nocet, quæ subpressa perspiratione retinentur.

CCCCXL. Sudoris natura evidentius falsa est, etiam sapore teste, & crystallis, in vitriariorum vestibis conspicuis, & destillatione, qua alcalina natura demonstrata est. Quare per eam viam non raro pessimorum morborum miasmata deflagrant. Sed ipse fudor semper a naturali statu recedit, semper ab homine sano abesse debet, nisi corpore validius exercito sibi morbum brevem conciliaverit. Et nocet sæpe in acutis, difflando aquam de sanguine, ut reliquus inspissetur, sales exasperentur. Nimio motu aut calore regionis fætidissimus, tandem sanguineus redditur. Electricus nonnunquam lucet.

CCCCXLI. Utilitas perspirationis est sanguinem liberare aqua, alcalinis ramentis sanguinis, per diuturnam circulationem acrioribus redditis, oleo forte ex eodem sanguine parato summe volatili. Eadem perspiratio mitigat epidermidem, & emollit, papillarum necessariæ teneritati præest.

CCCCXLII.

CCCCXLII. Sed eadem cutis, quæ vasa habet in aerem exhalantia, perinde repletur vasis, quæ tenuem de aere humorem reforbent, aut perpetuo aut certe moderato frigore, in aeris temperie humidiori, nocturna, cum quiete, adfectu tristi, & contrariis conditionibus earum, quæ perspirationem intendunt, dictæ CCCCXXXVIII. Demonstrat has venas injectio anatomica, quæ per venas perinde, ut per arterias exsudat, si aquosa, & tenuis fuerit: deinde effectus manifesti medicamentorum per aerem obvolitantium cutive adplicatorum, vaporum, mercurii, terebinthinæ, croci, aquæ in balneis, emplastrorum quæ argentum vivum recipiunt, aut nicotianam, colocynthidem, opium, cantharides, arsenicum, venenorum per cutem reforbtorum funesta efficacia, ut venerei veneni: animalium absque potu in fervidis, sed humidis, insulis vita superstes: in iisdem fudor & urina copiosa absque valde ubere potu: denique casus rariores morborum, in quibus egesta urina longe superavit potus copiam, in quibus credas, magis patulas vias fuisse inhalationi, novas subnatas esse non credas. Mensuram dare difficile est; in plantis magnam, sed nocturno tempore, esse, certis constat experimentis.

CCCCXLIII. Et inhalantia vasa, & exhalantia, vi nervea & stringi possunt & laxari. Demonstrat efficacia adfectuum animi, qui veloces & læti, laxant exhalantia vasa impetu ipso sanguinis irruentis aucto, & remissione nervorum,

verum, unde rubor cutis & mador & tunior. Qui tardi & tristes sunt, constringunt vasa exhalantia, argumento siccae inde cutis, *anserina* a terrore, & diarrhœarum a metu natarum. Iidem inhalantia vasa patefacere videntur, unde facilius a metu contagium variolarum, pestisque.

C A P. XIII.

G U S T U S.

CCCCXLIV. A tactus organo id modice differt, quo *gustus* exercetur, & quod præcipue in lingua poni per certa experimenta constat, neque enim saccharum, alteri cuicunque oris parti applicatum, vel minimum saporis sensum in mente excitat, neque aliud corpus sapidum, nisi vehementia aliqua penetrabilis ipsi infederit, tunc enim palatum, radix linguæ, uvula, etiam œsophagus ab acrimonia sapida adficiuntur. Qui sensus in ventriculo, œsophago, faucibus, a cibis regurgitantibus nonnunquam excitatur, & ipsi ad linguam pertinere videntur, quo vapores sapidi remittuntur.

CCCCXLV. *Linguæ* pars superior, & lateralis margo, gustui secundum naturam exercendo idonea est. Nomen hoc inponitur musculosæ parti, in ore latenti, obtusæ, homini latissimæ, medio fulco obscuro divisæ, cujus pars posterior, & inferior, vicinis ossibus & musculis varie adhæret, anterior & superior mobilis est. In ea parte,

te, quæ gustat, cutis musculosæ carni innascitur, continua cuti faciei, & oris, sed pulposa, mollis, in perpetuo madore, & calore. Ex ea cute efflorescunt innumerabiles *papillæ* nerveæ, conspectiori, quam alibi, mole. Earum plura genera sunt. Primum earum est, quæ in postrema linguæ parte, ad utrumque latus foraminis cæci, in lineam disponuntur, septem, aut novem. Hæ fovea circumdatæ, tanquam circulo, fere inverse conicæ sunt, & in medio sinum profundum habent, duræ cæterum, & parum ad gustandum idoneæ, etsi ad eas nervos non difficulter sequaris. Similes aliquæ per dorsum linguæ ante priores sparsim reperiuntur.

CCCCXLVI. Eædem degenerant in classem *fungiformium* papillarum, quæ per superficiem superiorem linguæ sparsim reperiuntur, minores prioribus & teneriores, & antrorsum semper acutiores, donec circa margines linguæ confertiores fiant, & in lineas divergentes ordinentur. *Tertium conicarum* est, quarum longe maximus numerus regnat inter priores, & linguam late occupat. Harum anteriores in apice linguæ magis inclinantur & fluitant, in marginibus imprimis plurimæ, aliquæ tamen etiam posteriores cæco foramine sunt. Hæ acerrime sentiunt, & verum gustus organum constituunt. Intercedunt aliæ papillæ, partim conicæ, partim fili forma, & conicæ aliæ majores sunt, aliæ minores semper minoresque.

CCCCXLVII. Has papillas, præter vasa numerosa, adeunt nervi, quos eo in majoribus papillis deducere licet, & qui majori numero ad linguam veniunt, quam fere alibi exemplum reperiatur. Præter enim octavi paris nervum, qui uno ex præcipuis tribus ramis suis basin linguæ secundum os hyoides profunde subit, tectus ceratoglossa : adit & linguæ musculos, & linguam nervus insignis noni paris, qui facta cum primo cervicis nervo, & cum magno ganglio cervicali anastomosi, datoque deorsum ramo, sæpe cum octavo pare, perpetuo vero cum secundo & tertio colli conjuncto, musculos a sterne adscendentes adeunte, neque raro cum phrenico communicante, reliquo trunco linguam adit. Communicat in ceratoglossa musculo multis ramis cum quinto, & consumitur inprimis in genioglossum. Quinti denique paris ramus tertius, data sursum vel accepta chorda tympani, aliisque ramis ad pterygoideum internum, biventrem, glandulam maxillarem, his ganglion facientibus, sublingualem, præcipuo trunco suo trans ceratoglossum, ubi cum nono conjungitur, ad linguam venit, comes arteriæ profundæ, & una ad apicem pertingit, ibi cutaneus. Huic ergo nervo, si aliqua prærogativa est, sensus gustus inprimis debetur, etiam morbis confirman- tibus. Cæterum papillis duriuscula natura est, & cellulositas firma, pulpofa, nervulos arterio- lasque & venulas conjungit, in tubera conglome- rata, quorum multa unam papillam majorem constituunt.

CCCCXLVIII. Qui intercurrent arteriosi & venosi villi exhalatorii & inspirantes, nihil cum gustu commune habent, nisi quod liquidum solvendis salibus, & emolliendis papillis idoneum separent de sanguine, & adfundant dorso linguæ. In parte linguæ superiori, posteriori plurimæ sedent glandulæ simplices muciferæ, uno pluribusve foraminibus apertæ, rotundæ, quæ velo membraneo hemisphærico & carne linguæ perficiuntur. Earum aliquæ in obscuram, *cæcam* & parum certæ figuræ cryptam aperiuntur, quæ media papillis maximis CCCCXLV. interponitur, earumque aliquam fere continet.

CCCCXLIX. Super papillas in homine unicum ducitur involucrum mucosum, semipellucidum, quod pertinaciter ipsis adhæret, & pro epidermide est. In animalibus rete perforatum papillas recipit, quæ cavas vaginas & quasi cornua epidermidis fubeunt.

CCCCL. Sub papillis subest musculosa linguæ caro, in homine vix extricabilis, quam musculi varii componunt. Inferiorem partem ex magna parte perficit genioglossus musculus, a commissura menti extrorsum ductus, & radiatim in linguam distributus. Superiorem & lateralem styloglossus facit, cujus fibræ ad apicem linguæ excurrunt. Mediam inter utrosque proprius musculus *lingualis* constituit, & ex se ipso ante pharyngem, & a styloglossa ortus, sed profundior, antrorsum euns, ibique & in genioglossum terminatus, & inter eum & styloglossum non exi-

guam partem linguæ efficiens. Partem postremam sursum retrorsum euntibus fibris ceratoglossus definit inter styloglossum & lingualem inclusus, & diversus omnino chondroglossus, qui ex officulis parvis ossis hyoidei, & proxima basi ortus, extrorsum euns, stratis lateralibus genio-glossi tectus, accedens styloglossus, in lingua evanescit. Horum muscutorum ope lingua in omnem partem & tota mobilis est, & propriam carnem potest figurare, cavam facere elevantibus styloglossis, explanare iterum per ceratoglossos, arctiorem reddere & quasi cylindricam per fibras transversas linguæ, cum quibus & alii ordines adsunt in homine inextricabiles, multa & viscosa pinguedine mistas.

CCCCLI. *Arterias* lingua numerosas habet, majorem profundam, serpentinam, per inferiora ad apicem eductam, a carotide externa: minorem superficiale, adcumbentem glandulæ sublinguali, priori inosculatam, vel ab ea ipsa ortam, vel a labiali: posticas parvas, varias, a labialis ramis propriis, aut tonsillaribus. Venæ valde plexuosæ, ægre enarrabiles, alia profunda, comes nervi noni, alia superficialis, comes arteriæ mentalis, & cum priori conjunctim raminam edens: omnes autem ad venam magnam confluunt, quæ jugularis internæ altera a cerebrali propago est. Cum plexibus vicinis tonsillaribus, thyreoideis, pharyngeis, cutaneis, varie communicant, & in dorso linguæ ante epiglottidem a dextro ad sinistrum latus reticulatæ conveniunt.

conveniunt. Vasa lymphatica in vicinia potius linguæ, quam in ipsa lingua reperio.

CCCCLII. *Papillæ* linguæ majores cutaneis, molliores, perpetuo humectatæ, adcuratius tactu defunguntur, quam cutaneæ, siccæ, parvæque; hinc lingua acriter dolet. Deinde sales *papillæ* cutaneæ, non aliter nisi sub doloris aut humiditatis sensu, percipiunt. Sed linguæ *papillæ* ad gustandum adrectæ & paulum eminentes, a salibus in aqua, aut saliva solutis, admotis ipsarum apicibus, in latam superficiem, ita adficiuntur, ut mens peculiares eorum classes, qui *sapores* dicuntur, distinguat, acidum, dulcem, acerbum, amarum, falsum, urinosum, spirituosum, aromaticum, acrem varii generis, fatuum, putrem, aliosque, partim pure salinos, partim ab admisto oleo subtili vegetabili, aut animali, mutatos & conpositos. Acrior autem quisque sal pro sapore dolorem excitat. An a diversitate figurarum in salibus sapores alii alique? An id demonstrat figura cubica marini salis, nitri prismatica, alia vitrioli, sacchari? Non videtur. Nam & insipidis crystallis suæ figuræ sunt, & nimis similes in diversissime sapidis & alienissimarum virium salibus, & in iisdem inconstantes, nitri exemplo, quod *cubicum* arte fit. Videtur adeo ratio saporis sedere in interiori, neque sensibus conspicua, elementorum fabrica.

CCCCLIII. Multum ad saporum perceptionem confert natura involucris papillarum, salivæ, liquidorum humanorum, ciborum in ventriculo latentium;

latentium : ut neque quævis ætas ab eodem sapore perinde adficiatur, neque omne temperamentum, neque idem homo, prouti sanus, morbidus, adfuetusve fuerit. Et in universum insipidum videtur, quod minus, quam saliva, salis habet.

CCCCLIV. Spiritus, inprimis vegetabiles, vel in ipsas papillas, vel in linguæ forbentes villos resumuntur, ut adparet ex veloci virium instauratione a potu hujus generis, nondum in ventriculum recepto.

CCCCLV. Sapores natura voluit distingui, ut animal eos cibos dignosceret, qui ipsi saluberrimi essent. Neque enim in universum aut insalubris aliquis cibus grato est sapore ; neque ingrato, qui alendo homini convenit. Nam de nimia ingurgitatione sermo non est, quæ potest & in saluberrimo cibo nocere, neque de fossilibus, quæ natura homini non obtulit, sed ars ipsa elaboravit. Sic natura hominem & dolore, qui fames vocatur, & voluptate, quæ a sapore percipitur, ad necessariam alimentorum adsumptionem invitavit. Animalia vero bruta, quæ ab exemplis & aliorum institutione minus discere possunt, sapores accuratius distinguunt, & ea ipsa nota moniti ab insalubribus cibus cauta abstinunt : Hinc illa, herbivora maxime, quibus summa diversitas pabuli offertur, nocentibus stirpibus misti, adeo longas papillas, adeo elegantem fabricam linguæ nacta sunt, qua homo minus indiget.

C A P. XIV.

O L F A C T U S.

CCCCLVI. Ad eundem usum distinguendi noxios cibos, etiam *olfactus* inservit, quo & præsentium noxiam indolem sagiamus, priusquam cum periculo gustentur, & putredinem inprimis, nobis pestilentissimam, in cibis evitemus, & gratos, utilesque investigemus: etsi consuetudo fecit, ut ea utilitas olfactus conspectior in bestiis, quam in homine sit. Sed homines sibi commissi, neque ex summa varietate odorum callosi, vim istam sagacem in explorandis eminus ciborum facultatibus, certa fide visi sunt retinuisse. Ipsæ demum vires medicatæ stirpium haud alia ratione rectius æstimantur, quam simplicissimo gustus & olfactus testimonio. Hinc omnibus animalibus in vicinia oris olfactus organum positum. Hinc odoratus validus, & organa maxima in iis, quæ vel e longinquo prædam vestigant, vel ex similibus herbis noxias debent seligere.

CCCCLVII. Exercetur olfactus, membranæ ope, pulposæ, mollis, vasculosæ, papillofæ, porosæ, quæ omnem internam narium cavitatem convestit, crassior in septo, & nasi cavea principe, in sinibus tenuior. In eam nervi subeunt satis numerosi, mollissimi, medii quidem a primo pare (CCCLVII.) qui per foramina cribrosi
 ossis

offis in septum descendunt, ut ægre tamen ad finem suum septumque eos deducas. Alii laterales nervi oriuntur a secundo nervi quinti ramo ejusque furculis, ab eo, qui in pterygoideo canale transversus it, & ab altero, qui per palati canales descendit: in sinu vero maxillari, ab infraorbitali ramo, & dentali, demum a palatino anteriori. Deinde septi pars anterior furculum habet ab ophthalmico primi quinti ramo.

CCCCLVIII. Arteriæ plurimæ nares adeunt a maxillaris internæ ramis, nasalibus tribus, suprema, & furculo ethmoideo utroque, & frontali, & nasali, & lateralibus, a carotidis internæ ramo ophthalmico minori, & a ramulis palatinæ arteriæ, ab infraorbitali in sinibus, a dentali superiori. His arteriis proprium est, sanguinem absque alicujus momenti læsione omnium & facillime sudare, & uberrime. Venæ sociæ in maximum plexum coeunt in pterygoideo externo musculo, cum sinibus duræ matris communicant, & denique in jugularis internæ ramum externum conveniunt. Arteriæ nutrimentum, calorem, mucum præstant.

CCCCLIX. In rotunditatem coactum caput, maxime humanum, angustam facit organi olfactus superficiem. Ut ea laxaretur, internæ nares miris modis cavernosæ & compositæ factæ sunt. Et primo *nares* vocamus multiformem caveam, quæ ab anterioribus nasi foraminibus incipit, & sub cribroso offe, super cælum palati, transversa retrorsum migrans, terminatur ad faucium cavitatem.

tatem. Hanc caveam *septum* sæpe inæqualiter bipertit, superius osseum, a lamina cribrosa descendens, inferius a vomere factum, anterius triangulari cartilagine absolutum, cujus latissima, & valde sensilis superficies est.

CCCLX. Deinde lateralem superficiem narium augent recessus spirales ossium *turbinatorum*. Et *suprema* quidem parvi sunt gyri spirales posteriores & superiores ossis cribrosi. *Media* ad idem os pertinent, instar conchæ longa, introrsum convexa, extus cava, utrinque acuminata, tota aspera foveolis, & internis spongiosis recessibus, transversim suspensa, fulta propriis eminentiis ossis palati & maxillæ. *Ima*, similia mediis, mytuli testæ pariter figura, longiora, plerumque a prioribus distincta sunt, nonnunquam conjuncta lamina ossea, cujus natura frequentius membranacea est. Eadem adpendix sursum missa, quadrangula, sinum maxillarem perficit.

CCCLXI. Deinde dilatatur magis cavitas narium *sinuum* ope, qui varii narium recessus sunt, & quasi adpendices. Et supremi quidem *frontales*, inconstantes, irregulares, in sede eminentis supercilii, inter anteriorem & posteriorem laminam ossis frontis intercepti, fetui nulli, nasci videntur ex actione musculi corrugatoris aliorumque, qui anteriorem laminam distrahunt, diploen augent in cellulas, exemplo mastoidei processus. Aperiantur in supremis naribus in anteriorem ossis papyracei cellulam. Est ubi desunt & a partu utique demum subnascuntur.

CCCCLXII. Nempe secunda fedes est *sinuum ethmoideorum*, qui quatuor pluresve utrinque; in exteriori parte cribrosi ossis favorum similes adfunt, superius a cellulosa media parte ossis frontis perfectæ, anterieus ab osse unguis, posterius a palati osse & sphenoide inque summam narium caveam, transversa linea, multis tubulis aperiuntur, etiam alii aliis subiecti. His continuæ cellæ in pavimento *orbitæ*, & plano, & maxillari ossi insculptæ extrorsum continuantur. Tertio loco est contigua etiam, & parte aliqua ad cribrosum & ad os palati pertinens magna utrinque *cavitas multiformis ossis*, quæ & ipsa siccata cartilagine, quæ in fetu ibi plurima adest, ex solido osse sensim sub turcica fella nascitur, ampla, unica, vel divisa, antrorsum foramine suo patula in supremum narium meatum.

CCCCLXIII. Ultimus, imus, sed amplissimus sinus est, qui in fetu aliquis, in adulto adtenuatis laminis osseis peramplus est, & insculpitur *ossi maxillæ* maximo. Ejus ad nares ostium os unguis, & palati, & lamina propria turbinati ossis infimi, & membrana, ita arctant, ut rotundo hiatu ad intervallum medii & imi ossis spongiosi pateat. Sed adpendicem etiam emittit alveolatam, sub orbita antrorsum tendentem, quam os planum & unguis, & papyraceum perficiunt, cumque cellulis ethmoideis communicantem & apertum pone ostium lacrumale.

CCCCLXIV. Nervos narium pene nudos oportebat defendere ab aere, qui per nares, toto die,

die, ad respirationis usus traducitur, & efflatur. Mucum ergo loco craffioris cuticulæ natura naribus dedit, viscidum, insipidum, infusum, fluidum dum recens est, ab aere spissabilem in densas siccasque crustas, craffiolem hic, quam alibi in corpore humano. Eo muco defenduntur nervi a siccitate, dolore. Eum fundunt arteriæ narium plurimæ, & deponunt partim in ductus cylindricos frequentiores, partim in rotundas conspicuas passim per nares sparsas cryptas. Idem effluit super omnem superficiem membranæ olfactoriæ, eam undique inungit. In septo longus sinus, plurimis poris muciferis communis, antrorsum longe decurrit. Mucus noctu collectus, interdum compressis naribus, deinde confectus eliso spiritu, excernitur nimius, vel irritat siccitate sua & asperitate sensilissimos nervos, & sternutatione nata ejicitur. Sinus autem multo muco fertiles eum evacuant pro vario hominis situ, ut semper aliquis sinus se liberare possit, sive erectum caput sit, sive antrorsum declive, sive in latus recumbat, ut tamen omnino maxillaris sinus, & sphenoides difficiliter evacuentur. Sed & lacrumæ per proprium canalem in nares descendunt, eas humectant, mucum diluunt.

CCCCLXV. Naribus extremis nasus præfectus est, simili intus membrana vestitus, officulis duobus, cartilaginibus fere sex compositus, quarum duæ continuantur medio septo CCCCLIX. Nasus per suos musculos mobilis est, ut a musculo cum labro superiori communi elevari &

dilatari, a compressore proprio, & a depresso, & a septi medii detractore arctior reddi queat. Ita in aerem exit organum, & occurrit odoribus, & potest pro copia majori aeris forbenda dilatari, dumque ea abundantia expellitur, vicissim claudi.

CCCCLXVI. Itaque aer plenus effluviis corporum, tenuissimis, invisibilibus, summæ efficacæ oleosis, & falsis, volatilibus, de omni fere cognito corpore exhalantibus, per inspirationis vires (CCLXV.) propriumque conatum, quo aerem in nares adducimus, in nares receptus, eas particulas adducit ad nervos late nudos, semper molles. Ab iis excitatur in his nervis tactus species, quæ *olfactus* vocatur, & cujus ope varia genera oleorum saliumque distinguuntur, confuso sensu, ægre ad classes reducibili, ægre in memoriam revocabili, sed hætenus ad usus nostros sufficiente. Sensus monet de noxia putredine, de acrimonia nimia, de utili blandaque natura. Et, cum sal cum oleo saporis objectum sit, & oleum etiam cum sale odores efficiat, adfinitas intelligitur utriusque sensus, quam conjuncta utriusque utilitas poscebat. Sed volatilia magis olfactus, fixa potius sapor distinguit, forte quod multa mucosa epidermis, quæ linguam obducit, impediat efficaciam salium teneriorum, qui nervos minus tectos & molliores narium facilius adficiunt. Gratia aut displicentiæ causam ignoramus, & aliquid in ea consuetudo potest.

CCCCLXVII. Magna, sed brevis vis est odorum,

rum, cum tenuissimæ particulæ nudis nervis in tanta cerebri vicinia adplicentur. Inde venenata vis, & recreabilis odorum, quibus homines in deliquio animi languentes, aut submersi, efficaciter revocantur. Inde vehementissima ab acris sternutatio; alvus mollita a purgantis medicamenti odore; vis antipathiæ. Inde nimix sternutationis perniciosi eventus, & inprimis cæcitas, in tanta societate nervorum. Inter narium vero partes varias septum inprimis, & ossa turbinata, eorumque partes anteriores, ad organum olfactus spectant, cum ista in animalibus sagacibus multiplicentur, & in quadrupedibus in pulcherrimas spiras, in piscibus in laminas parallelas, eleganter pectinatas, formantur.

C A P. XV.

A U D I T U S.

CCCCLXVIII. Olfactus corpuscula in aere obvolitantia distinguit, auditus aeris ipsius elastici tremorem. Quare diversa ratione a reliquis sensuum organis factum auditus sensorium magna ex parte aut elasticis cartilagineis, aut durissimis ossibus factum est, ut tremorem receptum exquisite redderet.

CCCCLXIX. Externum organum hujus sensus *auricula* est, cartilago nempe per fortem cellulofam telam, & ligamenta propria antè, & posterius ad os temporum, cum mobilitate revincta,

revincta, quam consuetudo minuit. Cartilaginis figura composita est, in universum circumscriptione ovali, ut tamen gyris hinc eminentibus, & interpositis valleculis distinguatur, quibus in obposita superficie foveæ & juga respondent. Eminentia extima, *helix*, superius a ligula libera incipiens, gyro circumducto in lineam eminentem concham bipartientem terminatur. Infra eam *anthelix* bifida eminentia in unum, priori contentum monticulum, & brevem linguam definit, quæ dicitur *antitragus*. Reliqua pars auris antrorsum cava, posterius convexa, sensim profundior, media eminente linea percursa, *conchæ* nomine cum auditorio meatu connectitur, quem rotunda fere adpendice mobili protegit, *tragi* nomine.

CCCCLXX. Tota hæc auricula cute tenui, & macilenta cellulositate unice obducitur, multasque habet sebaceas obungentes glandulas. Eam muscoli regunt, plerumque ex consuetudine, modoque vinciendi, inutiles, quos æquum est creditu, a natura propria officia nactos esse. Superior tenuis a frontali & ab aponeurosi cranii ortus, latus innatat temporalis musculi aponeurosi, & auriculæ infigitur, ad sedem cavitatis innominatæ, inque anthelicem aut vicinum helicem. Posteriores duo, tres, pluresve aut pauciores, magis robusti, fere transversi, & ab aponeurosi muscutorum cervicalium orti, & a membranis injectis ossi mastoideo, conchæ convexæ inmissi, hanc procul dubio aperiunt. Anterior minimus est, innatat & ipse aponeurosi musculi temporalis, & fere

fere transverſim inferitur helicis origini, & vicinæ conchæ. Sed minores carnes, breves, ægre conſpicuæ, rubellæ tamen, aliquid forte in auricula mutant. Tranſverſus auriculæ, longe conjungens concham anthelicis cavo dorſo, aperit auriculam. Antitragicus ab anthelicis radice ad antitragi partem ſupremam deſcendens, laxat conchæ aditum. Tragicus pene quadratus incumbens trago, aperturam dilatat. Muſculus incifuræ majoris, inter mediam meatus cartilaginem & tertiam medius, eas adducit, & meatum reddit magis elatiicum. Reliqui, major & longus helicis muſculus, & minor, vix quidquam magni poſſunt. Aliquid forte conferunt, quoties acutius audituri debilem ſonum, tendimus organum auditus, & meatum auditorium duriorẽ reddimus adductis cartilaginibus.

CCCCLXXI. Concha connexum ſibi habet *auditorium meatum*, teretem, conpreſſum, introrſum inclinatum, eundo gracileſcentem, in medio antrorſum flexum, magna parte offeum. Anterius tamen & exterius fit partim imperfectis tribus anulis, primo a trago, altero a concha, tertio ex utroque priori nato inter ſe connexis & carne & membrana & media cartilagine, & ultimo offi ipſi innatis. Superius & poſterius meatus nuda membrana, perficitur. Ita in adulto homine idem ſe habet, nam fœtui & recens nato unice cartilagineus meatus eſt, offea vero pars ſenſim ſubnaſcitur.

CCCCLXXII. In hunc auditorium meatum continuatur epidermis, & cutis vera, ſenſim extenuata

tenuata, super os adcurate tenfa, hinc ad pruritum, voluptatem, dolorem perinde fenfibiliffima, pilis plena irritabilibus, qui moneant de congefta forde, irrepente infecto. In cellulofa vero tela duriufcula, quafi reticulata, maxime partis membranæ CCCCLXXI. numerosi fedent folliculi flavi, rotundi, qui brevi ductu in caveam meatus auditorii liquidum deponunt, primo pingue, deinde fenfim fpiffius, amarius, ardens, quod oblnit fenfilem cutem tympanique membranam, & ab aere tuetur, & infecta fugat & retinet, collectum vero in fordidis & pigris hominibus furditatem facit.

CCCCLXXIII. In iftam auriculam incidunt undæ fonoræ aeris, quas ex physicis recipere necesse eft. Aer elasticus recipit tremores fonoros, & potiffimum transfert, etfi etiam aliqua corpora tremores fonoros propagant, vel folus, vel primario, fi omnino aqua abfque aere tremores perfert. Hinc in aere conpreffo fonorum vis intenditur, in vacuo exspirat. Habet autem eos tremores vel a corpore contra aerem moto, vel a corpore, contra quod ipfe movetur, vel a corporibus inter fe collifis. Oportet autem, ut id corpus, quod fonum producit, in omnibus fuis, etiam minimis particulis, contremifcat & ofcillet, fic ut alternos arcus faciat, a priori rectitudine eminentes, & citra eandem redeuntes. Ejusmodi curva linea *excedens* corporis fonori. Hic tremor inpellit undam aeris proximam, fic anterior aeris pars conpreffa, quam primum ejus elater, tremorem impulsum superat, refilit, retroæit

retroagit aerem versus corpus sonorum, ubi aer nunc laxior & rarior est, idque comprimit. Eadem pars aeris a tremore sonoro percussa anteriorem aeris vicinam portionem perinde inpellit, ut erat a corpore tremulo compressa; quæ & ipsa resiliens suo tempore, & retrorsum ad corpus tremulum aerem repellit, & antrorsum, ut novam undam concitet. Ita oscillationes oportet velociter sibi succedere, ut exaudiri possint, neque rariores esse in minuto secundo, quam triginta.

CCCCLXXIV. Sonos acutiores in universum reddunt corpora duriora, fragilia, magis tensa; graves contraria. Acutiores in universum soni dicuntur, qui a tremoribus in eodem tempore numerosioribus generantur; obtusiores, qui a tremoribus paucioribus. Medium inter acutos & graves sonos nullum est, vel arbitrarium. *Unisone* dicuntur chordæ, vel quæcunque corpora, quæ eundem numerum oscillationum in dato tempore producant. *Octava* distant, quarum una duplo plures quam altera oscillationes facit. Aliæ rationes alia nomina habent. Acutissimos sonos chordæ brevissimæ producant, & contra, in ratione inversa longitudinum. Acutiores etiam, quæ magis tensæ, in ratione subduplicata tensionum, sive ponderum tendentium. Experimenta in monochordo facillimè fiunt, aut chordarum systemate, quæ ponderibus tenduntur.

CCCCLXXV. Quicumque sit sonus, acutus vel gravis, debilis fortisve, celeritate ea per aerem fertur, ut fere 1038 pedes Parisinos in aere percurrat in minuto secundo, constante velocitate, nec in magnis distantiiis remittente. Ventus contrarius, ut multo lentior, paulum soni iter retardat, & fere duodecima parte totius velocitatis. Sic aeris densitas & siccitas sonos auget; laxitas, humiditas minuit. Calor æstivus celeritatem auget. In Guyana sonus 1098 pedes intra idem secundum minutum percurrit.

CCCCLXXVI. Sonus omnis in omnibus vicinis corporibus, etiam in aqua & mercurio, particulas reperit, quas ad similem tremorem excitat, non unisonas solas, quæ evidentius equidem sonum reddunt, sed etiam alias, aliisque rationibus contremiscentes. Hinc omnis sonus, quem audimus, mistus est ex primitivo sono, qui ex tremente corpore nascitur, & ex secundis, quos ambeuntia corpora elastico tremore mota generant. Augetur robur soni, si ita celeriter primario sono secundi successerint, ut ab aure distingui nequeant: Echo oritur, si adeo tarde, ut auris eos separet; id vero requirit minuta tertia horæ fere sex, sive 55 pedum distantiam, inter corpus sonum reddens, & aurem.

CCCCLXXVII. Sonus ad angulos æquales angulis incidentiæ refilit a duris corporibus. Idem emissus in liberum aerem per vastissimam sphaeram diffusus debilitatur, in cylindro promotus robor retinet, in focum ellipseos collectus auge-
tur,

tur, exemplo tubæ stentoreæ, ex foco parabolæ exeuns parallelis, neque dispersis radiis exit.

CCCCLXXVIII. Quare undæ sonoræ per aërem impulsæ auriculam nostram, alto loco positam, & naturaliter antrorsum, extrorsum, exstantem, feriunt : ab ea, quæ elastica sit, re-percutiuntur, & alternis reflexionibus colliguntur in concham, inque meatum auditorium, tanto robustiores ibi, quanto auriculæ superficies lumine meatus amplior est. Per eum meatum, utcunque cylindricum, conservati introrsum pergunt, aucti novis sonis, quos elasticae cartilagines, & dura ossa percussa excitant, & cum primitivo sono confundunt.

CCCCLXXIX. Sed meatus auditorii finem internum terminat *membrana tympani*, in adulto oblique adposita, subrotunda, sed cum superiori adpendice, introrsum ita prominens clypei modo, ut pars infra mediam a meatu cava in umbonem ad caveam tympani protuberet, pars supra mediam ad tympanum cava, versus meatum protuberet. Hujus membranæ laminæ plures sunt. Prima alba, mucosa non satis vera membrana, in fetu solo. Inde epidermis : tunc vera cutis, continua membranæ meatus, vasculosa. Tertia sicca, strepens, splendida & pellucida, & exsanguis, ex periosteo meatus composita, & tympani. Intercedunt teneræ cellulosæ telæ. Nullo, quantum ullo modo invenire potui, foramine naturaliter pervia est, & fabulosa est fumi transmissio. Ita perpetuo tenditur in sulco anuli, quo

continetur, in fetu proprii, post partum cum reliquo osse petroso coalescente, ut nihil in corpore humano magis aut tensum, aut tremulum reperiatur. In eam membranam, & maxime in conicam cavitatem introrsum ducentem, illidunt undæ sonoræ, post ultimam in meatu auditorio reflexionem, & elasticam ejus naturam oscillare cogunt.

CCCCLXXX. Prætenditur ea membrana cavæ ossis petrosi, quæ *tympanum* dicitur, figuræ utcunque subrotundæ, sed difformis. Eam medium promontorium bipertit : & posterius adfidentes in adulto homine cellulæ mastoideæ augent, quæ fetui nullæ sunt. Sed & antè & superius & posterius tympanum cellulosum est. Membrana vasculosa obducitur, cujus ramuli sunt a carotide interna, a ramo meningæ, qui per fissuram aquæductus subit, a tympanicis externis, a stylo-mastoidea. Muco plenum esse solet, quem tuba fundit. Membranis variis in cellulas quasi dividitur, periosteo nempe ad ossicula producto.

CCCCLXXXI. In hac cavea *ossicula auditus* tria majora, quartum minus, ponuntur. Et *malleus* quidem capite suo superiori, rotundo, sedet in lacunari tympani. Inde manubrium longum, secundum tympani membranam, inter ejus lamellas, ad medium descendit, accurate innexum, sine inprimis lato, extrorsum curvulo. Idem præterea proprio una cum crure longiori incudis ligamento sustinetur : alia membrana
prope

prope processum longissimum malleum firmat. Super manubrium brevior conicusque processus membranam tympani extrorsum inpellit. Ex eadem sede antrorsum, in fulcum tubæ, processus exit, longissimus, compressus, latiusculus, variabili figura. Cum incude malleus articulatur capitis duabus lineis eminentibus, medio fulco, obliquis omnibus.

CCCCLXXXII. Tres in malleo muscoli vulgo describuntur. Primus *internus, tensor tympani*, maximus, tubæ in proprio fulco infidet, cui parallelus incedit, & a processu ossis multiformis inter iter carotidis cerebialis, & foramen arteriæ meningæ ortus & circa trochleam reflexo deorsum extrorsum tendine inseritur initio manubrii. *Alter* a fulco etiam tubæ adjecto, sed externe, brevior, eadem fere ratione retrorsum ductus, sed absque reflexione, longe innascitur processui longissimo, & ipse suspectus, neque a pulpofa rubra membrana fatis diversus. *Tertius*, quem a meatu auditorio oriri, per fulcum interrupti anuli tympanum subire, juxta processum brevioris mallei inferi, & membranam laxare dicunt, neque a me, neque a clarissimis viris fatis certo visus est. Cæterum tensor, mallei ope, membranam tympani ad audiendos sonos debiles præparat, alter, si adest nimios sonos moderatur, dum malleum ab incude abducit, propagationem adeo tremoris sonori interrumpit. Rupta tympani membrana, ossiculis loco motis, auditus primo gravis, deinde perfecta

perfecta surditas succedit, ea parte auditus reliqua, quæ per ossa cranii propagatur.

CCCCLXXXIII. Malleus inpressos a membrana tympani tremores reddit *incudi*, ossiculo breviori, crassiori, posterius sibi lata superficie duobusque fulcis, & media eminentia coarticulato. Hujus ex brevi corpore fissæ crus brevius, incisum, ex ligamento suspensum, firmatur in sulco ossis proprio. Longius alterum descendit, parallelum malleo, & sine introrsum curvulo adaptatum, recipit ossiculum quartum, hinc convexum, inde planius, & insidet stapedi, cui tremores suos inperit.

CCCCLXXXIV. *Stapes*, apte ex figura dictus, capitulo cavo, quod incudem recipit, crurculis curvulis, sed posteriori magis, basi ovali, sed inferius rectiori, inclinatus jacet, & basi replet foramen sibi congruens, quod *fenestram ovalem* vocare solent. Crura intus sulcata conjunguntur membrana densa, cavulæ basi adfixa. Regitur stapes musculo suo, qui in ossea papilla inclusus, tendinem emittit exiguum, antrorsum euntem & capiti stapedis sub incude insertum. Ita stapedem adtrahere videtur, ut posterius fenestram ovalem altius subeat, anterieus ex ea exeat: ita & a basi stapedis premitur nervea pulpa vestibuli, & ab aere tympani. Tota sedes stapedis membranula propria a reliquo tympano separatur.

CCCCLXXXV. *Ossiculum subrotundum ovale,*

vale, & hinc leniter cavum & inde, cruri hinc longiori incudis infidet, inde stapedis capitulo.

CCCCLXXXVI. Varii ex tympani cavea canales exeunt. Super officula duo majora, pone crus posterius incudis cellula est, tympani quædam adpendix, gnomonis figura. Pone eam cellulæ in osse petroso incipiunt, super processum mammillarem : sub iis in adulto homine is processus variis cavernulis excavatur.

CCCCLXXXVII. Deinde proprius canalis ab anteriori tympani fine antrorsum prodeuns, inter os multiforme & temporum ex ossibus emergit, & respondet in ellipticum divergentem conum, partim cartilaginea natura, variabilis fabricæ, partim membraneum, qui retro nares in faucium caveam patet elliptico amplissimo fine, introrsum & antrorsum verso : in eum membrana subit porosa, cryptis plena, narium membranæ continua & similis. Hæc *tuba* est, quam adpositi musculi tumendo conprimere, circumflexus palati mobilis forte laxare paulum potest & aperire. Per hunc canalem aer inspiranti in tympanum subit, & renovatur, & mucus officulos defensus circumfunditur. Neque repugnat, cedere per tubam aerem, dum soni fortes tympanum introrsum premunt. Sonos etiam ore receptos, ad auditus organum ducit. Inspiranti membranam tympani aer extrorsum premit. Inde in oscitante bombus & obscurior auditus : aer enim majori copia in tubam tympanumque receptus, resistit tremoribus externi aeris.

CCCCLXXXVIII.

CCCCLXXXVIII. Alii duo exitus ex tympano ducunt ad *labyrinthum*, sive auris intima. Et *fenestra* quidem *ovalis*. (CCCCLXXXIV.) nulla membrana tecta, ducit in *vestibulum*, rotundam nempe cavitationem, petroso offi præduro insculptam, quæ interior tympano adjacet. In eo cavo sunt recessus superior ellipticus, inferior orbicularis, tertius fulci similis. Pulpa in vestibulo nervea est, vapore circumfuso ab osseo pariete distincta. In eam aperiuntur quinque ostia trium *canalium semicircularium*, & foramen ovale, & viæ nervorum & arteriarum.

CCCCLXXXIX. Hi in fetu distincta duraque testa facti, quam ambit spongiosum os, in adulto inscripti durissimo petroso offi, semicirculo paulo majores, ostio sunt ampliori. Eorum major, posterior, inferior, perpendicularis est; medius, superior, ad perpendiculum etiam positus; externus, idemque minimus & horizontalis. Ostium superioris internum cum superiore posterioris in unum conveniunt.

CCCCXC. Magis adhuc admirabilis est *cochlea*, quæ in anteriori parte ossis petrosi inclinata sedet. In ejus alteram cavitationem vestibulum patet, in alteram *fenestra tympani rotunda*, quæ in imo tympano, protecta promontorio, recondita ponitur. Ipsa cochlea fit ex modiololo osseo, conico, apice suo introrsum inclinato, medio fulco diviso, & in basi, & per omnem longitudinem, numerosis foraminulis perforato, in tubos, qui dicuntur *scalæ*, in medio gyri secundi terminato.

nato. Circa hunc modiolum canalis in fetu distinctus, & propria testa factus, in adulto homine cum vicino osse connatus, circumvolvitur duabus spiris cum dimidia, conice a duobus modo dictis orificiis versus apicem modioli diminutus. Hic canalis bilocularis est, & septo dividitur, quod *laminam spiralem* vocant. Id parte majori osseum est, & ex modiololo enatum, ad rectos angulos in cavum canalem producitur, striatum, undique periosteo interno tamquam vagina inclusum. Pars alia, exterior, membrana est, quæ porro canalem dividit. Ita duo semicanales distinguuntur, quos *scalas* vocant. Eorum interior, posterior, a fenestra rotunda incipit, membrana ibi clausus, *scalam* vocant tympani; alter anterior a vestibulo, a quo nomen habet. Ex apice nuclei, tertia cavitas infundibuli modo nascitur. In eam lamina spiralis sine membranaceo terminatur, ut tamen infundibulum cum utraque scala exiguo utrinque foramine communicet, multis autem cum modioli cavea, quæ nervo plena est.

CCCCXCI. Vasa organi auditus externi ad auriculam sunt a temporali, ab auriculari propria; ad membranam tympani vel a stylomastoidea, vel a temporali, vel ab utraque; ad meatum auditorium ab his ipsis; ad tympanum qualia dicta sunt CCCCLXXX.; ad vestibulum, canales semicirculares, & cochleam a vertebrali, a stylomastoidea, a meningea. Vascula revehentia peculiaris indolis nuperior industria ex vestibulo in fi-

num transversum duxit, ex cochlea in cranii cavam.

CCCCXCII. Supereſt ut nervos deſcribamus qui auditui præficiuntur. Princeps eſt, quem *ſeptimum* vocant (CCCLVII.). Hic in ſinum auditorium internum offis petroſi ſubit, & in ejus cæco ſine dividitur. Et minor quidem nervi pars per ſuperius in ſinu foramen canalem ſubit, transversum, deinde retro tympanum flexum. Dum ibi deſcendit, ramum per proprium canalem in tympanum mittit, qui inter malleum & incudem adſcendens, per fiſſuram, retro articulationem maxillæ inferioris, exit tympano, & in nervum lingualem ſe inmittit (CCCCLVII.), ut arcanæ hujus commiſſuræ obſcura cauſa ſit, manifeſto autem ſequatur conſenſus dentium cum ſonis acutis, cum uſtionibus auriculæ, &c. Reliquus nervus, elapſus ad latus proceſſus ſtyli-formis, per auriculam, parotidem, magnam partem faciei, & ſupremi colli, & cutaneus & muſcularis diſtribuitur, & in facie numerosas inter ſe & cum primo & ſecundo & tertio quinti ramo, & cum octavo, & cervicali tertio anasto-moſes habet. Ad organum auditus vel nullos, vel exiguos ramos mittit. Auricula vero alios etiam nervos habet anteriores a tertio quinti, poſteriores a ſecundo & tertio cervicalium.

CCCCXCIII. Sed *mollis ramus*, major & obſcurior, ex ipſo ventriculo quarto ortus (CCCLVII.) valde minutis filamentis, per ſubtiliſſima in intimo ſinu auditorio foramina partim,
tribus

tribus ramis ad quinque, vestibulum subit, partim cochleæ fulcum. Et illi quidem rami in vestibulo pulposos colliculos tres efficiunt, qui conjuncti membranam in vestibulo suspensam generant, quæ per canales semicirculares undique continuatur. Alter, qui cochleæ fulcum adit, obscurum finem habet.

CCCCXCIV. De eo nervo, qui vestibulum & canales semicirculares adit, minime dubium est, quin feriatur a tremoribus aeris externi ad stapedem propagatis, qui per fenestram ovalem pulpam nudi nervi contingunt. Quæ pars cochleam adit, ea tota obscurior est. Probabile fit, ramulos inde erumpere per foraminula CCCCXC. & periosteum cochleæ adire, & laminæ spiralis partem membraneam. An omnino filamenta nervea, transversa, ex nucleo cochleæ per laminam spiralem exeunt, successive breviora? An id organum auditus est? Anatome vix eo pervenit, & repugnare videtur animalium exemplum ex avium, pisciumque genere, quæ absque cochlea accurate audiunt. Utcunque id se habeat, spiralem tamen laminam, nervis plenam, in tremorem agi probabile fit, a membranæ tympani oscillatione, quæ aerem cavi tympani exagitat, ut fenestræ rotundæ membranam feriat, hæc cochleæ internum aerem.

CCCCXCV. Elegans conjectura est, cum lamina spiralis verum triangulum sit, cui peracutus in vertice angulus est, innumeras in ea lamina cogitari posse chordas, continuo breviores,

quæ adeo ad sonos varie acutos, & graves, harmonice consonent (CCCCLXXIV.) ut numerosissimis sonis contremiscant, longissimæ nempe in basi cochleæ cum gravibus, brevissimæ, & apici propiores, cum acutis. An in canalibus semicircularibus mediis sonus percipitur, cum soli in omnibus animalium classibus reperiantur? An & in iis canalibus & in cochlea, & in membrana per vestibulum suspensa? Ita probabile videtur.

CCCCXCVI. Ad nervos auditivos tremores elasticos aeris adparet venire, per auriculam, meatum auditorium, in tympani membranam, qua læsa nec reparata nullus auditus superest. Ea ad audiendos sonos humiliores per musculos mallei tendi videtur. Ab ea membrana per contigua officula in vestibulum sonus propagatur, nam officulis destructis iterum auditus aboletur. In vestibulo parietes ossei contremiscunt, aquulam nerveæ pulpæ circumfusam agitant; ab ea pulpa nervea suspensa in vestibulo percuti videtur, isque tremor per continuam pulpam cochleæ & canalium semicircularium continuari. Ultra nihil scitur. Seq, per certa experimenta, tremor etiam sonorus elasticus & per tubam, & per dentes, & denique per omnia ossa cranii nervo auditivo efficaciam suam inprimit.

CCCCXCVII. Distinctio sonorum procul dubio pendet a velocitate tremorum in nervo acustico, sibi in brevi tempore frequentius aut tardius succedentium. Eos non necesse est numerari ab anima; sufficit alias & alias mutationes in cogitatione

cogitatione excitari, uti is numerus alius est. An gratia sonorum a consonantiarum numero? an anima, sui nescia, numerat consonantiarum gradus, & in earum facilitate & frequentia sibi placet? Negant expertissimi musici, & gratiam sonis minime consonantibus, & in difficili proportionem positis, plurimam inesse confirmant. Quare intolerabiles soni nimis acuti? Videntur nervulos nostros in lamina spirali ita tendere, ut etiam rumpantur, exemplo scyphorum, quos acutior sonus frangit, & sibilorum acutissimorum, quos reddunt incolæ Canariensium insularum, & a quibus auditus fere perit.

C A P. XVI.

V I S U S.

CCCCXCVIII. Auditus aeris tremores percipit; Visus luminis. Illius organum osseum est, quod resonet, hujus major pars in humoribus ponitur, qui refringant. Conpositam vero naturam fecit necessaria defensio tenerrimorum organorum, multiplex humorum series, suis continenda involucris.

CCCCXCIX. Extimam tutelam oculo præstat *supercilium*, tumor cutis musculis fultus, in ima fronte, plenus pilis densis, imbricatis, quem, & una frontalem musculum, corrugator & orbicularis deorsum ducere, & in luce nimia umbram oculo superponere possunt. Ubi supercilium

lium officio functum est, elevatur ab inserto frontali musculo, tenui, carnosio, cuti continuo subjecto, firmato ad membranam epicraniam cellulofam, sed splendentem tamen, & aponeuroseos non dissimilem, quam ipsam longe quadrangularis occipitis musculus versus posteriora detrahit. Curam preterea detractio supercilii, elevatio tranquillitatem & serenitatem animi designat. Sudoris flumen idem ab oculo avertit, insecta retinet.

D. Propius præfunt oculo *palpebræ* : plicæ cutaneæ, quas cutis faciei efficit, tenerior facta, in aciem quasi resectam procurrens, contra se ipsam revoluta, & vestigia relegens prioris laminæ, a qua cellulositate aliqua separatur, indeque jam membranea, vasculosa, hinc rubra, tenuis, ante oculi globum ducta, & internitur antèrîus scleroticæ cum *conjunctivæ* nomine, & denique corneæ. Epidermis eam ubique sequitur, etiam ubi corneæ tunicæ adglutinatur. Superior palpebra major, mobilior ; inferior parva, obsequiosa potius est, quam propriis viribus mobilis. Sensilitatem palpebris nervi præstant numerosi a primo quinti paris, & a secundo, & a duro septimi ramo. Arteriæ copiosissimæ sunt, ab ophthalmicis, temporalibus, maxillaris internæ ramis, infraorbitalibus, facia libus.

DI. Ut adcuratius palpebræ claudantur, habet utraque in eo margine, quo se contingunt, cartilagineum arcum, qui *tarsus* dicitur, gracilem, lunatum, extrorsum gracilescem, qui tendit palpebram, ne plicas agat, dum aut elevatur,
aut

aut deprimitur. Priorem motum in palpebra superiori proprius musculus perficit, ortus ab involucro nervi optici, sensim latefcens, ad tarsum expansione sua productus. Adjuvat insigniter frontalis, varie orbiculari innexus, eumque sursum distensurus. Deducit superiorem palpebram *orbicularis*, ut vocant, latus musculus, late & orbitæ circumpositus, & palpebris instratus, ad utrumque angulum oculi circumductus, cui pro fixo puncto & ligamentum est, innatum offis maxillaris processui, & fibræ sunt, offi frontis & proximo offi maxillæ insertæ. Inferiorem palpebram idem elevat, oculumque ita obvolvitur, ut ab omni luce in somno, & ab omni illapsura forde defendatur. Inferiorem palpebram deprimit duplex fibrarum fasciculus, superiori labro insertus.

DII. Denique, ne tumidulus margo palpebræ malignius conniveat, *cilia* habet, pilos nempe extrorsum repandos, ex margine palpebrarum multiplici ordine exeuntes, qui decussati umbram & obscuritatem augent. His usus est in adcuratiori visione, ubi puram imaginem quaerimus, a qua extranei radii excludantur.

DIII. Ne collisæ palpebræ doleant, faciunt *Meibomianæ glandulæ sebaceæ*: intestinula in utraque palpebra triginta & ultra, simplicia, bifida, trifida. In universum secundum longitudinem palpebræ ordinata, ex peculiaribus cæcis subrotundis sacculis composita, qui in unum majorem, serpentinum, ductum consentiunt, cui osculum
in

in ipso margine palpebræ est. Sebum excernunt, molle, inungens, quod lacrumis commistum abstergitur.

DIV. Sed perpetuam a palpebris ante oculum adscendentibus & descendentibus factam confriktionem tollit, teneritatem membranæ corneæ conservat, infecta & illapsa corpuscula acria eluit *lacruma*: liquor falsus, pellucens, evaporabilis, qui nunquam non super oculi anteriorem faciem effunditur, super genas autem non defluit, nisi per proprias causas collectus. Eum partim arteriæ conjunctivæ tunicæ exhalant, argumento injectionis aquosæ naturam imitantis: partim creditur deponere glandula, in recessu cavo ossis frontalis posita, conglomerata, in multos lobos divisa, duriuscula, pinguedine mista, multis ab ophthalmica, a maxillari interna vasculis picta, multisque percursa nervis, a proprio ramo primi trunci quinti paris ortis.

DV. Ab ea glandula *lacrumali* ductus conspiciui sex & ultra descendunt, aperiuntur in facie interna conjunctivæ palpebralis. In homine nuper ab idoneis autoribus detecti sunt. Secretionem lacrumarum auget contractio musculi orbicularis frequentior, ab irritatione, ab adfectu tristi, idemque lacrumam, super oculum omnem diducit, & conjunctivæ superficiem eluit.

DVI. Officio functa lacruma, cujus pars ab aere absterfa avolat, reliqua, ne in inmensum aucta noceat, propellitur ab orbiculari musculo ad
ejus

ejus originem, quæ propior naso est, & ad partem commissuræ palpebrarum intimam, quam nullus tarsus adit, non perinde ergo conniventem. Ibi *caruncula*, sebaceis, piliferis folliculis plena, oblonga, extrorsum conica, palpebris se interponit, & separat coituras, & oblnit sebo suo partem palpebrarum, quæ absque ductibus Meibomianis est. Ante eam tertia quasi palpebra, exigua, ad perpendiculum descendit, utramque veram palpebram conjungit, in bestiis major. Ad principia vero hujus spatii palpebris interpositi, quo lacruma colligitur, in margine utroque eminet papilla, in qua foramen unum est, callosiori cellulosa tela circumdatum, perpetuo, nisi convulsive claudatur, apertum. Hoc foramen, quod *punctum lacrumale* dicitur, haurit lacrumam ex loco, in quo stagnat, tum tractione, tum impulsione ab eodem musculo continuata. Si haustrum obstructum fuerit, lacruma genam inundat, excoriat.

DVII. Ab utrovis puncto ductus proprius, multo latior, tenuis, in cute inclusus, alter super carunculam deorsum, & alter magis transversus sub ea introrsum migrat, qui ad se invicem accedunt, & duobus ostiis se inmittunt *sacco lacrumali*, non penitus summo. Ita cavea vocatur, in ossis unguis & maxillæ fulco inscripta, vestita primo cellulosa, sed duriori, & quasi aponeurotica membrana, deinde altera rubra, pulposa, a narium tunica continua, exhalanti rostri pervia, figura paulum ovali. Ab eo sacco

continuus ductus nasalis paulum retrorsum descendit in nares, & in imum meatum, tectus osse spongioso infimo, aperitur foramine oblique oblongo. Eo lacruma superflua descendit, & nares ex parte irrorat (CCCCLXIV.). Musculum nonnulli tribuunt, non satis confirmatum.

DVIII. *Oculus* globosus, anterieus compressus, non tamen eodem semper modo, longior paulum a cerebro versus corneam membranam quam a dextris ad sinistra latus, ponitur in orbita, osseo cavo, fere conico, ex septem ossibus conposito, posterius & exterius magnis fissuris interrupto, antrosum latefcente, a quo undique defenditur. Cum vero oculo amplius sit, multa undique globus oculi circumfusus pinguedine, mollissima, cum mobilitate caveam replet.

DLX. Princeps oculi nervus est, ex cujus tunicis oculi tunicae componuntur. Originem diximus CCCLVII. Progressus trans crus cerebri, ad conparem alterni lateris accedit, & multa medullari substantia longe cum eo cohæret, ut tamen dexter dextrum, sinister sinistram oculum adeat, non ideo absque aliqua utriusque medullae conjunctione. Subit ergo orbitam, paulum flexuosus, teres sed compressus, & parti non mediae globosi oculi, sed naso paulo propius inferitur.

DX. Ubi oculum adtigit, duræ matris suæ internam laminam, in foramine sphenoidis ossis acceptam, exuit, sive eam pro primo involucri oculo circumponat, crassiorē factam, quam vocant
scleroticam;

scleroticam; five ad *scleroticam*, sibi constantem, neque aliunde ortam, adhæret. Altera lamina, externa, duræ matris, secedens, orbitæ periosteum facit. Pia vero, in hoc nervo distincta, vasculosa, intus *scleroticam* oblnit, fusca tota, & tenuis. Reliqua, medullosa, pars intima nervi, cerebro continua, sed cellulosis septulis distincta, contrahitur in conicam papillam, albam, depressam: ea, per foramina circuli albi choroideæ penetrans, iterum expansa, intimam oculi membranam, *retinam* gignit.

DXI. *Scleroticæ* in universum alba, parum vasculosa, tenax, stipata, cuti similis natura est, figura fatis perfecta globosa, antè tamen compressa; crassities postè major. Ei antè orbiculari foramine pertusæ præponitur, oblique adfixa, pars magis convexa, pellucida, multis facta laminis, aqua pellucida ebriis vasis ægerime demonstrabilibus, insensilis, circularis fere, sed tamen ad nasum circularis, ad tempora ovata; *corneam* vocant, per quam lux ad intima oculi admittitur. Ea aquam avide inbibit, iterumque exsudat. Ante anteriorem, planiorem, partem *scleroticæ*, & ante *corneam*, conjunctiva a palpebris demittitur, & cellulosa propria, inflexibili, cum *sclerotica* jungitur (D.) plena vasis partim rubris, partim continuis cum rubris, sed pellucidis.

DXII. *Chorioideæ* tunicæ initium est ex ambitu albi circuli cellulosi, qui substantiam nervi optici terminat, perque cujus foramina numerosa,

& ex eo retina & arteria retinæ centralis exit. Ea sede chorioidea & ad scleroticam adhæret, & ad circulum, quem dixi. Inde concentrica expanditur intra scleroticam, cum qua & cellulosa aliqua forte tela, & multis vasis conjungitur, quæ ab ea ad chorioideam veniunt. Extus fusca, intus fature pulla, & pene nigra est, & una villosa, ut utramque superficiem maceratione separare, & interiorē a Ruyschio nominare possis; per ætatem vero exalbescit. Ubi ad originem pellucidæ corneæ pervenit, multa ibi cum sclerotica cellulosa tela adcurate conjungitur, albi fere circuli, quem *orbiculum ciliarem* vocamus, specie, & porro aliam in directionem abit. Quæ nempe sphærice expandebatur, nunc subtendit corneæ arcum circulo paulum antrorsum convexo, imperfecto, cum de eo medio circulus parallelus ablatus sit, quod foramen *pupilla* dicitur, propior naso, & ad tempora major. Hic anulus antè *iris* vocatur; posteriori superficie, quam ab anteriori, in homine, maceratio separat, in nonnullis animalibus etiam scalpellum, ob pigmentum nigrum, quo obducitur, *uvea* nominatur. In iridis anteriori facie numerosæ striæ adparent, radiatæ, ramosæ, coloris varii in varietate hominum, totæ flocculis obductæ. Eæ cis pupillam in ferratum circulum abeunt, a quo alia similes striæ in iridis usque aciem tendunt. Serpentinæ sunt cum pupilla lata, cum angusta rectæ. In posteriori facie uveæ multum pigmentum nigrum est, quo eloto striæ rectæ, radiatæ adparent,

adparent, in pupillam productæ, non floccosæ. Orbiculares fibras, concentricas pupillæ, neque oculus, neque microscopium, ne in bove quidem mihi demonstravit, sed unice in uvea circulum internum obscurioribus radiis distinctum, minus villosum. In fetu humano, pupilla clausa est, & iris producta perfectum circulum absolvit. Pars ejus pupillæ obducta perinde vasculosa est. Inde sensim circa tempora partus retrahitur, evanescit, radiis iter liberius relinquit.

DXIII. Iris parum sensilis, neque irritabilitate mechanica prædita, tamen in vivo homine, quadrupede, & ave, ad omnem lucis majorem gradum constringitur, ad omnem minorem dilatur; hinc etiam ad remota videnda latior, ad proxima angustior redditur. Dilatationis causa videtur remissio virium resistentium humori aqueo, argumento dilatationis, quæ a debilitate, syncope, morte succedit. Constrictio obscurior est, & forte unice pendet a fortiori adfluxu humorum in vasa decolora iridis, quo eo vasa extenduntur, & una iris longior redditur, majoremque partem pupillæ claudit, ut cum inflammatione hic motus aliqua communia habeat, ubi convenit origine. In pueris evidentius movetur & constringitur pupilla; sensim in senis occallescente oculo pene immobilis redditur. In animali tribus & viginti a morte horis a calore iridem extendi, & pupillam claudere vidi.

DXIV. Pone uveam, ab eodem circulo, in quo chorioidea cum sclerotica cohæret, exterius quam

quam cornea, striæ crassæ, eleganter plicatæ, ex chorioidea ortæ, albæ, vasis substratæ sibi parallelis, sine pendulo plumoso, laxa & tenui retina conjunctæ, multo nigro pigmento undique obductæ, ad modum perforati anuli introrsum de chorioidea tunica secedunt, & pone orbiculum ciliarem antrorsum pergunt, & incumbunt vitreo humori, & denique lentis capsulæ inponuntur, non innatæ, *ciliarium ligamentorum* nomine. Pigmenti origo ignoratur, neque reperiuntur, quas aliqui posuerant, secretrices glandulæ: inter utilitates videtur esse, firmare lentem crystallinam. Infantibus hic idem mucus pone ciliarem processum radiati floris effigiem exprimit.

DXV. Sed *retina*, vera continuatio medullæ nervi optici, hinc tenerrima, mucosa, diffilabilis, intra chorioideam in similem concentricam chorioideæ sphaeram expanditur, & proxime amplectitur corpus vitreum. Ubi vero retina ad processus ciliares pervenit, sequitur eorum ductum, estque arteriolis eorum striisque pro fundamento, & ad lentem properat, in hujus capsulam innata, & huic obducta, si fides & aliorum clar. virorum & meis experimentis haberi potest: neque enim de eo fine in quadrupedibus penitus constat, etsi in avibus retinæ lamina interior manifesto ad lentem crystallinam, tecta ciliari corpore produciatur; ad cujus ambitum etiam in homine adhæret. Fabrica retinæ est ejusmodi, ut exterius globulæ molles, quasi medullares, pulposam & crassiusculam

crassiusculam laminam faciant: huic interius fibræ radiatæ ex lamina cribrosa propagatæ & antrosum productæ tenerius constituent involutum, in piscibus facillime, sed etiam in avibus & quadrupedibus nonnullis conspicuum, etsi in homine ostendi non potest. Vasa, quorum trunci rubri sunt, arteriosa & venosa per intimam superficiem retinæ rete faciunt, quod accurate liquore tincto repletum, in membranam consentit.

DXVI. Has, bulbosæ radicis similes, tunicas fulciunt, & sphæricam figuram oculi conservant *humores*, quorum unus solidum corpus refert, molle alter, & tertius verum liquorem. Ergo retinæ primo cavam faciem undique replet præcipuus humorum, *vitreus*; huic in propria, tenui, membrana, pellucida, cellulosa fabrica est, in cujus membranosis intervallis pellucidissimus, & ne in senio quidem facile degenerabilis, liquor continetur; ad ignem perfecte distillabilis, aqueo congener, paulo aqua densior. Vasa, in piscibus manifestissima, sunt posteriora quidem ex retinæ centrali trunculo perpulchra radiata, convexitatem humoris vitrei amplexa, inserta in circulum, quem aliæ arteriæ a chorioidea venientes haud longe a lente efficiunt, & quas in o-ve vidi. Membrana vitrea pro sui corporis portione tenera, tamen duobus locis ad lentem innascitur, posterius & anterius, ut medius inter utramque insertionem cavus circa lentem crystallinam anulus intercipiatur. Eum funula aliqua
subinde

subinde dividunt. Anteriori faciei striæ corporis ciliaris vestigia inprimunt.

DXVII. Sed antè, pone uveam, vitreum corpus depressionem orbiculatam habet, satis profundam, quæ sinu suo *lentem crystallinam* recipit, etiam minus bene humoribus ad censam. Huic quasi viscidæ glaciei figura ex duabus portionibus convexitatis ellipticæ composita, anterior planior, posterior magis gibba est. Fabrica ex laminis sibi succedentibus est, & per cellulosa fila connexis, quas ipsas elegantissime figuratæ fibræ, per teneram cellulosam telam componunt. Inter folia lentis continetur liquor etiam pellucidus, sed per senium ex ipsa natura sua in flavum colorem abiturus. Intimæ laminæ propius sibi incumbunt, & quemdam quasi duriores nucleum lentis constituunt; exterius ad capsulam ita non adhæret, ut ea violata facillime profiliat, & etiam aquulam ajant circumfundi. Arteria est a retina, quæ medium vitreum humorem perforat, posterior ista, nam vasa anteriora nondum innotuerunt. Tota vero lens continetur firma, elastica, crassa, antè firmiori pellucida membrana, quam postè vitrea tunica oblinet.

DXVIII. Denique in exiguo triangulari curvilineo spatio inter uveam & lentem, & in majori illo segmento cavæ sphæræ, quod inter iridem & corneam est, *humor aqueus*, fluidissimus, pellucidissimus, effusus natat, post effusionem reparabilis. Exhalare videtur ex arteriis iridis, uveæ,

veæ, processuum ciliarium, & resorberi in venas similes; & aliqua pars in corneam resorbta per eam exhalat. Eodem liquore irrigatur uvea, & lentis capsula. *Cameras* oculi sub initia hujus seculi dixerunt spatia, quæ ab isto humore replentur: anteriorem, inter corneam & iridem: posteriorem exiguam, inter ambitum lentis crystallinæ & uveam.

DXIX. Ita fabricatus oculus musculos extus adnatos nactus est, quibus regitur. In circulo nempe scleroticæ, qui proximus corneæ est, quatuor *recti* muscoli inferuntur, orti a dura membrana optici nervi, ubi secedens a nervo, cum periosteo orbitæ cohæret, ex uno fere circulo, & circa bulbum oculi ventribus antrorsum euntes, terminati aponeurosis suis confluentibus in alium circulum. Elevator minimus omnium est, abductor potius longissimus. Horum musculorum officium in singulis quidem manifestum est, cum circa convexum bulbum oculi, tamquam hypomochlion, flectantur; necesse est ergo oculum elevare, deprimere, ad nasum ducere, & ad tempora. Deinde bini conjuncti possunt in diagonalem oculum convertere, sursum introrsum, sursum extrorsum, et sic porro. Denique, quando omnes quatuor recti muscoli una contrahuntur, vix videtur dubitari posse, quin oculum totum intra caput ad suam originem reducant, ita lentem ad retinam propius admoveant.

DXX. Sed *obliqui* duo muscoli oculi magis composita fabrica sunt. Eorum *superior*, cum

rectis ortus, longior, gracilior, antrorsum venit ad fulcum ossi frontis insculptum, quem in foramen integrum perficit duplex ligamentum, cartilaginem utrinque, in medio excavatam, fere quadrangularem sustinens. Per hunc canalem transit tendo obliqui, & reflexus, retrorsum extrorsum, vagina propria inclusus, retro rectos musculos in globum oculi inseritur. Eum antrorsum, quasi ex orbita, & introrsum ducit; pupillam deorsum introrsum convertit. Alter *obliquus minor* a sinu foraminis lacrumalis, in osse maxillæ, proxime os unguis extrorsum adscendit circa oculi globum, & scleroticæ suo tendine inseritur, pone externum rectum. Adparet partem suam oculi extrorsum deorsum, sic contrariam pupillam sursum ducere & introrsum.

DXXI. Sed alii subtiliores musculares motus in oculo peraguntur, qui ponunt nervorum cognitionem. Et de *optico* dictum est DIX. DX. *Quartus* unice obliquo majori, *sextus* recto externo providet. *Tertius* & *quintus* oculi nervos præcipuos generant. Et quinti quidem primus ramus, ophthalmicus, edit ab ingressu orbitæ nervum ad lacrumalem glandulam & palpebram, & cum secundo quinti paris, & cum ramo temporali tertii quinti conjunctum. Truncus orbitam fubeuns in duos finditur. Superior, major, bifidus, ad frontem, palpebrasque consumitur. Sed inferior, supra nervum opticum introrsum abeuns, longum & tenue ad exteriora hujus nervi filamentum emittit, quod cum alio filamentum
terti

tertii *ganglion opthalmicum* constituit, & ciliarem unum alterumve emittit. Idem porro dato nervo nasali recurrente (CCCCLVII.) in varias partes interni anguli oculi confumitur.

DXXII. Sed *tertii paris* præcipua dignitas est, quod sursum quidem ad rectos oculi & palpebræ misso ramo, trunco sub optico nervo progreditur, & una tres emittit ramos, ad inferiorem, ad obliquum minorem, ad internum musculum: deinde vel prius ex trunco, vel nonnunquam ex ramo obliqui inferioris alium brevem, multo crassiores, quam quinti radix (DXXI.) & nonnunquam solum, qui sub abducente musculo, in optico nervo, *opthalmicum ganglion* ovale perpetuum efficit. Ex eo ganglio, & nonnunquam etiam a trunco tertii, quintive, quatuor vel quinque ciliares nervi flexuoso ductu circa opticum ludentes, globum oculi adeunt, perforant scleroticam pene mediam, cum arteriis longioribus venisque, recti decurrunt per chorioideam, & iridem conspicui adeunt, & processus, ut videtur, ciliares. Alii minimi nervuli, ex eodem ganglio nati, in sclerotica tunica manent.

DXXIII. Occultior & demonstrationem minus admittens motus est ciliarium processuum, qui (DXIV.) incumbentes vitrei membranæ fulcis, actione sua creduntur id corpus retropellere, sic lentem antrorsum promovere, a retina longius separare. Verum nihil in hoc corpore ciliari, tot in animalibus, vidi musculi simile; sed membranam utique, quæ vascula fulcit. Quem alii clari

viri sphincterem pupillæ, aut corneæ constrictorem posuerunt, aut quas alii suspicati sunt lentis crystallinæ motrices fibras, anatomie non confirmat, neque lentis, & corneæ in multis animalibus constans duritas admittit.

DXXIV. Ad historiam oculi pertinent præterea vasa hujus partis, quibus pulcherrima fabrica est. Oriuntur autem ea omnia, quæ oculi proprias partes adeunt, ab *ophthalmica* arteria, propagine internæ carotidis (CCCXVI.). Ea sub nervo optico erepens principes ramos edit, ciliarem superiorem; inferiorem, unam pluresve; lacrumalem, unde nasalis recurrens posterior, & arcus tarsei pars externa; muscularem inferiorem; nasalem anteriorem recurrentem, & posteriorem; musculares superiores; palpebralem, unde cum priori ramo arcus tarseus. Denique in faciem exit, ad frontem, nasumque & viciniam. Sed ophthalmicæ rami, qui ad internum oculum pertinent, sunt ciliares, quæ, ex truncis jam excitatis ortæ, circa opticum nervum quatuor & ultra trunculis ludentes, serpentine flexis, partim proxime ingressum nervi optici, quadraginta & ultra ramulis chorioideam tunicam adeunt, faciunt in ejus externa superficie arbusculas ad acutos angulos ramosas, quæ antrorsum ad circumulum uveæ veniunt.

DXXV. Pleræque tamen arteriolæ tunicæ chorioideæ ad interiora oculi paulatim declinant, & celluloso tomento tectæ adeunt processus ciliares, per quorum singulum binæ arteriolæ, undique floccos

floccos spargentes vasculosos, excurrunt, in apice per anſam unitæ.

DXXVI. Aliæ vero arteriolæ, pariter ex ciliari-
bus ortæ, exiguo numero, fere duæ, ad eam ſe-
dem veniunt, a qua uvea membrana naſcitur.
Ibi hinc & inde divaricatæ ramis ſuis uveæ radi-
cem ambeunt, in circulum conjunctæ; ad quem
ciliares anteriores ſe inmiſcent, parvæ arteriolæ,
a ramis muſcularibus ophthalmicæ natæ, & duo-
decim fere trunculis per originem corneæ in cir-
culum immerſæ. Ab eo circulo, ſed etiam ab
arterioliſ modo dictis ciliaribus anterioribus abſ-
que medio circulo, & ad anteriorem iridem &
ad poſteriorem uveam, vaſa distribuuntur recta
iſta, ramoſa, illa naturaliter cæruleo liquore
plena, alias fuſco, hæc multo nigro pigmento
obducta, ſponte alba. In uvea ad aliquam a pu-
pilla diſtantiam circulum, ſæpe imperfectum ef-
ficiunt.

DXXVII. Sed ab eadem ophthalmica, ejus-
que trunco, vel ramo lacrumali aut ciliari ali-
quo, ramus unus nervum opticum ſubit plureſ-
que. Princeps *centralis retinæ arteria* in ejus
nervi medullam penetrat, & ex apice papillæ
DX. exeuns centrum retinæ adit, indeque por-
ro per retinam ramoſus ambulat, tot furculis,
quando ars periti artificis acceſſit, ut id rete va-
ſculoſum pro propria membrana habitum ſit.
Minor nonnunquam ramus ſecundum centrum
ad retinam venit, perinde per eam ramoſus. Ab
iis ramis venire ramos vasculosos vitrei tunicæ
ex

ex animalibus certum est, tum arteriam lentis posteriorem. Harum arteriarum intima est celebris ille *porus opticus veterum*.

DXXVIII. *Venæ* oculi in universum oriuntur a vena ophthalmica, quæ hinc a faciali vena provenit, orbitam fubeunte, inde in sinum cavernosum inferitur. *Venæ internæ oculi* mediam scleroticam paucioribus, majoribus truncis perforant, faciuntque arbusculas majores & anteriores arteriosis, circumscriptione rotundas, quæ mediam fere chorioideæ tunicæ sedem tenent: aliæ longæ, ad originem usque uveæ producuntur: aliæ anteriores, arteriosarum similes: alia centralis nervi optici retinam adit similis arteriæ. Vasa aquosa a sanguineis non differunt. Lymphatica dicuntur in retina visa esse, non satis repetito experimento.

DXXIX. Hæc ad anatonem. Sed oculi actio a physicis experimentis lucem unice accipit, per quæ in summam evidentiam constituta est, paucissimis dubiis exceptis. Et *lux* quidem materia est vel eadem igni, vel proxima, subtilissima, fluidissima, per omnia corpora penetrans, rigidissima, nulla itineris longitudine fatigabilis, velocissime mota, ut a sole ad terram intra octo minuta prima & secunda tredecim adveniat. Ea in nostro planetarum systemate vel a sole pendet, cujus potentia materiam lucis, alias confuse sparsam, in lineas rectas ordinare videtur, vel ab alio puncto lucido. Ab eo, tamquam centro, spargitur radiorum modo in omnes sphaeræ

sphæræ partes in omnium corporum superficiem; indeque reflexa, ad angulos æquales angulis incidentiæ in oculum illabitur, & ea corpora, unde advenit, colorata reddit, & visibilia.

DXXX. Per experimenta confirmatum est, lucem fieri radiis, absque fere physica latitudine rectis, qui tamen singuli in septem radios tenuiores, constantes, & inmutabiles separari possunt. Eorum radiorum hæ notæ proprietates sunt, ut omnes conjuncti jubar album constituent, a corporum autem minimis superficieculis refracti, & separati, in rubros, constantiores, duriores, minus refrangibiles, hinc in aurantios, flavos, virides, cæruleos, indicos, & violaceos dividantur, quorum ii semper debiliores sunt, & magis refringuntur, qui a rubris in ordine magis distant. Umbra a defectu reflexorum radiorum oritur. Hæc cum variis radiis composita colores componit.

DXXXI. Colores corporibus proprii inde proveniunt, quod minimæ corporum superficieculæ partium solidarum, limitantes poros, quæ radios lucis refringunt, pro diverso gradu crassitie suæ, certum inprimis genus radiorum uberius reflectant; reliquos radios receptos in substantiam, internis, repetitis, refractionibus maxima parte suffocent, ut crassissimæ & validissimæ particulæ album, proximæ rubrum, tenuissimæ superficieculæ demum violaceum colorem reddant. Opaca corpora sunt, quæ radios omnes retinent, nullos remittunt, ob foramina magna, ad quorum parietes lux adtrahitur, & ea plena materie, quæ
vim

vim refringentem diversam a vi refringente partium corporis nata sit. Hæc interim ita recipimus, donec nova theoria, qua colorum diversitates vibrationibus celerioribus, aut tardioribus adscribuntur, confirmata sit. Neque enim hæc definire nostri est.

DXXXII. Hi radii, dum oblique illapsi per liquores varie densos transeunt, varie etiam ad perpendiculum vel accedunt, vel ab eo recedunt: id vocant *refringi*. Et in universum, quo densius medium est, eo propius radium ad perpendiculum curvat, solis exceptis inflammabilibus liquoribus, qui peculiari vi radios ad perpendiculum adtrahunt, magis quam pro sua densitate. Rationes anguli incidentiæ ad refractionis angulum satis constantes sunt, ut sinus anguli refractionis radii ab aere in aquam illapsi sit ad sinum anguli incidentiæ uti 3 ad 4; & in radio ab aere in vitrum illapso, incidentiæ sinus ad sinum refractionis ut 17 ad 11; ex aqua in vitrum uti 51 ad 44.

DXXXIII. Radii per aerem advenientes, parum divergentes, quales ob inmensam distantiam habentur solis radii, & in universum a centum fere pedum distantia adveniunt, in corpora sphærice convexa, aere densiora illapsi, ad angulos majores, ut 48 graduum cum dimidio, illapsi reflectuntur, neque subeunt. Si anguli minores fuerint, penetrant id medium refringens, & in eo ita refringuntur, ut in unum punctum conveniant, quod *focus* vocatur. Id punctum
jacet

jacet in axi, five radio perpendiculariter in superficie refringentem illapso, hinc inmutabili, & in sphærica aquæ bulla radiorum ex aere venientium focus distat a sphæra semidiametro, in vitreo globo quarta parte diametri: in lente vero convexa vitrea, quæ sit sphæræ portio, non minor quam triginta graduum, æque convexa, pariter semidiametro; ut tamen non in punctum, sed in circellum radii uniantur.

DXXXIV. Ergo radii lucis aut recti, aut reflexi, ita incidunt in corneam oculi membranam, ut ex puncto lucido in ejus membranæ superficiem dispersi, conum faciant acutissimum, cujus basis cornea est, vertex in puncto radiante, ut tamen ejus coni omnes radii pro parallelis absque sensibili errore habeantur. Inter eos radios reflectuntur a cornea, neque ejus superficiem penetrant, quicunque ad majorem angulum, quam quadraginta graduum, in eam membranam incidunt. Alii, qui corneam perforant, ad angulos tamen adhuc valde magnos, inter uveam & lentis latera illapsi, suffocantur in atro pigmento, quod uveam (DXII.) & processus ciliares obliniunt (DXIV.). Ii vero soli in lentis superficiem incidunt, qui parvis angulis, & non valde a nullo diversis, fere ad 28 gradus, in corneam illapsi sunt. Ita fit, ut ii omnes radii excludantur, ad quos in retinæ unum punctum cogendos, alioquin vis refringens humorum oculi non suffecisset: qui adeo latam imaginem, & confusam in retina pinxissent.

DXXXV. Ii ergo radii, ex aere, adeo tenui, advenientes, per corneam, quæ sphaeræ segmentum est, crassam, aqua omnino densiorem, hinc magis refringentem, quarta forte parte, transeuntes, insigniter ad perpendicularum confringuntur: ab aqueo vero humore, non multo, & aquæ fere simili & potius leviori, non mutati, incidunt, absque facto foco, ob nimiam propinquitatem, in pellucidissimæ lentis superficiem, parallelis proximi, & potius convergentes, cum eorum divergentiam corneæ vis refractilis abunde correxerit. Præterea cornea, cum convexa sit, & ipso scleroticæ hemisphærio magis gibba, plures radios recipit & colligit, quam planior, cui minor esset superficies.

DXXXVI. Lentis crystallinæ vim refringentem, quam aquæ majorem esse, ex duritate, & ex pondere intelligitur, etsi satis certam mensuram non habemus. In ea ergo lente, & imprimis in posteriori, valde convexa superficie, vehementer convergunt radii, & in vitreum corpus incidunt.

DXXXVIII. Id corpus, densius aqua, ut in ea fundum petat, lente crystallina rarius, facit ut radii aliquanto lentius ad perpendicularum confluantur, donec ex puncto visionis distinctæ advenientes, in quam minimam particulam fibrarum retinæ concentrati, ibi imaginem objecti pingant, unde advenerunt, inversam, ob necessarias decussationes. Eam imaginem in oculo artificiali, vel in naturali oculo, cui pars scleroticæ posterior

rior demta est, inspiciens physicus videre potest. Cadit autem ad exteriora ingredientis nervi optici, in axis visus terminum, neque punctum est, sed aliquam habet latitudinem, cum multa objecta simul videamus, quorum imagines oportet diversis in punctis pingi. Ibi distinctissima visio, quod radii perpendicularibus proximi eo veniant. Sæpe in duobus ejusdem hominis oculis non eodem loco ponitur. Lente crystallina destructa solus vitreus humor, debilius quidem, radios conjungit.

DXXXIX. An omnino falsum est, in retina objectum pingi? an hæc pictura in chorioidea sit? an confirmat novam sententiam experimentum, quo conficitur, locum, in quo nervus opticus oculum ingreditur, cæcum esse? & quod ita explicatur, ut chorioidea ibi nulla sit, retina vero nuda, hinc minime videat. Sed repugnat notissima observatio, retinam esse medullam nerveam sensilissimam, chorioideam nervulis paucis, vasis certissime cæcis fere unice constare. Repugnant varietas chorioideæ summa in animalibus, constantia æque magna retinæ, & maculæ nigræ, quæ etiam in homine exteriorem retinæ superficiem obfuscant. Cæterum ab hoc experimento ratio invenitur, quare nervus opticus non axi oculi, sed ad latus insertus sit. Ita enim unico excepto casu, quando impedimentum in concursu est linearum per centrum nervorum optico-
rum ductarum, alter oculus videt, & illi succurrit, cujus cæca sedes objecto obvertitur.

XL. Cum verò vitæ humanæ necessaria munia requirant, ut non ii soli radii, qui ex unica data distantia adveniunt, distinctam in retina imaginem pingant, sed ex variis & valde diversis locis, magis minusve distantibus, advenientes radii distinctam sui, unde veniunt, objecti ideam excitent, creditum est, necessariam in oculo mutationem per suas causas produci. Alii clari viri lentem crystallinam mobilem fecerunt, per vires supra ad DXIX. & DXXIII. recensas. Eam artem mutandi oculi experiundo ajunt nos discere, neque notam esse iis, quibus cataracta nuper deposita est. Etiam in artificiali oculo actionis hujus commoda & necessitas ajunt perspicui posse. Radios ergo nimis divergentes, quales ex proximo objecto adveniunt, corrigi a lentis crystallinæ a retina aucta distantia, qua obtineatur, ut remotior ille focus ex divergentibus radiis natus, in ipsam incidat retinam, qui alioquin retro eam demum radios univisset. Vis enim refringens oculi eadem posita, quæ focum radiorum a distantia trium pedum perfecte in retinam facit cadere, non potest radios a trium pollicum distantia venientes in idem punctum colligere; & magis divergentes radii, non majori vi collecti, ferius coibunt.

DXLI. Qui vero radii ex valde remotis locis adveniunt, & pro parallelis possunt haberi, ii ante retinam convenirent in corpore vitreo, & ex puncto concursus, ex natura radiorum, tamquam ex lucido puncto, iterum separarentur. Ergo creditur

creditur vires DXXIII. lentem crySTALLINAM a cornea remove, ad retinam adducere, ut radii ad majorem distantiam a lente conveniant, & eam distantiam talem metiantur, quæ in ipsam retinam cadat. Nam denuo oculus, qui a septem unciarum distantia advenientes radios in retina colligit, citius colliget, & ante retinam, eos qui a tribus pedibus adveniunt. Ut omnino necesse videatur, siquidem in variis distantiiis distincte videmus, oculum nostrum mutabilem habere. Punctum visionis distinctæ est, in quo positum objectum in retina in minimo possibili spatio depingitur. Vires radios unientes sæpe in ejusdem hominis duobus oculis diversissimæ sunt, ut alter presbyopi, myopi alter vicinior sit.

DXLII. Hæc & horum similia vulgo recepta docentur, ab Iatromathematicis etiam magis, qui necessitatem harum mutationum acrius sentiunt. Et tamen nulla vis est in oculo humano, quæ lentem crySTALLINAM aut loco moveat, aut comprimat. Sed neque in nobis ipsis ejusmodi facultatem percipimus; librum enim, quem nimis remotum confuse videmus, ad oculos admoveamus, non admoturi, si interna oculi mutatione vitium distantiae corrigere liceret. Et per foramen exiguum in solo puncto visionis distinctæ objectum simplex videmus, duplex in omni alio. Aliquid forte pupillæ potest arctatio, quæ facit, ut propiora distinctius videamus.

DXLIII. Sed hoc auxilium non in omnibus hominibus sufficit. Dantur enim, frequentiores

nunc

nunc quam olim, homines fedentarii, & in minutis objectis magis occupati, quibus cornea convexior, densior, lens perinde gibba magis & solida, oculus ab incumbente humorum pondere longior, reliqui forte humores etiam magis densi sunt, & quorum oculo vel unum horum vitiorum, vel plura infunt, vel omnia. His hominibus iris in parva luce sensibilis est, hinc a connivendo *myopes* dicuntur. Punctum visionis distinctæ in istis oculis valde propinquum, & inter unum septemque pollices ab oculo est; remotiora obscure vident, neque partes distinguunt. Ratio evidens est. Nam a causis modo recensitis fit, ut major debita vis refractilis humorum radios remotos, hinc parallelolos, ante retinam concurrere cogat, unde separati ex foco in multis punctis in retinam incidunt. Sic etiam sano oculo proximorum corneæ objectorum confusa sensatio. Radii inde advenientes per totam retinam sparsi nusquam colliguntur.

DXLIV. Remedium vitio nascenti est in remota loca prospicere, abstinere objectis minutis, vitrisque concavis, videre per foramen exiguum, quo lux debilitatur. Solatium malo jam nato, uti vitro concavo, quod tantum de vi refringente humorum, corneæ, lentisque demit, quantum ipsum cavum est, & objectorum remotiorum focum ita a cornea remotiorem reddit, ut in retinam cadat. Diameter sphaeræ, cujus pars id vitrum est, debet æqualis esse distantiae visionis distinctæ oculi nudi, ductæ in distantiam visionis

visionis distinctæ oculi armati, divisæ per differentiam utriusque distantiae. Spem aliquam myopi ipsa ætas facit. Nam pueri fere myopes sunt; senescendo oculus, dum a solidarum partium robore explanatur, brevior fit, & constrictens vis corneæ lentisque minor est.

DXLV. Aliud vitium contrarium prioribus, molestum est hominibus in remota plurimum insipientibus, senibus imprimis & familiare & insanabile. In eo cornea, & lens planiores sunt, & humorum oculi vis refringens minor. Hinc objecta propiora, quorum radii valde divergentes in corneam illabuntur, confuse ipsis adparent. Non enim sufficiunt vires constrictentes oculi, ut penicillus radiorum in retinam cadat; hinc radii dissoluti eo perveniunt, & focus retro retinam habent, unde confusa visio. Remota bene distinguunt, quorum radii alioquin pene paralleli ad oculum veniunt. Punctum visionis distinctæ *presbyopi* a quindecim pollicibus ad tres pedes.

DXLVI. His hominibus medela aliqua est, in nigris tubis oculo præpositis, quorum usu retina intenerefcit; & radii paralleli ad oculum veniunt. Solatio esse potest lens vitrea convexa, quæ radios cogat convergere, ut maturius in focus conveniant, & in ipsam retinam. Diameter spheræ, cujus partem esse eam lentem convenit, est omnino quæ prioris DXLIV. Spes ab ætate nulla, quæ malum auget.

DXLVII. Medius inter myopem oculum & presbyten optimus est, qui & satis propinqua distincte

tincte videt, & fatis remota, atque adeo & myopi oculo similis reddi potest, & presbyopi. Hujusmodi oculus æstimatur, qui ad pedis distantiam adcurate legit. Sed addendæ sunt conditiones humorum limpidissimorum, oculi mobilissimi, iridis sensilis, retinæ neque prurientis neque callosæ.

DXLVIII. Sed oculi ope anima non solam imaginem recipit objecti repræsentatam in retina, transmissam in sedem animæ. Multa ipsa experientia addit, quæ oculus vere non videt; alia interpretatur aliter anima, quam oculi repræsentant. Et primo *magnitudo* objecti judicatur ex angulo optico, qui inter objectum radians, tamquam punctum verticis, & corneam intercipitur, tamquam basin trianguli. Hinc proxima magna, remota parva adparent. Microscopiorum vis huc pertinet, quæ facit, ut objecta nobis videantur tanto majora, quanto distantia foci lentis vitreæ minor est distantia visionis distinctæ. Et vere non majora adparent, sed distinctiora, lucidiora, hinc ab anima pro propioribus habentur.

DXLIX. Robur lucis ab eodem angulo pendet, in eadem externa luce, & a radiorum multitudine cum parvitate sedis in retina, quæ adficitur, unde proxima illustriora, remota obscura adparent, & si remota propria invicta vi luminosa fuerint, anima ea vel magna sibi repræsentat, vel propinqua, vel utrumque.

DL. *Locus* objecti visibilis æstimatur uno quidem oculo in linea esse, quam comprehendunt
duæ

duæ rectæ lineæ in fines extremos corporis inspecti ductæ. Si duobus oculis idem corpus intuemur, tunc videbitur nobis esse in concursu duarum linearum per axin oculi utriusque in id objectum ductarum.

DLI. *Distantiam* non videmus; & cæcus homo, qui nunquam vidit, restituto usu oculi, omnia corpora putat se contingere, quæ videt. Multo demum usu hætenus conjecturas de distantia facimus, semper fallaces: sed de ea judicamus, tum ex magnitudinis nobis jam cognitæ diminutione, tum ex minori lucis robore, & pallida imagine objecti, cujus partes minus distinguimus, tum ex multis corporibus interpositis, quorum nobis distantia nota est.

DLII. *Gibbum* corpus non videtur; sed iterum per experimentum pro gibbo habetur, postquam didicimus corpus, quod ad tactum convexum est, umbram lucemque certo modo dispositas habere. Convexum est, si umbra fuerit in latere, quod manui sinistræ respondet; & concavum si dextræ. Hinc microscopium frequenter turbat judicium, mutatis & transpositis umbris: Potest etiam idem non fatis cognitus, conatus quo in sigillo convexa concava redduntur, & vicissim.

DLIII. *Situm* partium objecti visibilis anima eum esse judicat, quem hæ partes in objecto habent, non eum inversum, qui est in retina. Hanc correctionem anima, absque experimento, in homine, qui cæcus natus est, & animalibus con-

tinuo callet, ut per certa experimenta hominum innotuit, quibus cum nullo ab ipso natali die visu essent gavisi, acus ocularia subito oculi usum reddidit.

DLIV. Etiam id inponit animæ, quod sensationes externæ per oculos ad sedem animæ delatæ, per secundum fere horæ minutum eadem ratione animæ repræsententur, tamquam præsens objectum esset. Inde circuli ignei a moto radio lucido : Inde superstes solis fulgidi imago, & nonnunquam etiam opacorum corporum.

DLV. An unicum objectum distincte videmus, quod e directo est partis in retina distinctissime videntis? & anima multa se videre persuadetur partim ab idearum duratione, partim a celeritate motuum in oculo? De distinctissima visione certum, de minus distincta nimium esset adfirmatu. Cur unum duobus oculis objectum videmus? Quia sensatio unica & absque discrimine fit, quando duorum objectorum similes inpressiones sunt. Nam, etiam absque concursu opticorum nervorum, infecta numerosis oculis simplicia objecta vident. Hinc duorum objectorum imagines unicam in anima sensationem excitant, quando in idem punctum retinæ cadunt; duæ vero sensationes ex uno objecto sequuntur, quando in utriusque oculi diversas sedes illabuntur. Unde nocturna cæcitas, unde diurna? Illa multis gentibus familiaris in regione calidissima sub fulgidissimo sole viventibus, & senibus : Ista inflammatis oculis, & juvenibus ardentis temperiei, hinc oculis
valde

valde fenfilibus inſtructis. Senſus nimis acutus retinæ membranæ diurnam cæcitatem facit ; nocturnam calloſitas ejusdem. Unde animalium viſus nocturnus? A pupilla ampla, dilatabili, retina tenera, chorioidea refulgente & lucem vehementer reddente. Unde cæcutimus in obſcurum locum deducti ex lucido? Quod nervus opticus minoribus cauſis nequeat emoveri, poſtquam majores paſſus eſt. Unde dolemus a tenebricoſo loco in lucidum ſubito tranſlati? Quia pupilla apertiffima radios ex improviſo advenas nimios admittit, & retina, a debiliffima luce parum adfecta, majores nunc inpreſſiones acutiſſime ſentit. An uno videmus oculo, an utroque? Sæpiſſime uno præcipue, eoque fere dextro. Altero autem in auxilium adhibito, plura objecta, & lucidiora, & plura ejusdem objecti puncta videmus, & de diſtancia melius judicamus.

C A P. XVII.

S E N S U S I N T E R N I.

DLVI. Senſus ſigillatim enumeravimus. Omnibus nunc commune eſt, quod ab objectis externis percuffa medulla teneri pulpoſique nervi, aliquam mutationem per ſpiritus nerveos, ad eam cerebri ſedem perferat, in qua primum nervi percuffi fibræ ex arteriis cerebri oriuntur (CCCLXXII.). Nihil ultra ſcitur, niſi naſci in anima cogitationem novam, quotieſcunque hu-

jusmodi mutatio, in quocunque sensorio nata, ad primam ejus nervi originem perfertur, qui patitur. Nam ea cogitatio non est expressa imago objecti, a quo nervus sentiens adfectus est. Nihil idea coloris rubri commune habet cum radio parum refrangibili, ex septem portionibus radii totalis separato; & longe minus fieri potest per optica fundamenta, ut imago per radios in albo, mollissimo, nervo picta, longo itinere, in perfectis tenebris, per corpus opacissimum, deferatur in thalamorum opticorum originem. Nihil in dolore ab ustione est, quod animæ repræsentet velocis & subtilis materiæ violentum motum, quo particulæ nervi a mutuis contactibus separentur. Nihil est in idea soni acuti determinatæ chordæ, quod animam doceat, eam chordam in uno horæ secundo minuto quinquies millies tremuisse. Neque sapor nos docet, quadratas esse salis marini crystallos. Deinde in cerebrum quidem motus a corpore sensu percepto inpressus propagatur: mens ne motum quidem percipit, neque sonorum tremores, neque radiorum lucis percussione, sed alicuid a motu perfecte distinctum. Alterna lege CREATORIS sanctum est, ut cum certis mutationibus in nervis primo, deinde in communi sensorio natis, definitæ novæque cogitationes in anima nascantur, constante vinculo, ut arbitrarium quidem sit, quod de mundo percipimus, falsum tamen non esse ex consensu adpareat similium perpetuo cogitationum, ad similes nervorum sentientium adfectiones,

fectiones, in omnibus hominibus eodem tempore, & in eodem diversis temporibus nascentium.

DLVII. Dum ergo sentimus quinque diversissima entia conjunguntur: corpus, quod sentimus: organi sensorii adfectio ab eo corpore: cerebri adfectio a sensorii percussione nata: in anima nata mutatio: animæ denique conscientia & sensationis adperceptio.

DLVIII. Certis experimentis constat, primum ortum fibræ nerveæ sentientis semper ab omnibus reliquis distinctum esse: eamque mutationem, quæ primum ab externo objecto in eo nervo nata est, (DLVI.) in ea origine nervi diu supereffe; & mutationes easdem ita fere in cerebri parte, quam diximus, ordinari, ut secundum temporum seriem dispositæ, vicinissimæ sint, quæ sibi vel coætaneæ fuerunt, vel proximæ successerunt, vel denique similis argumenti, & a similibus objectis natæ sunt: Et novas species certum est, iterum ad eam cerebri partem perferri, in qua aliæ earum similes reservantur: Nec enim alias signa arbitraria vocum, literarumque, ideas antiquas in memoriam renovarent, aut nauseosæ ideæ, absque ullo corporum adjumento recurrentes, eosdem, quos corpora ipsa effectus reproducerent; neque imaginum analogarum, quæ ad inpressiones corporeas, tunc maxime agentes, per insomnia aptissimæ concurrunt, nexus posset adeo constans, & manifestus esse. Ab hac conservatione pendet imaginatio, & memoria. Cæterum eas mutationes in sensorio conservatas
ideas

ideas multi, nos distinctionis causa *vestigia rerum* vocabimus, quæ non in mente, sed in ipso corpore, & in medulla quidem cerebri ineffabili modo incredibiliter minutis notis, & copia infinita, inscriptæ sunt. Inter eas eæ eminent & distinctius conservantur, quæ per visum, deinde quæ per auditum receptæ fuerunt. Reliquæ confusæ sunt, & a voluntate minus revocabiles. Et vestigia conservantur, & eorum signa, hæc facilius, imagines tamen hætenus, ut pictor ad inpressam amicæ faciei imaginem similem in tela faciem penicillo exprimat.

DLIX. Et *imaginari* quidem dicimur, quoties occasione alicujus speciei, quæ nunc in cerebri sensoria parte conservata sedet, ejusmodi cogitationes in anima excitantur, quales nascerentur, si nervus ipse sentiens eam mutationem pateretur, quæ primam huic speciei originem dedit. Id vocamus imaginem renovare. Hæc definitio confirmatur exemplo fortissimæ phantasæ quorundam hominum, & deliriorum, in omnibus denique mortalibus exemplo insomnii, in quo nihilo debiliores cogitationes in anima nascuntur, occasione specierum in cerebro conservatarum, quam eæ sunt, quæ ex mutatione ab objecto externo in nervo sentiente primum sunt natæ, & in quibus perfectæ picturæ hominum, rerumque cum quibus conversamur, animæ repræsentantur. Imo adtentio, quies, absentia objectorum aliorum faciunt, ut etiam fortior obtineatur animæ adsensio, per illa cerebro inpressæ

sa *vestigia*, quam per eas perceptiones, quas objecta externa in anima excitant. Nam voluntas in infomniis longe, quam in vigiliis, fortius determinatur, & aliqui muscoli voluntarii per infomnia ea perficiunt munera, quæ nunquam in vigilante, etiam fortissime perculsis ab objecto eodem nervis, perficere valerent. Inde intelligitur, quomodo fieri possit, ut validissima species interna in delirio animæ inponere possit, ut eam pro perceptione objecti externi habeat: quod declaratur exemplo scintillarum a fricto nervo optico adparentium; ruboris in clauso oculo visi; vertiginis a motu in retina nato, quem objectis externis tribuimus; visus duplicis, &c.

DLX. Sed *memoria* tunc dicitur, quando vel animæ aliqua cogitatio, vel species externi objecti in cerebri parte sentiente (CCCLXXII.) conservata, aliquam in anima perceptionem excitat. Ea debilior equidem esse solet, quam in imaginatione, & fere solorum signorum quorundam arbitrariorum, quæ in prima perceptione ab anima cum ea idea conjuncta sunt. Vix enim memoria imagines rerum, & picturas animæ refert, sed fere verba, & aliqua adtributa, summasque idearum. Quare languidius etiam voluntatem movet. Demonstrat autem observatio eorum, quæ in memoria accidunt, mutationes illas a sensibus externis ortas, diu in cerebro superesse, & nonnunquam, si fortiores fuerint, multo tempore fere perpetuo animæ repræsentari; sensim tamen deteri, & debilitari; nisi renoventur vel ab eodem

dem objecto iterum animæ repræsentato, vel ab anima in memoria eam mutationem requirente; donec ultimo tota ea mutatio quasi erasa pereat, neque unquam animæ ea cogitatio recurrere possit, quæ cum hac mutatione lege naturæ conjungitur. Hanc destructionem novæ & diversæ in sensorium adlatæ species sensim efficiunt, non solum tempus, aut sola circulatio sanguinis, argumento catalepticorum, qui aliquando post non modicum temporis intervallum in filo cogitationum pergunt, quas morbus interruperat. Subito vero destruit omnes morbus aliquis, in quo cerebrum quocunque modo a sanguine aliave causa compressum est. Ejusmodi causa in partem communis sensorii agens, alias partem specierum ex memoria delet, vocum aliquarum, aut omnium, characterum, quibus voces exprimimus, aut amicorum & necessariorum denique: quæ vero species omnes sæpe renovari possunt, remota causa comprimente. Robur autem & durabilis natura ideæ pendet ab ejus insolentia, vehementi actione, magna vi ad nostram felicitatem augendam vel minuendam, denique ab attentione nostra & a repetitione: quæ ipsa species ita validas efficit, ut earum perceptio denique ab anima pro objectorum externorum perceptione recipiatur, exemplo maniacorum.

DLXI. Quando porro vitæ humanæ historiam sequimur, adparet in principio vitæ memoriam vix ullam esse, sed simplices & cito evanidas perceptiones nasci, quæ tamen validas in anima cogitationes

gitationes excitant, exemplo clamorum infantilium. Sensim memoria perficitur, & ideæ cariorum & magis familiarium personarum animo infantis hærent receptæ, & una imaginatio augeatur, teneris pueris sæpe fortissima, exemplo terroris, qui non alia ætate vehementiores & tristiores effectus producit. Inde, uti augetur idearum numerus, ita etiam minuitur facilitas conservandi priores ideas, & una vis imaginationis obtorpescit, donec illa fere evanescat, & ideæ receptæ brevi tempore de cerebro fugiant, & una imaginatio debilitetur, quæ species memoriæ sit.

DLXII. Sed cum eæ perceptiones in ipsa anima varias mutationes producant, quæ ab omni corporea facultate puræ sunt, brevissime aliqua addemus, quantum ad medicinam suffecerit. *Cogitare* est in anima, advertere ad sensationes, quæ vel per sensus adferuntur, vel per imaginationem revocantur: frequenter etiam ad sola signa quæ in animum recurrunt. *Adtentionem* dicimus, quando eadem idea aliquo longiori tempore sola aut præcipue animæ obversatur. Idearum duarum comparatio ab anima instituta, vocatur *judicium* & *ingenium*, quando anima eas ideas comparando vel similes vel diversas invenit. Ingenium est a vivida sensatione, conjuncta cum celeritate cogitationum, ut quam velocissime de notionibus ea abstrahamus, quæ similia habent, aut diversa. Judicii, inventionis, & sapientiæ, causa maxima est in lento idearum examine, quo

secundum omnes partes suas ab anima considerantur, & in animæ ad unum objectum confirmata adtentione, neglectis omnibus aliis ideis. Inde tenebrarum vis ad calculos difficiles, cæcorum erecta ad sonos adtentionio, furdorum ad colores. Errorum fons est neglectus in contemplanda tota idea, æstimatio ejus a partiali notione, conjunctio idearum cum aliis, distinctis, solo casu & per externas causas connexis.

DLXIII. Integritas judicii pendet a bona cerebri constitutione. Eo conpresso, irritato, exhausto sanguine, fabrica cerebri mutata, confunditur omnis rationis usus; repræsentantur animæ pro externis objectis verisque, species prævalidæ internæ; abrumpitur nexus idearum, ut anima non conparet ideas, neque adeo earum æqualitatem vel diversitatem pervideat, sed saltu aliquo ab idea ad diversissimam ideam transeat: vel denique deletis, impeditis sensuum actionibus, evacuato quasi speciebus cerebro, homo ad idiotæ plantæque conditionem redeat. Sed etiam externorum corporum vires multa mutant in animæ ad species sensuum habitu: aer, vitæ genus, cibus, consuetudo, vel adjuvant firmitatem judicii, imaginationis robur, fidem memoriæ, vel minuunt.

DLXIV. Denique prout hæc ideæ vel nobis adia-phoræ sunt, vel aliquid ad nostram felicitatem conferunt, ita alias & alias in voluntate determinationes produciunt. Causæ, a quibus animæ nostræ felicitas vel augetur, vel minuitur, aliæ a corpore profectæ

perfectæ sunt, mere mechanicæ. Inter eas dolor est, sensus tristis, cui omnis nimis fortis sensatio in nervo pro fundamento esse videtur: & voluptas, in qua nervus super solitum irritatur, sed modice. Prurigo voluptati adfinis est, & in utraque adfluxus sanguinis ad eam partem augetur, in qua vel voluptas vel titillatio percipitur; in dolorem tamen tendit aucta, sive in nimiam sensationem nervi. Anxietas est a sanguine, qui per pulmonem inpedite trajicitur. Aliæ idæ, quæ animam adficiunt, aut penitus a materiæ proprietatibus liberæ sunt, aut certe minus quam priores simplices, notæ, aut mechanicæ. Boni præsentia Lætitiâ facit, boni cupido Amorem, boni exspectatio Spem, mali præsentia Tristitiâ, vel Terrorem, Desperationem, mali fuga Odium, mali exspectatio Metum. - Spes, Curiositas, Gloria, videntur humanæ animæ esse adfectiones, quæ neque ad corpus pertineant, neque in bestiis reperiantur.

DLXV. Ab his adfectionibus animi non solum voluntas pura certas ad prævisum finem actiones corpori inperare videtur, quarum ope jungat se bono, a malo fugiat: sed in ipso corpore, neque consulto, neque ad resistantiam valido, variæ pulsus, respirationis, adpetitus, roboris, aliarumque functionum in corde, nervis, ventriculo, aliisque partibus mutationes oriuntur, quæ & immediate animi passionibus sequuntur, & indicant. Ita Ira valide motum spirituum concitat, & motum cordis, pulsus frequentiam, robur musculo-

rum auget, sanguinem in vasa minima, & aliena urget, & extra vasa denique pellit, præcipitat iter bilis, solvit morbos lentos, obstructions. Ita Mœstitia robur nervorum, cordisque frangit, pulsum retardat, appetitum destruit, pallorem, cachexiam, diarrhæas, icterum, scirrhus, morbos a stagnatione humorum inducit. Ita Metus cordis vires minuit, polypos hinc & pallorem facit, motus musculares debilitat, sphincteres resolvit, inspirationes auget, exhalationes minuit. Terror summus robur auget, ad convulsiones usque, pulsum incitat, solvit obstructions, paralyfes, subprimit sanguinis itinera, subito occidit. Amor, Spes, Lætitia perspirationem promovent, pulsum accelerant, sanguinis itinera liberant, appetitum intendunt, morbos sanabiles reddunt. Gaudium nimium, inprævisum, sæpe occidit, aucto motu sanguinis, veraque apoplexia nata. Pudor peculiariter sanguinem in facie retinet, quasi ligatis venis; sed etiam menses subprimit, & occidisse visus est.

DLXVI. Quis modus est, quo hæ mutationes producuntur, occasione datorum in anima adfectuum? An nervei sphincteres vasa gubernant, & modo subsultim adstringunt, sanguinemque incitant, modo laxant, tonumque frangunt? In minimis aliquid simile locum habere certum est, ex summa similitudine effectus, quem terror, aut aer frigidus in nervos cutis edit. Sed in partibus genitalibus adstrictas sub certis conditionibus venas, hinc congestum sanguinem, manifesto videmus.

videmus. In majoribus vasis probabile videbatur nerveos laqueos, plurimis circumplexos, similia facere. Nam passim ambeunt continent-que arteriam meningeam, temporalem, vertebralem, carotidem, subclaviam, cœliacam, mesentericam, renalem, aliasque. Verum postquam experimentis nostris evictum est, nervos in actione musculorum quiescere, neque ab ulla irritatione breviores reddi, necesse fuit elegantem theoriam deferere. Neque a vero alienum videretur, a nervorum varia sensibilitate arterias aut magis, aut minus irritabiles reddi, atque adeo, ab eadem sanguinis copia vehementius, aut languidius contrahi: ita sanguinis motum aut incitari, aut elanguescere; si omnino certum esset, minores arterias irritabilem naturam cum majoribus communem habere. Ita adpetitus & motus peristalticus ventriculi & intestinorum manifesto ab animi adfectibus destruitur.

DLXVII. Neque hoc dissimulandum est, CREATOREM adfectibus animi suos characteres assignasse, ne homo in sociali vita homini facile inponeret. Proprii inprimis in voce, facie, oculisque musculi singulas passiones mentis ita fideliter exprimunt, ut etiam a pictore repræsentari possint. Exarare per singula elegantissimum, sed hic longum thema foret. Ab iis musculis, sæpe actionem iterantibus, *physiognomia* nascitur, ut perpetuus in facie status sit, qui aliquid de dominantium musculorum actione retineat, & etiam

extra

extra iræ tempora aliquis frequentis iræ character in vultu se offerat.

DLXVIII. Unde consensus partium adeo in praxi medica celebres? Aliquos adparet ad vasorum sanguineorum conjunctiones pertinere, quibus fit, ut repulsus ab aliqua sanguis gravior alteri incumbat, quæ communi a trunco sua vasa habet. Venæsectiones revulsivæ huc pertinent, capitis dolores ex pedum frigore, &c. Alibi consensus oritur ex simili duarum partium fabrica, qua fit, ut ex iisdem causis in corpore natis, similia utraque patiatur; huc uteri consensum cum mammis refero. Alia causa est in continuitate membranarum; inde pruritus in glande penis a calculo, diarrhææ sanatrices furditatis. Alia causa in nervis ipsis latet, eorumque anastomosis; quod genus stupor dentium ex certis sonis natus extra dubium constituit, orta nempe in nervo maxillari molesta sensatione, ob communicationes varias, quas cum duro nervo habet. Sic oculi cum oculo sympathia, quæ non perinde in auribus observatur, est ab opticorum nervorum connubio, sic vomitus a nephritide. Denique alia in sensorio communi ipsoque principio nervorum causa ponitur; quam manifestam faciunt convulsiones late sparsæ ab irritatione nervi uni, ci, epilepsia universalis a vitio topico, &c. Aliquas, in morbis, consensiones facit materies per cellulosa spatia ab adfecta parte ad alias, & alias, vi muscutorum, & arteriarum, & ponderis, deducta.

DLXIX. Sed magna illa sympathia explicanda superest, quæ inter corpus & animam intercedit. Nam aliam naturam animæ esse a corpore infinita demonstrant, maxime ideæ, & adfectiones animæ, quibus nihil in sensu respondet. Quis enim superbix color, aut quænam magnitudo est invidiæ? curiositatis? cujus nihil simile in animalibus est, neque id bonum, quod concupit, gloria, novarum idearum quasi adquisitio ad aliquam corpoream voluptatem referri potest. Potestne corpus ita duplices vires adipisci, ut ejus infinitæ particulæ in unam massam coalescant, quæ non suas adfectiones solas conservent, sibi que repræsentent, sed in unam communem totalem cogitationem consentiant, quæ ab omnium adtributis differat, omnia tamen ea adtributa recipiat, & comparet? Estne aliquod exemplum corporis, quod absque externa causa ex quiete in motum transeat, motus directionem absque occurrente alia causa mutet, reflectat, ut in anima observatu facillimum est?

DLXX. Et tamen hæc anima, adeo diversa a corpore, arctissimis cum eo ipso conditionibus religatur; quæ & cogitari cogatur ad eas species, quas corpus ipsi repræsentet; & absque cerebri corporeis speciebus non videatur aut meminisse posse, aut judicare: & cujus denique voluntas in corpore vel causa, vel occasio, velocissimorum maximorumque motuum est.

DLXXI. Modeste fecerunt, qui ignorare se hanc vinculi rationem fassi, in legibus adquieverunt,

runt, quas, a CREATORE positas, non excogitent, sed experirentur. Manifesto excusantur observatione DLVI. quod etiam in opticis certissimum sit, adfectiones corporum arbitrario vinculo cum animæ cogitationibus cohærere, aliasque adparituras fuisse si CREATOR figuras, vim refractilem, colores partium oculi mutasset. Uti lex est, quæ jussit inter radios minime refrangibiles, & cogitationem colores rubri, nexum perennem esse; ita lex est, quæ inter eorum radiorum in retinam inpressionem, & eam cogitationem vinculum constituit. Neque magis erubescimus, quod posterioris legis mechanismum ignoremus, quam ideo, quod prioris natura tecta sit.

DLXXII. Sed annon corpus anima gubernat? annon ab anima, tamquam a motus fonte & principio, omnes perinde in corpore motus & actiones oriuntur? annon ab ea volente, prospiciente communi bono hominis, pendent motus cordis, respirationis, arteriarum? An demonstrant hanc animi potentiam polyporum recrescens per vulnera fabrica, pathemata animi, nævi materni? An conscientiæ absentiæ excusat notissimum exemplum obscurarum perceptionum in respiratione, motu palpebrarum, actione musculorum, qui omnes motus a voluntate oriuntur, etsi & organa ignoramus, & non advertimus nos velle, dum respiramus, nictamus, curis obruti gradimur? An ideo certum est motus omnes ab anima oriri, quod non alia causa evidens, perpetuo cum corpore adnexa adsit, quo liceat referre?

DLXXIII.

DLXXIII. Multa sunt, quæ nondum finunt in eam sententiam transire. Et primo videtur hæc corporis constructio & gubernatio animæ sapientiam longe superare. Anima nostra unum punctum distincte videt (DLV.), unam ideam distincte cogitat, duo objecta, si una tentet videre, duas ideas, si velit una contemplari, duas literas una legere, continuo confunditur, errat, neutram ideam recte expedit: &, gnara suorum limitum, quoties ferio & cum studio alicui operi incumbit, claudit se quasi sensuum inpressionibus, neque videt, neque audit, neque olfacit, neque musculares motus exercet. Nunc animam infinita & distinctissima cogitare oporteret, ut tot musculos, infinita vasa, fibrarum innumerabilem numerum regeret temperato ad exactissimam geometriam inperio, & problemata, nulli facile solvenda geometræ, modo nata, in musculorum suorum gubernatione resolveret, construeret. Et tamen sui tanti laboris ignaram animam statuere oportet: & super ea omnia opera difficillimas abstractasque ideas contemplari posse, ut neque cura corporis sui meditationes turbet, neque meditationes motus necessarios corporis excludant.

DLXXIV. Deinde, etiam si non conscii nostræ voluntatis possumus velle respirare, velle nictare oculis, & efficaciter velle, retinemus tamen inperium, & suspendere possumus respirationem, firmare palpebras, incitare vicissim eas actiones, neque adeo conscientiam nostri inperii unquam amittimus, neque usum. Nihil simile nobis in

cor licet, nihil in intestina, non frenare male veloces motus, non languidos excitare. Inter tot mortales, cur nemo respirationi non inperat, nemo in tot seculis cordi? Si consuetudo sola causa est ignoratæ potentiæ, cur non recipit sensum suæ actionis in movendo corde, in motu peristaltico exercendo anima, postquam horis diebusque integris in submersis, in hysteris, in anima defectis conquievit?

DLXXV. Sed manifesto falsum est, motus omnes ab anima oriri, & absque ea materiem immobilem segnemque massam fore. Nam vis contractilis ad stimulum quemcunque, ad quam motus cordis, intestinorum, & forte omnis motus in homine pertinet (CCCXCI.), ne requirit quidem animæ præsentiam; superest in cadavere; suscitatur mechanicis causis, calore, flatu; neque deferit fibram, quamdiu nondum refrigerata riguit, etsi dudum animam, quæ percipit & vult, destructio cerebri abegit, cordisque, etsi ex ipso corpore revulsus musculus, ab omni imaginabili animæ sede separatus est.

DLXXVI. Nævis parum tribui debere, vel nihil, alibi dictum est. Administrationem motuum vitalium in morbis nulla prudentia regi, sed fere vi stimuli gubernari, manifesto docet & antiquissima medicina, & unice certa, quæ acutorum morborum, & intermittentium, motus nimios coercet venæ sectione; papavere, nitro, Peruviano cortice. Nulla in corpore gubernando sapienti homini a stultissimo prærogativa: Et
fetus,

fetum, ne fuorum quidem muscutorum movendorum fatis gnarum, quando natus est, fed per experimenta difcentem gradi, glutire, videre denique, corpus fuum incredibili arte fabrefactum ftruere, ea quidem adfirmatio, adeo ab omni fide, ab omni modestia remota, vel fola ad refutandam hypothefin fufficit.

DLXXVII. Aptitudo ad fenfus & motus voluntarios libere exercendos in fanis organis, *vigilia* vocatur: ineptitudo ad eofdem & quies omnium cum fanis organis *fomni* nomen fert.

DLXXVIII. In fomno anima vel omnino nihil cogitat, quod memoria retineatur, quodque notum fit, vel unice occupatur in veftigiis, fenfario communi receptis (DLVIII.), quarum vividæ repræfentationes in mente eo tempore omnino fimiles perceptiones produciunt, quales objectorum externorum inpreffiones in fenfuum organa faciunt. Hæ repræfentationes *infomnia* vocantur, & efficiunt, ut reliquo toto emporio fenfuum & voluntariorum motuum quiefcente, aliqua tamen particula aperta fit, fpiritibus perfluat, & vigilet. Aliquando cum his perceptionibus animæ aliqui motus voluntarii conjunguntur, ut loquelæ organa, ut artus multi, omneſve, ad nutum illarum perceptionum regantur. Huc fomnambuli.

DLXXIX. Sed in fomno pergit motus cordis, pergit omnium humorum in corpore humano diftributio, circulatio, vis periftaltica ventriculi, inteftinorum, ſphincterum; respiratio denique ip-

fa simili modo exercetur. Hæc conpositio in quiete certarum partium, aliarum motu, cognitionem causæ mechanicæ somni difficilem reddit.

DLXXX. Quare, ut eam eruamus, causas omnes, phænomena omnia somni & vigiliæ considerabimus, eaque per omnia animalium genera persequemur. Ea enim conditio, quæ ab omnibus istis causis perinde producitur, & a nulla abest, ea causa vera somni erit. Naturaliter somnus sequitur vigiliam & labores vitæ humanæ. Nam in vigilia motus fere continuus musculorum voluntariorum, sensuum satellitium, affectus animi, perpetuo novos stimulos nervis, venis, cordi addunt. Ita & multo motu trituque sanguinis exasperatur ex natura blanda in alcalescentem putredinem, & sanguinis pars fluidissima, & ipsi tenuissimi spiritus celerius dissipantur, quam reparantur, & sensim non solum debilitas, & lassitudo corpori inducitur, sed in diutius protracta vigilia ardor quidam febrilis, acrimonia humorum, debilitas. Nocte redeunte sensim torpor percipitur in musculis longis, ineptitudo ad cogitationes severiores, amor quietis in animo & corpore. Tunc peculiariter vires corpus erectum tenentes laborant, & oculi nolenti clauduntur, & maxilla inferior pendet, & oscitationis necessitas ingruit, & caput antrorsum nutat, & objectorum externorum actiones minus nos adficiunt, & denique turbantur ideæ, & cogitationes, & delirium succedit, a quo in somnum non satis no-

tus transitus est, quod tamen somnum semper præcedit. In hoc somno naturali, & omnibus animalibus communi, videtur defectus spirituum in causa esse, quos motus muscularis & sensuum exercitium quocunque modo consumit, & quorum vim magnam exhalare probabile est.

DLXXXI. Multum ad somnum conferunt, defectus omnis irritationis in capite corporeque toto, perfecta quies animi, sensuum externorum, tenebræ.

DLXXXII. Deinde somnum inducunt augentque varia, quæ vires frangunt, sanguinis jacturæ magnæ, venæ sectio, refrigerantia medicamenta, papaver, frigus ipsum externi aeris; & ea, quæ sanguinem a capite avocant, ut pediluvia, cibi copia in ventriculum recepta, quam in nullo non animali somnus sequitur.

DLXXXIII. Sed contra somnum etiam inducunt calida varia, quæ sanguinem ad cerebrum citius cogunt confluere, vinum, alcohol omnis generis, tunc maxime si in vaporem resolutum fuerit, opium, hyoscyamus, ciborum particulæ inmeabiles, febres acutæ variæ & pessimæ: vel non sinunt redire, ut obesitas. Hæ omnes causæ videntur in eo consentire, ut sanguis in caput congestus cerebrum conprimat, & viam spirituum in nervos intercipiat.

DLXXXIV. Sed etiam mechanicæ causæ somnum producunt; compressio nempe duræ matris, & cerebri, quæcunque, nata a sanguine effuso, in facto osse, aquæ in ventriculis copia.

DLXXXV.

DLXXXV. Somnus adeo oritur, vel a simplici defectu incopia & immobilitate spirituum, vel a conpressione nervorum, semper autem a difficiliore spirituum per cerebrum motu.

DLXXXVI. Confirmatur hæc theoria ex causis vigiliarum. Somnum nempe avertunt ea omnia, quæ copiosos spiritus producant, & potus imprimis aromatici, calidi, qui ad caput stimulant subtiles particulas mittant, unde incitatus paulum sanguinis in cerebro motus, & dilutior indoles, plus spirituum in dato tempore separat.

DLXXXVII. Deinde somno resistunt curæ graves, & meditationes cum studio & adfectu, dolores corporis & animi, & sensationes prævalidæ, quæ omnia non sinunt spiritus in sensorio communi quiescere, aut nervos conlabi. Priora ergo spirituum copiam faciunt; hæc motum augment. Eo ergo redeunt, quo priora DLXXXV.; somni nempe naturam poni in nervorum ex sensorio communi venientium conlapsu.

DLXXXVIII. An ergo somni sedes in cerebri ventriculis? Repugnat latius somni imperium, in ea animalia extensum, quibus nulli ventriculi cerebri sunt. An ideo in somno vitales actiones pergunt agere, quod cerebri solius sit passio, integro interim cerebello? & quænam causa hujus diversitatis, quæ facit, ut officia animalitatis in somno quiescant, vitalia pergant operari? Non alia, nisi quæ dicta est, quod vitales motus a perpetuis

petuis stimulis, perpetuis cogentibus causis a quiete præserventur (CCCXCII.).

DLXXXIX. Somni effectus est moderamen omnium motuum in corpore humano. Solum enim cor nunc superest, quod omnes humores promoveat, & remoti sunt omnes musculorum, nervorumque sentientium, & ab animæ adfectibus & voluntatibus orti motus, qui, præter cor, in vigilia sanguinis, & spirituum cursum incitabant (DLXV. CCCCXVII.). Cor a pulsu frequentiori, pene febrili, sensim ad lentorem illum matutinum redit; respiratio minor fit & rarior; motus peristalticus ventriculi & intestinorum, & una fames & ciborum coctio, & progressio fæcum, debilitantur; humores tenuiores lentius promoventur; tardi congeruntur, pinguedo effusa colligitur; viscidum alibile ad suas fibras suasve lacunas adhæret; spirituum consumptio, sanguinis adtritio, & perspirationis copia minuuntur. Sic, dum secretio liquidi nervosi fieri pergit, & consumptio subtrahitur, coacervatur sensim in cerebro id liquidum, nervos conlapsos distendit, replet; &, minimo stimulo accedente, redeunt ad actionem suam sensus interni & externi, & vigiliæ restituuntur. Justo protractior somnus ad omnes effectus lentæ circulationis disponit, obesitatem, somnolentiam, cachexiam, memoriæ summum detrimentum.

DXC. Unde oscitatio dormituriis? Ad expediendum pulmonem per quem sanguis tardius trajicitur. Unde pandiculatio? Ad superandam

randam impulsione spirituum naturalem contractionem musculorum, qui omnes artus in flexionis quamdam mediocritatem contraxerunt, & restituendum adeo robur musculorum extensorum. Unde opinio de cordis motu per somnum fortiori, perspiratione uberiori? A calore stragulorum, quibus coercitum perspirabile cutem mollit laxatque. Friget autem, qui in solitis vestibis somno se tradit, & animalia, quæ multo tempore dormiunt, ad summum gradum frigent, ut mures montani, erinacei. Unde omne animal a cibo dormit? Non ab aortæ pressione, aut sanguine ad cerebrum compulso, ea enim etiam a pastu animalia dormiunt, quibus vix ullum cerebrum est. Annon cibi inmeabiles particulæ, in cerebro minus facile trajectæ, comprimendo medullam, somnum minus benignum faciunt? An perpetua insomnia, nec a somno separabilia? an adeo naturalia, & animæ, ne unquam absque cogitatione sit, quasi succedanea sensuum? Non videtur: insomnia potius ad morbi genus referimus, & ad aliquam causam stimulantem, quæ perfectam quietem sensorii interrumpit. Hinc maxime reficit somnus, a quo insomnia absunt, aut eorum certe memoria abest. Hinc a primo somno, quo tempore maxime spiritus exhausti sunt, abesse solent, & mane redire, quando ii jam aliqua parte reparati fuerunt. Inde curæ, fortis idea memoria recepta, cibi duri, multi, situs minus obportunus, insomnia faciunt. Nam a sensatione aliqua nasci solent,

solent, cui, ex lege adfociationis idearum, integrum adfinium specierum collegium se comitem addit.

C A P. XVIII.

MANDUCATIO. SALIVA.
DEGLUTITIO.

DXCI. Cibi duri, tenaces, fibris longis, parallelis facti, osseis tecti aut cartilagineis tegumentis, friabiles, plerique omnino manducatione egent, ut in minores, minus cohærentes particulas divisi, viribus solventibus ventriculi faciliores se præbeant. Quo diligentius in ore subacti fuerint, eo sapidiores, fluidæ naturæ propiores, coctionis facilioris fiunt.

DXCII. Ergo plerisque animalibus dati sunt *dentes*, durissimi, radice quidem ossea, cava, recipiente per foramen in coni sui apice vascula & nervulum, internum aditura periosteum, ea tota radice fixi in alveolum sibi congruentem, & in summa corona radice fortiter adhærente gingiva revincti. Parte vero super alveolum posita dentes non ossei sunt, sed peculiari, multo duriori, densiori, putredinem in cadavere non metuente, pene vitrea fabrica fiunt, facta ex fibris, rectis, ad radicem verticalibus, concurrentibus in medio. Hæc pars absque periosteo & vasis nervisve est, & perpetuo detrita, perpetuo reparari videtur succo aliquo, qui ex folliculo radice ascendit.

dat. Duritati ergo corporum superandæ, adterendis cibis dentes aptissimi facti sunt.

DXCIII. Cum ciborum materies, & firmitas diversa sit, dentium diversas figuras natura fabrefecit. In homine priores dentes utrinque quatuor sunt, debiliores reliquis, radice unica; his corona hinc cava, inde convexa, in speciem cunei extenuata, acie rectilinea terminata. Destinantur cibis mollioribus, unice tenacibus, in particulas minores dissecandis, & continendis fibræ carniæ, vegetabilium, membranisque, ossiculis denique fructuum friabilibus.

DXCIV. Secunda species est *caninorum*, qui, in quavis maxilla bini, radice altiori, firmiori, unica tamen, & corona in conum fastigiata sunt. Discerpunt tenacia, & retinent infixi, quæ diuturniori subactione indigent.

DXCV. Tertius ordo est *molarium*, quibus in universum radices multiplices, corona quadrangula, in superficie plana, sed scrupulis asperitatibus est divisa. Anteriores duo debiliores sunt, radice una, vel duabus, bipartita coronæ superficie; posteriores tres, majores, radicibus ternis, quaternis, quinis, sed una fere pauciori in maxilla inferiori, superficie plana, quadrata, in totidem divisa colliculos, quot fere radices sunt. His dentibus interjecti cibi ossei franguntur, duri commoluntur, dum alterne super superiores immobiles inferiores dentes oblique & lateraliter moti adteruntur. His inprimis ea præparatio ciborum debetur, quæ a dentibus expectatur.

DXCVI.

DXCVI. Ut dentes cum robore & firmitate moveri possint, infixi sunt, superiores quidem immobilis ossis maxillæ alveolis; inferiores mobili ossi, unico, ita cum ossè temporum dearticulato, ut a superiori maxilla abduci, ad eam adduci cum summo robore possit, deinde lateraliter moveri ad dextra & sinistra, denique antrorsum ultra superiorem maxillam promoveri, iterumque retrahi. Hi motus pendent ab articulatione, quæ est inter condylos, in quos maxillæ inferioris pars lateralis fastigiatur, transversimatos, in medio altiores, & inter tubercula obliqua ossis temporum, ad radicem processus jugalis excavata, levia, in medio profundiora, aucta perexigua faciecula simili, planiori, ad anteriora auditorii meatus, a quo fissura propria separatur. Libertatem majorem huic articulationi, & durabilem crustam cartilagineam, præstat cartilago, interposita condylo inferioris maxillæ & tuberculo ossis temporum, utrinque in medio cava, elevatis lateribus, illa parte tuberculo ossis temporum, istis vicinis depressionibus respondens.

DXCVII. Musculi maxillam agitantes, in homine debiliores, fortissimi in brutis animalibus, sunt *temporalis* elevator, a magna parte laterali capitis, & a sua aponeurosi, fibras tendineas, carni inmersas, stellatas, colligens in processum acutum maxillæ: *masseter* elevator, duplex vel triplex a jugo & ab ossis malæ margine in ramum maxillæ inferioris retrorsum descendens. Hi focii sunt, temporalis tamen magis retrorsum maxillam reducit; masseter antrorsum. *Pterygoi-*

deus internus a fossa pterygoidea, & a palati offe, & ab hamuli pterygoidei radice, alaque interna descendit in angulum maxillæ inferioris: elevat, ab aliis depresso, ad latus alternum ducit. *Pterygoideus externus* duplici principio, uno transverso ab ala interna, & a proximo offe palati, & a maxillæ offis convexitate postica, altero descendente oritur ab alæ magnæ sphenoidæ parte temporali cava. Inde retrorsum redit extrorsumque in condylum maxillæ; eamque antrorsum ducit, ante superiorem, & ad latus.

DXCVIII. Deprimitur maxilla, os aperitur, a *biventre*, ex offis mammillaris fovea orto, tendine suo intermedio ad os hyoides multa cellulositate firma, tendinescente, revincto, & cum mylohyoideo pariter connexo, per stylohyoidei descendentes fibras trajecto, carne nova aucto, inserto ad symphysin duarum medietatum maxillæ. Porro ab omnibus aliis musculis inferioribus maxillæ, hyoidi offi, laryngi insertis musculis os aperiri potest, geniohyoideo, mylohyoideo, genio-glossa, sternohyoideo, sternothyreoideo, coracohyoideo, & a latissimo colli: sed ab eo potius faciei cutis collique deorsum ducitur. Geniohyoideus, digastrici maxillam retrorsum ducere possunt.

DXCIX. Magna vi maxilla elevatur, & dentes inferiores ad superiores adducti cibos dividunt ope temporalis, masseteris, pterygoidei interni, quæ actio potentissima est per certa experimenta, & aliquod centenis libris elevandis sufficit. Laterales motitationes, & circularem super unum condylum

condylum immobilem, facit externus ptervgoideus, & internus, tum priores, solitarie & alterne agentes. Sic cibi diffecantur, franguntur, conteruntur, &, si diligens fuerit manducatio, in pultis speciem rediguntur.

DC. Dentibus antè obijcitur carnosus & cutaneus faccus, qui a faciei velamentis undique producitur, cumque clausorum dentium utraque serie cavum intercipit: *Buccas* ad latera; mediam partem *labia* dicunt. Ex eo cavo per dentium intervallum, via ducit in *os*, quod superne palato osseo & molli, inferne carnibus linguæ substratis, antè dentibus continetur, posterius inter palatum molle & linguam in fauces patet. Lingua medium oris cavum dividit, ad omne in eo punctum facile mobilis.

DCI. In ore dum cibus mollitur, adfunditur ipsi perpetuo plurimum liquoris aquosi, pellucidi, evaporabilis, insipidi, lenissime salini, paucissimam terram continentis, nec acidi nec alcalini, etsi inde minimum aliquid lixivi salis obtineri possit, cujus numerosi fontes in vicinia adfunt. Plurimum ejusmodi *salivæ* separant innumerales glandulæ buccales, labiales, ovales, & paulo majores, quæ ostium ductus parotici circumstant, demum pori palati duri, per brevem ductulum, & foramen, secretum liquorem effundentes. Similis aut tenuior est, quem vasa exhalantia buccarum dorsique linguæ ori adfundunt. Ductum vero incisivum, nunc satis certum est cæcum esse, neque aliud quid ducere, quam arteriam a palatina, quæ nares adit.

DCII. Saliva aquosa est, cum modico sale, partim lixivo, partim culinari, & oleo aliquo & terra, ad ignem diffilabilis, sapore vix ullo, nisi eum morbus aut fames acuit. Copia non exigua generatur, quæ de vulneribus ad 12 uncias intra horam fluxerit. Plerumque a bene moratis & utiliter deglutitur, cujus jactura non absque detrimento fuerit coctionis ciborum.

DCIII. Sed inprimis salivales glandulæ cognominem aquulam suppeditant. Princeps *parotis*, late replet intervallum meatus auditorii & maxillæ, tegitque nudam maxillam & partem masseteris, conglomerata ex rotundis acinis, cellulosa tela conjunctis, quæ densius irretita universale quoddam, pene tendineum, involucrum toti glandulæ supersternit. Ejus ductus albus, vasculosus, capax, ex ima glandula ad jugum adscendens, inde transversim inclinatus, recipit inmissum ductulum glandulæ adfidentis summo masseteri, vel continuæ parotidi, vel separatae, raro duplicis, & porro reflexus circa musculi masseteris oram tumidam, per discedentes fibras buccinatoris, inter multas glandulas buccales, resecto fine absque papilla, in bucca aperitur. Multitudo arteriarum, glandulæ moles, faciunt ut hic salivæ fons princeps sit.

DCIV. Altera glandula, vicina parotidi, duplo minor, mollioribus & majoribus acinis facta, simili membrana conjunctis, adfidet angulo *maxille* inferioris, & partim cutanea in se ipsam terminatur, partim adpendicem super mylohyoideum

deum musculum mittit, quæ longe sequens maxillæ lateralem, cavam, longitudinem, acinosa, substrata oris membranæ, *sublingualis* vocatur. A majori illa *maxillari* ductus cum adpendice exit, qui parte sublingualis glandulæ media longe tectus, unum, duos, tres ab ea insertos sibi ramos accipit, iisque auctus, aperitur in eminentem membraneam cylindrum, freno linguæ adfidentem. Sed alii breves parvique ductus a sublinguali glandula tres, quatuor, pluresve, ad viginti, brevibus ductulis & punctis, in linea a frenulo retrorsum continuata, linguæ oram perforant, salivamque secernunt. Est, ubi anterior majorque ramus ejus glandulæ, qui solet addere se maxillaris glandulæ ductui, solitarius, parallelus ipsi decurrit, & seorsim aperitur. Aliquæ etiam glandulæ buccalium similes, quæ tamen sublingualibus accenseri possint, propriis ductibus membranam oris perforant, qua de lingua secedit. Alios ductus salivales varii promiserunt, non vero perinde anatome confirmavit.

DCV. Providentia CREATORIS fecit, ut nullo modo manducatio fieri possit, quin perfecta necessitate compressæ glandulæ salivales liquidum suum uberius fundant. Nam maxillaris glandula, dum os aperitur, fonticulum salivæ projicit, a biventre pressa & a mylohyoideo; parotidem masseter tumidus urget, & instratus cutaneus colli. Quæ muscularis compressio, ea solus appetitus facit, & salivam ori adfundit.

DCVI. Ergo cibi, inter dentes conmoliti, cum saliva aquosa & aere, interteruntur in pastam mollem, succulentam, figurabilem, plenam aere elastico, qui in loco calente, elatere suo, perpetuo in dissolvendas partes cibi nititur, inter quas inclusus est. Ea opera oleosa aqueis miscentur, sapor & odor peculiarium ciborum in unum confunditur, & una, dum saliva sales diluit, cibi sapidiores redduntur. Quod vero volatile inest, id continuo resorbetur per vasa bibula linguæ, & buccarum, & vires restaurat, redditum sanguini nervisque.

DCVII. Motus vero necessarii ad convolvendum per oris caveam cibum, ut ministretur dentibus, & a lingua fiunt, & a buccis labiisque. Lingua quidem inprimis modo explanata, in dilatati dorsi levem sinum cibos recipit, & onus, per suas potentias (CCCCL.) mota, ad locum destinatum defert. Modo contracta, angustior, omnes recessus oris apice perquirat, & cibos in unum acervum converrit. Modo admota dentibus exfugit ex cavea buccali fluida, aut manducata, & reddit posteriori cavæ oris, retro dentes positæ.

DCVIII. Sed eandem linguam gubernat & musculis, & membranis, late adnatum os hyoides, basi introrsum cava, cornubus extrorsum euntibus, crassiore fine terminatis, & corniculis ovalibus præditum: id, per suas vires deductum, linguam reducit, maxillam, si laxa fuerit, una detrahit. Eæ vires sunt *Sternohyoideus*, sed a clavícula

clavicula etiam ortus, lineis tendineis inscriptus, sursum gracilescens: *sternothyreoideus*, a simili ortu, & a costa etiam prima, etiam latior, qui, dum cartilagineum deprimat, cui inferitur, necessario conjunctum os hyoides descendere cogit, inmixtus etiam hyothyreoideo, & thyreopharyngæo, & passim cum sternohyoidæo, confusus: *coracohyoidæus*, sed a scapulæ superiori breviori latere prope incisuram ortus, obliquus, ad transeuntem jugularem venam in tendinem mutatus, sed superiore ventre rectus, & recta os hyoides deprimens, passim cum sternohyoidæo mixtus: *hyothyreoideus*, a prioribus musculis determinatus.

DCIX. Aliæ vires elevant cum lingua os hyoides: *styloglossus*, proprio a maxilla ligamento sustentatus, nonnunquam carneus: *stylohyoidæus* debilis, sæpe pro biventre fissus, iterumque in duas caudas collectus, adhærens tendineæ expansioni biventris, & in basin ossis hyoidis una cauda insertus, & altera in cornu, & cum tendinea expansione mylohyoidæi mixtus: *stylohyoidæus alter*, quando adest, similis priori, sed posterior, ab apice processus styloidei ortus, triticeis ossiculis insertus, & ligamenti locum tenens, quo os hyoides suspenditur. Hi muscoli omnes linguam retrahunt, latera elevant. *Mylohyoidæus* ex tota longitudine maxillæ natus, cum suo sodali in unum concurrens, elevat linguam, ipsique ad varios motus firmitatem præstat, vel vicissim maxillam deprimat. *Geniohyoidæus*, socius genioglossi, linguam ex ore educit.

DCX. Sed præterea cibos in ore varie buccæ musculi movent, & conprimunt: & alii a cavea buccali in oris cavum retro dentes promovent, ut clauso ore buccinator; alii os ad cibos capiendos aperiunt, ut levator proprius labii superioris biceps, levator ex parte communis, nasalis labii superioris, zygomaticus uterque, risorius, triangularis menti, depressor anguli oris proprius, a foveola utrinque adjacente alveolo dentis canini ortus, insertus orbiculari. Alii os, recepto cibo, claudunt, ne elabatur, ut orbicularis utriusque labii, depressor proprius labii superioris, levator labii inferioris proprius, levator ex parte communis. Descriptiones ex anatomicis recipere oportet.

DCXI. Ita fit, ut cibi cum saliva subacti, moliti, undique retro dentes collecti, linguæ tradantur, explicatæ per ceratoglossos, genioglossos, paulum excavatæ per styloglossos. Atque inde porro ad fauces trudentur.

DCXII. Nempe lingua, per styloglossos elevata, ad palatum late adpressa, apice primum, deinde sensim etiam posteriori fine, cibos versus fauces, qua sola via patet, exprimit: Deinde ipso suo posteriori crasso corpore resistit laryngi sursum ducto, & accedentem epiglottidem impellit retro dorsum linguæ erectam, cumque lingua multis membranis, forte & nonnullis fibris musculosis connexam. Una omnes musculi levatores laryngis agunt, biventer, geniohyoideus, genioglossus, stylohyoideus, styloglossus, stylopharyngæus,

pharyngæus, aliique, & laryngem sursum antrorsum ducunt, ut epiglottis se offerat obviam linguæ, & facilius inclinetur. Hinc ad deglutitionem necesse est adductas esse maxillas, aut certe inferiorem elevatam, inque eo situ firmatam, ut biventer stabilitatem ibi nactus, & alii muscoli nunc dicti, os hyoides levare queant. Ita inversa epiglottis, ampliter, & abunde, aditum ad laryngem claudit, superque eam, tamquam pontem, cibus in fauces profertur.

DCXIII. *Pharyngem* vocamus amplam, difformem caveam, quæ postèrius omnes vertebrae colli, os occipitis ante magnum foramen, os cuneiforme medium, antèrius narium aditum, & velum mobile, & os, & linguam, & laryngem habet; inferius in œsophagum continuatur. Lateraliter habet a maxilla inferiori, gena, velo palatino, processu pterygoideo, adpendice stiliformi, lingua, osse hyoide, laryngis majoribus cartilaginibus. Unus faccus membranaceus pulposus est, quem extus musculosæ fibræ undique circumcumeunt. Interior membrana, continua epidermidi, & mutabilis, sed succosior est. Extus multa cellulositas pharyngi, maxime postèrius & lateraliter, adponitur. Hinc laxus est & dilatabilis, aptus recipiendo omni corpori, quod a lingua pressum, trans laryngem, advenit.

DCXIV. Dilatatur in actione DCXII. a viribus suis elevatricibus, *stylopharyngæo*, nonnunquam duplici, in membranam laryngis, sub osse hyoide, & in marginem cartilaginis thyreoideæ descen-

dente, & late per interiorem faciem pharyngis cum sequente disperfo; tum *thyreopalatino* in speciem arcus palato molli instrato, inde utrinque in duas columnas formato, quæ ad latus pharyngis descendentes, ejus magnam partem efficiunt, latis etiam fibris thyreoideæ cartilagini innexæ. *Salpingopharyngæum* satis vere musculus esse, potius magnis viris crederem, quam meis experimentis. De *cephalopharyngæo* fere despero, nisi cellulofam firmam, albam telam, quæ summum pharyngem retinet, pro musculo habueris. Potus ad utrumque latus epiglottidis laryngem circumit, & in œsophagum cadit.

DCXV. Ne in nares cibus illabatur, dum cibi in dilatatum pharyngem veniunt (DCXIV.), impedit interjectum palatum mobile. Nempe antè a palato osseo continuatur, & ad latera ab alis pterygoideis educitur, mobile velum, ex oris, nariumque membrana conpositum, mediisque musculis & glandulis, fere quadratum, inter nares & os in cavas fauces pendulum, ut naturaliter nares hient, & velum ad os cavum sit: Hujus pars media, inferior, in conumeducta, ante epiglottidem pendula, plurimis glandulis farta, a morbo *uvula* dicitur. Ad latera veli utrinque duo arcus descendunt a velo palatino, quorum minor & tenerior ad linguam, major in pharyngem venit. Hujus *veli levator* valens, ab offis petrosi asperitatibus & plana faciecula, pone foramen spinosum, & a cartilagine etiam tubæ ortus, introrsum descendens, arcum faciens cum foda-

li, in velo mobili, inter duo thyreopalatini plana, id velum adducere potest cavis naribus tubisque, ne cibus utramvis fubeat. Sed in deglutitione non valde agere videtur. Regurgitatio in nares tunc impeditur a constrictione musculorum pharyngis, una cum depreffione thyreopalatini, qui manifesto velum mobile detrahit, & ad linguam & pharyngem adprimit, & *circumflexi palati mollis*, qui ab eodem petroso osse, & a processu acuto alæ cuneiformis, paulo antè, & ab alarum intervallo, alaque interna, & a tubæ cartilagine natus, latior descendit, deinde trajectus per fulcum hamuli pterygoidei, mutata directione, ascendit tendine radiato, per membranam summam veli palatini dispersus, sodali innatus, & fundat reliquos ejus musculos, & levi oræ palatini ossis innascitur. Is & tubam aperire potest, & vicissim velum mobile deprimere. Sic quasi sphinctere constrictus pharynx cibos depellit, neque quidquam in nares regurgitare potest. Inde, vitiato velo palati, ciborum per nares regurgitatio, & furditas.

DCXVI. Dum nixus ad depellendos cibos editur (DCXVII.) urget eos inpositum & detractum velum, ad linguam deorsum tractum, vi palatopharyngæorum, & circumflexi palati mollis. Iidem musculi & una *glossopalatinus*, debilis quidem iste, arcu minori faucium receptus, & hinc in arcum per velum palati socio unitus, inde linguæ innissus, velum contra linguæ tumidam radicem adprimunt, regressum ad os intercipiunt,

&

& ad nares. Epiglottis, postquam periculum illapsus in arteriam asperam nullum est, erigitur, & suo elatere, & a lingua antrorsum iterum ducta. Uvulam depressam *azygos*, a tendinibus circumflexi natus erigit, & levator palati molli.

DCXVII. Paulo post sequitur conatus ad cibos deorsum urgendos; quem edunt constrictores pharyngis muscoli, qui posteriorem partem ad anteriorem adtrahunt; muscoli nempe partim transversi, partim in pharyngis faciem posteriorem adscendentes. Princeps est *pterygopharyngæus*, ortus ab hamulo toto, & ab ora alæ internæ, & a tendine muscoli circumflexi; inde arcu facto retrorsum sursumque ductus, & late partem supremam pharyngis amplexus, confluit cum fodalio suo & cognomine. *Mylopharyngæus*, partim continuus fibris buccinatoris, mediis inter ejus duas adhæsiones osseas, partim proprio loco supra dentes molares ultimos maxillæ inferioris ortus. Hi fere transversi, amplexi pharyngem, posteriorem partem ad anteriorem adducunt. Deinde adscendentes in duobus stratis sequuntur, *geniopharyngæi*, cujus obscuræ confusæque fibræ a lingua natæ sunt: *chondropharyngæi* triangulares, ab offiulis triticeis orti: *ceratopharyngæi*, a dimidio cornu radiatim adscendentes: *syndesmopharyngæi*, a cornu cartilaginis thyreoideæ nati, & a sequentibus diversi: *thyreopharyngæi* duplices, & a sternothyreoideo, & a crycothyreoideo, fibris aucti: *cricopharyngæi* & adscendentes,

adscendentes, & transversi, & descendentes. Hi muscoli successive agunt, supremi primo loco, subinde qui sequuntur, & cibum in œsophagum depellunt. Una muscoli depressores laryngis coracohyoideus, sternohyoideus, sternothyreoideus, laryngem retrorsum deducunt, pharyngem urgent, cibum deorsum pellunt. Arytænoidæi vero, dum juxta cibus transit, rimam posteriorem, perpendicularem laryngis constringunt.

DCXVIII. Cum scabra varia, & sicca, nonnunquam deglutiantur, & pharyngem dilatabilem & indolentem esse oporteat, multum hic valet vis infinita muci, quæ undique in fauces congeritur. Et in universum quidem, inter intimam membranam pharyngis, atque nerveam, sedet plurima vis folliculorum simplicium, ovalium, per brevía oscula mucum fundentium, mittentem, aquosum, sed viscidum, fila trahentem, non absque olei, & salis volatilis, & terræ copia, qua salivam superat. Uberiores sunt in parte pharyngis, quæ occipitis offi subtenditur, in lineas quasdam rectas, radiatas, ibi dispositæ, tum ad tonsillam tubam versus, qua fere secunda utrinque tonsilla majori adjacet, et in eo fasciculo, quem salpingopharyngæum vocant. Sed hujusmodi etiam folliculi plani, circulares, plurimi sedent in parte posteriori linguæ ad foramen cæcum usque (CCCCXLVIII.). Alii pori expulposa palati carne, exque sedentibus ibi numerosis glandulis, similem viscum adducunt. Tota porro veli mobilis natura glandulosa est, qualis
pharyngis,

pharyngis, sed magis uberius & densius collectis folliculis facta. Neque lacunæ demum defunt, in quas singulas multæ glandulæ simplices consentiunt.

DCXIX. Ad sedem descendens ab hamulo pterygoideo pharyngis, inter duos arcus faucium, glossopalatinum nempe & pharyngopalatinum musculus, sedet, utrinque *tonsilla*, ovalis, posteriorius convexa, superius crassior, intus decem & ultra magnis sinibus perforata, inter vela membranæ patulis, quæ vim lentissimi muci ex anfractibus suis, a vicinis musculis emulsæ edunt. Ita & vicinæ nares, & tubarum tumens anulus, & epiglottidis facies objecta laryngi, & dorsum cartilagineum arytenoidearum mucosis organis plena sunt. Oesophagus denique & ipse undique simplicibus folliculis abundat, ex quibus fluidior paulum mucus adfunditur. Oesophageæ vero glandulæ de genere conglobato sunt, nec quidquam huc conferunt. Vasa tonsillis veniunt a lingualibus, labialibus; pharyngi ab istis, a pharyngea; œsophago a pharyngæis, thyreoideis superioribus, inferioribus, bronchialibus, aorta. Venæ multiplices palati & tonsillarum, confluunt, plexibus factis, in venæ jugularis internæ superficialem ramum.

DCXIX. *Oesophagus* tubus duplex est, quorum interior ab exteriori multa & inflabili cellulosa separatur. Interior ergo *nerveus*, fortis, continuus oris membranæ nariumque, ab intima plicata, porosa, non villosa epidermide, humorem

rem tenuem exhalante, pulpofa, propria brevi cellulofitate diffinguitur, in qua vafa rete faciunt, fedentque glandulæ pharyngæis continuatæ & fimiles. Exterior tubus *musculofus* eft, & ipfe robustus, fibris a cartilagine cricoide pofterius inferius continuatis, ex anularibus in longitudinales externas degenerantibus, œfophagum contra cibum elevantibus & dilatantibus, ut buccæ recipi poffit. Aliæ vero interiores, circulares, etiam valentes fibræ, fimiliter a cricoide cartilagine principio fumto, fucceffivo motu contractæ cibum depellunt, per longum œfophagi tubum, recta primum defcendentem ad finifteriora afperæ arteriæ, in pectus venientem retro cor, per intervallum pofterius utriusque pleuræ (LXXVII.), deinde fenfim, paulum dextrorfum, tunc antroorfum flexum, ut fubeat oftium proprium tranfverfi fepti (CCLXII.) in expirationis & inspirationis intervallo. Toti œfophago extus cellulofa tela circumponitur, qua ad vicinas partes laxè revincitur.

DCXX. Per œfophagum cibi promoventur, ut per inteflinum. Fibræ longæ ad cartilagines laryngis adfcendentes dilatant gulam contra defcendentem bolum. Quando vero in gulam receptus eft, ad eam fedem, quæ eum recipit, pariter fibræ longæ gulam elevant & dilatant. Deinde ipfa, qua fedet bolus, œfophagi pars constringitur irritata, cibumque promovet. Robuftus mufculus eft & valde irritabilis.

DCXXI. Id superius ventriculi ostium constringitur agente in inspiratione utroque septi inferiori musculo, sic cibi in ventriculo continentur, ut omnis septi pressio eos sponte ad pylorum determinant. Ita vero accurate ventriculus clauditur, ut sanissimo homini etiam vapores in ventriculo coerceantur, neque nisi ex vitio ascendunt.

C A P. XIX.

VENTRICULI ACTIO IN
CIBOS.

DCXXII. *Ventriculum* vocamus saccum membranaceum, cibis recipiendis natum, in abdomine positum, pone hepar, septum transversum & costas spurias sinistras, figura transversim longiorem, utcunque ovali, vel dolii forma, eo longiorem etiam quo homo adultior est, fetui rotundum totum brevemque. Sed accuratius considerata figura circulares quidem undique sectiones habet, ut tamen in recessu sinistro cæca cavitas sit, obtuse conica, inde versus œsophagum ventriculus late scat, crescantque lumina, & omnium laxissima sint ad sedem œsophagi, inde lente idem ventriculus decre scat, donec contra se ipsum inflexus in pylorum abeat. In amplitudinem multum potest cibi copia, a qua ventriculi cavea augetur; & vicissim a jejuno minuitur. Situs in universum transversus est, ut ta-

men

men œsophagi ingressus posterior sit, finis dexter anterior. Medium corpus hominis, sive adpendix ensiformis, respondet ventriculi sedi fere mediæ; sed etiam dexteriori, & demum pyloro; huic fissura umbilicalis. Teres cum sit, sed incurvus, arcum majorem, convexum, vacuus pendulum habet; plenus antrorsum eminentem peritonæo ostendit. Tunc arcus minor, orificiis interpositus, retrorsum perfecte respicit, complexus lobulum hepatis. Et œsophagus, magis ad horizontem parallelus ventriculo pleno inferitur, vacuo magis ad perpendicularum: & ventriculi finis dexter, in vacuo sursum flexus in pylorum, in pleno ventre retrorsum migrat, atque adeo in homine supino descendit. In vivo homine ventriculi situs propior ei est, quem pleno tribuimus.

DCXXIII. Vicina ventriculo viscera sunt: initio cæco sinistro adjectus, & per multum omentum adnexus lien; curvaturæ minori se inmitens lobulus Spigelii, lobusque sinister hepatis, late se interponens ventriculo & septo transverso, partemque ventriculi anteriorem conprimens, unde infra hepar modica pars ventriculi absque medio septum contingit, costis ibi spuriiis subtensum, vel omnino totus tectus latet; posterior subjectum pancreas; inferius, in vacuo ventriculo, longe adsidens transversum colon; denique & ex minori curvatura enatum omentum minus, cui continua membrana, sed valentior, œsophagum cum septo transverso connectit; &

maius omentum, non tamen toti adnexum ventriculo, sed dexterius cis pylorum deficiens, sinisterius vero in ligamentum continuatum, quo lien & demum diaphragma cum ventriculo committitur. Hæc ligamenta peritonæi propagines sunt, a septo recedentis, conjecti super ventriculum, ipsique tunicam extimam adducentis. Inter ostia anterior pylorus est, & dexterior, & paulo inferior.

DCXXIV. Fabrica ventriculi est in universum, quæ œsophagi, cujus quædam est dilatatio, in nonnullis animalibus undique similis. Membrana *externa* a peritonæo est, firma, limitans reliquas, & robur præstans subjectis fibris muscularibus. Ea educitur in utrumque omentum, eaque sede ventriculus est absque tunica extima. Deinde *cellulosa prima* sequitur, copiosa in ortu minoris omenti, ibique glandulas continens conglobatas, lymphaticas, tum in majoris omenti sede; rarior & brevis in planis intermediis, ut externa membrana ibi cum musculosa cohæreat. In hac vasorum magni rami sedent.

DCXXV. Tunc *musculosa* sequitur, multiplex, nec facillima dictu, aut præparatu. Fibræ quidem longæ œsophagi, ubi ad ventriculum pervenerunt, disjiciunt se secundum omnia latera ventriculi. Aliquæ earum, valentes, ad pylorum excurrunt, per arcum minorem, quæ partim sensim declinatæ, longitudinem secutæ ventriculi, ad planum utrumque descendunt, partim per pylorum in ipsum duodenum excurrunt,

runt, & paulatim evanescunt. Similes aliæ versus faccum cæcum ventriculi finistrorsum descendunt, teneriores eæ. Aliæ porro fibræ eum faccum cæcum ventriculi ambeunt, circellos facientes concentricos, quæ eæ em, sensim auctæ, continuantur cum fibris circularibus reliqui ventriculi; hoc secundum, princeps, stratum fibrarum est. Denique sphincter œsophagi intimus anularibus gulæ fibris continuatus fit fibris ad sinistra œsophagi ortis, ad utrumque vero gulæ latus dextrorsum decurrentibus, quam pene undique amplectuntur, & sensim in longitudinem degenerantes, desinunt, tectæ circularibus secundi strati, atque pene ad pylorum excurrunt. *Ligamenta* vero *pylori* vocantur duæ adstrictiones inter duas curvaturas, quæ pylorum angustant, a fibris longitudinalibus factæ, quæ a ventriculo ad pylorum exeunt, cum membrana externa arctius conjunctis.

DCXXVI. Post musculares fibras sequitur *altera cellulosa* major, facile inflabilis, mollior & amplioribus bullis facta, quam in intestinis solet. In ea vasa, quæ musculosam tunicam perforant, majoribus truncis veniunt, & in angulosum rete dividuntur. Subest *nervea* tunica, alba, firma, crassa, quæ veram ventriculi naturam, ut aliæ nerveæ, proprie constituit. Inde *cellulosa tertia*, satis evidens, cujus rete minoribus ramulis fit quam vasa retis prioris. Hinc sequitur *villosa* tunica, cuticulæ continua, reparabilis, mucosa, mollis, villis brevissime eminentibus, sed rugis amplis,

amplis, sub œsophago stellatis, in medio ventriculo longitudini fere stomachi parallelis complicata. Sed ad finem pylori nobilior ruga est, vulgo *valvula*, a fibris transversis, & a crassiori duplicata nervea tunica facta, & a villosa, ut species anuli nascatur, in duodenum producti, tumetis, lubrici, carnosique, quem latius duodenum complexum ambit. Rugæ magnæ villosæ membranæ ultimo in minores, quasi reticulatas, utcunque quadrangulares finduntur, leves, & facile evanescentes, obscuriores, quam in bilariis ductibus. In ea villosa tota, sed magis versus pylorum, pori aliqui, non semper conspicui, vere a me visi sunt, qui ducunt ad folliculos simplices, sedentes in cellulosa tertia.

DCXXVII. *Vasa* ventriculo multa sunt, & a multis truncis orta, ut in nulla pressione adfluxus intercipi possit, quod facile factum fuisset, si truncus unicus esset. Horum omnium communis mater *cœliaca* est. Sed ab ejus tripode, aut supra divisionem, prima, maxima, oritur *coronaria superior*, uno ramo circumlegens œsophagum, cui, & septo & hepatis etiam, ramos dat; altero sequens curvaturam minorem, anteriori & posteriori trunco in *minorem coronariam dextram*, inosculatur, a dextro ramo cœliacæ in ipsa vena portarum ortam, relegendem curvaturam minorem. Sed eadem dextra propago cœliacæ, postquam retro oriens duodenum descendit, insignem ramum contra majorem curvaturam ventriculi mittit, *gastroepiploicam dextram*, quæ
in

in omento suspenſa, dat utrique plano ventriculi, & majori hujus parti circumductus, inferitur *ſiniſtræ gastroepiploicæ*. Nempe cœliacæ truncus ſiniſter, dum ſecundum ductum pancreatis, & ſecundum lienis ſinum incedit, multos ex ordine in ventriculum ramos dat, quorum primi fere abſque nomine ſunt, ſequentium aliquis, *ſiniſtra gastroepiploica* dictus, & epiploo inſignem ramum, & alios minores mittit, & circa ventriculum dextrorſum redit, inoſculatus dextro ſodali. Alii minores, a lienalibus jam ramis proſecti, furculi ſedem a curvatura majori reliquam adeunt, ad ſeptum tranſverſum uſque; hi *brevia* vaſa vocantur. Neque raro una alterave arteria ex ſplenica in poſterius planum ventriculi, ſub œſophago, venit, in alia a gastroepiploicis linea. Reliquæ arteriæ minores ſunt, pyloricæ ſuperiores ab hepaticis, inferiores a gastroepiploicis, œſophageæ infimæ a phrenicis.

DCXXVIII. His vaſis ea eſt diſtributio, ut externa membrana & carnea breves ramos accipiant, trunci in cellulosa prima ordinentur, & parum diminuti muſculosa perforant, atque inter eam & nerveam membranam majus verumque rete conſtituant, in quo omnes diverſorum truncorum arteriolæ infinitis anastoſis conjunguntur. Ab eo reti breves iterum, ſed numeroſi parvique rami, in tertiam cellulosa villoſamque membranam veniunt.

DCXXIX. *Venarum* rami arterioſis ſocii incedunt. Coronaria major ad ſiniſtrum fere ſemper truncum

truncum portarum venit, cum brevibus vasis & cum gastroepiploica sinistra. Dextra hujus nominis vena confluit cum colica media, & una mesenterico ramo venæ portarum infunditur. Dextra coronaria denique a trunco venæ portarum est. Omnes valvulis destituuntur; & superiores coronariæ, uti arteriæ, cum œsophageis thoracicis, ita venæ cum venæ sine pari ramis inosculantur.

DCXXX. *Nervi* multi & insignes sunt, quos generat octavum par, duobus plexibus œsophago injectum, quorum anterior, minor, ab œsophago in curvaturam majorem planumque antè, posterior major in minorem curvaturam, & cum arteriis ad hepar abit, & ad pancreas, ipsumque septum transversum. In cellulosam alteram usque deduci possunt. Reliqua, & papillæ inprimis, obscuriora sunt. Plurimi vero cum nervi sint, ventriculus eximie sensibilis est, circa gulæ introitum etiam magis, ut acria, quæ lingua non discernit, tamen stomachum subvertant, & intestina multo indolentiora sint, per certa in morbis experimenta, & ipsa nuda cutis minus acute quam ventriculus sentiat. Ligatis nervis octavi paris vis ventriculi, & digestio ciborum deletur.

DCXXXI. *Vasa lymphatica* insignia vidi in curvatura ventriculi minori, ab ejus glandulis orta, & ductui thoracico prægrandi trunco inserta. Alia procul dubio in majori curvatura similibus glandulis innascuntur, & fuerunt clari viri, qui in universo ventriculo lymphatica vasa viderunt.

viderunt. Lactea alia neque vidi, neque facile reciperem illa, nuper descripta, quæ dicuntur a ventriculo per omentum ad hepar ire, & vero chylo plena esse.

DCXXXII. Omnes facci humani poris pertrebrantur inorganicis, per quos inmissa aqua & de ventriculo clauso exhalat, & vicissim in ventriculi cavum penetrat, quando sub aquam missus est. Non ideo in vivo homine eam viam humori patere recipi potest.

DCXXXIII. In ventriculo humano, *mucum* primo plurimum reperimus, inungentem villosam membranam, sobolem pororum DCXXVI. non raro a retroeunte bile tinctum. Deinde ex ventriculo jejunum regurgitat non raro, curvato corpore, *limpidus humor*, omni dote salivæ similis, mucosior, quem purum in ventriculo reperire minus facile est. Ab omni aciditate remotus est, quando a cibis purus haberi potest. Sibi commissus potius in lixivi salis indolem inclinat, tum in homine, tum in animalibus, dum a ciborum acida illuvie separetur, in jejunum animalium etiam magis. Eum arteriæ ventriculi per tunicam villosam destillant, argumento injectionis anatomicæ, qua facillime aqua, gluten, oleum, in ventriculum per infinitos porulos urgeatur.

DCXXXIV. Deinde retinere oportet, ventriculum in plenissimo abdomine comprimi, tamquam in prelo, inter septum transversum, cujus ala sinistra cava hepatis, hinc ventriculo anterior

& superior inminet, & resistentes abdominis musculos, rectum, obliquos, maxime vero transversum. Quo plenior est, eo magis experitur musculorum abdominis actionem, cum eo tempore ad angulum rectum peritonæum contingat.

DCXXXV. Nunc dicendum est, quid in ventriculum recipiatur & quare. CREATOR & dolorem (DLXIV.) & voluptatem homini custodes dedit; illum ad avertendum malum, hanc ut ad utiles actiones invitaretur. Maxime vero homini adsumptio alimenti necessaria est. Cum enim multum quotidie perspiret, cum multum deteratur de ejus vera materie, reparatione utique eguit; ut a fame corpus manifesto consumatur. Sed id celeriore necessitate alimenti fecit, quod sanguis ex sua indole ad falis lixivi naturam proclivis, ad putredinosam acrimoniam perpetuo propius accedat, per motus naturales & necessarios cordis & arteriarum, & per calorem, quo plurimum ad putrescendum animales humores invitantur. Sed etiam coagulabilis sanguinis indoles, quæ multum aquæ per distillationem insensibilem perpetuo amittit, eget aquei elementi restitutione, quo globuli separentur, & a coagulatione ferventur.

DCXXXVI. Demonstrantur hæc & per suas causas, & per phænomena hominum, & animalium fame enectorum. Iis enim commune est, acrem, sætentem, animam halare, dentium vacillationem ab erodente falsedine pati, & dolores in ventriculo enormes, febres acutas, rabiem veram.

ram. Hæc mala eo velocius ingruunt, quo corpus vehementiori motu magis exercitum, & robustius fuerit, & magis juvenile: lentissime in phlegmaticis, quiescentibus, neque multum perspirantibus, neque sanguinem valide moventibus, denique in senibus. Qui dein absque cibo fuerunt, ii etiam vixerunt absque corporis exercitio, & plerumque nervorum vitio laborarunt.

DCXXXVII. Novus chylus, ex acescente ut plurimum vegetabilium classe conpositus, sanguine perpetuo tenuior, in ejus fluentu non receptus, temperat acrimoniam putrescibilem, diluit imminens coagulum, reducit massam omnem in eam mediocritatem salinæ naturæ, quæ homini naturalis est: addit denique, inprimis ex carnibus animalium, tum ex farinosis cerealibus, novam lympham gelatinosam, quæ per suas causas (DCCCCLIX.) adposita detritarum solidarum partium lacunis, jacturam reparet. Potus coagulabilem sanguinem diluit, putredinem etiam impedit, dum putrescentes particulas dispergit. Hinc diu absque cibo vita toleratur, dum potus non desit; absque potu vita paucorum dierum est.

DCXXXVIII. Ad cibum capiendum & dolor invitat, qui *fames* vocatur, & voluptas, quæ in gustu percipitur (CCCCLV.) Et illa quidem fit procul dubio a plicis ventriculi contra se invicem adtritibus, quarum acer sensus est, a motu peristaltico, a motu septi transversi & muscutorum abdominis, ut nudi adeo nervi, nudis nervis ad-

fricti, super omnem tolerantiā doleant. Ita efficaciter & monetur de periculo inediae homo, & cogitur ad procuranda per suos labores alimenta. Aliquid forte liquidum gastricum addit, acrius factum, nisi id putrescit.

DCXXXIX. *Sitis* sedes est in lingua, faucibus, œsophago, ventriculo. Quamprimum hæ partes, valde sensiles, & naturaliter suis mucosis & salivosis humoribus perpetuo humectatæ, siccantur ex defectu secretionis novæ humorum similitum, vel a salibus muriaticis, alcalescentibus, ibi hærentibus, oritur sensus multo magis intolerabilis, ut periculum a siti majus est, non remissurus, donec reparata aquæ in sanguine abundantia, restituta libertate vasorum secretoriorum in iis, quas nominavi partibus, irrigentur eadem. Hinc scitur, quare sitis a laboribus, qui aquam perspirando distillant; quare eadem in febribus, ubi obstructa sunt vasa ad linguam faucesque halantia. Quare aqua simplex sæpe minus sitim sedat, melius vero fluida subacida, quæ non irrorent solum, fluxili solatio, sed blanda linguæ & oris vellicatione retentos humores provocent, & putredinem una temperent.

DCXL. His causis ad capiendum cibum potumque impulsī mortales ab omni tempore, ex vegetabilibus & animalibus, hæc vitæ præsidia quæsierunt, ut ex tertio ordine fere aqua & sal unice accederet. Et probabile sit, primum selectum ciborum per experimenta factum esse, prouti odor & sapor ad aliqua vegetabilia invitaret,

ret, & virium inde subsequens robur eorum utilitatem confirmaret. Sensim, cum bestię hominibus agricolis molestę essent, & sola vegetabilia ad labores non sufficerent, serius carnes animalium additę sunt. Nunc infinita vis est eorum corporum, quę vel alimenti, vel condimenti gratia, in cibum recipiuntur.

DCXLI. Et si exempla sint hominum & populorum, qui cibis ex unica classe sumtis, solis nempe vegetabilibus, solisve animalibus, et nonnunquam ex paucissimis speciebus unius classis, & denique solo lacte solove ejus sero vitam sustentarunt, videtur tamen & natura fabricę humanę requirere, & necessitas per experimenta cognita jubere, ut ex duobus imprimis alimentorum generibus vitam alamus, ita inter se contemperatis, ut neutrum modum excedat; quam mediocritatem ipsum fastidium nos docet, quod nimiam continuationem alterutrius generis ciborum sequitur.

DCXLII. Carnes animalium requirunt dentes in utraque maxilla, ventriculi humani fabrica, similis carnivoris, cæcum intestinum breve & parvum, necessarium robur. Solę enim carnes lympham gelatinosam jam paratam continent, quę ex fractis vasculis effusa, in sanguinem multa, & facile transeat. Absque carnibus summa debilitas, & corporis & ventriculi, & diarrhęa perpetua solet molesta esse. Cum herbivoris animalibus homo amplis longisque crassis intestinis convenit.

DCXLIII. Vegetabilia edulia pleraque acefcen-
tis indolis funt, pauca vel alcalefcunt, vel plena
funt aromate. Pauca habent id gelatinofum, in
fanguinem fponte fua rediturum: & unice nu-
triunt farina, pauca, poft multas in circulum
obitiones demum in humores indigenas mutabili.
Requiruntur tamen, ne folis carnibus paftus ho-
mo fanguine repleatur, & nimio, & nimis pu-
trefcibili, qualis in anthropophagis certa fide re-
gnat, & fcorbutum facit, & ferocitatem, fæto-
rem, lepram, corruptionis lixivæ omne genus,
quæ omnia mala mutata diæta & vegetabili aci-
dulo victu unice fuperantur. Hinc pauci dentes
canini homini dati, & adpetitus in fano, & in-
primis in ægro, ad vegetabilia acidula eo fortior
eft, quo calidior temperies, anni ætas, & regio
fuerit. Hinc in æftuofiffimis regionibus fere ve-
getabilibus vivitur, carnibus vero aut raro, aut
cum periculo, in frigidis tutius & minori cum
malo. Hinc panis, aut farinofus cibus pani ana-
logus, in toto orbe receptus eft.

DCXLIV. *Potum* optimum aqua præbet, ab
omni fale pura, neque aere feta, qui fermenta-
tiones cieat. Eam montanam utique, per are-
nofa fluentem, frigidiffimam, limpidiffimam,
leviffimam, infipidam, merito prætuleris. Quo-
ties aut aqua pura deeft, quod vitium in planio-
ribus locis frequens eft, aut vis aliqua ventricu-
lum ad conftriktionem ftimulans, vel aromatica
requiritur, tunc vinum eam fubpeditat, ex uvis
inprimis, fed etiam ex pomis pirifve factum,
poft

post fermentationem limpidum, plenum alcohole, in aqua et acido fale diluto. Simile aliquid, non absque alcohole, sed flatulentius, vappidius, frigidius, ex cerealibus tostis, aquæ incoctis, per fermentationem paratur, ubicunque uvæ non maturescunt.

DCXLV. Condimenta varia homines excogitaverunt: falem, acetum, acida varia, ad putrescentiam carnum corrigendam; piper, acria aromata, alliata, ad confirmandum ventriculum, quem perpetua vegetabilia debilitant; saccharum, falem; aromata gratiæ causa, aut condituræ addiderunt. Hæc omnia non nutriunt, cum & gelatinosa lympa destituantur, & farinoso alibili. Spiritus vini & frumenti, medicamenti locum tenere possunt, ad potum inepti.

DCXLVI. Præparationes, pro gentium, climatum, temporum diversitate cibis variæ adhibentur, quibus cruditas emendetur, fibræ solidæ tenerescant, aer nimius expellatur, acôr ingrator temperetur, gratia concilietur. Sed carnes tamen inprimis, & vegetabilium multa, aliqua egent trituratione, in homine maxime, cui parum carnosus est ventriculus, neque tamen cibi mora diuturna in ventriculo putrescere debent.

DCXLVII. Mensuram cibi finis famis determinat, quæ sit pro varietate corporum varia. Magis alit cibus animalis & farinaceus: alia alimenta copia debent subplere, quod viribus alentibus deest. Aliquanto parcior in universum victus melius nutrit: nisi multus labor accesserit.

DCXLVIII.

DCXLVIII. In hunc ergo ventriculum dimit-
tuntur cibi, sæpe pene crudi, & parum mandu-
cati, varii generis, alcaliscentes carnes, rance-
scens pinguitudo, acescentia vegetabilia, panis &
lac, glutinosa. Foventur hic in calore, qualis
incubantis ovi est, a corde, hepate, liene vicino:
in loco & superne clauso (DCXXI.) & inferne ob
adscensum pylori, angustiam valvulæ ibi positæ,
vim fibrarum pylorum constringentium, ut etiam
aliquot horis a pastu in validis animalibus, ipsum-
que lac in ventriculo unice maneat, neque in in-
testina transeat. Porro in loco humido cibi ma-
cerantur, cum multo aere, vel inter deglutien-
dum absorbto, vel cibis misto. Is ergo aer, ex-
pansus vi caloris, vi putredinis, vel fermentatio-
nis, frangit undique cellulas, quibus includitur,
viscidas bullas adtenuat, fibras integras debilitat,
spatium subituro humori parat. Sed is etiam aer,
qui princeps gluten partium solidarum animalium
est, emergit ex intimis, elementa relinquit abs-
que vinculo, argumento eorum, quæ in Papini
lebetes, in ventriculo animalium, & ipsius etiam
hominis, adparent. Idem aer liberatus ventricu-
lum distendit, magis quam cibi moles, *flatuum*
nomine. Una cibi incipiunt corrumpi in nause-
osum liquamen, acescens sæpe, alias, sed lenius
in homine, putrescens, ob vim panis, salisque, vel
rancefcens, ut adparet argumento flatuum, ru-
ctuum erumpentium, varie fætentium, etiam in-
flammabilium. Hæc causa sola digestionem per-
ficit in genere piscium, serpentum, & serè in a-
vibus

vibus carnivoris. Hinc ipsa in homine metalla diuturna mora mollescent, eroduntur. Una famēs perit, nerveis rugis a mutuo contactu defensis interposito cibo, obtuso acriori liquido gastrico; & forte ab ipsa nauseosi nunc liquaminis ingrata nervis præsentia.

DCXLIX. Ne vero in plenum acorem cibi degenerent, inpedit calor ipse putrescibilis, vis adfusi liquidi gastrici, deglutitæ ad semunciam in hora salivæ, potius alcaliscentium, bilis certe frequentissime in ventriculum redeuntis; Et ii liquores intertriti cibum macerant, molliunt, membranas ipsas discerpunt, cellulosa vincula resolvunt, pulpas liquefaciunt, ut alias aqua calens & mora solet, succum extrahunt sibi que miscent. Nulla ideo fermenti hic species est, a qua aliena est indoles liquidi, naturæ finis. Et tamen solus humor ventriculi, cum longiori mora, in piscibus etiam ossa devorata resolvit.

DCL. Nam sollicitatæ a flatu, pondere, acrimonia cibi, fibræ carneæ ventriculi irritabiles incipiunt nunc vehementius, quam in vacuo ventriculo, constringi, eo potentius, quo plenior est ventriculus, cujus rotundus tumor has fibras tendat. Et planum quidem arcus minoris pylorum ad œsophagum adducit, cumque sinistræ ejus faciei unice inferatur, eam ad dextram accedere cogit. Fibrarum circularium princeps stratum cavitatem ventriculi angustat, cibos interterit cum liquidis DCXXXIII. & aliquantum, quasi inter manus obpositas premit, atque ad pylorum

lorum sensim promovet. Non continuo vero finit effluere, tum ob causam DCXXVI. tum quod hic motus a loco magis irritato incipiat, & perinde cibos sursum repellat, uti alias ad inferiora eos urget. Contracta sedes ventriculi in vicinam dilatatam cibum promovet, & vicissim laxatur, quando ea altera constringitur. Alternæ hæ contractiones denique in plenam evacuationem terminantur. Nihil in hoc motu tritui simile est, qualem aves exserunt granivoræ, edentulæ, & quem ad hominem aliqui scriptores transtulerunt: Et tamen robur habet, & exemplo est fibrarum, quæ multo, quam una tertia breviores fiunt; frequens enim est visu ventriculus multo, quam ad tertiam partem diametri, & ad unciaë denique latitudinem diminutus, aptus denique promovendis acubus. Neque baccas tamen, aut mollissimos vermes conterit.

DCLI. Potentior vi peristaltica ventriculi ea est, quam septum transversum & muscoli abdominis exercent; ea enim perfectius ventriculum evacuare, planumque antè ad posterius proxime adducere valet. Hæc etiam vis inprimis potum continuo, cibos vero, quando molliti, neque nunc nimis pro valvula pylori crassi sunt, per eum pylorum, in ventriculo pleniori inclinat, ad duodenum expellit. Non prius vero cibos prodire vidi, quam amissa fibrosa, aut alia propria fabrica, in mucosum, quasi cineritium, flavescens subætudum pultaceum liquamen resolutos.

lutos. Quod primum paratum est fluidumque, id præit: hinc omnium primo aqua, & lac; deinde olera, ultimo carnes sequuntur. Duriore, tenaciores, longiores pelles fibræque una transeunt immutatae, & dura, sed crassa, pro pylori portione, corpora diutissime retinentur.

DCLII. Potus autem non minima portio in ipso ventriculo reforbetur in venas pendulas, hiantes, similes arteriolarum exhalantium DCXXXIII. & in sanguinem breviori via recipitur, manifesto argumento ab injectionibus repetito. An aliquid in lymphatica etiam venit DCXXXI?

DCLIII. A copia nimia ciborum, & acrimonia, aut nausea, a bile retroeunte, aut alia causa, irritatus ventriculus motu antiperistaltico cibos sursum repellit, &, per patulum laxatum œsophagum, reddit vomitu. Sed adjuvat vis abdominalium muscutorum, qui ventrem comprimunt, costas adducunt, dumque contrahitur descendens diaphragma, fortissimo conatu inter prelum quasi elisum ventriculum evacuant.

DCLIV. Verum naturali via ad duodenum compulsum cibum offendit ibi bilem, non raro in ipsum ventriculum refluxam, & succum pancreaticum. Illius præcipui digestivi liquoris indoles requirit historiam eorum viscerum, quæ sanguinem suum venæ portarum tradunt.

C A P. XX.

O M E N T U M.

DCLV. *Peritonæum* dicitur membrana firma, simplex, qua omnia viscera abdominalia coercentur. Id intus levissima superficie, exhalante, rorida, in vitiosa vincula frequenter concrescibili, extus tela cellulosa undique ambitur, laxissima & obesissima ad renum sedem, brevissima ad musculorum transversorum inferiorem tendinem. Incipit a septo transverso, quod totum sublinat, & inter fibras carneas costales ultimas, atque lumbales externas, id septum solum cum pleura perficit, cum qua per varia foramina septi continuatur. Descendit posterius ante renes, antè retro abdominis musculos, demergitur in pelvim ab ossibus pubis, insidet vesicæ, retro eam descendit, iterumque ad ureterum ingressum duabus lunatis plicis retrorsum delatum, ante rectum intestinum conjungitur cum parte sua, quæ lumbos vestiebat, & eo loco ante rectum intestinum est.

DCLVI. Cellulosa tela exterius peritonæo circumposita plurimis locis in vaginas continuatur, quarum una utrinque testem recipit : alia vasa iliaca, aliæ intestinum rectum, & vasa majora pelvis, & obturatoria, & penem, vesicam, & aortam, & gulam in pectus adscendentes & vertebrae comitantur, quarum ope cum universo hominis

hominis corpore commercium est cum peritonæo, in hydropicis memorabile.

DCLVII. Sed varie educitur, ut viscera operiat. Breves quidem productiones sunt, quas *ligamenta* vocant: & quæ peritonæi duplici continua productione fiunt, recedente ab ejus facie interna, mediam complexa telam cellulofam, accedente ad viscus suum: ibi separantur laminæ, & diductæ viscus amplectuntur, media vero cellulosa subjicit se membranæ huic *tunicæ*, & visceris carnem veriore cum ea conjungit. Hujusmodi breves productiones tres ad hepar, ad lienem una vel duæ, ad renes suæ pariter perveniunt, adque latera uteri vaginæque. Ita viscerum tenera natura in motu & concussione defenditur, & tota moles, ne ponderosa vagetur sibi-que noceat, contra firmum peritonæi parietem tutissime religatur.

DCLVIII. Omnium vero nobilissima productio peritonæi est, quæ *mesenterium* dicitur, & *mesocolon*, cujusque descriptionem non oportet separare, etsi difficilis sit, quæ verbis depingatur. Ergo primo simplicius dicendum *mesocolon*. In pelve peritonæum ante rectum intestinum breviter se conjicit. Sed ubi hoc intestinum in flexum semilunarem laxatur, ibi peritonæum longe a mediis vasis iliatis, psoæque fede, elevatur, duplex (DCLVII.), & in eam figuram factum, quæ cavo colo intestino aptetur. Sed superius, in sinistro tamen latere, colon fere absque media productione, quæ libera sit, conjungitur

gitur peritonæo, pfoæ musculo instrato, ad sedem usque lienis, ubi hoc ipsum peritonæum, quod tunicam colo dedit, sub liene tensum, cavo superiori recessu id viscus recipit, firmatque.

DCLIX. Inde peritonæum, & a rene sinistro & ab utriusque renis intervallo, magnisque vasis, & a rene dextro, emergit antrorsum, sub pancreate, & continuum producit latum satisque longum *mesocolon transversum*, quod ad septimum modum partem abdominis superiorem, in qua ventriculus, lien, pancreas & hepar sunt, ab inferiori dividit. Hujus inferior lamina, simplex, a dextro mesocolo in sinistrum continuatur, & satis magnæ parti duodeni imi, & descendens, pro externa membrana est. Superior vero, impedita magis, a rene & venæ cavæ sede abscedit de peritonæo lumbari, dexterius quam duodenum, dat ei externam laminam, non penitus ad pylori usque valvulam, & trans hoc intestinum, transque colon, cum inferiori lamina conjungitur, ut magna pars duodeni in cavitate mesocoli sit. Deinde ad sedem hepatis mesocolon inflectitur, & porro secundum ejus lateris renem descendens, multo brevius, colon dextrum continet, ad cæcum usque intestinum, quod iliaco musculo insidet, & cujus adpendicula proprium, longum, falcatum mesenterium nactum est. Ibi terminatur mesocolon, fere ad divisionem aortæ.

DCLX. Totum mesocolon, & totum mesenterium cavum est, & potest inter duas laminas
sibi

fibi similes aer adigi, ut in faccum se expandat. Qua intestinum colon idem sustinet, etiam de recti intestini parte continuum cum membrana extrema intestini mesocolon abit in bursulas tenues, omenti similes, plerumque geminas sine suo libero crassiores & bifidas, aerem inter mesocoli laminas impulsam admissuræ.

DCLXI. Inde porro *mesenterium* sequitur, amplissima, plicata productio peritonæi, transverso mesocolo & dextro continua, ad latus dextrum emergentis duodeni, indeque longe mesocolo utrique ad pelvim usque exeuns. Mesenterium, sub transversæ mesocoli parte dexteriori, a sede peritonæi, quæ aortæ incumbit, sub pancreate descendens, infinitis in ambitu plicis, longissimam seriem tenuium intestinorum continet.

DCLXII. Mesenterii, & mesocoli sedes omnes, & eo magis, quo longiores fere sunt, adipem habent, collectum in intervallo necessario duarum laminarum; & interjecta vasa circum adipem ludentia, quem arteriæ separant, venæ, ut dicitur, reforbent; tum numerosissimas glandulas in juniore homine magis conspicuas.

DCLXIII. *Omentorum* natura mesenterio satis propinqua est. Multæ autem particulæ sunt, quæ hoc communi nomine veniunt, fabrica & utilitate pares, omnes tenera factæ membrana, facillime lacerabili, per quam vasa reticulata incedunt, secundum quorum ductum adeps in strias dispositus sedet. Hæc membrana semper duplex est, & inter ejus lamellas, tenerrima cellulosa
tela

tela arcte conjunctas, vasa repunt, & pinguedo congeritur. Et primum, ubi ren summus dexter, & hepatis lobulus caudatus, subjectis vasis magnis, & duodenum intestinum in angulum conveniunt, ibi externa membrana coli, quæ a peritonæo est, & conjuncta duodeni membrana, quæ & ipsa quam proxime a peritonæo oritur, incumbente reni, retrorsum in hepatis fissuram transversam longe se inmittit, continuatur ejus externæ tunicæ, vesiculam fellis continet, vasa hepatica fundat, flava tota & lubrica. Pone hanc membraneam productionem, inter hepar dexterimum & hepatica vasa, portarum venam, ductus bilarios & arteriam vicinumque duodenum, ostium naturale est, quo flatus in omenti eam, quæ dicetur caveam, late recipitur, deinde & in reliquorum omentorum faccos.

DCLXIV. Inde, continuo cum hac membrana ductu (DCLXIII.), a pyloro, & a curvatura ventriculi minore, membrana externa hepatis & ventriculi ita conjunguntur, ut ex fossa ductus venosi membrana hepatis tenera, trans lobum minorem, in ventriculum continuetur, prætensa lobulo, & pancreati. Hoc *minus omentum* est, *hepaticogastricum*, quod conum, recepto flatu, refert, & sensim durius, emaciatum, in verum ligamentum abit, quo œsophagus cum septo transverso conjungitur (DCXXIII.).

DCLXV. Sed majus omentum *gastrocolicum*, longe amplius est. Incipit ad arteriæ gastroepiploicæ dextræ primam ad ventriculum accessio-

nem,

nem, a lamina superiori mesocoli transversi (DCLIX.) ibi continuatum, deinde a ventriculi curvatura majori tota ad lienem usque, porro a gibbo ventriculi dexterrimo versus lienem, donec & ipsum in ligamentum abeat, quod lienem summum, postrenum, & ventriculum conjungit. Hæc *anterior lamina* est.

DCLXVI. Ea fluctuat, deorsum producta, ante intestina, modo ad umbilicum, modo ad pelvim usque, pone abdominis musculos, donec ex ima acie contra se ipsam revoluta adscendat, media inanitate ab anteriori lamina remota, & in coli transversi externam membranam longissime, & denique in lienis sinum continuetur, qui vasa magna recipit, inque gula sub septo transverso finiatur. Pone ventriculum, ante pancreas cum cavea minoris omenti continuatur.

DCLXVII. Huic omentum *colicum* cohæret, quod dexterius oritur, quam prima a mesocolo origo omenti gastrocologici, cum ejus cavea continuum, sed a solo colo ejusque membrana externa natum, quæ duplex abscedit ab intestino, producitur, & conico fine, modo longius, modo brevius, supra cæcum intestinum terminatur.

DCLXVIII. Omenti utilitas multiplex est. Communis quidem cum mesenterio est, laxa spatia parare, in quæ adeps effundatur, & adfervetur per somnum & quietem, ut per motum majorem dissolvi, venisque sorbentibus reddi possit, & bilis principem portionem constituere. Hinc modo crassissimum reperiatis, ad pollicem, modo

tenue, charta longe pellucidius. Nam in venas adipem recipi, demonstrant omenta hominum diversissima mole & pinguitudine reperta, prout ii vel segni vita, vel laboriosa aut morbida fuerint; phænomena in brutis animalibus; analogia reliqui per universum corpus humanum adipis (XX.); exemplum in ranis, in quibus ista resorbtio oculo usurpari potest; natura bilis manifesto inflammabilis. Huc refero vitia digestionis, cruditates, frigus ventriculi, a resecto omento observata.

DCLXIX. Omnis enim sanguis, qui ab omentis & a mesocolo redit, is omnis in venam portarum convenit, & adeo in hepar ipsum. Et omentum quidem gastrocolicum sanguinem habet ab utraque gastroepiploica arteria, per plurimas descendentes, & reticulatas propagines, quarum longiores sunt, quæ maxime laterales; imæ minutis ramis cum coli arteriis coeunt. Accedunt a splenicis duodenalibus & adiposis furculi. Colicum omentum a colicis arteriis, perinde ut illa minora DCLX. vasa habet, tum a duodenali, & a dextra epiploica. Omenti minoris arteriæ sunt ab hepaticis, a coronaria dextra, a sinistra.

DCLXX. *Nervos* omentum perexiguos habet, ut indolens & pingue, eos vero ab octavi paris nervis natos, tum in majori, tum in minori curvatura ventriculi.

DCLXXI. Mesenterii arteriæ eadem in universum sunt, quæ etiam intestina adeunt, & quarum minores rami in glandulis & adipe mesente-

rii manent. Accedunt minores variæ, ad mesocolon utrumque arteriæ, ab intercostalibus, spermaticis, lumbalibus, capsularibus, ad transversum a splenica arteria, a pancreatico duodenali; ad mesocolon sinistrum ab aortæ ramulis, glandulas lumbales adeuntibus.

DCLXXII. *Venæ* omenti in universum sociæ arteriarum, & in similes truncos confluunt; in splenicum quidem ab omenti gastrocolici parte sinistra, & ab hepaticogastrico, quod etiam ad truncum venæ portarum sanguinem mittit; in mesentericum vero truncum a gastrocolici omenti dextra parte majori, a colico, & ab adpendicibus epiploidibus. Mesentericæ venæ omnes in unam confluunt, quæ verus truncus venæ portarum est: in duos primo magnos ramos collectæ, quorum alter mesentericus gastroepiploicam venam, colicasque medias, & ileocolicam, & tenuium intestinorum omnes venas ad duodenum usque recipit; alter, qui transversim euns priori se super oriens duodenum inmittit, sanguinem revehit colicarum sinistrarum venarum, & recti intestini, exceptis infimis, quæ partim a vesicalibus sunt, partim ab hypogastricarum ramis pelvi exeuntibus. Ista vena, quæ *hæmorrhoidalis interna* dicitur, nonnunquam in splenicam potius, quam in mesentericam se inserit. An & *lymphatica* habet omentum? Certe & in minori omento, & in gastrocolico glandulæ conglobatæ sunt, & veteres observatores vasa pellucida in

omento viderunt, & nuper, qui pro lacteis ventriculi habuit.

DCLXXIII. Alia omenti utilitas est, interponere se intestinis & peritonæo facile concreturis, priorum mobilitatem integram servare, tum super se ipsa, tum super peritonæum, adtritum minuere, fibras musculares blandissimo oleo obungere. Ideo etiam in infectis multus intestinis adeps circumfunditur. In crassis intestinis plurimæ adpendices sunt, quod & majores lacertos nacta sint, & non omnia omento tegi possint. Sed etiam vasa ordinat idem, ea perfert & stabilit, viscera vicina connectit, vaporem mollem exhalat, qui, mistus cum aqua exhalante abdominali, viscera omnia inungit, & lubricat.

DCLXXIV. Mesenterium intestina fundat, ut cum stabilitate mobilia sint; vasa sanguinea & lactea nervosque fulcit, & tuto perfert, glandulas, ut alibi dicetur, locat, membranam externam intestinis induit, omenta pleraque producit.

DCLXXV. Sed præterea sanguis per venas mesentericas refluxus, & per mesocolicas, adfert ad hepar præcipuam aliam bilis partem, nempe aquam equidem copiosam, subalcalicam, ex omnibus intestinis tenuibus resorbtam, ut suo loco demonstrabitur. Deinde a crassioribus intestinis aquam etiam, sed putridiorem, fætidam, alcalinæ volatili naturæ proximam, de fæce alvina, jam olida, resorbtam, hepati tradit, quam sua etiam experimenta, & vel sola siccatio fæcium diutius in alvo retentarum, facile revincunt.

Hæc

Hæc enim aqua & ex sua indole fluida est, atque fluidior per putredinis initium: contemperat ad eo lentorem olei omentalis, mesenterici, & a coagulatione fervat. Sed addit inprimis bili rancidum illud, alcalinum, quo abundat, unde mira tenuitas, vis tinctoria, saponacea bilis, pene unice pendet.

C A P. XXI.

L I E N.

DCLXXVI. *Lien* & ipse inter viscera est, quæ ad hepar sanguinem suum mittunt. Pulposus, cruentus, livens, crassulus; circumferentia ovali, sæpe per marginem incisus, etiam in lobos divisus; hinc ad costas convexus, inde cavus; duabus facieculis anteriori, & posteriori, quarum illa ventriculo, hæc septo transverso objicitur; per ingressum vasorum divisus; extremitatibus duabus, quarum inferior & anterior acutior est. Ventriculo per omentum minus, & ligamentum superius connexus, sustentatus a proximo colo, & a ligamento DCLVIII. posterius capsulam adtingit, renique per peritonæum connectitur. A septo transverso peritonæum etiam recipit, ligamenti nomine, in sinus cavi sui partem posteriorem, retro vasa. Situs variabilis est, & ventriculum sequitur. Quando is inanis est, tunc lien magis ad perpendiculum ponitur, & finem habet superiorem & inferiorem. Quando repletus

repletus ventriculus media curvatura antrorsum adfurgit (DCXXII.) tunc una lien situm mutat, & extremitates habet anteriorem, & posteriorem, ut pene transversus sit. Sic moles ejus, cum sit mollissimus, laxior est & amplior cum vacuo ventriculo, ab eodem pleno contra costas expressus inanitur. Hinc magnus in languidis; in subito enectis validisque corporibus parvus est. Sed etiam cum septo transverso descendit in inspiratione, cum expiratione adscendit, & alioquin frequenter situ cum colo ludit. Frequenter alter lien minor genuino ad det, etiam plures.

DCLXXVII. *Vasa* lien magna habet pro portione sui ponderis. Truncus arteriosus a cœliaca est, cujus sinister ramus, supra & pone pancreas, serpentino flexu migrat, & datis ad pancreas, mesocolon, ventriculum, omentum ramis, secundum fulcum lienis incurvatus, sustentatus omenti gastrocœlici sine dextro, multis ramis lienem quasi perforat. Densitas huic arteriæ major est quam aortæ. Vena fœcia, insigniter & fere super aliarum venarum conditionem mollis, cæterum ejusdem cum aliis venis fabricæ, princeps sinister ramus venæ portarum est, & præter ramos fœcios arteriosorum, coronariam magnam, retro pancreas descendentem recipit, & nonnunquam hæmorrhoidæ internæ. Brevia vasa, a lienalibus, alibi dicta sunt; denique furculi a lumbalibus, phrenicis, intercostalibus, capsularibus exigui accedunt in ligamenta, membranas.

Sic

Sic etiam venæ lienales, brevesque cum capsularibus, renalibus, phrenicis, communicant.

DCLXXVIII. *Vasa lymphatica*, quæ describuntur in *duplicatura* membranæ lienis, sed ea nulla est, & dicuntur porro ad chyli receptaculum abire, in vitulis manifestissima sunt; in homine flatu sub membranam dato, vel maceratione, aut aqua in arteriam impulsâ, conspicua redduntur.

DCLXXIX. *Nervi* lienis exigui sunt, ut & ipse parum dolet, & rarissime inflammatur. Oriuntur a plexu peculiari, composito ex nervi octavi paris ramis posterioribus DCXXX. & ex propriis ramis magni gangliiformis plexus, quem intercostalis nervi splanchnicus truncus producit; & arteriam lienalem ramulis obnubunt.

DCLXXX. Fabricam lienis multo, quam vulgo creditum est, simpliciorē esse adparuit. Fit enim unice & in homine, & in vitulo, arteriis venisque; illis inprimis ramosis, subdivisis, ramis magnis paucioribus, plurimis minimis, in mollissimos dēnum, ægre replēdos, confertim productos furculos terminatis, a quibus in venas comites facilis transitus est. Hos vasorum cum suis parallelis ramulis quasi penicillos, utcunque subrotundos, pro glandulis varii auctores habuerunt. Neque in legitima repletionē materies in ulla intervalla effluit, neque certa fide unquam sunt ostensæ cavæ glandulæ. Quivis trunculus arteriosus, & qui inde oriuntur rami, cellulosam teneram telam, ut ubique in visceribus, circumpositam

positam habent, hic potius molliorem. Totam molem extus ambit unica, non duplex, neque durissima membrana, peritonæo continua, crassiori cellulositate cum lienis carne conjuncta.

DCLXXXI. Docet etiam observatio, in liene sanguinem plurimum inter omnia viscera esse, cum nullus musculus, nec adeps, nec ductus excretorius, neque aereum vas, se vasis rubris interponat. Is sanguis vix unquam coagulatus, aliquid fusci habet, & dilutione, colore, aquæ majori portione cum sanguine fere fetus comparari potest; aqua vero & sale volatili abundat, olei minus plenus.

DCLXXXII. Absentia ductus excretorii fecit, ut omni tempore de utilitate lienis quæsitum, dubitatum, pugnatum sit. Nobis videtur hæc magis respondere fabricæ, etsi forte non omnia munia lienis complectuntur. Sanguis multus in lienem fertur, (DCLXXVII.) & lentius ob arteriam duram & serpentinam motus. Sed eo tempore, quo ventriculus inanis est, & copiosior advenit, & minus pressus in liene retinetur, stagnat utcunque ob maximam, quæ hic adesse videtur, ramorum ad truncos rationem, & difficilem aliunde sanguinis lienalis circulationem per angustias hepaticas. Inde creberrimi in liene scirrhi; inde ea inmensa vis sanguinis, qua lien totus turget, & quæ in non alio viscere tanta reperitur. Hinc sanguis in loco calente, putridis faecibus vicini coli foto, resolvitur, adtenuatur, initium quoddam putredinis induit, coloris argumento,

gumento, & fluidæ naturæ. Eo fluidior vero est, quod nullum vas secretorium lieni inest, atque adeo venam omnis aquæ portio subit, quæ in arteria fuit.

DCLXXXIII. Deinde, quando ventriculus cibis flatuque repletur, tunc lien in angustum spatium comprimitur contra resistentes costas & incumbens septum transversum, & sanguis, qui lente & parca copia per venam lienalem redibat, confertim nunc ex liene exprimitur, celeriter ad hepar redit, admiscetur sanguini pigro, adipe pleno, omentali, & mesenterico, (DCLXIX.) hunc diluit, a coagulo, stagnatione conservat, & una abundantior bilis secretionem facit, tunc quando maxime hic liquor ad præsens digestionis opus requiritur. Videtur ergo ad bilem conferre aquosum aliquid, sed forte subalcalinum, ex mora acrius.

DCLXXXIV. An cellulosa fabrica lienis? an effusus in eas cellulas sanguis stagnat? aut diluitur succo aliquo, in propriis glandulis secreto? Nihil hujusmodi demonstrat anatome, neque ex arteriis exit non nimia vi impulsus liquor, aut cera. An acidus pro ventriculo succus in liene præparatur? Exolevit ea opinio, adversa toti consensui liquidorum humanorum, exclusa a viæ defectu. An inutilis lien, idque demonstratur ex non maximis malis, quæ patiuntur animalia, hoc viscere privata? Robustum animal modicam jacturam minus percipit; & tamen exempla sunt, tumidum inde & vitiosum hepar, bilem
 Z z pauciorē,

pauciozem, magis fufcam, flatufque moleftos fucceffiffe, quæ referas ad mutatam bilis naturam, obftructionem hepatis, vires digestionis, debilitatas, dum per repetita experimenta confirmantur.

C A P. XXII.

P A N C R E A S.

DCLXXXV. *Pancreaticus fuccus*, aquofus, infipidus, tenuis, neque acidus, neque lixiviofus, eodem loco excernitur, quo bilis advenit.

DCLXXXVI. *Pancreas*, falivalium maxima, prælonga glandula eft, fupra mefocoli tranfverfi laminam inferiorem, quæ trans pancreas pone ejus laminam fuperiorem, pone ventriculum, ante lienem, fub hepate & pone idem ad inferiorem laminam accedit, ante capfulam finiftram & aortam pofita, planiufcule triangula, linea fuperiori levi, a peritonæo veftita, cui pofteriori, & inferiori, vacui ventriculi pofterius planum infidet. Incipit ab ipfo liene, dextrorfum fere tranfverfum, & antrorfum, emergit, trans vertebraſ, ad dextrum latus vertebrarum latefcit, receptum inter laminam fuperiorem mefocoli tranfverfi & inferiorem (DCLIX.) & rotundo capite duodeno toti ita innafcitur, ut ipſi fit pro meſenterio. Fabrica, quæ falivalium glandularum, ex acinis rotundis, duriufculis, multa celuloſitate connexis. *Vafa*, multa potius quam magna,

magna, a splenicis pleraque vasis sunt; dexteriora vero & a prima duodenali, & ab inferiori alia, quæ duodeno cum pancreati communis est, quarum utraque ab hepatica nascitur, & quarum prior & cum altera inosculatur, & utraque cum mesenterica, quæ & ipsa ramos non exiguos huic glandulæ dat, minutos vero capsularis & phrenica. *Nervi* non magni sunt, unde vix sensibile est, a plexu posteriori ventriculi, ab hepatico & a splenico nati, &c.

DCLXXXVII. *Ductus* per hanc glandulam totam medius quasi decurrit; albus, tenerque, infinitis undique radiculis ortus; quare sensim auctus, ante venam portarum & arteriam mesentericam emergens, recepto ramo majore a latiori parte pancreatis, sequente progressum duodeni, advenit ad eandem sedem duodeni intestini; quam ductus choledochus adit, descendit, mutato ductu, & in sinum inter tunicas intestini productus, intus levem, recepto choledocho continuatus, aperitur in ruga aliqua ejus duodeni, in ima parte descendente. Non valde rarum est, aut ipsum a choledocho ductu separato osculo oriri, aut duobus omnino, quorum alterum, inferius, distinctum & minus est: semper tamen & in homine, & in plerisque animalibus in vicinia bilarii ductus aperitur. Valvula in eo ostio nulla est.

DCLXXXVIII. *Copia* secreti liquoris incerta, non tamen exigua est, si cum salivæ pondere conferas, triplo majus, & tepidiore loco positum pancreas. Expellitur vi circulum euntis sanguinis,

nis, incumbentium in pleno abdomine viscerum, hepatis, ventriculi, lienis, arteriæ mesentericæ, aortæ, splenicæ. Utilitatem magnam perpetuitas suadet, qua pancreas in plerisque animalibus reperitur : neque refutant pauca experimenta, in robusto animali facta, quod particulæ pancreatis extirpatæ vitale superfuit ; totum enim pancreas auferri nequit, nisi cum duodeno. Nam etiam resectæ parti pulmonis supervivitur, non ideo inutilis. Effervescentia cum bile ex effectû vinculi, & intriti cum intestinali humore aeris, nata est.

DCLXXXVIII. Videtur bilem potissimum cysticam viscidam diluere, mitigare acrem, miscere cum cibo. Hinc remoto a cystico ductu loco adfunditur, quoties nulla cystis est. Pariter ut reliquus humor intestinalis ciborum massam diducit, resolvit, & omnia similia salivæ facit.

C A P. XXIII.

HEPAR. VESICULA. BILIS.

DCLXXXIX. *Hepar* omnium viscerum vastissimum, multam abdominis partem supra mesocolon occupat, majorem tamen in fetu. Supra se, & ad dextra, & pone se, & ante, septum transversum inpositum habet, a quo peritonæum accipit, ligamenti nomine, tribus inprimis locis. Nam in hepatis gibbam partem, ab ipso cavæ venæ transitu in sulcum usque transversum hepatis, descendit

descendit duplex peritonæum, antrorsum late-
 scens, *suspensorii ligamenti* nomine, quod lo-
 bum majorem dextrum a minori sinistro separat,
 & fissum, in membranam abit hepatis (DCXXIII.)
 albam, simplicem, tenuem, similem membranæ
 primæ ventriculi, subjectam habentem cellulosa-
 m, qua cum carne hepatis unitur. Hujus imo
 margini addit se vena umbilicalis, quæ in adulto
 corpore fere evanida, fibrosum aliquid & mul-
 tum adipem relinquit. In extremo sinistro lobo,
 & in gibbam partem, & non raro in marginem,
 a septo transverso ad hepar venit membrana, in
 junioribus & alias frequenter œsophago sinisteri-
 or, in adultis dexterior, semper etiam gulæ con-
 juncta & lieni, quando grandius est hepar, sive *si-
 nistrum ligamentum*. *Dextrum* lobo crassissimo
 dextro valde posterius septum revincit. Præterea,
 absque conspicua tamen longitudine, hepatis dex-
 tri membrana sæpe septo transverso cellulosa telæ
 ope in dextro lobo, posterius, & ad dextra ova-
 lis lobuli adglutinatur, in senibus inprimis; nam
 in fetibus facile separatur, & suspensorium in-
 ter & sinistrum ligamentum continua pariter pe-
 ritonæi productio intercedit, ligamenti similis.
 Sed etiam a rene peritonæum ad hepar euns pli-
 cam efficit vinculi facie, & omentum minus, &
 continuæ laxæ propagines mesocoli (DCLXIII.)
 hepar cum ventriculo & duodeno coloque con-
 jungunt, idemque mesocolon cum pancreate.
 Ita cum stabilitate hepar in corpore firmatur, ut
 tamen multa superfit mobilitas, & a septo trans-
 verso

verso varie agitari & deprimi possit. Eadem ligamenta membranam communem efficiunt, quæ hepar, ut alia viscera, vestit.

DCXC. Dextrum hepar præterea interiori cava facie antè colò, postè reni dextro respondet, & renali capsulæ, cui per cellulofam telam adnectitur. Medius sinus duodenum in vicinia habet, quod vesiculam contingit, partemque gestantem vasa magna hepatis. Lobus sinister latissime ventriculo inponitur, & sæpe, in junioribus inprimis, trans œsophagum, in sinistrum hypochondrium extenditur. Lobulus curvaturæ minori ventriculi se adaptat. Sed etiam pancreas hepatis subiectum est, & capsula renalis dextra multa cellulosa tela ad dexteram partem revincitur.

DCXCI. Figura hepatis difficilis dictu est. In dextra sede hypochondrii crassissimo & solido tubere id viscus oritur, ad septum convexum, ad colon renemque cavum, linea eminente has cavas facieculas partiente, quæ continuatur longiori lobuli adpendici. Inde sensim gracilescit hepar & tenuius fit, & circumscriptione fere triangulari in mucronem extenuatur, qui in sinistrum hypochondrium transit, trans œsophagum in junioribus, & ad lienem usque; in adultis, sæpe brevior, œsophago terminatur. Acies in qua pars convexa hepatis cum cava convenit, tota anterior est, & inferior. Margo obtusus totus est posterior. Hepatis pars superior, posterior, undique gibba, septum sustinet, & magna parte,

parte, sinisteriori paulo planiori, cordi subjicitur ; inferior varie figurata infidet duodeno, colo, ventriculo, pancreati, capsulæ renali dextræ. Nempe fulci plusculi sunt, qui hepar in diversas regiones, ne antiquis quidem ignotas, dividunt.

DCXCII. Eorum princeps transversus, a dextris ad sinistra extensus, tertiam partem hepatis dividit, principio in dextro lobo gracili, latefcens sinistrorsum. Ante hunc *fulcum transversum* in dextro lobo fovea est pro vesicula, deinde *lobus convexus anonymus*, tunc *fossa umbilicalis venæ*, transversa retrorsum, sæpe tecta ponte, conjecto ex hepatis lobo sinistro in anonymum. Pone fulcum magnum primo in dextro latere gracilis eminentia transversa, dextrorsum latefcens, modice cava, vasa magna hepatis adducit, quam valleculam *portas* antiqui dixerunt. Ea lobulum, quem dicam, cum dextro lobo conjungit. Deinde *lobulus posterior*, papillaris, obtuse conicus, eminet in arcum ventriculi minorem. Hujus, & prioris eminentiæ excavatæ, radix crassa, a gibba parte hepatis a septo transverso incipit, inque dextro latere inscriptum habet obliquum, dextrorsum inclinatum fulcum, pro venæ cavæ trunco, a corde ad lumborum vertebrae properante, sæpe multa hepatis carne, tamquam ponte protectum, ut in tubum abeat. Lobuli finem sinistrum alia fossa definit, fere recta retrorsum, sed etiam sinistrorsum porrecta, ex transversæ fine initium faciens, terminata ad cavæ venæ per septum transitum. In ea venosus ductus

ductus in fetu fuit ; in adulto homine ejus aliquod vestigium superest. Quod ultra id, lobus jam sinister est, simplex, æquabiliter deorsum cavus, ut incumbat ventriculo, in aciem extenuatus.

DCXCIII. Hoc adeo amplum viscus uberrima etiam vasa nactum est, & diversorum generum. *Arteria* quidem magna, & major pars cœliacæ, & dexterior est, quæ antrorsum, dextrorsum emergens, ante venam portarum transversa transit, & data parva coronaria, data pancreaticoduodenali arteria, hac satis magna, porro hepar adit, ramis fere duobus, *sinistro* ad fossam umbilicalem, ductum venosum, lobulum posteriorem, lobum sinistrum, lobum anonymum, ligamentum suspensorium, qui ramus phrenicæ unitur, & epigastricæ. *Dexter* profundior, tectus vasis bilis, dextrum lobum & anonymum adit, idemque uno trunculo generat *cysticam* arteriam, quæ continuo bifida, & sub vesicula, & supra eam, tecta membrana extima repit, & ramos quidem huic fellis vesiculæ, & bilariis ductibus exhibet, multos tamen etiam hepatis. Ex ramo sinistro, vel etiam ex trunco, arteriola superficialis ad vasa bilis, lobum anonymum, glandulas portarum venit. Præter cœliacam, non valde raro magnum, dextrum, ramum, generat *mesenterica major*, retro pancreas adrepentem ; is pro ramo dextro hepaticæ a cœliaca est. Sed *coronaria* etiam *major*, soboles cœliacæ prima, semper aliquem sinistro lobo, & ductus venosi fossæ ramum dat,

dat, sæpe perinfignem. Minores sunt, quos phrenicæ, mammariæ, renales, capsulares ad hepar mittunt. Cum epigastricis etiam communicant.

DCXCIV. Umbilicalis vena in fetu plurimum sanguinem in hepar adducit, quo tempore vena ad portas tendens exigua est. Ramos edit dum per fossam suam retrorsum tendit, numerosos, permagnos, ut singuli venam portarum æquet, qua sede in tumorem dilatatur, qui cum venæ portarum sinistro ramo confluit. Unicum vero ramum per fossæ horizontalis posteriorem partem in venam cavam, aut aliquem ejus ramum hepaticum mittit: vocant *ductum venosum*. In adulto quidem homine iste ductus excæcatur, ramos vero hepaticos vena portarum nunc replet, quæ nunc major facta sit.

DCXCV. *Vena portarum* sanguinem omnem ventriculi (DCXXIX.), intestinorum & mesenterii (DCXXXI.), lienis (DCLXXVII.), omenti (DCLXIX.), & pancreatis demum recipit, in duos primo truncos, transversum splenicum, adscendentem mesentericum, deinde in unum, qui cum mesentericis continuatur. Qui magnus, robustis membranis factus, & validioribus, quam in cava vena, retro duodeni primum flexum adscendit, recipit venas duodeni dextrerrimas, & coronariam minorem, adscendit dextrorsum in sinu lobuli hepatis DCXCII. & porro in duos iterum magnos truncos finditur. Dexter brevis, amplior, bifidus, recepta cystica vena, lobum suum adit.

Sinister transversus fulci hepatis reliquam longitudinem percurrit, datque lobulo, lobo anonymo & sinistro suas venas, & recurvus fossam umbilicalem ingreditur, inque ea, fere media, ramosus hepate mergitur. Est, ubi ramus posterioris lobuli potius a trunco venæ portarum venit.

DCXCVI. Vena portarum utrinque multa cellulosa cingitur, quam ex mesenterio, & liene secum adtulit, densa, brevi, robur addente membranis, quas duriores ipsa aorta nacta est. Huic porro telæ miscentur multa vasa minora, & nervi hepatici, eaque omnia uno nomine *capsulæ* veniunt, quæ nihil omnino est, nisi cellulosa, & nunquam fibram carneam unicam vere habuit. Eam vena portarum secum per hepar ducit, ab ea suspenditur, ut rami dissecti, firmati, sectionis lumen rotundum conservent. Singulus nempe venæ portarum ramus in multos dividitur, iterum divisos, & subdivisos, in minima usque capillamenta, ut arteriæ solent. Perpetuos fascios quisque venæ portarum ramus habet ab arteria jecoris, perreptantes ejus superficiem & hepaticorum ductuum, fere uti bronchiales solent bronchia perrepere, & ramos ductus bilarii, utroqueque connexos cellulosa araneosaque tela. Aliqui ex hepate exeunt, ad ligamenta divisi, & ambeuntibus venis inosculati. Estque summa ramorum in vena portarum semper major trunco quolibet, hinc omnium ramorum junctum lumen magna ratione majus quam trunci (XXXVII.).

Hinc

Hinc sequitur frictio magna (CLXXX. & CLXII.) omnino ut in arteriis.

DCXCVII. Sed, cum vena portarum sanguinem pariter cum arteria hepatis adferat, superest, ut auferat alia. Ergo extremi rami venæ portarum & arteriæ hepaticæ inosculantur ultimo in alias venas, *cavæ propagines*, quæ, ex omni hepatis ambitu ortæ, versus gibbâ posteriori partem hujus visceris se recipiunt, in trunculos, truncosque confluunt, tandemque in decem vel ultra magna vasa abeunt. Eorum minora, numerosiora, ex lobulo posteriori & hepate veniunt, cavamque venam adeunt, dum per sulcum, ponte conjecto sæpissime inclusum, dexterius lobulo adjectum, ad septum transversum, sinistrorsum adscendit. Reliqui multo grandiores, duo tresve, in eandem cavam, sed proxime septo transverso, ejusque sæpe venis receptis se inmittunt. Rami venæ cavæ in universum in adulto homine pauciores, minores, sunt, quam portarum venæ, argumento celerius per eos ramos circumagi sanguinem, ob frictionem diminutam (CLXX), & ob ipsum conventum sanguinis in minus lumen, quo iter semper acceleratur, quoties vis premens sufficiens adest (CLXX.). Valvulas in ostiis harum venarum nullas novi, quæ memoriam mereantur. Truncus venæ cavæ per obtuse quadrangulum, folis tendinibus circumductis inclusum (CCLXII.) hinc ægerrime mutabile foramen septi transversi adscendit, & continuo in auriculam dextram expanditur. Minores

venas superficiem hepatis perreptantes phrenica edit, & renalis, & azyga, aut certe hepaticæ a portis venientes venæ cum istis communicant.

DCXCVIII. Sanguinem ab omnibus partibus DCXCV. per venam ad portas venire demonstrat vinculum, quo venæ inter eas partes & hepar tument, vena vero portarum detumescit & inanitur. Per hepar vero ad venam cavam ferri injectio anatomica docet quæ anastomoses viamque liberam inter venam portarum & cavam demonstrat, tum communis natura venarum quæ cavam adeunt. Interim difficultas in distributione venæ portarum arteriosa, cum a corde adeo remota sit, & natura sanguinis oleosi, faciunt, ut non alibi facilius sanguis stagnet, congeratur, scirrhus faciat. Periculum minuit motus muscularis, respiratio; augent quies, inertia, cibi acidi, viscidi. Hæcenus vero de adulto corpore loquimur. In eo & umbilicalis vena, & venosus ductus inanes sunt, etsi ramo sinistro venæ portarum cohæreant.

DCXCIX. *Nervos* hepar potius multos habet, quam magnos; hinc vulneratum aut inflammatum modice dolet. Ortus duplex est. Plerique a magno plexu gangliiformi rami splanchnici nervi intercostalis, cum addito ramo a posteriori plexu octavi paris orti, comitantur arteriam hepaticam, & circa ejus truncum ludentes, cum ea portarumque vena hepar adeunt. Alias fasciculus cum venoso ductu advenire solet, a plexu posteriori

posteriori octavi paris ortus, nonnunquam etiam a plexu magno.

DCC. *Lymphatica* vasa hepatis numerosa sunt, & circa portas perpetuo, & facile conspici possunt. Oriuntur ab omni hepatis cavi ambitu, & a vesiculæ felleæ superficie, confluunt in plexum, qui venam portarum ambit, glandulasque conglobatas, & retro & ante eam venam sitas, adeunt; hinc in magnum truncum confluunt, qui altera ductus thoracici radix est. A parte gibba hepatis alii trunculi describuntur, sine non satis noto: nam venam cavam subire, non valde probabile videtur; neque satis repetito ad cisternam chyli deducta sunt.

DCCI. Interior fabrica hepatis obscurior est. Per universum hepar fasciculi eunt vasorum biliariorum, ramorum venæ portarum & arteriæ hepaticæ. Quodque vas & propriam cellulofam telam sibi circumjectam habet, & vincula similia, quibus ad sodalia vasa colligatur; & demum totus fasciculus suum textum cellulofum habet circumpositum. Venæ cavæ rami reliquis exteriores adjacent, minus accurate in eundem fasciculum receptæ. Ultimi denique ramuli venæ portarum, & cavæ, & arteriæ, & ejus, qui dicetur, bilarii ductus, ope cellulosæ telæ (DCXCVI.) uniuntur in acinos quosdam, utcunque hexagonios, cellulosa tela laxa circumscriptos. In his acinis quoque anastomoses mutuæ sunt ramorum venæ portarum & arteriæ hepaticæ cum cavæ radicibus, & venæ portarum cum po-
ri

ri hepatici primis initiis ; quæ posterior conjunctio adparet argumento injectionum anatomicarum, liquores enim portarum venæ injecti in porum choledochum ultimo redeunt.

DCCII. Hos acinos cavos esse, & ab arteriis venisque exteriorem eorum superficiem perrep-
tari, bilem vero secretam a venæ portarum furculis in ejus caveam deponi, multi & clari viri docuerunt. Argumenta adtulerunt ex anatome animalium, quorum in jecore acini rotundi sunt, magis quam homini definiti ; morborum, qui cellulas & rotunda tubercula demonstrant, lymphæ, calce, concrementis variis plena. Addi potest lentor bilis, muco fatis adfinis ; analogia folliculorum vesiculæ felleæ.

DCCIII. Sed adcuratior anatome non admittit folliculos, in quos minima secretricia vascula hient : ii enim interromperent iter ceræ anatomicæ, & nodulos efficerent, medios inter ea vascula porosque bilarios, quale quid nunquam visum est, cum cera continuo filo, absque ulla mora, aut effusione in caveam, fractura inpetum, ex vena portarum in ductus choledochos transeat. Sed neque nimia longitudo vasorum biliariorum glandulosam fabricam tolerare potest. Folliculi enim omnes in proxima secretum liquidum deponunt, longo itineri inepti sunt, qui tantam partem adceptæ ab arteriis velocitatis destruant. Denique ipsa pressio communis acervos illos, quos poneres, acinorum ita elideret, ut nullum inde ad motum ductus excretorii adjuvandum
auxilium

auxilium sequeretur. Concrementa & hydatides fiunt in cellulosa fabrica, & denique bilis primum nata fatis fluida est.

DCCIV. Neque ex arteria hepatica bilem hic fecerni, suadet peculiaris illa vena portarum, nulli ufui futura, si nihil fecernit; continuïtas ramorum ejus venæ cum choledochis ductibus, multo quam in arteriis evidentior; experimentum, quo constat, arteria hepatis ligata, bilis secretionem superesse; amplitudo ductuum biliariorum, comparata cum arteria sua; natura peculiaris sanguinis in venam portarum congesti, & aptissimi, qui bilem fecernat. Habet enim & oleum, quod in bile magis, quam in alio humano liquore dominatur; & aquam saponaceam, ex ventriculo forbtam; & vaporem abdominalem alcaliscentem, subfætïdum, per omnem superficiem intestinorum, ventriculi, omenti, hepatis, lienis, mesenterii, per manifesta anatomica argumenta reductum; & denique semiputridum, acre, alcaliscentis liquamen, de ipsis alvi fæcibus, dum in crassis intestinis inspissantur, reforbtum, venis hæmorrhoidalibus internis redditum, a quo amaror ille & alcaliscentis, putrescibilis indoles bilis derivatur. In sanguine vero arteriæ hepaticæ nihil est, quod peculiariter bili fecernendæ aptum sit aut analogum.

DCCV. Cum ergo vena portarum sanguinem fecernendæ bili aptissimum in acinum minimum hepatis advehat (DCCIV.), & ibi, absque medio folliculo via libera sit ex venæ portarum ramo in radiculam

radiculam bilarii ductus, eamque viam humores in venam portarum impulsi facile legant, pelletur eo bilis, vi circumducti & sequentis a tergo sanguinis, & porro accedente vi auxiliari septi transversi, hepar in plenissimo abdomine contra reliqua viscera urgentis (DCLXXXIX.), & vicissim contracti in expirationem thoracis, in majores ramulos, & denique in duos truncos *ductus bilarii hepatici* urgebitur, qui in vena portarum, & in fossa transversa hepatis, ad lobulum anonymum, in unum conveniunt.

DCCVI. Fabrica hujus ductus fit nervea membrana, forti, qualis in intestino est, & cellulosa externa, & interna, & villosa tunica, laxa, eleganter reticulata, plurimis poris sinibusque exasperata, cum intestinali continua. Musculosi nihil fatis certo adest. Irritabilitas modica experienti adparet. Valde dilatabilem esse morbi ostendunt. Idem videntur demonstrare, acrem in eo ductu sensum esse.

DCCVII. Ita natus ductus hepaticus migrat in vena portarum, dexterior quam arteria, versus pancreas, & porro oblique descendens aliqua parte ejus glandulæ tectus, intestinum duodenum in parte inferiori flexus secundi, sex a pyloro uncis, posterius attingit, per fibrarum carnearum intervallum transit, offendit sinum oblongum, obliquum, a ductu pancreatico factum, in eum se angusto orificio inserit. Is porro sinus longe per cellulosam secundam duodeni oblique descendit, perforat nerveam, inter eam & villosam
fam

sam denuo oblique pergit, & denique in eminente, longe caudata, ruga duodeni aperitur. Inter primum adventum hujus ductus ad duodenum intestinum, interque ejus ostium, fere unciali longitudine sinus, qui ductum choledochum recepit, comprehenditur inter membranas intestini, ut eo repleto, a flatu distento, vel a vehemente motu peristaltico ad summam angustiam contracto, necessario comprimatur, elidatur, eodem vacuo vero, vel modice laxo, se evacuet. Regurgitationem ex intestino impedit hæc ipsa obliquitas, & ruga facillime inpellenda, & claudenda, & novæ bilis fatis celer per ductum perpendicularem descensus. Nec flatus ex intestino viam in ductum relegit.

DCCVIII. Sed in ipsis portis adjunctum recipit is ductus minorem, similem canalem, longe sibi parallelum, & adnatum, & ad angulum acutissimum insertum, qui *cysticus* vocatur, ab origine sua, rarius alio ductu ab hepate inserto prius auctus. *Vesicula felle* nempe eum producit, plerisque animalibus data, quibusdam, & celerimis fere, & unice forte herbivoris, nulla. Ea in foveam hepatis dextri (DXCII.) ad dexteriores lobuli anonymi ita recipitur, ut in juniore tota intra marginem hepatis sit, in adulto fatis insigniter emineat, colo inposita intestino. Situs transversus est, ab anterioribus ad posteriora; cervix paulum adscendit.

DCCIX. Figura vesiculæ felle variabilis, sed tamen fere quæ piri est, & antrorsum hemisphærico obtuso sine cæco terminatur, & retrorsum

longe diminuta, cervice five apice hujus truncati coni contra se ipsam flexa, semel vel iterum, propria cellulositate religata, & novo flexu sursum facto, in ductum cysticum exit, qui inde sinistrorsum ad hepaticum migrat. Sed & iste ductus, multis frenis cellulosis revinctus, interius in plurimas rugas eminet, quæ conjunctim aliquam valvulæ spiralis speciem in ficcato folliculo referunt, sed in homine vivo molles, alternæ, omne bilis iter morantur, nulli penitus obfistunt, certo experimento per flatum, & pressionem capto. Præterea ut ipsa vesicula reticulatus est.

DCCX. Tunica extima vesiculæ inferius solum ponitur, estque ipsum hepatis involucrum, quod trans vesiculam se conjicit, eamque in suo sinu firmat. Altera laxa cellulosa est. Tertia splendida nonnunquam fibras habet, longitudinem sequentes, vario tamen ductu, ut oblique se fecent, alias omnino nullas, ut de natura musculari dubites : uti lenta & obscura est vesiculæ irritabilitas. Nervea, cellulosa altera, villosa, adsunt uti in intestino, nisi quod ista perinde, ut in ductibus bilariis, reticulata & cellulata est. In vesicula, maxime ad cervicem, sed etiam media, pori reperiuntur, setam recepturi, muciferi ; & arteriæ in caveam interiorem vesiculæ perinde, ut alibi solent, aquam suam exhalant ; & bilis per poros inorganicos facile in superficiem vesiculæ, membranasque vicinas exsudat.

DCCXI. Omnia animalia vesiculam inter & hepar, aut inter ductum utriusvis, aliqua præterea

terea peculiaria ostia habent in vesicula, in quæ aliqui ab hepate, aut a ductu bilario hepatico nati ductus aperiuntur. In homine nullo certo experimento ejusmodi ductus demonstrati fuerunt, & vesicula nulla parte bilis amissa, facile de hepate solvitur, & ne gutta aut de hepate stillat, aut de vesicula. Et tenuis in vesica aqua est, quoties ductus cysticus obstruitur.

DCCXI. Et ex vesicula & ex hepate secundum naturam bilis defluit, quoties nullum in itinere impedimentum est, ut uterque ductus intumescat, quando ea via obstruitur, & cysticus cum choledochum in directum jacet. Neque credibile est, omnem ex hepate bilem prius in vesiculam divertere, quam ad duodenum fluat. Non adest obstaculum perpetuum, quod effluxum impediat, & peculiariter hepaticæ bili resistat, admittat cysticam; via in choledochum ductum amplior est, & rectior, ductus cysticus multo minor hepatico, neque adeo pro ejus ductus bile omni capienda factus; choledochus multo major cystico, non ergo pro ejus unica bile paratus est. Animalia multa sunt, quibus hepaticus ductus, absque ullo cum cystico commercio, intestinum influit; in vivis animalibus, etiam libero ductu cystico, adparet bilem perenni fluente ad duodenum descendere. Copiam non minimam esse suadet amplitudo secretorii organi, ductus excretorii, toties quam salivales majoris; morbi, in quibus solius cysticæ bilis quatuor unciae quotidie per ulcus lateris effluerunt. In vesiculam

vero venit bilis hepatica, quoties impedimentum aliquod est in sinu duodenali, a flatu, vel causa quacunque conprimente exitum choledochi ductus. Plenissima adeo reperitur, quoties scirrhus tumorve ductum choledochum conprimit, & nonnunquam omni fide major; & turgēt cysticus ductus ligatus inter confluentem cum hepatico vinculumque, & in vivis animalibus in laceratum folliculum bilis hepatica stillasse visa est. Non repugnat angulus retrogradus, nam levissima compressio bilem ex hepate in vesiculam urget, & flatus eam viam facile relegit, maxime, quando intestinum prius flatu distentum est. Neque alia bilis videtur esse, quam vesicula fecernat. Quoties calculus iter cystici ductus obfidet, vel manus anatomici ductum cysticum ligavit, præter mucum exiguum insipidum, ex folliculis secretum (DCCX.) aut aquulam exhalantem nihil folliculo inest. In multis animalibus nullum vesiculæ vestigium adest, & bilis tamen copiosa, acris, medicata, ad intestina defluit. Non probabile videtur, venæ portarum ramum cysticum bilem in vesicula separare, nam is omnino vas revehens est: neque arteriam nam vix probabile sit acerrimam bilem cysticam ex alio sanguine mitiori parari, quam lenior hepatica, ex sanguine aptissimo nata (DCCIV.).

DCCXII. Denique etiam a vesicula ad hepar bilis fluit, & in sanguinem demum redit, quando iter ad intestina totum interceptum est, aliquando etiam a causa in nervis latente. Vitiosum id iter
est,

est, & icterum facit, quem ideo calculi de intestino egesti solvunt, restituta itineris libertate.

DCCXIII. Ergo pars hepaticæ bilis cystide recepta stagnat, unice a leni respiratione quassata, ibique exhalat tenuissimam partem, quam videmus per vicinas membranas late se diffundere. Reliquum, ut oleosum subalcalinum, in loco calente, acrescit, rancescit, augetur spissities, amaror, colorque bilis, neque alia differentia inter cysticam bilem est & hepaticam, quam minus amaram, minus sature fuscam, minus viscidam in ductibus reperimus. Eam enim diversitatem a sola mora esse, animalia confirmant, quibus pro vesicula porus latior est, nam & ibi stagnans bilis insigniter, quam in hepate, amarior est, elephantis exemplo. Sed id inprimis boni etiam vesicula facit, ut bilem recipiat, eo tempore, quo ventriculus vacuus est, & nullus ejus usus, copiosius vero, & cum celeritate majori adfundat, quando ea egemus ad subigendos cibos, nunc maxime in duodenum effluentes. Id vero celeritate tanto majori fit, quanto cysticus ductus fellis vesicula angustior est.

DCCXIV. Ventriculum equidem vesicula non contingit, sed duodeni descendens initium, Quando vero in plenissimo abdomine ventriculus distentus multum spatium occupat, urget utique hepar, & duodenum, & vesiculam conprimit, & emulget. Ita bilis ex vesicula per viam liberam in choledochum ductum, & duodenum confluit; idemque facilius fit in homine supino, tunc enim
fundus

fundus superior est. Hinc per inediam vesicula turget. Vis exprimens vix est, nisi diaphragma & ventriculus, debilis enim est ea, quam vesiculæ fellis musculosa, & contractilis, membrana propria habet.

DCCXV. Bilis hepatica omnino amara est, sed cystica magis, viscida semper, saturate flava, cum virore aliquo, aquæ & oleo per tritum & spiritui vini miscibilis, cum acidis mineralibus liquoribus in coagulum coeuns, ab alcalinis in primis volatilibus resolubilis, oleo, & resinæ, & gummi resolvendo aptissima, lixivæ & saponaceæ indolis, celeriter putrescens, sponte per putredinem in moschi odorem degeneratura. Ejus analysis chemica, vel experimenta in miscela cum variis corporibus facta, demonstrant, aquæ quidem ipsi plurimum inesse, non tamen parum olei inflammabilis, quod in calculis cysticis adeo manifestum est. Sapo adeo est, sed ex eo genere, qui ex lixivo volatili sale fiunt, cum oleo misto, suamque secum aquam habet. Intrita ergo cum cibus in pultem reductis, ex ventriculo expressis, vi peristaltica duodeni intestini & pressu abdominalium musculorum, superat magnam partem indolis acidæ alimentorum, lac coactum resolvit, cibumque ad putredinem magis disponit; solvit oleosa, ut aquæ libere mista chyli partem constituent, & lactea vasa subeant; mucum abstergit, adtenuat; intestinorum demum motum peristalticum acrimonia sua excitat; quæ omnia officia confirmantur observatione contrari-
orum

orum vitiorum, fequentium defectum bilis. Neque fufficit bilis hepatica ad expediendam alvum, fi cyftica averfa fuerit. Et tanta eft utilitas, ut conpertum fit, inpedito adfluxu bilis ad intestina, deſtructa veſicula, animalia robuſtiſſima intra paucos dies periſſe.

DCCXVI. Senſim deſcendit cum cibus, & una in fæcibus exit, mutata bilis, deſoſito per putredinem amarore. Aliquid forte aquoſi, minime amari, tenuis, reſorbetur per venam portarum. In ventriculum minus regurgitat, ob adſcenſum duodeni, quod imum ſubit, valvulam pylori, novum chyli acceſſum, quem ventriculus priori addit; ſubit tamen in homine frequenter, ſemper in avibus. In fetu blanda eſt & dulcis; nullæ enim tunc fætidæ fæces acrem alcalinum vaporem ſubpeditant, neque oleum reſorbetur. Viſcida cum ſit, in animali quieto, obeſo, & in homine a ſimilibus cauſis, tum a mœrore, facile in coagula dura abit, vel calcaria, vel reſinoſa, & frequentius longe quam urina, per noſtra experimenta. Utilitas manifeſta eſt, ut trita cum cibus oleum diſſolvat, reſiſtat acori; ut intestina ad contractionem ſtimulet.

DCCXVII. Hepati præter fellis ſecretionem manifeſta in fetu eſt utilitas. Sanguinem a placenta reducem tranſmittere, impetum ejus, ut videtur, frangere. Etiam in adulto homine, minus equidem manifeſtam eam utilitatem habet, tardare reditum ſanguinis a viſceribus chylo conſiciendo præpoſitis redeuntis.

I N T E S T I N A T E N U I A.

DCCXVIII. *Tenuia intestina* vocant anatomici tubum continuum, cylindricum fere, sed cujus sectio ovalis figura sit, & in parte libera intestini obtusum verticem habeat. Is tubus a ventriculi fine, cujus ostium dextrum complectitur (DCXXV.), longissimo tractu productus, in crassius intestinum extensus definit. Solent anatomici tria tenuia intestina numerare; natura unicum fecit. *Duodenum* tamen firmum utcunque limitem habet, in fine partis abdominis, quæ super mesocolon transversum est (DCLIX.). Id vero tenue intestinum, quod infra hoc mesocolon est, omnino nullam certam notam discriminis admittit, qua *jejunum* vulgo dictum ab *ileo* separetur. Etsi enim illud valvulis & vasculis magis abundat, villosque longiores nactum est, hinc paulo rubicundius videtur, ileon vero glandulas potius contineat, & arbusculas vasculosas rariores habeat, hæc tamen diversitas sensim obrepit, absque certo limite, magna in extremis finibus, obscura in proximis.

DCCXIX. *Duodeni* intestini nomen utcunque a longitudine est. Laxum est, & amplius, maxime in primis flexionibus, quod membranam externam partim nullam, partim non undique circumpositam nactum sit. Rubicundum & pulposum,

posum, & carneas fibras aliquanto crassiores habet. Incipit circumnatum ostio anulari pylori: inde undulatum, sed in universum transversum, dextrorsum & retrorsum in vacuo ventriculo, ad vesiculam fellis migrat, cujus cervicem contingit (DCCXIV.). Inde dextrorsum oblique descendit, & retrorsum, ad mesocoli laminam inferiorem usque & ingressum ductus choledochi, atque in eo itinere inter laminam superiorem & inferiorem mesocoli intercipitur. Hinc denuo transversum, sed una adscendens, pone pancreas & vasa magna mesenterica, cum vena renali sinistra sinistrorsum redit, exit ex intervallo laminarum mesocoli, & flexu facto, ad dextra vasorum modo dictorum, per foramen proprium, in quo mesocolon transversum, sinistrum, & mesenterium ipsi adnascuntur, descendit in inferiorem partem abdominis, hanc subit, & nunc *jejunum* est. Amplitudo, adscensus a sede ductus choledochi inserti, plica altera circa mesenterii radicem, moram aliquam faciunt, ut bilis, & succus pancreaticus ibi inprimis cum massa cibaria misceantur.

DCCXX. In reliquo tenui intestino nulla certa sedes est, sed gyris incertis, infinitis, descriptionem non admittentibus, replet abdominis partem inferiorem, pelvimque, ambeunte colo cinctum, ipsique vesicæ, & utero interjacet.

DCCXXI. Fabrica intestini tenuis, est fere, quæ ventriculi vel œsophagi. Externam tunicam, excepta parte duodeni, peritonæum ipsis

præbet, five mesenterium, acuto vertici intestini admotum, duplex, ibi cellulosa aliqua separatum, sæpe pingui, reliquum autem intestinum arcte amplexum, ut musculares fibræ externæ membranæ adhæreant, quæ nihil alienum ab ea habet, quæ in ventriculo est. Ab ea membrana, & a mesenterio (DCLXI.) sustinentur intestina, & cum summa mobilitate, quantum fatis est, firmanantur.

DCCXXII. *Musculosa* fabrica alia est, ut figura differunt. Princeps equidem stratum intestinorum est circularium fibrarum, quæ tubum undique ambeunt, fatis sibi similes & parallelæ, ex imperfectis arcubus in circulos conglutinatæ, pallidæ cæterum, sed insigniter contractiles. *Longitudinales* fibræ intestinorum tenuiorum pauciores sunt, & per totum quidem ambitum sparguntur, imprimis tamen in vertice obtuso intestini instratæ prioribus, & interjectæ.

DCCXXIII. Intra muscularem *cellulosa secunda* sequitur, amplior, ut in ventriculo, & undique nerveæ circumjecta, raro in homine pinguis. Sed *nervea* similis ventriculari, toti intestinali tubo pro fundamento est, ex fibrillis stipata, quas flatus resolvere, disjicere, & in cellulosum habitum fingere potest. Eam *cellulosa tertia* sequitur, secundæ pene similis. Intima *villosa*, ab ea diversa est, quam in ventriculo diximus. Nam primum undique plicatur in rugas utcunque semicirculares, sed etiam oblique semicirculos conjungentes, & varie aberrantes, quas nervea tunica

nica leviter ingreditur, cellulosa vero tertia subit, inter duplicem villosam media, & duplicaturam replet. Hæ *plicæ* incipiunt ad unam a pyloro unciam, & in priori media parte intestinorum adsunt creberrimæ, sensim vero numero minuantur: Cuivis arteriosus venosusque trunculus in convexitate cellulosæ alterius incumbit. Primæ in duodeno confusæ sunt, & perinde longitudinem intestini sequuntur. In circellos acutos valvulasque artificio anatomico mutantur. Molles enim equidem sunt, & facile invertuntur, & utrique itineri massæ cibariæ perinde cedunt, sed tamen copia sua id iter morantur, & superficiem villosæ membranæ augent.

DCCXXIV. Deinde hic vere villosa tunica est, quam alibi ob analogiam ita vocamus. Nempe tota interna superficies intestini, tum in valvulis, tum in interpositis valleculis, undique emittit innumerabiles flocculos fluitantes, in speciem villosi serici, conicos utcunque sed obtusiores, factos a membrana intima intestini, & ab intercepta in duplicaturam cellulosa, & a vasculis nervulisque in ea cellulosa latentibus, aque ampulla, quam dicemus, lactea; satis adeo, præter mollitiem, similibus papillarum linguæ.

DCCXXV. Præcipuum cujusque villi vasculum ovalis est ampulla, gracili ductu in villosæ tunicæ superficie aperta, lacte sæpe plena, quam circumjecta vascula undique ambeunt.

DCCXXVI. In villosæ tunicæ interna superficie aperiuntur infiniti *pori majores* minoresve.

Illi ducunt ad conspicuas glandulas simplices, mucosas, in cellulosa tela tertia positas, similes earum, quæ in ore sunt, & pharynge, folliculo valde vasculoso, & ostio in intestinum patulo. In duodeno aliquæ sunt, sibi vicinæ, ut tamen non confluant, neque semper demonstrari possint; plurimæ vero in ileo, ibique & solitariae, & paucæ conjunctæ, & plurimæ cum sui similibus in agmen longe ellipticum congregatæ. Membranam undique villosam habent.

DCCXXVII. *Minores pori* ubique per intestina reperiuntur, & basin villorum circumstant, in amplioribus inprimis intestinis conspicui, & dudum noti, in tenuibus vero nuperrima industria additi. Etiam hi videntur mucosum aliquod deponere.

DCCXXVIII. *Vasa* intestinorum tenuium numerosissima sunt. Truncus communis major ejus intestini, quod infra mesocolon est, *mesenterica* arteria vocatur, earum maxima, quas aorta producit, super renales nata. Ea descendens retro pancreas, ad dextra orientis jejuni, & præter colicos ramos, inprimis longe trunco ad imam mesenterii & intestini ilei finem dextrorsum producta, ex parte sinistra numerosos ramos emittit, primos & ultimos breviores, medios longissimos. Hi, in minores fissi, cum vicinis coeunt, in arcus convexos, qui & ipsi ramos generant, iterum unitos, quinquies repetita fere arcuum serie, donec ultimi ex convexitate sua rectos

rectos ramos, copiosissimos, ad intestinum mit-
tant.

DCCXXIX. Horum ramorum in intestino di-
visio satis sui similis est, ut e mesenterio per cel-
lulosam primam unus anterior adveniat, alter
posterior, qui datis ad extimam & carnosam tu-
nicam minutis furculis, in cellulosa alteram
veniunt; ibi anterior trunculus, versus obtusum
verticem ellipseos intestinalis excurrent, recta in
similem sui posteriorem ramum continuatur: &
quantus est, ramos sensim minores arbusculæ in
modum edit, qui cum vicinis, & cum oppositis
arbusculis, infinitis furculis inosculantur. Ab
eo rete per nerveam, in tertiam cellulosa, &
villorum denique cavitatem ramuli veniunt, qui
apertis ultimo ostiolis in intestinum suum liquo-
rem exhalant, cujus vias injectio aquæ facile imi-
tatur, tum glutinis, & demum argenti vivi.
Industria vero nuperrima addidit, fines arterio-
sos in cavam ampullam villi aperiri, eo liquorem
deponere, qui per osculum commune ampullæ
effluat. Cæterum fabrica arteriarum reticulata,
& innumeræ anastomoses faciunt, ut ab omni
obstructione, quantum fieri potest, intestina li-
bera præstentur, massulæ incompactæ facile, per con-
junctiones adeo frequentes, in truncos arteriosos
redire queant.

DCCXXX. Ultimus mesentericæ arteriæ trun-
cus in ileocolicam inosculatur. Duodenum ar-
terias varias habet. Prima, ab hepatica superior,
dextra, circumit convexitatem curvaturæ hujus
intestini,

intestini, in pancreate, & huic intestino providet, & inosculatur alteri sinistræ, inferiori, pancreatoduodenali, similem arcum in pancreate per cavitatem curvaturæ duodeni facienti, & ultimo insertæ duodenalibus imis arteriis, quas mesenterica, in transitu ante hoc intestinum, generat. Minutas illas ad duodenum a spermaticis, a capsularibus arteriolas, lubens omitto.

DCCXXXI. *Venæ*, simillinæ arteriarum, confluunt omnes in mesentericum truncum venæ portarum, præter duodenalem dextram venam, quæ ad truncum venæ portarum ipsum venit, & exiles venulas, focias arteriolarum DCCXXX. quæ spermaticis pariter & lumbalibus se inferunt. Neque aliæ hætenus a cava vena ortæ mihi visæ sunt. Omnibus commune est, absque valvulis esse, & cum arteriis libere communicare. Eædem in villosa tunica, cujus major pars venosa est, cum venosi trunculi pauciores sint & majores, sorbent de intestinis tenuem humorem, ut adparet ex injecto aquoso liquore, qui eam viam facillime percurrit: ex analogia fenum, quibus glandulæ mesentericæ, adeoque lacteorum vasorum viæ frequentissime obsolescunt: ex simili exemplo avium, quibus vasa lactea nulla sunt: ex celeritate, qua liquores aquei ad sanguinem, & ad urinam veniunt, comparata cum angustia thoracici ductus, potissimum per experimenta, quæ aquæ iter a cavea intestini in venam portarum oculorum testimonio confirmaverunt.

DCCXXXII.

DCCXXXII. *Nervi* numerosi, exigui, ut tamen sensilitatem intestinorum non modicam faciant, proveniunt a splanchnicorum nervorum medio textu, mesentericam arteriam amplexo, & circa eam densissime in dura cellulosa revincti ludunt. Duodenum etiam ab octavi paris plexu posteriori, hepatico, ramos habet. Ex ipso acrisensu intestinorum probabile fit, nervos in cellulosam tertiam suis ultimis furculis penetrare.

DCCXXXIII. Ex arteriis exhalantibus depluit in cavitatem intestinorum liquidum tenue, aqueum, simile gastrico, non acre, subsalsum; copia hujus liquidi maxima æstimatur ex amplitudine summa ostii excretorii & arteriæ secernentis, qua non alia major est, & ex laxitate partis calidæ perpetuo, & humidæ, & ex abundantia diarrhæarum, aut aquosæ egestionis post purgantia medicamenta subortæ. Mucus autem, ortus ex fontibus DCCXXXVI. DCCXXXVII. villosæ membranæ internam superficiem inungit, defendit sensibiles nervos ab acris, a spirituosis cibis. Hinc copiosior ad crassiorum intestinorum initia, quod ibi massa cibaria fæculenta, acrior & tenacior fieri incipiat.

DCCXXXIV. Hunc liquorem cum massa ciborum pultacea, & cum bile, & cum pancreatico succo, miscet motus externus circumpositorum musculorum abdominis: sed omnino ea vis exigua est, neque ad cibi iter promovendum idonea. Sed inprimis *peristalticus motus*, non alibi, quam in tenuibus intestinis evidentior & fortior. Nempe

pe pars intestini laceffita a flatu, acri aspero, constringitur, etiam a morte, vehementissime, in sede cui stimulus adplicatur, liberat se distendente, infesto corpore, id expellit in partem proximam laxi intestini: quæ, eadem vi stimuli iterum contracta, repellit utrinque adceptum. Hic motus modo in una, modo in alia intestini sede peragitur, absque certo ordine, ubicunque aer, cibulve stimulus admoverit. Tanto vero intestinorum ad motum aptitudo est, ut cum cordis irritabili natura certent, & superent, aut certe ægre superentur. Non irritata quiescunt, ut sæpe vidi: & putes hanc causam esse cur adeps alvum moretur. Irritamenti loco aer inprimis est, tum cibus, denique bilis. Id fit cum mirifico alterno reptatu, & revolutione intestinorum, quem in vivis animalibus facilis dissectio, in homine tristes casus in vulneribus abdominis, & herniæ demonstrarunt. Et cum nihil hic, in tot flexionibus, pondus possit, perinde sursum & deorsum irritatum intestinum se evacuat. Inde motus *antiperistalticus* intelligitur, quo fit, ut diutius actioni molliter terentis intestini, & diluentis succi, & resorbentium venarum massa ciborum exponatur. Ad crassa tamen denique intestina, contenta omnia determinantur, quia principium omnis stimuli in ventriculi ostio sinistro est, & novus cibus continuo adveniens, novam in superioribus contractionem irritando excitat, dum imæ parti ilei nulla coli contractio stimulus remittit; hinc colon laxum recipit, quæ

quæ superne adveniunt, & facilius in amplum cæcum quiescens se evacuat, quam sursum ad-ceptos cibos repellit, quibus pressio intestini novos cibos urgens renititur. Addunt observatores, deorsum hunc motum fortius urgere, quam sursum, & superiores partes intestini magis esse irritabiles. Quoties vero insuperabile alicubi obstaculum cibi itineri resistit, erit ibi sedes præcipuæ contractionis, & cibus, etiam a valvula coli sursum, relecta tota intestinorum longitudine, in ventriculum & demum in os ipsum repellitur.

DCCXXXV. Hunc motum peristalticum, quo intestinum constringitur, circulares fibræ perficiunt, quæ accuratissime norunt inanire eum tubum, ut minima etiam corpora, & aciculas, & pulvisculos promoveant. Revolutiones vero sursum retracti intestini, deorsumve, & curvationem rectæ particulæ, aut curvæ porrectionem, adeo conspicuas in brutis animalibus, efficiunt longæ fibræ, quas videmus præterea, dum se ad sedem præsentis, stimulantis cibi contrahunt, sequentem ipsius portionem dilatare, & ad recipiendum aptare. Eadem contractio villosam membranam in intestini caveam urget, & plicas longiores reddit, & mucum exprimit, ut ea portio cibariæ massæ adfundatur, quam ipsa irritatio & stimuli robur desiderat. Eadem frequentes, & plerumque innoxias introfustceptiones faciunt, dum contra constrictam sedem intestini proximam adtrahunt, & priorem hac laxiori comprehendunt.

DCCXXXVI. Ergo puls cibaria, diluta succo pancreatico, succo intestinali, intrita cum saponacea bile, muco circumfusa, subigitur adcurate, & efficacius quam in ventriculo, quo magis ad se invicem gracilis intestini parietes accedunt, & longior series est agentis motus peristaltici, & plus humani liquoris adfunditur. Ita cum aere mista viscida puls spumam agit, absque effervescencia; & aer eadem, quæ in ventriculo, moliri pergit, ut tamen acida vis omnis in intestino superata sit. Pars autem oleosa, adiposa ciborum, a bile resoluta (DCCXV.) cum succis aquosis mista, de more suo albedinem induit, emulsionis more, vividam, in duodeno, sub ingressione ductus choledochi, primum conspicuam, deinde per totum tenue intestinum arcte villis hærentem. Succi vero gelatinosi carniū, plurima adfusa aqua diluti, & ipsi ex natura sua subviscida hærent villosæ tunicæ, & ad resorptionem parantur. Aqua vero, & aquosa omnia, avidissime venis hauriuntur; neque tamen in tenui intestino facile sæx crassescit unquam, quantum vidi, quod ablata aqua a liquore arterioso, & muco reparetur; neque valde sætet, tum ob diluentem copiosissimum liquorem, tum, quod velox iter moram putrescendi non concesserit. In jejuni principio alba massa bile tincta, in fine ilei mucosa tota est. Reliquum, quod terreum magis, & crassum, asperum, acre, & ab ostiis resorbentibus exclusum fuit, mole sua, aut vi sphincteris simili, descendit in crassum intestinum,

num, sensim depulsum, ut intra viginti quatuor horas fere totum iter absolvat. Tribus vero quatuorve horis, & paulo ultra, chylus omnis fere extractus est.

DCCXXXVII. Insignis longitudo intestini tenuis, quæ quinquies & ultra corpus proprium superat; superficies villosæ membranæ per plicas auctæ; vasorum vis incredibilis, & exhalantium, & resorbentium; mora longa, qua cibus iter suum in crassa intestina absolvit; copia eximia liquidi intestinalis, adfusi cibariæ massæ, faciunt, ut in tenui intestino omnia abunde præstentur, quæ requiruntur ad dilutionem ciborum cum succis nostris, ad resorptionem in venas mesentericas & lactea vasa, ad abstersionem viscerum de intestino, ad evitacionem coaguli & adhæSIONis, ad acidæ indolis, non quidem destructæ, obpressionem, ad subactionem venenatæ etiam potentiæ in multis succis, qui sanguini continuo misti subito necant, ore vero absque noxa recipiuntur. Hinc longa intestina animalibus duro victu viventibus; brevia carnivoris; brevissima iis, quæ solo succo vivunt: & in homine brevitudo intestinorum famem fecit, & fæces fætidæ fluidasque.

DCCXXXVIII. Calor, quo cibus fovetur, ad solutionem gelatinæ, & ad initia putredinis excitanda aptissimus, princeps causa est, hinc, fætoris qui sensim in cibo subnascitur; inde, tenuitatis, qua ad resorptionem adaptatur id quod est utile. Sed etiam aer in viscido cibo inclusus, pari modo

ut in ventriculo, ad disjicienda elementorum vincula operatur, si quæ integra supersunt. Aqua intestinalis cibi massulas diluit, & si quid superest durius, macerando mollit. Bilis intrita cum oleo, solvit idem & reddit aquæ miscibile.

C A P. XXV.

I N T E S T I N A C R A S S A .

DCCXXXIX. Quod superest post extractum chylum, id constat bile aliqua, sed mucida & degenerare; aliqua parte humani muci; terra pleraque, quæ in cibis fuit; omni acri, quod ab ostiis resorbentibus exclusum est (DCCXXXVI.), per putredinem tamen mutato; omnibus fibris membranisque solidis, quas vis peristaltica, & maceratio non superavit.

DCCXL. Id omne ex ultimo ileo in cæcum intestinum deducitur, ibique moratur. Nempe tenuis intestini finis dextro lateri *coli intestini*, insidentis ossibus ilium & cognomini musculo, ita oblique se adplicat, ut in universum quidem adscendat, magis tamen inferiori latere, minus in superiori, quod fere transversum est. Ultima vero pars nerveæ & villosæ cum carneis fibris transversis ilei intestini, inter discedentes fibras carneas & nerveam coli ita producit, ut intra cavitatem hujus crassi intestini pendeat, mobilis, mollisque, duplex eminens ruga, composita ex villosa, & nervea tunica crassi intestini, & ex
nervea

nervea & villosa intestini tenuis, & ex interpositis ilei & coli fibris carneis, per multam cellulofam telam connexis. Superior ruga transverfa, & brevior; inferior amplior, longior, adfcendens est: conjunguntur autem levi jugo simili, maxime in dextro latere fuæ viciniæ. Inter utramque rugam ostium est ilei, simile rimæ transverfæ. Flatus mire hanc fabricam mutat, & fingit membraneas, durasque valvulas. Remota cellulosa tela omni, & fibris carneis interpositis incisis, ileon exit ex colo, & valvula omnis evanescit: magna parte extracta, ut aliqua insertum maneat, sphinâterem muscolum refert.

DCCXLI. Infra ingressionem ilei, aliquod ad uncias, descendit crassum intestinum, fineque cæco ilibus insidet. Ex ejus ima parte dexterius prodit in adulto homine gracile, fetui pro portione latius, longissime conicum, intestinulum, varie sursum recurvum, nonnunquam deorsum, plenum mucosis glandulis, quæ fæcibus gluten adfundunt. In fctu ipsum colon conico sine in *adpendiculam* continuatur. Pondus vero incumbentium scybalorum, deprimens spatium ad dextra adpendiculæ; robur cellulosæ telæ sinistram partem cæci cum ileo unientis; fibrarum carnearum utrumque intestinum unientium; vis ipsa contractilis ligamentorum; anterioris sacci cæci aptitudo, qui ab ileo intestino facilius fæcem accipiat, faciunt, ut adpendicula ex media fede dimota, ab extremitate sinistri coli exeat, sic nascatur dextrerrimus globus crassus pendulusque coli,

coli, adultis hominibus proprius. Quando ergo massa de cibo superstes, per ileon in intestinum colon advenit, ea pondere suo in eum cæcum saccum labitur, ibique stagnat, & ex calore loci propriaque natura putrescit; & hic inprimis fætor excrementorum incipit.

DCCXLII. *Colon* intestinum dicitur, quod cæco illi omnino continuatur, & idem est. Nempe crassum intestinum amplissimum, multo tenui robustius, incipit in ili dextro (DCCXL.), adscendit secundum renem, in angulo dextri hypochondrii hepati subjicitur, & utrique visceri per peritonæum connectitur. Deinde sub hepate, & ventriculo, transversum plerumque fertur ad lienem, cui subtenditur, (DCLXXVI.), inque recessu profundo sub costis sinistris sæpe in se ipsum contorquetur. Tunc descendit iterum, adque ile sinistrum flexu amplo facto (DCLVIII.) hujus flexus ima parte continuatur in pelvim, & porro *rectum* est.

DCCXLIII. Fabrica in universum quidem, quæ tenuium est; multa tamen alia habet. Et primo fibræ longitudinales omnes in tres fasciculos colliguntur, qui totum intestinum perambulant: eorumque unus nudus est, idemque major; alter oriens omento; tertius mesocolo continetur. Breviora intestino sunt, idque ita contrahunt, ut membrana (DCCXLIV.) nervea & villosa introrsum emineat. Eæ fibræ connectuntur accuratissime cum tunica externa intestini, intermediis locis vero, & maxime ad mesocolon,

colon, cellulosa prima adest cum adipe. Primum adpendiculæ vermiformi dilatata adhærent. In fine coli sæpe non sunt nisi duo ligamenta, cum duo minora in unum confluant. In rectum intestinum eadem se diffundunt, ut totum occupent.

DCCXLIV. Deinde carnea tunica & nervea, & cellulosa tertia, & villosa crassi intestini, in multo ampliores rugas producuntur, in locis inter ligamenta intermediis, triplici sæpe ordine eminentibus, quæ, a ligamentis sustentatæ, scybala paulum sustinere, relapsui resistere possint. In principio coli satis exquisitè ternatæ sunt, progressu magis & magis variæ, & minores & duplices, & solitariæ, & parvæ mixtæ magnis, & nullæ. Ligamentis, quæ colon contrahunt, deletis, fere integre evanescunt. Denique villosa membrana tenerior, & absque villis est, rugosa tamen, & porosa, tum magnis poris ad proprios folliculos amplos, rotundos, solitarios, tum parvis, innumerabilibus, ad parvos folliculos ducentibus. Utrumque genus mucum uberrimum fundit.

DCCXLV. *Vasa* crassi intestini partim sunt a mesentericis, majori, & sinistra, partim ab hypogastricis. Arteria quidem colica media a trunco *mesenterico magno* oritur, dum retro mesocolon transversum descendit. Ea uno vel duobus, vel tribus nonnunquam, caudicibus ad mesocolon transversum erigitur, & dextrorsum quidem cum ileocolica, sinistrorsum cum mesenterica

terica inferiori amplissimo arcu convenit, quæ inter omnes in corpore humano arteriarum anastomoses maxima est. Deinde sub mesocolo, ex eadem arteria mesenterica magna, unus major ramus, recta ad plicam ilei cum colo fertur, & sursum ad dextrum colon cum colica media, finistrorsum cum mesenterica concurrit, ex medio vero mesenterio ramum dat, qui per mesocolon adpendicis vermiformis decurrit, & duobus ramis in utraque, anteriori & posteriori, plica ilei cum colo definit. *Inferior* denique *mesenterica* proprio trunco inter renales & divisionem aortæ provenit, & adit colon sinistrum. Ea sursum concurrit arcu magno cum colica media, deorsum tribus quatuorve truncis coli flexum iliacum perambulat, & in rectum usque intestinum descendit. Ibi ab hæmorrhoidæ media, orta ex ultimo trunco hypogastricarum, varios ramos rectum intestinum accipit, cum prioribus conjunctos. Ultimi sunt ab eodem trunco, sed extra pelvim nascuntur. Minores omitto colicas aspermaticis, intercostalibus, omentalibus, capsularibus, lumbalibus natas. Venæ similes arteriarum in gastrocolicam, hæmorrhoidæ internam, hinc in venam portæ: deinde in hæmorrhoidæ mediam, externamque & iliacos truncos coeunt.

DCCXLVI. Divisio vasorum ad crassa intestina multa habet alia tenuibus. Arcus minus frequentes, neque ita repetiti, trunci longe sequentes intestini tractum, glandulæ adfidentes paulo pauciores,

pauciores, rami in intestino minus arbusculæ similes, angulis minoribus divisi, magis flexuosi, rete rarius in cellulosa tela. Depluit tamen liquidum exhalans in cavitatem intestini, & venæ perinde liquorem tenuem fætidum, de excremento reforbent. Sanguinem hæmorrhoidarium venæ externæ fundunt, in varices tumidæ: forte & internæ: semper præter naturam, etsi aliquando infarta vasa portarum ea jactura levantur.

DCCXLVII. Sed etiam *lymphatica* vasa a colo omni rectoque ipso intestino nascuntur, & hæc quidem cum lumbalibus conjunguntur. Neque ita absque exemplo est, loco lymphæ chylum, in his a colo natis lymphaticis vasis fuisse, argumento, etiam hoc loco aliquid utile superesse, quod sanguini cum emolumento adfundatur.

DCCXLVIII. *Nervi* sunt a plexu colico sinistro, quem rami descendentes plexus renalis utriusque, & alii a trunco intercostali in thorace & lumbis orti, & alii a plexu mesenterico magno nati componunt. Hi arteriam mesentericam inferiorem comitantur, colonque adeunt. Imi sunt a plexu modo dicto, & in pelvim ad rectum intestinum eunt; alii ab intercostalibus imis, alii a sacris ad idem intestinum accedunt. Pauciores sunt, & intestinum minus sensibile, ut adsuescat acribus, & duris scybalis.

DCCXLIX. Ergo sæx alvina, in crassi intestini cæco initio retenta (DCCXL.), reforbto liquido tenui exsucca, a rotundo contractoque colo figurata, adscendit ex imo cæco, elevata a liga-

mentis longis, quæ in adpendiculam vermiformem coeunt. Et melius hic adparet, quam in ipsis tenuibus, quomodo circulares fibræ contractæ fæcem propellant. Ad eam contractam fedem intestini longitudinales fibræ, tamquam ad punctum fixum adductæ, intestini partem inferiorem sursum trahunt, intestinum dilatant. Tunc nova sedes intestini, ad quam idem scybalon advenit, irritata, & ipsa constringitur, ad eam contrahuntur longæ fibræ, & dum hæc repetito fiunt, fæx iter totum per intestina crassa absolvit; fere intra 24 horas in sano homine. Nam motum peristalticum crassiorum intestinorum oculus demonstrat in vivis animalibus & vulneratis hominibus; ipsum antiperistalticum idem, tum phænomena clysterum per os redditorem. Eadem fibræ aeri, quem continent, resistunt, & *flatus* nasci dicitur, quoties superatæ cedunt, & intestinum extenditur.

DCCL. Dum fæx crassa dexterius secundum rugas DCCXL. five valvulas in ilei ingressu ex cæco intestino adscendit, inferiorem rugam sinistrorsum retrorsum inclinat, detrahit retinaculum utrique valvulæ commune, sic superiorem deorsum deprimit; ita adcurate clauditur iter, ne quidquam in ileon redeat, quod in fluidiori fæce non perinde adcurate fieri potest. Relapsura fæx a superioribus, valvulam superiorem depellit, & se ipsam adcuratius excludit. Adcuratius hæc in scybalis fiunt, in aqua minus adcurate. Eadem porro promovetur, magis & magis
exsucca,

exsucca, figurata, a causis iisdem DCCXLIX. lento itinere, per colon totum, repetito flexum, quinque & septem pedes longum, tempore tanto, quod sufficiat, ne interrumpantur negotia vitæ humanæ, & tanto minori quam 24 horarum, quanto tempore tenuia intestina cibos retinent.

DCCLI. Donec in *rectum intestinum* scybalon incidat, quod primo deorsum, deinde etiam antroorsum inclinatur, & latum est, & planum, substratum adpositæ primo, deinde insidenti aut vesicæ, aut vaginæ, & cum ista magis, quam cum illa connexum. Ibi diu, & magna sæpe copia, excrementum colligitur, ut in loco laxo, mollibus visceribus, musculisque cincto, & plurima pinguedine.

DCCLII. Fabrica hujus intestini multa ab aliis diversa habet. Externa membrana, sive peritonæum, unice antèrius adest, posterius vero latissima cellulosa cum multis glandulis conglobatis & adipe, intestinum ad sedem sacri ossis firmat. Musculares fibræ multo, quam alibi validiores sunt, longitudinales inprimis, quæ ex tribus ligamentis expansis & disiectis factæ, primo anteriorem faciem, deinde totum intestinum occupant, id contra advenientem faciem dilatant, & post scybalon egestum retrahunt. Sed etiam transversales robustæ adfunt, earumque ultimus ovalis, tumensque anulus, ipse *internus sphincter* est, quo orificium ani adcurate clauditur.

DCCLIII. Porro villosa tunica porosissima, reticulatis, polygonis, teneris rugis aspera, aliquot

etiam peculiare sinus habet. Nempe pars intestini proxima cuti, & ostio inferiori, circulum album firmumque valvularem efficit. In eum descendunt plicæ longitudinales, curvulæ tamen, & ad se invicem, in ipso circulo, accedentes. Inter eas plicas intercipiuntur adeo sinus fursum cavi, in ima parte profundiores. In eorum recessu ostia a magnis glandulis mucosis aperiuntur: ambitum vero ani defendunt glandulæ sebaceæ, ne ab acri, duraque fæce excorietur.

DCCLIV. Præterea proprii musculi anum regunt. *Externus* quidem *sphincter* latus & carneus, fit duobus planis fibrarum, semiellipticis, quæ & versus coccygem, & versus genitales partes se decussant. Et ibi quidem carnosus fasciculis in callosam cellulofam fabricam de coccyge descendente, se inmittunt. Hic autem perinde in cutem perinæi similibus lacertis, valentioribus vero tribus, medio, & lateralibus duobus, in acceleratorem bulbumque urethræ se firmant, quorum laterales illi inter sphincteris & levatoris naturam ambigunt. Fibræ ergo sphincteris inter anteriorem & posteriorem firmiorem sedem ad rectitudinem accedentes, interjectum sibi ani ostium claudunt. Cum sphinctere interno lacerulo externus conjungitur, ut una operentur. Hæc actio voluntaria est, neque perpetua. Naturaliter enim anum stringere videntur angustia ostii, cum amplo intestino comparati, rugæ sibi respondentes DCCLIII. robur fibrarum transversalium interni sphincteris, incumbens vesica.

DCCLV. Sed aliud est officium *levatorum*, amplissimorum muscutorum, & multiplicium, qui late inter obposita ossa ischii descendentes, subjecti recto intestino, & vesicæ, sustinent utrumque, ne descendat rectum, & turpiter hiet. Idem præterea fibris suis late declinantibus in naturam sphincteris, cum eo musculo conjuncti, fibras ejus diducere, anum aperire, sed una levare possunt, & sustinere, ne, dum scybalon egeritur, deorsum prolabatur. Oriuntur autem, uti notum, a spina ischii, & osse ilium, & osse pubis ad synchondrosin, eodem terminante ambitum foraminis ossis pubis, & ischii denique parte, quæ super tuber est. Supremo loco, sub coccyge, conveniunt in unum, & multis fibris in coccygem inferuntur.

DCCLVI. Ergo, quoties sæx in rectum intestinum magna copia collecta est, & molesta fit pondere irritante, vi acri, etiam vicinis visceribus molesta, urgetur ea ex imperio voluntatis per angustias conniventis intestini (DCCLIV.) vi incumbentis diaphragmatis, nixum cientis, quod deorsum vi magna deductum, pleni abdominis viscera, quibus pariter contracti muscoli abdominis resistunt, deorsum determinat, & per pelvis imum inter ossa hiatum, qua minus resistitur, urget contenta vesicæ, aut recti intestini. Superata angustia ani, remittit vis septi transversi, & sæx porro vi peristaltica ipsius intestini de corpore eliminatur. Egesta fæce retrahitur intestinum a fibris suis longis, & anus constrictus ab
utroque

utroque sphinctere ostium suum, ut prius, claudit.

DCCLVII. Hæc fæx fætidissima in homine & animalibus carnivoris, pene putrida, subalcalina, mollis, multum continet olei, cum sale subacti; quæ tum a cibis reliqua sunt, tum a bile aliisque humanis humoribus. Acris & olida de eo aqua in sanguinem redit; hinc dura alvus in febribus noxia, quæ putredinem adfusa materiæ augeat.

C A P. XXV.

V A S A C H Y L I F E R A.

DCCLVIII. Chylus albus succus est (DCCXXXVI) de alimentis extractus, qui sanguini adfunditur. Ejus natura ex aqua, & oleo composita esse videtur, argumento saporis cum aliqua falsedine dulcis, indolis acescentis, albi coloris, secessionis & coagulabilis naturæ, levitatis qua sanguini innatat; quibus dotibus emulsiones mire refert. Farina vegetabili, cum lymphâ & oleo animali componitur. Dotes alimentorum volatiliū, oleosorum, passim retinet. In lac abit, parum mutatus. Tunc autem manifestius prodit glutinosum, quod ipsi inest, serum, pellucens, in calore magno, vel diffuso quod aqueum est, coagulabile in gelatinæ aliquam speciem.

DCCLIX. Chylum ex villosa intestini tunica, cui adhæret, in lactea vasa resumī, dudum notum fuit, ex experimento liquidi tinctorii, quod
eam

eam viam descripserat ; ex similitudine albi liquidi in vasis lacteis & extra ea vasa visi ; ex natura venosa lacteorum vasorum. Nuperrima experimenta multa melius docuerunt. Per osculum in extremo quoque villo patens, forbetur chylus, vi, quæ cum capillaribus tubulis comparari potest, recipitur in cavum villum, laxatum, quando ipsum intestinum laxum est ; ampulla vero compressa, a motu succedente constrictorio fibrarum intestini, porro exprimitur in ductum, qui in cellulosa secunda adparere incipit. Duplex autem hujusmodi trunculorum stratum est, anterius, & posterius, ut in vasis rubris dictum fuit (DCCXXIX.). Inde in primam cellulosam jam in majorem canalem unitum transit, *lacteum vas*, & in universum arterias sequitur, earumque etiam arcus comitatur, in retia valde obliquangula cum sui similibus conjunctum. Quadrupedibus hætenus proprium genus est vasorum. In crasso intestino absque ampulla eadem nascuntur. Plurima oriuntur a priori parte intestini tenuis, sub mesocolo, aliqua a duodeno, nonnulla ex ipsis crassis intestinis.

DCCLX. Valvulosa sunt vasa lactea, in ipsa prima intestini cellulosa tela, uti lymphatica, geminis pariter lunatis frequentibus (L.VII.) valvulis ornata, quæ chylum ab intestinis venientem mittant, relapsurum sustineant. Eo toto itinere motus peristalticus intestinorum chylum urget ; & vis peristaltica vasorum, omnino irritabilis, quæ etiam a morte chylum propellit ; &
pressio

preffio insignis mufculorum abdominis, per valvulas determinata.

DCCLXI. Sed inter laminas mefenterii, ad divisiones vaforum, reperiuntur infinitæ glandulæ, generis conglobati, molliores tamen, fpongiofæ, tela cellulari fucci plena factæ, membrana externa, minus quam alibi dura, tectæ, numerosiffimis fanguineis ramulis pictæ. Aliqua lactea vafa has glandulas præterire videntur, pleraque adeunt, & per ejus cellulofam fabricam divifa & subdivifa maximam glandulæ partem componunt. Et viciffim alia vafcula lactea ex quaque glandula nafcuntur, interque fe invicem conjuncta in trunculos abeunt, quorum ultimi maximi de glandula exeunt. Eodem modo porro bis, ter, quaterve alias & alias glandulas chylus fubit, neque ullum vas lacteum in ductum thoracicum venit, quod prius non glandulam adiverit aliquam; etfi paffim aliquas præterlegat, neque ingrediatur. Effe vero hoc verum iter chyli & ab intestinis ad mefenterii glandulas pergere, demonftrat ligatura, qua injecta vafa lactea inter vinculum & intestinum intumefcunt; fcirrhi glandularum, quibus confpicua redduntur; valvularum natura, relapfum ad intestina inpediens.

DCCLXII. Quid chylo in his cellulofis fpatiis contingat, non fatis certum eft. Adparet tamen, ex arteriolis fecerni in iis glandulis tenue aliquod liquidum, quo adfufo chylus diluatur. Obfervatum enim eft, omnibus glandulis fuperatis chylum magis aquofum adparere; & liquida te-

nuia

nuia injecta ex arteriis exeunt in cellulas glandularum, chyloque se miscent, cum per arterias vasa lactea repleri possint. Is demum cremor in glandulis infantum manifestus adparet.

DCCLXIII. Ex ultimis glandulis, quæ propius in centro mesenterii congeruntur, pauciora denique vasa lactea maxima exeunt, quatuor, quinque, vel plura, quæ cum arteria mesenterica adscendunt, & miscentur plexui lymphatico, qui ex partibus inferioribus corporis ortus, trans venam renalem repit, deinde cum eo, qui retro arteriam aortam a glandulis lumbalibus advenit, & cum hepatico. Ita natus ductus variabilis equidem, frequentius tamen in ampullam notabilis latitudinis ad latus aortæ, inter ipsam, & appendicem septi transversæ dextram, solet intumescere, longam ad duos pollices & ultra, & frequentissime in ipsum thoracem productam, supra transversum septum, utrinque conicam: vocant *chyli receptaculum*. In eo lymphæ gelatinosa artuum & abdominis miscetur cum chylo, ejusque alborem hætenus diluit; ut sæpe pellucido aut subrubello humore plenus videatur, non raro tamen etiam albo lacte. Est tamen, ubi duo, tresve ductus, etiam minores, & angusti, loco hujusmodi *cisternæ* adfunt. Frequentior tamen ea est, & compressa a diaphragmate, ab aorta elisa, tanto celerius chylum promovet, quanto lumen latius ductu habet, in quem se exonerat; ut tamen raro ita brevis sit ampulla, ut possit

cum ovo comparari; & plerumque longa, in medio latior, utrinque conice decrescat.

DCCLXIV. In eum ductum chylum de intestinis venire ostendit administratio, quæ nonnunquam a primis lacteis fluidum metallum in usque thoracicum urfit; vincula injecta ductui, aut ipsi rubris venis, quæ ductum recipiunt, & a quibus vasa lactea prima & secunda tument; manifesta chyli in ductum thoracicum successio, quando vincula remota sunt.

DCCLXV. Is *ductus thoracicus* ab itinere dictus, plerumque unicus est, & si duplex, non magna parte sui itineris confecta, unitur in unum, qui pone pleuram, inter venam sine pare & aortam, flexuose adscendit, recipit inserta vasa lymphatica ventriculi, œsophagi, pulmonum, per glandulas conglobatas, quas piurimas adcumbentes habet, advenientia, in magnos glomeres collecta. Cylindricus in universum, frequenter infulas facit, & fissus in se ipsum redit, maxime superius. Valvulas pauciores, & minus evidentes nactus est. Ad quintam plerumque vertebram sinistrorsum inigrat, pone œsophagum, indeque per sinistram sedem pectoris adscendit, pone vasa subclavia, donec in collo ad sextam fere vertebram perveniat.

DCCLXVI. Tunc recurvatus, sæpe fissus, ramo utroque in ampullam quamdam dilatato, descendit, & unitis osculis vel distinctis, ingreditur venæ subclaviæ cum jugulari interna conjunctionem, oblique ingressus, ut a posterioribus, superioribus,

perioribus, dexterioribus, deorsum, sinistrorsum, antrorsum tendat, vel unico ramo, vel altero, & venam subclaviam exterius quam illa conjunctio subeat. Valvulam veram fluctuantem fere circularem præfectam habet, & sanguinem subiturum etiam ipso descensu arcet. Rarum est aliter se habere; rarissimum fissum duobus cruribus duas subiisse subclavias; & adhuc rarius, subiisse aliquo ramo venam sine pare. Proxime insertionem suam recipit insertum vas lymphaticum magnum, transversum, ab artu superiori veniens, & aliud descendens a capite, unum vel plura.

DCCLXVII. Per ductum thoracicum in sanguinem chylum venire constat, quod vinctis rubris venis & ductus thoracicus, & in eum inmissa vasa lactea turgeant.

DCCLXVIII. Primam causam motus in chylo, resorptionis ipsius, adtractioni vasculorum capillarum imprimis tribuerim, cum contractione peristaltica intestini alternas vires observanti. Vis adtractilis villum replet, vis peristaltica villum inanit chylumque ultro promovet. Reliquos ejus motus videtur a vi ipsius membranæ vasis lactei pendere, quæ etiam post mortem animalis chylum expellit, ut pellucida fiant vascula, quæ lactea fuerunt. Neque nihil potest alterna vis conprimens diaphragmatis: & motus chyli per thoracem aliquantum a castello acceleratur, quod pressum tanto celerius chylum promovet, quanto ipsum ductu thoracico est amplius.

DCCLXIX. Sanguini mistus chylus non continuo naturam deponit, argumento lactis innati. Quinque tamen horis à pastu & ultra, fere ad duodecimam, quo toto tempore femina lac præbere potest, nunc fere octogies millies per corpus humanum circumductus, fons calore corporis, mistus liquidis humanis, ita mutatur, ut adeps partim in cellulofam deponi, partim in globulos rubros figurari videatur (CXLVII.), gelatinosa pars in serum sanguinis abeat, aquosa partim per urinam, & perspirationem diffuat, partim sanguinem diluat. Neque rarum est, vel lacti in moribundo animali in chyliфера vasa pellucidum liquorem succedere, vel in diversis intestini regionibus alibi album, alibi limpidum liquorem vasis inesse, quæ fabrica tota consentiunt. Non ergo duplex vasorum intestinalium genus datur, quorum unum chylum solum, aliud peculiariter lympham veheret.

DCCLXX. Extra tempora digestionis lactea vasa aquam de intestinis resorbent, & pellucunt; ductus vero thoracicus imprimis lympham abdominalem & corporis fere totius (LIII.) ad sanguinem reducit.

C A P. XXVI.

R E N E S. V E S I C A. U R I N A.

DCCLXXI. Chylus in sanguinem resorbitus plurimum aquæ continet, cujus in sanguine ni-

mia

mia ratio foret, nimisque promptus in cellulosa spatia secessus, nisi expurgaretur. Ejus pars per cutem exhalat (CCCCXXXVI.); pars alia, æque magna & sæpe major, per renes percolatur, & de corpore decedit.

DCCLXXII. *Renēs* vocamus viscera duo pone peritonæum posita, ad latus utrumque spinæ dorſi, incumbētia ſepto tranſverſo, muſculiſque pſoæ & quadrato, ut tamen dexter fere humiliori loco ſit, & magis ad poſteriora remotus. Ante ſe habent dexter quidem ſuperne hepar (DCXC.), deinde colon & inteſtina; ſiniſter lienem, ventriculum, pancreas, & pariter colon. Ad colon, duodenum, hepar, lienem, plicis a peritonæo factis religantur. Figura exterius convexa ſemi-elliptica, facies utraque conpreſſa eſt, interius concava, inæqualiter diviſa, in ſuperius craſſius extremum, & longum, planum, & gracilem, inferiorem finem. Membrana externa firma & ſolida arcte adhæret, neque eſt a peritonæo. Inter eam, & peritonæum lumbare, ſemper copioſiſſimus adeps interponitur, quo undique, tamquam cortice, ren totus ambitur, & nidus completur, quem ſibi paratum ren non totum replebat. A rene peritonæum ad hepar, ad lienem, ad colon, ad diaphragma adſcendit, & reni quaſi ligamenta parat.

DCCLXXIII. *Vaſa* renum ampliſſima ſunt, tum arteriæ, quæ meſentericam junctæ ſuperant, tum venæ. Et *arteriæ* quidem ab aorta ſub ea meſenterica exeunt, non valde conſtantes, ſiniſtra
tamen

tamen brevior, dextra longior, utraque non raro duplex, triplex, quadruplex. Ab iis arteriis nascuntur capsulares arteriæ infimæ, & adiposæ, ad corticem pinguem renis euntes (DCCLXXII.), & non valde raro spermaticæ. Ramulos minores a spermaticis, lumbalibus, pinguedo potius accipit, quam ipse ren. Crassæ sunt arteriæ, ut magna tunicarum ad lumen portio sit, & ex robustissimis sint, & aortæ robur tertia parte superent.

DCCLXXIV. *Venæ* amplæ, maxime sinistra, minus quam arteriæ inconstantes: dextra quidem sæpe absque ramo, brevis est & recondita; sinistra semper & alteram feminalem venam, & capsularem, & venæ sine pari ultimam sui lateris propaginem recipit. Eadem amplissima sequitur duodenum intestinum, longe transversa, ante arteriam aortam, in sinistra producta. Utræque & arteriæ, & venæ, angulo deorsum acuto, a magnis vasis proveniunt, & utræque etiam prius quam renem subeant, in plures ramos finduntur. Transitum sanguinis ex arteriis renalibus in venas valde expeditum esse, demonstrat facilitas, qua aqua, cera, aer eam viam legunt. Venæ adipis renalis supremæ ex capsularibus, mediæ a renalibus, imæ sunt a spermaticis.

DCCLXXV. *Lymphaticæ* venæ satis amplæ in regione renalium venarum reperiuntur, ortum daturæ cysterne chyli (DCCLXIII.), quæ ramos dicuntur accipere, sub externa renis membrana divisos, quos putredo manifestos reddat, aut impulsus

pulsus in arterias renales, etiam in ureterem, liquor.

DCCLXXVI. Porro *nervi* renales multi & parvi, a plexu oriuntur insigni, utrinque misto gangliis, quem rami ganglii magni semilunaris generant, conjuncti cum ramis ab intercostali trunco ex ipso thorace adrepentibus. Cum arteria renem adeunt, & mesentericos medios (DCCXLVIII.), & spermaticos nervos edunt. Cum parvi sint, ren parum acutum sensum habet.

DCCLXXVII. Infidet reni supremo *capsula renalis*, magna in fetu, & rene major, non perinde in adulto crescens, glandulosa, conglomerati generis, in lobos discessura, in fetu ovalis, in adulto homine triquetra, dextra hepatis, sinistra lienis & pancreatis, utraque septo transverso & reni, totidem hedris adhærens. Omnibus comparatis videtur tamen capsula intus cava esse, separabili quasi ventriculo, superficie glabra, quasi tonsa intus terminata, liquido plena ex flavo rubente, fluido, pene sanguineo. *Arteriæ* capsulæ multæ & trium generum sunt, supremæ a phrenicis; ab aorta mediæ; imæ a renalibus: *Venæ* utrinque una, magna, dextra ad cavam, sinistra ad renalem. Ea vena per levissimum ventriculum nuda migrat, in fulco dividente capsulam, & ramos per internam superficiem emittit. Utilitas ignoratur, etsi ad renem, & in fetu quidem, pertinere suadeat perpetua in adeo multis animalibus vicinia. Ductum excretorium nullum

lum nacta est, neque succum suum per conspicuos poros in venam refundit.

DCCLXXVIII. Fabrica renis interioris satis simplex est, & nota. Vasa subeunt intervallum partis superioris & inferioris renis, & in carnem ejus se demergunt, cincta cellulosa vagina, inque ramos finduntur, qui inter ramos ejus, quæ dicitur pelvis, exeunt, per columnas, papillis interpositas. Inde porro & in papillas, & inter eas, arcubus factis, papillarum originem circumlegunt, ambitui propiores, nonnunquam sed parvis ramis conjunctos, unde innumerabiles furculi prodeunt, quorum alii & per papillarum intervalla in columnas & in papillas redeunt, alii versus renis externam circumferentiam tendunt, & nonnunquam perforata tunica renis in adipem ipsum exeunt, & ibi in minutos serpentinis furculos mutantur, qui reflexi versus idem, unde oriebatur trunculus arteriæ, renis discrimen, sensim exporriguntur, seque inter ductus uriniferos inmiscunt. Ex cortice vero nonnullis quasi flammulis nascuntur fasciculi tubulorum uriniferorum, magno numero in fila collectorum, quorum quodque plurimos tubulos continet. Continuari cum arteriis, aut certe earum ramos sibi inmissos recipere, experimenta suadent, per quæ aqua, ipse aer, non difficulter ex arteriis renis in ureterem transeunt; morbi denique, per quos ipse sanguis id iter sequitur. Inter has papillas, & circa earum ortum, glomeruli subrotundi sedent, quos pro glandulis, ductus proprios

prios uriniferos angustiores arteriosis producentibus, recentissimi anatomici habent. Inter eos ductulos multæ arteriæ parallelæ pergunt. Corticem vasculis incurvis constare probabile fit, quæ clari viri pro minoribus habent, quam sint rubra.

DCCLXXIX. Vascula *urinifera* convergunt sensim, radiorum modo conjuncta, & numerosa in unum inferuntur ductum cæcum, quales ductus reliquam papillam perficiunt, inque ejus convexo fine per conspicuos poros singuli terminantur. Harum papillarum numerus non penitus certus est; sunt tamen tredecim, & ultra, & simplices, & triplices, & quadruplices demum visæ. Hæ in fetu ita distinctæ fuerunt, ut ren ex totidem reniculis fieret, laxa cellulositate nexis, quorum quilibet suum corticem, ex serpentinis vasculis factum, suam rectorum vasorum uriniferorum compagem haberet; quorum renum omnium basis in ambitu renis sit, vertex ad centrum conspirent. Duorum reniculorum oppositi cortices columnam faciunt, quia duas papillas dissepit. In adulto homine, densior cellulosa tela papillas adtrahit, inque unum renem unit; naturam tamen fetus ren pene recuperat, si aqua, injecta vasis, cellulosam telam laxaverit. In eodem fetu ren, quam in adulto homine, major est.

DCCLXXX. Circa eminentem hujusmodi papillam membraneum involucrum laxum, distinctum, ampliori spatio ita adnascitur, ut in ca-

vum cylindrici hujus infundibuli tubum papilla existet, & aliquando duæ, proximæ. Hi tubi confluunt bini ternive, cum sui similibus, & nascuntur ea ratione tres trunci, supremus, medius, infimus, cavi, qui & ipsi, sed extra renem, in unum, conicum canalem uniuntur, qui *pelvis* dicitur.

DCCLXXXI. Sanguis arteriæ renalis, minus, ut creditur, mobilis quam cerebralis ille, & forte majori aquæ copia plenus, per arteriolas renis serpentinis adductus, deponit in vasa rectilinea papillarum magnam aquæ suæ partem, & oleum intime huic aquæ mistum, & sales, & si quid tenuioris inest liquidi. Ipsa vero diameter orientis ductus uriniferi, ejusque firma resistantia, crassum oleum, & chylum, & lympham coagulabilem, excludere videtur. Hinc adeo facile aucta celeritas sanguinis ipsum cruorem per eas fistulas urget; laxitas vero morbofa adipem verum, & lac ipsum, & sales ciborum potiusque transmittit. Restituta vero per adstringentia medicamenta renis firmitas naturalem urinam restituit. Etiam nervi in stringendis & laxandis his viis potestas est, cum ex gravi animi adfectu urina, quæ flava generabatur, subito prodeat aquea. Quantitas ingens paratur, æqualis perspirationi, aut aliquanto major.

DCCLXXXII. Ab igne, aut putredine, nonnunquam in morbo, in animalibus nonnullis facilius, urina in alcalinam demum volatilem naturam transit, mistam intime cum oleo partim empyreumatico,

empyreumatico, flavo, volatili, partim tenacissimo, ultima vi ignis demum separabili, sive phosphoro, glaciali corpore, sponte lucente, aque aere flammam concipiente; terra denique copiosiori, quam in ullo liquido humano, & cretacea & spatacea, hæc fere ex potu, illa etiam ex ipsis solidis corporis partibus dissolutis, sanguini admistis. Sed etiam sal marinus lotio recenti inest, & post longam putredinem tamen in phosphoro detegitur, etiam si magna pars in volatile alcali convertitur. Neque abest acida stilla, vitriolicæ congener, & in homine & in animalibus. Sed fusilis etiam in calore sal ex urina habetur, frigidus, nitro congener. In febre olei & salis portio & acrimonia augentur.

DCCLXXXIII. Pelvi continuus *ureter* promovet acceptum lotium vi incumbentium viscerum; musculorum abdominis, & lumborum; circulum obeuntis, & urgentis a tergo sanguinis; & denique ponderis. Et ureter quidem peritonæo tectus, deinde cellulosa tela factus, porro musculosa debili, obscura, si ulla est, cellulosa altera, & alba nervosa firma tunica, & alia cellulosa, & intima levissima membrana factus est; intus forte porosa, & glandulosa, modice omnino in universum irritabilis. Varia ipsi variis locis diameter est, & passim in ampullas intumescit. Descendit per psoam, trans magna vasa iliaca, in pelvim venit, retro vesicam urinariam, & in conjunctione partis descendentes vesicæ cum transversa, oblique inter carneas fibras perveam-

que tunicam, & inter istam & villosam, longe introrsum descendit, ut duorum ureterum ostia sibi vicina sint, atque resecto quasi lumine aperitur. Nulla ipsi valvula neque ad osculum, neque in ejus ductu est. Ab ea infertione tumens linea crassioris nervosæ tunicæ versus caput gallinæ descendit.

DCCLXXXIV. In renibus lotium separari res ipsa ostendit, cum possit de suis canaliculis pressis emulgeri. Per ureterem descendere evincit tumor mirificus renis, & partis ureteris quæ super vinculum est; inanitas partis, quæ est sub lino. In vesicam venire denuo tumor inmensus ureterum & renum, quoties aut vesica lotium recusat admittere, aut emittere nequit, nato utrovis loco obstaculo.

DCCLXXXV. Neque alia via urinam advenire videtur. Etsi enim certum sit exhalare ventriculum, ut aliæ membranæ solent, & minime alienum videatur ab experimentis inhalare vesicam; etsi porro velox sit transitus aquæ acidularum, non ideo præter ureteres via est, quæ de cibis aquam eo adferat. Nam vesica ab abdominis cavitate undique peritonæo separatur; neque valde certum est, posse vapores aut exeuntes de vesica, aut eam subituros, poros in peritonæo patulos invenire; neque multum inbibunt membranæ jam madidæ & humore saturæ. Sed etiam urina, quæ vesica continetur, ad mortem usque eam distendit, neque vias reperit, per quas in pelvim effugiat; & vicissim quando ab ureteribus

bus nihil accipit, calculo obstructis, eadem aut inanis est, aut acerrimam & crassissimam urinam continet, manifesto indicio, aquam de pelvi in vesicam viam nullam invenisse. Et sollicita observatio modi, quo aquæ medicatæ mingendo redduntur, demonstrat minime eam esse, quæ credebatur rapiditatem; sed frigus admissæ aquæ, ut frigus solet cuti admissum, concutere vesicam, ut urinam continuo ejiciat, non eam, quæ ex ultimo potu nata sit, sed antiquam, & prioris horæ. Et amplitudo vasorum renalium demonstrat, non multo minus octava parte sanguinis totius corporis, adeoque intra horam ultra mille uncias sanguinis ad renes advenire, ut minime alienum sit, viginti, & quinquaginta demum uncias aquæ, eo tempore posse de sanguine decedere. Denique certum est, perire hominem, perire animalia, quibus ureteres ligati, obstructi sunt, neque tunc in vesica urinam reperiri.

DCCLXXXVI. *Vesica urinaria* fedet in cava pelvi, abdominis adpendice, ossibus pene undique cincta, inferius tamen, & ad latera, musculis solis clausa, in feminis, quam in viris undique ampliori. In ea ita ponitur, ut multa cellulositate cum ossibus pubis cohæreat; deinde ab iis accipiat peritonæum, anterius modica parte sibi inpositum, retro vesicam vero longe, ad ingressionem pene ureteris descendens, a qua sede porro ad rectum intestinum, aut ad uterum in feminis, pergit. Pone se id ipsum intestinum subiectas vesiculas habet, & prostatam, rectum intestinum,

stinum, levatores ani. In fetu valde longa, conica, super ossa pubis se effert; in valde adulto homine vix eminet etiam inflata, quod ibi pelvis multo major pro corporis portione, & profundior sit.

DCCLXXXVII. Figura hujus receptaculi in universum ovalis est; faciem tamen anteriorem planiorem, posteriorem convexiorem, inferiorem obtusum verticem valde planum & latum habet, quo intestino insidet. Ea figura in viro adulto est, fetui pene cylindrica fuit, foeminæ multiparæ ita per latera latefcit, ut in rotundum quoddam tetraedrum abeat, cujus sectio triangulum est. Hæc mutatio videtur a pondere lotii fieri, quod partes infernas vesicæ deprimit, in latitudinem cogit, sic totam breviorē, latiorē reddit. Magnitudo diversa est; ut in morbis ab irritatione & frequenti constrictione nonnunquam minima sit.

DCCLXXXVIII. Fabrica est, qualis in omnibus magnis cavis receptaculis. Prima membrana cellulosa est, antè laxa & pinguis, postè paulo minus, qua etiam cum recto intestino conjungitur. In ea rete vasorum est, venarum potissimum. *Musculosa* hanc sequitur, difficilis dictu, fibris facta contractilibus, pallidis, in varios lacertos reticulatim ordinatis, non continuis, sed plurimis spatiis interruptis, in quibus nervea tunica nuda est. Princeps stratum fibrarum longitudinalium est, quæ a prostata antè ortæ, neque raro, etsi non semper, ad synchondrosin
 ossis

offis pubis, aut membranas eam velantes, ita connexæ, ut ibi oriri videantur, adscendunt late-
scendo, ad conicum, supremum terminum vesi-
cæ, trans eum descendunt per posteriorem su-
perficiem, ibi latefcunt insigniter, & in prostata
iterum terminantur; ad latera tamen varie palma-
tim discedunt, & ex anteriori atque posteriori
plano miscentur. His fibris deprimi vesicam ne-
cesse est, urinam ergo versus imam partem de-
pelli.

DCCLXXXIX. Reliquæ fibræ ægre ad aliquem
ordinem reducuntur. Replent intervalla prio-
rum, a prostata ortæ, inde adscendunt inflexæ,
& stratum partim obliquum, partim transver-
sum eo magis quo sunt interiores faciunt, tam
anterius, quam posterius.

DCCXC. Vesicæ vis contractilis lenta est, sed
perpetua, ut a summa dilatatione ad minimam
diametrum absque alterna relaxatione se ipsam
minuat, inque ea minima diametro diu maneat.
Stimulus minus incommodus urina est, magis
molesta aqua injecta, maxime calculus, omne ge-
nus irritamenti. Supra modum distenta vires
suas amittit, ut urina porro aut non expelli pos-
sit, aut non retineri.

DCCXCI Interior musculari est cellulosa fe-
cunda elegans, inflabilis, tenerior, & mollior,
quam in intestinis. Tunc nervea sequitur, con-
tinua cuti, adprime sentiens, similis, ut in ven-
triculo, & obscurior superest intima, a nervea
difficilius separabilis, epidermidi continua, & pa-
riter

riter reparabilis, mucosissima, in varias rugas plicata, absque certo ordine. In ea, sed non semper facile, adparent pori cryptarum, viscidum blandumque gluten fundentium: mucus ipse manifestissimus est, & tanto copiosior paratur, quanto magis vesica irritatur. Ejus ad minuendum acris lotii sensum summa est necessitas.

DCCXCII. *Vasa & nervi* vesicæ communes sunt cum iis, quæ genitales partes adeunt, & ibi dicentur. Quæ ab epigastricis accedunt, exiguæ sunt. Rete princeps est in cellulosa prima, aliud in cellulosa secunda. In villosa & exhalantes arteriæ sudant, argumento ab injectione anatomica petito, & sorbentes venæ hiant, quibus debetur inspissatio conservatæ urinæ, & altior color. *Lymphatica* vasa in cellulosa prima facile demonstrantur, sed aliunde forte, & a proximo intestino orta.

DCCXCIII. Eadem urinariæ vesicæ, quæ aliorum saccorum membranaceorum natura est, ut nempe aquam & ex cavea sua per inorganicos poros suarum membranarum transmittat, & per eosdem ex aqua sorbeat, in quam merferis.

DCCXCIV. In hanc vesicam, perpetuo filo, sensim urina depluit, argumento ducto a morbo-
sis & monstrosis casibus, in quibus urethræ finis oculo subjectus fuit, ibique moram agit, & a resorbta aqua acrior, & rubicundior redditur. Neque tota innotuit causa, quæ lotium in sua vesica retinet. Sphincter obscurior est: videtur adjuvare depressio vesicæ, quæ pone sphincterem
sub

sub suum ostium in rectum intestinum convexa descendit, ut tum demum ad urethræ labrum urina veniat, quando aliqua ejus copia collecta est. Certe, ne in cadavere quidem, urina sponte effluit.

DCCXCV. Donec mole, & acrimonia irritans sensibilem vesicæ fabricam expellatur urina, primo motu diaphragmatis & muscutorum abdominalium, quo urgente & in erecto homine intestina contra vesicam pellente, per angustam & inpeditam viam lotium viam sibi facit; deinde motu peristaltico contractæ fabricæ muscularis vesicæ. (DCCLXXXVIII. seq.)

DCCXCVI. Videtur per urinam, præter aquam & ciborum particulas, multum materie corpori humano noxiæ decedere; terra primo calcaria, de ossibus & solidis partibus resorbta, factura crustas osseas & calculos ubicunque moram nacta fuit; terra spatacea fontium; oleum acre & cum sale in naturam volatilem mistum. Retenta hætenus urina, ad calculi generationem adque podagram disponit; subpressa febres facit acres, in cerebrum refluit denique, idque inundat & destruit.

DCCXCVII. Ex vesicæ obtuso vertice, nondum ex imo fundo, antè, exit angusto ostio canalis, continuus vesicæ, *urethra* dictus, sua, & epidermidi manifesto continua, interna membrana, & circumposita cellulositate, & solidiori nervea tela factus. Is variabili diametro & directione est; rectus idem in feminis, transversus & brevis. Valvulam in ostio non reperio.

DCCXCVIII. Eam urethram primo undique includit prostata glandula, deinde nudam demittit, brevi spatio, quam continuo inferne prius adnatus bulbus, deinde etiam superne circumjectus undique amplectitur, cavernosa vero penis corpora superne & lateraliter adjecta, in sulcum utrique communem recipiunt, & addunt robur & constantiam aperti tubi. Latissima urethra, qua ex vesica prodit, conice in prostata contrahitur, parte libera cylindrica, in bulbi prima accessione latior, in pene perinde cylindrica; paulo cis finem modice latefcit.

DCCXCIX. Hunc canalem muscoli varii regunt, aut proprii, aut vicini. Et primo in feminis manifesto secundum exitum circumjiciuntur orienti urethræ fibræ, in universum transversæ, ut tamen se varie decussent, quibus in vagina firmamentum, & officium manifestum est, quod sphincteris, deprimere nempe canalem, cujus ostio præfectæ sunt, & contra resistantem, contractam vaginam, sphincteremque ani claudere. In viro similes transversæ fibræ, sed arcum tamen sursum spectantem intercipientes, in vesicæ cum prostata conjunctione decurrunt, & tegentes fasciculum fibrarum longitudinalem, & prostatam, & iis fibris tectæ, hætenus stringendo vesicæ ostio idoneæ.

DCCC. Transversus musculus prior, e ramo ischii emittente erectorem penis musculum in transversum versus alterum os ischium delatus, partim in eum transit, partim bulbo urethræ medio inseritur, partim in acceleratorem degenerat.

Bulbum

Bulbum urethræ urget, concutit, retrorsum ducit. Alter ab ischii offis ramo natus inferitur in isthmum urethræ, ante bulbum, eamque dilatat.

DCCCI. Sed etiam levator ani urethram contra os pubis levare videtur, adeoque exitum vesicæ claudere, & accelerator una cum sphinctere constrictus facile percipitur in vivo homine, dum vesicæ ostium perfecte obferat, & lotium etiam fluens reprimit, ut minime dubium sit, ejus musculi modicam tensionem aliquid ad retinendam urinam facere.

DCCCII. Nixu nunc edito (DCCXCV.), diaphragmate urgente, lotium celeritate tanto majori profilit, quod ex amplo receptaculo per angustum canalem exeat, & ejecta hominem molestia liberat. Ultimas guttulas, restitantes in bulbi imo loco, hinc pondere morantes, expellit idem *accelerator* musculus, valida nempe vagina musculosa circumposita bulbo urethræ, fibris in ima, media, parte bulbi pennatim convenientibus, antèrius duobus tendinibus adfixus corporibus penis cavernosis, posterius sphincteri ani tribus fasciculis innexus, quorum duo laterales, unus medius est, non sine accessione a transversis. Hic musculus firmato tunc & clauso sphinctere sursum bulbum elevat, & valida vi, alterne urethram succutiente, etiam minimas guttulas expellit.

DCCCIII. Pyramidalis abdominis vesicam ex funiculo vaforum umbilicalium deducat deorsum,

& relaxet, aptetque actioni musculosarum fibrarum longarum non potest admitti, cum musculus ipse sæpe nullus sit, neque vesicam deducere possit, & rarissime ad umbilicum veniat.

DCCCIV. Cum vero urina acris sit, & sensilissima membrana urethræ, & cum aer eo subire queat, magnam vim muci in eum canalem natura congeffit. Eum, præter vesicæ fontes, generant glandulæ primo duæ conglomeratæ, quarum una utrinque fedet in angulo bulbi urethræ, & corporis cavernosi penis, ductumque emittit in urethram longe & oblique decurrentem, ante ejus bulbum insertum. Isthmi glandulam, a tela cellulosa diversam, ignoro. Deinde tota urethra plena est sinibus mucosis cylindricis, quorum plurimi versus glandem descendunt, aliquorum directio contraria est, in quorum latera cryptæ minimæ mucum deponere videntur fluidum, mitemque. Eorum sinuum majores longo ordine per superiora urethræ disponuntur, initio anterius quam bulbus factò, ad glandis usque initium. Minores & miscentur majoribus, & ad latera utrinque circumstant. In feminis multæ & majores sunt in breviori urethra, maxime in exitu.

DCXCV. Necessaria vitæ humanæ mundities moram lotii desiderat. Verum eadem utilitas non potuit non periculum facere morbi, cum urina quiescens terram suam continuo deponat, eaque, novis accedentibus stratis, in calculum abeat. Videtur tamen ex consensu tot populorum,
calculo

calculo liberorum, mucum levissimum vesicæ fatis nos tutos præstare, nisi aquæ fabulosæ topoque plenæ; & potus vinosi; & viscidissimi cibi; & quies nimia; & retentio urinæ contra naturæ leges diuturnior; & corpus aliquod viscidum calculosam terram adtracturum; & morbi denique renales, terræ calculosæ copiam, adhesionem prætarent.

C A P. XXVII.

PARTES GENITALES VIRILES.

DCCCVI. Proxima renibus vasa genitalia oriuntur, & quidem in omnibus fere animalibus. Ita voluit opportunitas duplicis in uno organo utilitatis, quod & urinam egereret, & semen, & relatio partium genitalium ad intervallum summorum femorum, pertinens ad munditiem, pudorem, facilitatem partus, mictionis, vim nixus.

DCCCVII. Semen masculinum nascitur in teste, deponitur in vesiculas seminales, expellitur ex pene, injicitur in uterum, fecundat ovum: Inde ratio nostri ordinis. *Testes* humani, exigui pro corporis mole, intra peritonæum in tenero fetu, deinde sensim sub eodem, in inguine, denique sub inguine, in plena ætate, ponuntur, situ mutato, vi forte simplici ponderis, irruentis sanguinis. Neque tamen nunquam etiam in adultis

dultis hominibus in inguine restitant. Descendunt per patulam in fetu viam, cellulosa, quæ *processus* dicitur, ducentem ex cavo peritonæo in scrotum; eademque via transinisso teste, secundum naturæ legem constringitur, & conservet.

DCCCVIII. Variis tegumentis testis defenditur. Et primum *scrotum* ipsi circumponitur, quod fit cellulosa tunica densa, vasculosa, in solidam membranam stipata, cuti accurate adhærente, cui aliquis elasticus motus a frigore est & in venere, absque tamen ulla fabrica musculari; solet autem corrugari, dum agit, & testes sursum ducere. Hæc cellulosa tunica, quæ *dartos* vulgo dicitur, singulo testi seorsim circumponitur, unde in utriusque conjunctione septi species in siccato corpore nascitur: Id septum superne ad penem sæpe imperfectum est.

DCCCIX. Dartos interiorius laxatur in cellulosa telam, ut alibi, inflabilem, sed absque pinguedine, si imam partem scroti exceperis. Tunc musculus sequitur, quem ab officio *cremasterem* dixerunt, ortus a fibris degenerantibus obliqui minoris abdominis, & a tendine obliqui externi, quem ligamentum vocant, & nonnunquam aliis fibris ab osse pubis descendentes, expansus in vaginam, posterius, denique undique amplexus testem, quem comprimit, levat, emulget.

DCCCX. Altera nunc cellulosa sequitur, exteriori telæ spongiosæ continua, quæ peritonæo circumponitur: hanc *vaginalem* vocant. Hæc
amplioribus,

amplioribus, quam alibi bullis fit, quarum alia post aliam inflari potest. Ad principium testis, super epididymidem, pars vaginalis tunicæ, quæ testem ambit, ita separatur a reliqua parte, quæ super testem, versus anulum musculorum abdominis est, ut vix flatus continuetur. Inter hanc membranam & sequentem; spatium est, in quod vapor halat, & aquula nonnunquam effunditur. Intimum testis involucrum *albuginea* dicitur, robusta, alba, stipata membrana, quæ testis carnem proxime coercet.

DCCCXI. Testis magis proprie dictus ovalis est, vertice acuto sursum spectante & paulum extrorsum. *Epididymis* aliquod quasi testis additamentum est, plana, crassior tænia, quæ oram testis posteriorem legit, & per cellulosam telam, & per vasa ei connexa: inferius planior, superius crassiori & convexiori capite ad testem adnata & parte ima; media sede partim adnascitur, partim libera saccum cæcum efficit.

DCCCXII. Ad testem arteria descendit, una utrinque, *spermaticæ* nomine, quam aorta sub renalibus generat, non tamen raro vel renalis, vel capsularis aliqua, vel aorta supra renales arterias. Hæc arteria, in toto corpore humano pro longitudine sua alioquin minima, descendit extrorsum ante psoam, dat ramulos hepatis, adipi renali, ureteri, glandulis lumbalibus, mesocolo, peritonæo, & inprimis circa anum renem flexam adiposam insignem: neque tamen minor, serpentino ductu pergit retro peritonæum, ad
anulum.

anulum usque abdominalem. Is fit unice ex muscoli obliqui majoris abdominis fibris tendineis, descendentibus, hiatu longo, deorsum latescente interruptis, quarum plurimæ, tenuiores, interiores, partim in os pubis medium late demittuntur, partim decussatæ cum fibris muscoli alterius lateris coeunt: has *columnam internam* vocant. Aliæ exteriores, valentiores, hiatu illo a prioribus distinctæ, in ossis pubis latus exterius crasso lacerto infiguntur: vocant *exteram columnam*, a qua variæ fibræ in fasciam latam & inguen aberrant. Superiorem partem hujus hiatus aliqua ex parte claudunt fibræ a columna exteriori ortæ, incurvæ, per internam columnam & debiliorem adscendentes. Infra eas fibras per exiguum hiatus reliquum, sæpe tendineo lacerto divisum, descendit arteria spermatica cum vena, & ductu deferente, & cellulosa multa in funiculum cylindricum formata; ante columnam externam, nullum per foramen peritonæi, quod utique antè sibi inpositum habuit. A sede ejus anuli cum funiculo vasorum ductus deferens conjungitur, & porro totus fasciculus in inguen venit, inque scrotum. Arteria spermatica multos ramos cremasteri dat, & cellulosæ tunicæ, & scroti septo, adque testem duobus plexibus descendit, quorum princeps inter epididymidem, & ortum vasis deferentis ad medium in unumque testem venit, & transversis ramis per albugineam incedit; alter comes ductus deferentis testem adit sine simili, cum priori varie inosc

culatus.

culatus. Aliæ arteriolæ ad involucra testis adveniunt ab epigastricis, aliæque a vesicalibus sequentes ductum deferentem. Utræque cum spermaticis vasis communicant.

DCCCXIII. Arteriolæ istæ plurimæ epididymidem circumludunt; majores vero transversæ per albugineam migrant, eaque passim perforata, in testis intima veniunt, & per septula membranacea numerosissima per eum undique distribuntur. Nulla major arteriæ spermaticæ cum vena connexio aut anastomosis hic est, quam alibi; neque nullus sanguis ramis intra albugineam, in testem receptis inest. Sed longum iter, gracilis diameter, flexiones serpentinæ, ramorum magna ad trunculum ratio, locus frigidus, demonstrant, lente sanguinem ad testem advenire, & paucum.

DCCCXIV. *Vena spermatica* dextra ad cavam, sinistra ad emulgentem venam sanguinem refert, vel in utramque, enormiter major arteria sua, & in trunco & in ramis, ejusque comes, sed uberior, truncis pluribus, serpentinis, in racemum plexuosum longissimum in ipso abdomine inplexis, qui arteriam irretit, & in testem usque continuatur, sensim, ut arteria duplex. Valvulæ in hac vena aliquæ sunt, sed raræ.

DCCCXV. Exteriora involucra testis arteriolas habent ab epigastricis, & scrotum a cruralibus truncis, & eorum ramo interno, quæ pudendæ externæ vocantur, venasque socias ad saphenam & cruralem mittunt.

DCCCXVI. *Nervi* testis multi sunt, & sensus peculiariter tener, ut continuo deliquia animi & convulsiones læsum testem sequantur, & ipsa etiam potissimum maxillarum constrictio. Profundi alii oriuntur a plexu renali, a plexu mesenterico maximo, a trunco nervi intercostalis, & a mesocolico demum plexu, & vasa spermatica sequuntur. Alii superficiei propiores, ad involucria testis, a secundo, tertio & quarto lumbalium descendunt.

DCCCXVII. *Lymphatica* vasa in funiculo spermatico sæpe vidi, quæ creduntur orta esse a teste ipso, & iis se inmiscant, quæ vasa inguinalia comitantur. Nuperrima industria aliqua ad testis usque rete deduxit.

DCCCXVIII. Sanguis lente motus & paucus, per arterias testis in ejus intima advectus (DCCCXIII.), dividitur in minima vascula, quæ in *vasa seminifera* omnino succum deferunt, etsi modum ignoramus, quo arteriæ cum iis canaliculis communicant, ex quorum glomeribus totus testis componitur. Ea exigua, serpentina, folioli-
diuscula, minimam rationem luminis ad membranas habent, non cæca tamen, quæ non semel per ductum deferentem repleverim: & in glomeres longe supra viginti colliguntur, septis cellulosis, distinctos, quæ ab albuginea in testem descendunt & arterias venasque adducunt. In quolibet septo ductus est, qui semen a seminiferis vasculis recipit. Ii viginti aut plures ductus, *rete* faciunt, albugineæ membranæ adhærens, ex
vasculis

vasculis longitudinem sequentibus, & inter se anastomosibus conmiscuntur, inque cellulofam te- lam circumpositam hydrargyrum facillime effundunt. Ex eo rete in summam partem epididymidis adscendunt vascula viginti, triginta, quæ, in miras plicas contorta, totidem *conos vasculosos* efficiunt: ii intermedia cellulosa juncti, sibi- que incumbentes, caput epididymidis efficiunt, & cito in eo capite, extra testem, in unum ductum confluunt.

DCCCXIX. Is unicus ductus infinitis, nullo alio exemplo, plicis & serpentinis flexionibus intricatus, plurima laxa cellulosa connexus, & una continua membrana ab albuginea nata collectus, efficit *epididymidem*. Ductus vero, quo epididymis componitur, sensim latefcit descendendo, indeque contra se ipsum, in facie testis posteriori, adscendit denuo, sensim spiras suas, jam multo crassiores explicat, & nunc *ductus* est *deferens*. Fere semper tamen alicubi de deferente ductu vasculum tenue secedit, & cum funiculo adscendit, incerti finis.

DCCCXX. Hoc iter describit semen, propulsum motu liquidi a teste succedentis, forte & cremasteris, sed lentissime, ut æstimari potest ex miris plicis epididymidis, omnem fere injectionem inpedientibus, ex longo tempore, quod post exhaustas vesiculas feminales ad reparandum semen requiritur.

DCCCXXI. Cylindricus ductus deferens crassissima spongiosa substantia inter duas firmas mem-
3 I 2
branas

branas factus, tubulo perexiguo perforatus, incipit ab ima epididymide, adscendit in funiculo vasorum spermaticorum, transit per anulum DCCCXII. descendit in pelvim, adponit se vesicæ, medius inter ureteres, invenit subjectum ipsi receptaculum, quod *seminalis vesicula* dicitur, dextrum sinistrumque. Hic deferens ductus interior vesiculæ adsidet, ad prostatam usque glandulam, & eundo dilatatus, serpentino ductu flexus, cellulosus ipse adparet. Proxime vero prostatam ductus ex iis cellulosis anfractibus continuatus cum ductu conico, ex vesicula prodeunte, coit acutissimo angulo, & una confluit in ductum, & ipsum conicum, qui deferenti potius continuatus per prostatam se demergens, magna ibi plica flexus & ad angulum rectum a fœdali alterius lateris discedens extrorsum, arctatus, aperitur in urethram, in tumidi, longe caudati, cavi colliculi, lateralibus duobus ostiolis, perangustis. In cadavere liquor injectus ductui deferenti & in urethram defluit, & in vesiculam, in istam tamen plerumque promptius: sed in vivo homine semen extra venerem nunquam effluit, & ductus adeo deferens omne suum semen, nihil morante retrogrado angulo, *vesiculæ seminali* tradit.

DCCCXXII. Eo nomine vocatur membranaceum, firmum intestinum, vesicæ subjectum, & multa cellulosa tela revinctum, ex quo decem, & ultra, cæca intestina exeunt, aliqua etiam ramosa, & divisa; finis autem posterior cæcus, &

conicus

conicus est. Id intestinulum multa firmaque cellulosa, & vasis injectis, & peritonæo succumbente, ita contrahitur, ut in brevem serpentinum glomerem colligatur. Fabrica cæterum externæ membranæ pulpofa est & crassula, & aliquid cum ductu deferente simile habet. Interna rugosa est, villosæ vasorum bilariorum & reticulatæ tunicæ similis, araneosis villosa flocculis, & poros dicitur habere, & glandulas, mihi ignotas; recessus autem varios cavosque certo habet.

DCCCXXIII. Liquor, qui eo deponitur, in teste flavescit & tenuis est, & aquosus, & eam indolem in vesiculis conservat, magis tamen ibi & viscidus & flavus, albus demum in homine, quando cum prostatico liquore commistus in unum abiit. Odor ipsi in quolibet animali peculiaris, & gravis est; pondus inter liquores humanos maximum. In aqua tamen pars abit in araneosam natatilem cuticulam, pars major quasi pulpofa fundum petit: inque ea in castis hominibus diu servato semine nitentes globulos nudo oculo facile conspicuos in albo magis liquore mistos videas. Plurima habet de muco.

DCCCXXIV. Absque eo in uterum advecto, nullum animal, quod duorum sexuum sit, secundum fieri potest. Ratio latuit, donec microscopia docuerunt, totum hunc liquorem in homine, & in omni alio animali, plenum esse vivis animalibus, anguillarum similibus, sed crasso in homine capite, cauda longa & gracili certo conspicua, quæ in semine sano a tempore pubertatis

tis perpetuo reperiuntur, ante id tempus, & ab ægris infecundis absunt, neque in ullo alio animali humore reperiuntur. Animalcula esse intelligitur ex motu vario, evitatione concursus, retrogressu, mutatione velocitatis.

DCCCXXV. Summa dubitatio fuit de utilitate vera horum animalculorum, eritque alio loco de recepta opinione disputandum, quæ facit futuri animalis primum quasi phasin esse. Mihi interim natura feminis animalis videntur animalcula, ut in aceto anguillulæ, aliæque sunt in pasta farinacea.

DCCCXXVI. Ex sanguinis Lympha semen nasci, & ad lympham chylum accedere credas, cum a pastu subita alacritas ad venerem superveniat, quam jejunia frangunt. Conponitur ex testis liquore & vesicularum feminalium, isto quidem in nonnullis animalibus evidentiore, & lacte prostatico coagulabili. Is tamen solus fecundat, qui in testibus generatur, spadonum exemplo, qui cum vesiculis feminalibus & prostata, steriles sunt.

DCCCXXVII. Hoc semen in vesiculis adservatur, quamdiu neque vigil homo venerem exercet, neque per insomnia ludit. Eo tempore toto præsens quidem copia animal ad venerem stimulat, sed multa & maxime volatilis, odora, vis feminis reforbetur in sanguinem, eique addita, miras mutationes inducit, totum animal odore suo inprægnat, barbam, pubem, cornua produci jubet, vocem mutat, moresque. Neque

que enim hæc animali ab ætate accedunt, sed a femine, & in perpetuum ab eunuchis absunt. Animalium castratorum incrementum & robur minuitur; integrorum vero ferocia & fætor per totum carnem diffusus invalescit. Et in certis exemplis animalium, sed etiam hominis, funestam vim irritantem per convulsiones excitatas demonstravit. Semen retineri videtur ob angustiam ductus feminalis, duritatem prostatæ, aliasque non satis notas causas.

DCCCXXVIII. Exigua copia feminis est, quæ in homine, una vice, ex vesicula emulgetur, maxime si non diu venere abstinuerit; & lente nasci æquum est, ex tantilla, & subcutanea arteria. Acceleratur ejus generatio ab amore, a præsentia cupitæ fœminæ, ut cum sensu doloris sua vasa distendat. Naturâ ergo ipsa, & ad speciem humanam conservandam venerem inperat, & ad propriam sani viri valetudinem. Ex teste vero in vesiculas venire morbi ostendunt, qui ductu deferente inpedito testis fecerunt tumorem. Ex vesicula non exit, nisi per veneream emulsionem.

DCCCXXIX. Parcum cum semen sit, ut majori tamen vi longius projici possit, accedit novus humor, quem *prostatata* generat. Ea glandula cordi similis, antrorsum gracilior, ambit orientem urethram, continetque, sed superiori glandulæ superficiei proximam. Densissima & solidissima glandularum, fabricæ peculiaris, neque evidenter conglomerata, liquorem parat album, spissum, mitem, copiosum, qui in vallicula,

cula, ad latus ostiorum vesicularum feminalium excavata, per numerosos ductus effunditur ab iisdem causis (DCCCXL.), & una exsilit, inque femine suo albore suoque viscore dominatur.

DCCCXXIX. Urethra in universum cylindrica, tamen in tres majusculos lacus dilatatur, in prostata primum qua sedes est capitis gallinaginis; in bulbo alterum; tertium in principio glandis. Ductus primo horizonti parallelus, in universum; inde secundum ossa pubis adscendit, denique in viro, extra tempus veneris pendula est. Ex nervea vesicæ tunica continuatur, & intus obducitur glaberrima epidermide, quam inter & nerveam tela est cellulosa.

DCCCXXX. Sed eam urethram firmam esse oportebat rectamque, ut cum aliquo robore in distantem uterum semen ejiceretur. Ergo triplex cavernosum corpus ipsi circumjectum est. Primum, proprium urethræ, incipit, postquam is ductus ex prostata prodiit, crasso, pene cordiformi initio, & sub urethra primo ponitur, deinde eandem etiam superne, sed ibi tenuius complectitur, & per totum penem comitatur, donec in glande inferne quidem terminetur; superne vero ab extrema urethra redeuns, dilatatum contra penem recurrat, latoque & tenuiori, & rotunde circumscripto fine terminatum, penis corporibus cavernosis incumbat, & cum iis plerumque per imperfectum septum communicet. Fabrica hujus corporis cellulosa est, sed laxior, &
laminis

laminis potius, quam fibris, in rete intertextis fit, inter duas firmas membranas interceptis.

DCCCXXXI. In hoc cavernosum corpus sanguis arteriosus effunditur, ex arteriis profundis, ab hæmorrhoidæ externæ advenientibus (DCCCXXXVI.). Id demonstrat injectio cujusque liquoris, qui ab iis arteriis facile in hæc cellulosa spatia urethræ circumjecta effunditur. Non ideo sponte sanguine tumet, quod venæ adsint, perinde patulæ, & pro portione effusi sanguinis reforbeant. Sed compressis iis venis, per vires dictas DCCCXXXIX. sanguis in cellulosis spatiis retinetur, dum fortiores arteriæ suum adfundere pergunt. Ita stagnans distendit urethræ bulbum, corpus cavernosum urethræ, & glandem ipsam. Id plerumque tunc demum fit, quando reliqua cavernosa penis corpora jam rigida sunt, cum quibus hoc cavernosum corpus minime communicat.

DCCCXXXII. Sed ea penis cavernosa corpora oriuntur ab ossibus ischii, pene imis, cum quibus alba, cellulosa, sed densa & firma materia conjunguntur. Inde introrsum, & ad se invicem inclinata, urethram comprehendunt, ante bulbum, ibique, mutata directione, porro parallela, & urethræ sibi in medio subjectæ conjuncta, antrorsum feruntur, & sine satis acuto in ipsa glande terminantur, & ad latera comprehensa cavernoso urethræ corpore: & hæc corpora fiunt firmissimo involucro, & carne interna spongiosa, ut in urethra (DCCCXXX.) quæ pariter sanguine

recepto turgere potest. Inter utrunque saccum cavernosum medium septum est, fibris factum, tendinescentibus, firmis, parallelis, deorsum angustioribus, neque continuis, ut media spatia ampliora, & plura, interposita habeant, quo anteriora sunt, & communicationem inter corporis spongiosum dextrum & sinistrum liberum relinquunt. Aliæ hujusmodi fibræ præter septum utrinque corpus cavernosum percurrunt, atque sacco firmissimo inferuntur, distentionem minimam & aneurysma penis inpediunt.

DCCCXXXIII. Hæc cavernosa corpora multa tenerrima tela cellulosa ambeuntur. Hujus pars proxima iis corporibus tensa & firma est, & membranæ similior. Extra eam tenerrima cellulositas est, cum ea scroti continua, & cute tenui absque adipe comprehensa, eo semper tenerior, quo cuti propior est, ab impulsu aere in pulchrum bombycinum textum abitura. Glans vero (DCCCXXX.) cute ita tegitur, ut ea a pene continuata, contra se ipsam reflexa, ut in palpebris, sua epidermide utrinque tecta, & sua media cellulosa farta, quæ vocatur *præputium*, & retrahi potest, ultimo iterum antrorsum ad penis glandem veniat, ibi mutetur in tenerum, molle, spongiosum, flocculentum corpus, vehementer sensile, tectum sua epidermide, & pulposo reticulo depresso, instratum reflexo corpori cavernoso urethræ (DCCCXXX.) & cum ipsa urethræ membrana demum continuum. Revin-
citur idem præputium duplici triangulari frenu-
lo,

lo, quo cutis cum penis involucri celluloso conjungitur, ad ostium usque urethræ. In vallecule, quæ coronæ glandis subjicitur, & in ipso eo circulo, folliculi simplices, sebacei, ponuntur, unguen separantes, ex loci natura factum, ut in aliis corporis humani partibus frictioni expositis. Totum penem sustinet firma cellulosa tela, in triangularis ligamenti speciem facta, quæ a synchondrosi ossium pubis descendit, & cum cellulosa illa densa, duraque tela, cavernosa corpora ambeunte, continuatur.

DCCCXXXIV. Totus penis in homine cylindricum corpus efficit superne depreßum, mutabili magnitudine, cujus utilitas est, in muliebria recipi, & eo semen deferre fecundum.

DCCCXXXV. Hæc nunc corpora penis cavernosa in coitu sanguine per arterias impulsio, in venis retento, turgent, extenduntur, rigent, urethramque flaccidam, aut debilem, si sola rigeret, ita sustinent, ut in distantem uterum semen ipsum pervenire queat. Id demonstratur per sectiones animalium in ipsa venere occisorum, & erectionem artificialem a materie liquida vasis penis injecta. Causa est in amore, in desiderio voluptatis, in frictione glandis, in irritatione varia vesicæ, testis, vesicularum feminalium, urethræ, ab urina, a boni feminis copia, a veneno veneris, cantharidis, virgarum ictibus, nervorum convulsione. Sed causa hujus distentionis nondum manifesta est. Vasorum in partes genitales distributorum descriptio vix hic omitti potest.

test, ut adpareat, quam non sit promptum, causam expedire, quæ venas comprimit.

DCCCXXXVI. Arteria aorta in quarta lumborum vertebra, vena cava in quinta finditur, hæc posterior, illa anterior. Rami *iliaci communes*, nondum in medio a principio femoris intervallo, deorsum introrsum insignem arteriam *hypogastricam* emittunt, trunco femorali in fetu majorem, in adulto æqualem. Ea descendit in pelvim, & in ramos quatuor, quinque, sex, principes consumitur. Eorum primus est *iliaca anterior*, quæ etiam duræ matri, & equinæ caudæ, sursum in lumbos ramos mittit, & in sacrum os deorsum. Altera *sacra lateralis*, ad idem os sacrum & caudam equinam abit nisi a priori orta sit. Tertia *iliaca posterior* in glutæos fere consumitur. Quarta *ischiadica descendens* ad musculos varios, nervum, & levatorem ani abit. Quinta sive truncus, *hæmorrhoidæ infima* sive *pudenda communis*, in ipsa pelvi ramos notabiles vesicæ dat, & recto intestino *hæmorrhoidæ mediam* cum mesentericis conjunctam, & ex pelvi exeuns, repit secundum obturatorem, dat sphincteri, cutique ani *hæmorrhoidæ externas*, finditur, ramoque interno bulbum urethræ & prostatam, externo iterum diviso; hinc profunde corpus cavernosum penis adit, ejusque longitudinem percurrit; inde alio ramo cum vesicalibus sæpe conjuncto, per dorsum penis excurrent, ad ejus corpora & in cutem ramis datis terminatur. Sexta *obturatrix* est, ad articulationem

culationem femoris & musculos aliquos consumta. Ultimus ramus *umbilicalis* in fetu repetetur, quæ arteria adulti hominis vesicæ, ex crassa sua callosaque vagina, propagines aliquot inperit. Aliquando aliqui horum ramorum ex uno communi trunco veniunt. Cutis penis scrotique furculos habet ab epigastrica, a crurali, a ramo ejus interno. Hæ arteriæ externæ cum internis passim communicant.

DCCCXXXVII. *Venæ* in universum arteriarum similes, duobus sæpe truncis ex iliaca proveniunt, in rete coeuntibus; deinde vena *hæmorrhoidæa*, circa os pubis redeuns, in prostata cum vesicalibus venis in pelvi ortis maximum plexum facit, a quo *vena penis* nascitur, quæ sæpe solitaria est, & valvulas habet, quæ sanguinis iter ad cavam venam determinant. Venæ externæ penis scrotique eunt ad saphenam, ad cruralem, & cum internis plurimis locis communicant, omnium maxime ad basin præputii.

DCCCXXXVIII. *Vasa lymphatica* penis a clavis viris visa, dicuntur sub cute penis decurrere. *Nervi* plurimi & maximi, comites arteriarum penis, a magno trunco ischiadico accedunt. Vesica vero & rectum intestinum, & uterus, accipiunt plexum *mesentericum infimum*, a medio natum & in pelvim descendentem.

DCCCXXXIX. Ut turgeat penis, oportet efficere, ut venæ (DCCCXXXVII.) sanguinem de corporibus cavernosis penis aut urethræ resumentes, comprimantur, aut certe vim inferre necesse est

est venis minimis, in corpus cavernosum ubique patentibus, ne sanguinem ex arteriis eo deportatum resorbeant. Illud utcumque potest levator ani, qui prostatam & vesicam sursum pellit. Sed probabile fit, exemplo papillæ mammæ muliebris, pælearis in gallo pavone, ruboris in facie ex adfectibus animi nati, animalium, quæ omnia absque erectore musculo perinde venere funguntur, erectionis in animalibus tota fabrica ab homine diversis, & avibus inprimis velocissimæ, ab ipsa musculorum erectorum in erectione libidinosâ quiete, eorum ad comprimendas venas ineptitudine, etiam absque musculis fieri posse, ut venæ sanguinem tardius resumant; & id fieri a latente in intimis laqueorum nervosorum multitudine, qui per vim voluptatis adstricti venas coercent, ut arctiores factæ minus sanguinis ad truncos reddant, quam quidem liberæ, & cum incitato pulsu una velocius sanguinem adducen-tes, arteriæ advehunt, quæ conjuncta causa est. Causa vero hujus convulsionis, in istis nerveis sphincteribus esse videtur, cum & a mechanica nervorum irritatione, & a subtili altera, quæ fit per imaginationem, penis perinde erigatur.

DCCCXL Cum diuturna demum & valida erectione ultimo conjungitur feminis expulsio, & multo majorem vim requirit, quam quidem sola erectio. Tunc enim semen sequitur, quando nervea irritatio ad summum pervenit: & in naturali quidem venere, quando serius repleta spatia cellulosa urethræ, & glans continua, de-
 mum

mum sanguine turgent, ut ea plena calido, copioso sanguine rigent, hinc nerveæ papillæ erectæ vehementissime a causa voluptatis adficiantur. Et quidem vesiculas evacuant, moti vel a sola voluptuaria imaginatione, vel a pruritu summo nervorum glandis penis, maxime inferioris sedis, quæ frenulo vicina est, musculi levatores ani, qui vesiculas feminales contra resistentem vesicam elidunt. Hinc semen nunquam cum urina in fano homine rejicitur, quod ad semen reddendum vesicam clausam esse oporteat, & laxa male vesiculis resistat. Transversi vero musculi videntur urethram dilatare, ut semen ex vesiculis expressum recipiat.

DCCCXLI. Tunc paulo post, sensili urethra a femine irritata, vires ejus constringentes in actionem veniunt. Huc facit quidem princeps accelerator (DCCCII.) qui vehementer bulbum, partemque urethræ proximam concutiens, eo velocius contenta expellit, quo magis diameter bulbi diametrum urethræ angustioris superat. Ut cum firmitate agere possit, sphincterem ani, hinc etiam vesicæ sphincterem, contractum esse oportet. Ille idem erectionis princeps musculus esse videtur, qui venas corporis cavernosi urethræ conprimat. Eodem tempore *erectores penis*, ut vulgo vocantur, ab ischii ossæ supra tuber orti, valentes, inferti in corpora cavernosa, penem in media quadam inter perpendicularem & transversalem directione sustinent. Ita semen in vaginam, vel in ipsum demum uterum, in secundo

do congressu pellitur. Hæc actio vehementissima est, & convulsioni proxima; hinc mire debilitat, & late systemati nervoso nocet potissimum, ut videntur mala inde nascentia indicare, ex nervorum adfectione, absque qua semen expelli nequit.

C A P. XXVIII.

UTERUS VIRGINEUS.

DCCCXLII. *Uterus muliebris* sedet in pelvis parte superiori, ut ante se vesicam, retro intestinum rectum habeat, ab utroque liber, & ostio suo paulum antrorsum declinet. In adulta muliere pelvi comprehenditur, infanti superat. Peritonæum ab osse pubis in feminis in pelvim descendit, & retro vesicam longe ad ima uteri migrat. Inde secundum uterum adscendit, & trans eundem secundo descendit; ad vaginam & hujus sedem transversam usque admotum, unde, lunatis plicis intestinum rectum comprehendens, nihil porro a virili fabrica diversum habet. Sed idem peritonæum a vasis iliacis in pelvim veniens, & utero latius, ad ejus latera & ad vaginam adnatum, inque se ipsum redeuns, septi modo pelvim in duas regiones dividit, anteriorem & posteriorem, & vocatur *latum ligamentum* uteri. Idem utero adcurate nequitur, absque adipe medio, ut ipsi undique pro externa membrana sit. Non intercedit quin totus uterus mobilis sit.

DCCCXLIII.

DCCCXLIII. Uteri solemus corpus a cervice distinguere. Corporis figura ea est, ut antérieur & postérieur convexus sit, cum planitie, margines in concursu eorum planorum acutos habeat, lineas, supremam modicè convexam, laterales convergentes. Fabrica peculiaris, ex densa, stipata, duriuscula, succulenta tamen cellulosa tela est, in qua fibræ musculares, maxime in puerperis adparent, planæ inter se invicem reticulatim commissæ, aliæ longitudinem uteri secutæ, a fundo ad os uteri, varie in circellos dispositæ, inprimis in fundo uteri interque tubas, tum in cervice ad ostium. In bestiis uterus manifeste musculosus est, & in homine etiam naturæ contractilis signa edit manifesta. Externam tunicam ipsum ei peritonæum præstat. Sinus mucosos, ramosos, in carne uteri varie divisos, nunc post repetita experimenta, non invenio, sed venas cellulositæ cinctas, quarum diametri se sustinent. Membrana uteri interna continua epidermidi, ad cavitatem uteri pulpofa breviter flocculenta, in cervice callosa, valvulosa. Cavitas uteri exigua est, fere triangula, sed lineis introrsum convexis, deinde ex cylindro compressa. Hæc pars, quam *cervicem uteri* vocant, cylindrica, compressa, crassior, intus cylindricam pariter caveam habet. Ea tota aspera est, rugis callosis, in aciem extenuatis, quæ ad vaginam inclinatur; ab anteriori & posteriori linea ad latera recedunt, & per minores rûgas conjunguntur, in quarum interval-
lis sinus mucosi sunt, uti passim rotundæ bullæ,

pellucidissimo plenæ liquore, in superiori parte cervicis uteri reperiuntur, vario numero & mole. Non rarum est, uterum media eminentia dividi. Cervicem terminat os internum uteri, transversa rima, tumidis labiis comprehensa, in vaginam eductum, ejusque cæco fine susceptum, oblique in eam & antrorsum prominens. Plenum cæterum mucosæ, & sinibus in tumente labro mucosis.

DCCCXLIV. Uteri pars triangula ex suis angulis lateralibus educit canales, complicatos cellulosæ telæ ope, sensim latefcentes, proxime finem paulum contractos, directione primum transversa, ad ovarium tendente, deinde descendente, cum varietate tamen : *tubas* vocant. Externa membrana a peritonæo est, cum in duplicatura lati ligamenti sedeant, interna rugosa, pene reticulata, mucosa, procurrit longior, in dispersas, per longum plicatas, lacinias, quæ late orificium tubæ coronant, & ovario connectuntur. Inter duas membranas aliquid spongiosi, cellulosi est, sed tenerius quam in deferente ductu. Mucum continere solent, non certæ originis. Vasorum vero vis magna, & forte aliquæ musculares fibræ interponuntur, sed istæ obscuriores. Propria plica peritonæi sustentantur, quæ ex ligamento lato exit.

DCCCXLV. Sed *ovaria* in eodem ligamento lato, in ejus duplicatura comprehensa, retro tubas, transversa sedent, cum iis tubis lati ligamenti propria expansione conjuncta, ita longa,
ut

ut libera sint, oblonga corpora, utrinque compressa, linea libera convexa, semielliptica, ea vero, quæ ad ligamentum firmatur, recta. Membrana, quæ est a peritonæo, crassa est, & pene cartilaginea. Fabrica satis uteri fabricæ similis, stipata, alba, cellulosa, absque adipe. Margo ligamenti lati, ab utero recedentis, ut ovaria sustineat crassior, aliquid solidiusculi habet, similis ligamento, non tamen cavus nec verus canalis.

DCCCXLVI. Sed in ovario, etiam teneræ virginis, sedent bullæ rotundæ, membrana pulposa, firmula factæ, cellulosis filis undique ad ovarium adnexæ, quæ coagulabili lymphâ replentur, incerto numero, ad quindecim in uno ovario, & ultra, neque ejusdem magnitudinis, memorabiles particulæ, quæ latissime per omnia animalia, etiam ea reperiuntur, quæ unicum sexum habent.

DCCCXLVII. Denique uterus ex iisdem lateralibus angulis trianguli, antrorsum fasciculum mittit, cellulosis fibris longioribus, & vasculis factum, qui in progressu angustior, pelvi exit, & per anulum abdominalem (DCCCXII.) in inguen venit, ubi ramosus finditur, in vascula solutus, quæ cum epigastricis conjunguntur. An etiam longas fibras habet, ab utero propagatas? Non satis certo video.

DCCCXLVIII. *Vasa uteri arteriosa* sunt ab hypogastricis, quarum ramus insignis uterinus, imæ vesicali virorum similis, aut a trunco umbi-

licali prodit, aut proxime sub eo trunco. Ea, utero, vesicæ, & recto intestino datura, ad inferiora uteri accedit, in fine fere cervicis; & sursum eundo ad uterum transversos flexuosos ramos edit, numerosasque anastomoses cum *spermaticis* habet, & arterias tubæ sæpe ipsa edit. Alter plexus ramorum deorsum ad vaginam tendit eam longe secutus; etsi alias propria est vaginalis arteria, perinde in pelvi nata, & rami a mesocolica aliquando accedunt. Et feminalia quidem vasa, simili sunt, ut in viris, ortu, plexuque pampiniformi, sed trans psoam musculum in pelvim descendunt, atque in duos plexus fiunt. Posterior ovarium ipsum multis furculis adit, cincinnatis, per ejus carnem & ipsa ova distributis. Anterior & tubæ dat, & ad uterum descendit, & in eum flexuosis ramis sursum deorsumque, non sine ramis ad vesicam, dividitur. Alia *hæmorrhoea media*, a trunco pudendæ communis, longe cum vagina antrorsum venit, ad eam, & ad vesicam, & ad rectum intestinum distributa. Vagina præterea extrema & clitoris arterias habet ab hæmorrhoea externa, & clitoris quidem arterias similes arteriis penis, & profundas, & superficiales nacta est, pariter cum ramo a vesicali inosculatas.

DCCCXLIX. *Venæ* uteri arteriarum in universum similes sunt, ab hypogastricis truncis natæ, tum internæ uterinæ, vaginales, hæmorrhoidæ mediæ, tum externæ circumflexæ, clitoridis. Insignem vero utrinque plexum efficiunt, qui la-
tera

tera vaginæ infra clitoridem occupat. Sub ea cum fodali alterius lateris continuo plexu conjunctus. Et plexus ab hæmorrhoidæ externa, & a vesicalibus conjunctus, clitoridem adit, ut penem. Valvulas non habent, nisi paucas in spermaticis. Eæ etiam maximo fasciculo ovarium adeunt, & alas vespertilionis.

DCCCL. Intra ipsum uterum arteriæ in ramos exhalantes ad internam caveam terminantur, quæ per puerperium in anguillulas productas pendulasque abeunt. Sic venæ uteri eodem tempore magni sunt sinus, enormiter nempe auctæ venæ, maximis ostiis in caveam apertæ.

DCCCLI. *Lymphatica vasa* in utero brutorum animalium visa sunt, in humano rarius: magnis tamen viris.

DCCCLII. *Nervi* sunt a plexu mesocolico infimo cum sacris uniti, qui vesicam, uterum, rectum intestinum magnis ramis adit. Aliqui etiam per ligamentum latum ad ovarium veniunt, alii a nervo comite vasorum clitoridis, qui est ab ischiadico trunco. Sed etiam ovarium proprios a plexu renali nervulos habet, quales in viris testem adeunt. Ita omnia hæc organa, ob nervorum numerum, valde acri sunt sensu.

DCCCLIII. Quæ descripsimus, ea omni ætati communia sunt. Verum sub annum decimum tertium, vel paulo serius, quo eodem fere tempore semen virile generari incipit, nova etiam in feminis mutatio producitur. Novo enim tunc nixu sanguis omnis in puella incitatur, mammæ efflorescunt,

efflorescunt, & pubes, & eodem tempore *men-*
ses fluere incipiunt; communi naturæ lege, etfi
in diversis regionibus tempus & copia fluen-
tis sanguinis alia est, & alia.

DCCCLIV. Ante hunc fluxum molimina va-
ria in lumbis, dolores gravativi, etiam colicis
similes cum incitato pulsu, cephalalgia, pustulæ
cutaneæ præcedunt, & albus plerumque succus
de utero manat. Nempe vasa flocculenta uteri,
quæ hætenus lac aliquod, in fetu albissimum, in
puellis ferofum, in uteri caveam deposuerant, ea
nunc incipiunt sanguine turgere, denique ipsum
rubrum cruorem in uterum exhalare. Id per a-
liquot dies fit, remittunt interim incommoda
priora, & sensim contracta vasorum uteri ostiola
solitum nunc serum stillant. Sed intervallis in
virgine tenera incertis, sensim autem ad quar-
tam septimanam exeuntem contractis, redeunt
eadem molimina, succedit idem sanguinis fluxus,
& periodus ea ad quinquagesimum pene annum
repetitur. Multum tamen hic potest diæta, re-
gio, temperies. Graviditas mensium facit ple-
rumque vacationem.

DCCCLV. Hunc sanguinem ex ipsius uteri
vasis deponi, demonstravit autopsia in feminis,
eo fluente extinctis; in vivis mulieribus, quibus
uterus inversus sanguinem ex ostio interno de-
stillavit; in aliis, quibus, cum menses defice-
rent, uterus sanguine congesto plenus fuit; na-
tura uteri vasis plenissima mollis, spongiosa, con-
parata cum tenui, minime flocculenta, callosa
vagina.

vagina. Bonum vero in sana femina & munda sanguinem esse, ipsa etiam observatio declarat. Nihil tamen intercedit, quin utero inpedito sanguis per vaginam deponatur, ut alias per ultimum intestinum, & per remotissimas demum corporis partes deponitur.

DCCCLVI. Cum nullum animal, fatis certo, menses patiatur, similes humanorum, etsi aliqua sanguinem de genitalibus sub tempora annuæ veneris stillent, & cum masculum corpus ab ea periodica excretionem liberum sit, valde omni tempore quæsitum est, quæ causa sit hujus hæmorrhagiæ, humano generi, & sexui feminino, propriæ Lunam adtrahentem, quæ ipsum mare elevet, ab omni tempore accusaverunt: alii liquidum acre, stimulans, in partibus muliebris secretum, quod idem causa sit libidinis venereæ. Sed a luna fieri repugnat, quod nulla dies sit, qua plurimæ feminæ menses non patiantur, neque pauciores in apogæo, quam in perigæo. Fermenta circa uterum frustra quæras, ubi omnia blanda, & mucosa sunt; neque venus, quæ omnes eos liquores expellit, aut minuit menses, aut auget intermissa: negantque feminæ, quando menses instant, sibi libidinis esse incrementum, cum plurimæ potius varie doleant, aut langueant: & sedes sensus venerei in aditu magis pudendi est non in uteri, qui menses tamen fundit. Et denique menstruum sanguinem a causa aliqua sanguinis motum contra vasa incitante eieri, vel id docet, quod retentus per omnia
alia

alia corporis organa, ubi nulla fermenta vellicarent, ruptis etiam venis, erupisse visus sit, neque effectus retenti sanguinis partibus venereum humorem fundentibus circumscribatur.

DCCCLVII. Feminae in universum mollius corpus a natura datum est, firmæ partes minus elasticæ, muscoli ipsi minores, & plus adipis laceris interest, & ossa teneriora sunt, & minoribus processibus aspera. Deinde feminis pelvis amplior est, omni mensura, ossa ilium a se invicem remotiora, & sacrum os ab ossibus pubis retrorsum magis aversum, & ossa ischii longiori linea separata: inprimis tamen angulus, ad quem ossa pubis conveniunt, multo major, quæ discrimina maximorum virorum observationibus, & ex ipsa necessitate confirmantur, quæ pro pluribus in pelvi visceribus majus spatium poscit. Porro arteriæ uteri peramplæ sunt, & majores quam in viris, & majorem earum lumen ad suas membranas rationem habet, suntque pro venarum portione laxiores: venæ vero pro arteriarum portione minus latæ, quam in viris, & eadem denique firmiores, quam alibi in corpore humano. Inde primum fit, ut sanguis in feminis per laxas & amplas arterias uberius & celerius in uterum adveniat: inde, ut ob venarum duritatem & angustiam difficilior de utero redeat, nempe vasa uteri distendat.

DCCCLIX. Puellæ, quæ nunc nascitur, artus inferiores exigui sunt, sanguinis arteriæ iliacæ maxima pars in umbilicum abit, exigua pelvim subit. Hinc pelvis ipsa parva, parum cava, &
vesica,

vesica, atque ipse uterus, & ovaria supra pelvim eminent. Editio vero in lucem fetu, & ligata arteria umbilicali, sanguis iliacæ arteriæ omnis & in artus inferiores, & in pelvim descendit; crescunt & illi, & pelvis; profundior ea fit, & latior, & in eam sensim uterus & vesica se recipiunt, neque perinde ab intestinis & a peritonæo premuntur, dum muscoli abdominis inferiorem partem ventris constringunt. Quando nunc perfectum incrementum est, aut perfecto proximum, tunc arterias uteri, & pelvis in univ ersum maximas reperimus, quæ in fetu minimæ fuerant, & ad recipiendam ceram anatomicam faciles, & ita mutata omnia, ut hæmorrhoidæ arteria nunc pro trunco hypogastricæ sit, (DCCCXXXVI.) cum prius umbilicalis ejus arteriæ truncus fuisset. Plus ergo sanguinis eo tempore in uterum, inque vaginam, & clitoridem advenit, quam prius solebat.

DCCCLX. Eodem tempore, quo incrementum totius corporis insigniter diminutum est, & sanguis in bonis visceribus, integerrimo adpetitu, plurimus paratur, in utroque sexu humano plethora nascitur, quæ in virili quidem per nares frequentissime expurgatur, dilatatis ita vasculis exhalantibus membranæ pituitariæ (CCCCLVIII.) ut sanguinem ipsum destillent; cæterum & seminis nunc primum secretio urgetur, & barba pululat. In feminis eadem plethora aliam faciliorem viam invenit, quod ipsum pondus eo sanguinem ducat, & uteri vasa, nunc demum ampla,

laxo loco in succulenta & molli cellulosa fabrica uteri posita, hinc facile extensilia, flocculis molliissimis exhalantia, in vacuum uterum pateant, in quæ vascula facilior pene, quam in venas foudales, sanguini sit transitus: cum in iisdem feminis capitis arteriæ & duriores & pro portione minores sint. Lentescit ejusdem ex cætero reditus, tum quod arteriarum alioquin serpentini flexus ab aucto sanguinis adfluxu etiam magis fiant serpentini, motuique sanguinis morando idonei; tum quod nunc difficulter per venas redeat. Ergo primum sanguis in vasis uterinis colligitur, tunc, etiam per experimenta, intumescantibus, deinde in lumbalibus, & aorta ipsa. Inde, cum novum torrentem sanguinis cor ad vasa jam distenta mittat, denique vis vasculis uteri serosis infertur, ut muco primum copioso calido, deinde rubello sero, denique sanguine stillent. Eadem sanguinis ad partes genitales determinatio, expellit latentes hæcenus pilos, auget clitoridem, plexus cavernosos vaginæ dilatat, adpetitum veneris facit. Auget vero copiam mensium, præcipitat initia, id omne, quod sanguinis in universum copiam auget, & ad uterum peculiariter determinat, lætitia, libido, pediluvia, victus lautior, cælum calidum, temperies corporis vivida. Minuunt, quæ plethoram, motumque sanguinis perinde minuunt, inedia, mœror, cælum frigidum, inertia, morbi prægressi.

DCCCLXI. Donec unciis sex vel octo sanguinis emissis, liberatæ nimio sanguine arteriæ vim elasticam exserant, ut omnes arteriæ solent, & contractis diametris, solum, ut prius, tenuiorem liquorem transmittant. Sed iterum, per easdem causas renata, ea copia sanguinis, quam emisit uterus, per easdem hic vias, potius quam alibi, excernitur. Neque quærenda causa est, quare hæc periodus ad mensem fere fixa sit. Ea enim pendet a ratione, quæ est inter copiam & inpetum collecti sanguinis, & uteri resistantiam, sensim demum cessuram. Hinc citius hæc sanguinea crisis redit, neque menstruum intervallum expectat, quando copia sanguinis major in plethoricis, in libidinosis, ad uterum determinatur. Desinunt autem omnino fluere, quando uterus, perinde ut reliquæ omnes firmæ partes corporis, eam duritatem adsecutus est, quæ a vi cordis sanguinem arteriosum inpellente superari nequeat. Eam duritatem in utero, ejusque arteriis, & ovariis, ipsum scâlpellum, & injectio detegunt. A brutis animalibus in universum menses absunt, ob uteros membraneos excarnes, & firmiora vasa, quæ faciunt, ut nulla naturalis hæmorrhagia narium, aliave, in his animalibus unquam locum habuerit: A viris, quod nullum in pelvi organum nacti sint spongiosum & retinendo aptum sanguini; tum quod arteriæ pelvis viris & duriores pro portione venarum sint & minores, inpetus adeo sanguinis in arterias

artuum avertatur, quorum etiam majora viro incrementa sunt, ut in pelvi minora.

DCCCLXII. Quare eadem ætate mammæ efflorescunt? Earum fabrica multa cum utero communia habet, ut adparet ex lactis in mammis secretionē, quæ expulso fetui succedit, & a lochiis auctis aut diminutis aut minuitur, aut augetur; ex similitudine liquidi ferofi in utero reperti cum lacte feminæ non lactantis, tenui & albido, quæ in brutis animalibus evidentissima est; ex erectione papillæ a frictu, analogæ erectioni clitoridis. Eadem ergo causæ, quæ uteri vasa distendunt, sanguinem etiam uberiores ad mammas determinant, cujus præpondii effectus est incrementum glandulæ conglomeratæ mammarum, & adipis circumpositi.

C A P. XXIX.

C O N C E P T I O.

DCCCLXIII. Difficillimo hic labore defungimur, perscrutaturi, quid fiat in feminæ intimis, ut novi hominis in ea vita incipiat germinare, quem suo tempore in lucem edat. Enarrabimus ergo primum, de quibus vere per experimenta constat, addituri denique hypotheses, quibus clari viri ea sunt conati subplere, quæ res ipsa non docet. Quam pauca vero capta sint, & quam difficilia captu, nimis experiendo didici.

DCCCLXIV.

DCCCLXIV. Ut aliqua in tenebris lux adfulgeat, incipiemus ab animalibus simplicissimis, subinde addituri, quæ natura in aliis addat, quorum magis conposita fabrica est. Minima ergo animalia, quorum paucissimi nullive artus sunt, partium discrimen parcissimum, vita brevissima, functiones vitæ & paucae & sui simillimæ, ea animalia fetus sui similes pariunt, nullo cum sexus discrimine, ut omnia fecunda sint, nullum fecundet. Eorum aliqua per rimam aliquam sui corporis fetus edunt, quos in suo corpore conceperunt; de aliis artus aliqui decedunt, qui in similia animalia conplentur, eorum de quibus decesserunt. Late patet hæc generatio, & majorem vitæ animalis partem regit.

DCCCLXV. Proxima paulo magis conposita ea sunt, quæ omnia quidem pariunt, ut tamen in iis propria particula in ipso corpore nascatur, dissimilis totius animalis, & nonnullis contenta involucris, intra quæ animalculum contineatur, quod olim ejus fiet simile, intra quod natum est; ovum vocant. Magna pars horum animalium immobilis est.

DCCCLXVI. Quæ sequuntur animalia, non quidem numerosa, iis & ova sunt, & præterea masculum semen, ut in eodem animali uterque sexus jungatur. Masculum vero dicimus semen, quod ad ova necesse sit adspergi, ut fecunda sint, etsi ipsum nunquam solum in novum animal adolescit. In hac ergo classe succus generatur

neratur per sua organa, qui ad ovum per sua pariter, sed diversa organa, generatum adfundatur.

DCCCLXVII. Multo numerosiora animalia sunt, quibus & succus quidem est masculus, & ova sunt feminea, ut tamen se ipsa fecundare non sint apta, sed vera venere vacant. Duo nempe ejusdem generis animalia in fecundationis opus ita consentiunt, ut utrumque suis masculis organis alterum fecundet, & vicissim ab alterius etiam masculis organis feminea sua sinat inprægnari.

DCCCLXVIII. Et magis nunc magisque comminus ad hominem accedit animalium genus, cujus cæterum similia individua alia sola mascula habent organa, eademque mascula semen, suum ad feminea aliorum ova adspargunt. Plurima frigida semen effusis jam de matris corpore ovis, adfundunt. Calida semen masculum in ipsum uterum feminæ inmittunt. Sin nunc in feminarum corpore ova generentur, fotuque intra involucra enitantur, sin vivum fetum tamdiu utero contentum gestent, quoad nudum involucris pariant; exiguum enim horum oviparorum & viviparorum discrimen est, ut & in eadem classe, & in eodem genere alia animalia ova ponant, alia vivos enitantur fetus, denique idem animal modo ova pariat, modo vivos fetus.

DCCCLXIX. Ex hoc animalium censu adparet, omnia animalia nasci ex animali sibi simili; multa ex ejus particula totius simili; alia ex ovo peculiaris fabricæ; ea autem omnia masculi feminis non esse indiga. Denique animalia mobilia,

lia, vivida magis, fabricæque cōpositæ, sola duplici ad generationem systemate instruuntur, sexusque discrimen videtur ad vitæ socialis copulam, adque minus numerosæ progeniei tutelam additum esse.

DCCCLXX. Ad hanc masculi fucci ad feminea aut certe organa effusionem, uterque sexus vehementibus stimulis incenditur, masculus etiam magis vividis, cum femina semper ad patiendum parata sit, marem oporteat tunc ad venerem animari, quando boni feminis & ad fecundationem apti ei copia est. Quare hæc ipsa ipsi maxima cupidinis venereæ causa; feminis, in brutorum potissimum classe, aliqua in vagina inflammatio, quæ pruriginem intolerabilem efficiat.

DCCCLXXI. Addidit autem ad utriusque operis conjunctionem NATURA, quadrupedibus & mulieri, utero vaginam, canalem membranaceum, teretem, valde expansilem, qui uteri amplexus osculum (DCCCXLIII.), inde deorsum, tunc deorsum & antrorsum tendit, subiectus vesicæ, & recto intestino insidens & connatus, & denique paulum contracto orificio sub urethra aperitur. Id ostium, in fetu & virgine, ruga insignis valvulosa, ex cute vaginæ & epidermide facta, *hymenis* nomine ab aere tuetur, & ab aquis, non sine aliqua forte morali utilitate, cum soli, quantum rescivi, homini ea membrana data sit. Circularis esset, nisi sub urethra deficeret, & neque ibi perpetuo deficit, ad anum
tamen

tamen latior. Ea, a congressu sensim adtrita, denique lacera evanescit. Carunculæ, quæ dicuntur myrtiformes partim adtriti hymenis sunt reliquiæ, & partim indurati fines columnarum vaginæ, denique valvulæ mucosis lacunis præpositæ, in carnis speciem induratæ.

DCCCLXXII. *Vaginæ* muliebris fabrica cutanea est, & fit duriuscula, callosa, epidermide, crassa vero alba, nerveaque cute, in qua, maxime extrema, fibræ carneæ adparent. Ejus interna facies magna ex parte aspera est, verrucis callofis, duriusculis, sensilibus tamen, & laminis inclinatis, eminente acie terminatis, deorsum respicientibus, ita dispositis, ut in duas principes columnas congregentur, his verrucis quasi stratas, quarum superior sub urethra fertur, eademque major est, inferior ano incumbit. Ab utraque in occursum utrinque mutuos, minorum papillarum valvulosa series varie in arcus flexa continuatur. Fabrica ista ad voluptatem, ad facilitatem expansionis pertinere videtur. Mucum proprium habet, natum ex sinibus passim, & in parte inprimis posteriori leviori positus.

DCCCLXXIII. *Vaginæ* exitui præpositæ sunt duæ cutaneæ adpendices, *nymphae* dictæ, continuatæ & a cute clitoridis, & ab ipsa ejus glande, plenæ media cellulosa, sed turgescentibili fabrica, crenatæ, plurimis sebaceis glandulis utrinque obsitæ, quales etiam in rugis præputii clitoridis reperiuntur. Utilitas maxima habetur urinam, quæ in-
ter

ter utramque nympham ex urethra prodit, dirigere, ut a corpore avertatur, quod officium cum erectione aliqua nympharum conjungitur. Hæ membranulæ descendunt a cutaneo arcu, circumposito *clitoridi*, particulæ sensilissimæ, & mire prurientis, quam ad penis similitudinem duo corpora cavernosa componunt, ab iisdem ossibus orta, conjuncta demum, sed nullam urethram complexa. Vasa, nervi, muscoli levatores, ligamentum a synchondrosi ossium pubis demissum, similes virilibus adfunt, & perinde in venere, sed in pudicis minus, a frictione tamen semper turgēt & erigitur clitoris.

DCCCLXXIV. *Musculus constrictor ostii vaginae*, ab ani sphinctere utrinque ortus, auctus altera ab osse ischii accessione, tegit plexum vasculosum, & secundum labiorum principium latus antrorsum venit, & cruribus clitoridis inmittitur : & videtur plexus laterales vaginae conprimere, utroque modo sanguinis venosi reditum retardare. Transversus urethræ, & fasciculus a sphinctere ei insertus, ut in viro se habent.

DCCCLXXV. Invitata femina aut morali amore, aut cupidine voluptatis, marem admittit, cujus penis in vaginam inmissus, ad ejus parietes confricatur, quoad semen masculum erumpat, & in uterum effundatur. Ita pariter, ut de viro dictum, (DCCCXL.) tenerrimarum, summe sensilium, partium adtritum convulsivam contractionem excitat ; in omni exteriori ambitu vagi-

næ. Ab ea, subpresso sanguinis venosi refluxu, turget, si salacior femina fuerit, clitoris, & nymphea utraque, & plexus vaginam pene totam ambeuns, & ad summum augetur voluptas, & denique vi musculosa (DCCCLXXIV.) expellitur, non tamen perpetuo, neque in omnibus feminis, mucosus, lubricus liquor, multiplicis originis. Ejus fontes sunt in ipso primum urethræ exitu, ubi magni sinus mucosi tumentem finem hujus urinosi canalis obsident. Deinde ad latera urethræ, in fundo sinuum, quos valvulares membranulæ sursum cavæ faciunt, duo tresve mucosi, ampli, sinus in ipsam carnem vaginæ se demergunt. Denique ad latera vaginæ, inter imas nymphas & hymenem, unum utrinque osculum est longioris ductus, qui versus anum descendens, mucum ex folliculis minimis accipit.

DCCCLXXVI. Sed eadem actione, qua voluptas summa, hinc sanguinis confluxus ad omne genitalium muliebrium systema cietur (DLXIII.), alia mutatio longe nobilior in intimis feminæ producitur. Quando enim semen viri calens, in uteri sensibilem caveam penetrat, & ipsam sanguine irruente turgidam & ferventem, una tubæ intumescunt, plenissimæ distentis vasis, inter ejus duas membranas repentibus, & sanguine uberrimo nunc irriguis. Eæ tubæ eo in statu rubent, & rigent, & adscendit laciniatum tubæ ostium, & ovario admovetur. De his omnibus mutationibus per dissectiones in homine, brutif-
que

que animalibus, & per morbosas fabricas constitit.

DCCCLXXVII. Sed in femina viro matura ovarium summe turgidum est, fluido lymphatico, coagulabili, quo vesiculæ distenduntur. Earum vesicularum maturior aliqua in fecunda venere rumpitur, manifesta que rima patet, & sanguinis denique grumum effundit. Intra eam vesiculam post venerem caro subnascitur floccosa primum, deinde granulosa & glandulæ conglomeratæ similis, multis acinis per cellulosam telam conjunctis, quæ caro denique sensim & uberius & durior vesiculæ cavum replet, inque scirrhi speciem induratur, in quo diu omnino rima, rimæve superest vestigium. Id est *luteum corpus* omnibus quadrupedibus calidis commune, in quo succum aliquem, ante corruptionem nuperi clari viri statuerunt, quem quidem experimenta non admittunt, cum ipsum corpus luteum ea ætate nullum sit. Sed neque vesicula, quæ sit humanum ovum, in corpore tanquam calyce continetur.

DCCCLXXVIII. In secundo porro congressu tuba ovarium conprimens, creditur per fissuram membranæ externæ maturum ovulum exprimere, & absorbere, porro ad uterum promotura strictura peristaltica, quæ a loco contactus primi incipit, & ovulum versus uterum sensim urget, in animalibus valde manifesta. Ita se rem habere suadet certe rima post conceptum in ovario subnata; fetus in quadrupedis & in feminæ ovario,

& in tuba certo repertus; analogia avium, in quibus ovi de ovario decessio est manifestissima. Etsi non oportet dissimulare, ovum verum quadrupedis nunquam certa fide visum esse nisi longum post tempus. Credas conceptionis tempore ovum verum fluidum pene, mollissimum, pellucidissimum, a muco tubam replente distinguere non posse: parvum etiam esse, quod angustias tubæ possit superare. Ipsa vesicula, quæ in ovario fuit, manet in eo firmata, estque corporis lutei amiculum. Quæ vero de muliere primis diebus decidisse dicuntur ovula incertæ sunt fidei, & repugnant parvitati fetus multis diebus post conceptionem visi; figuræ, cum qua primum visus est, semper oblongæ, in bestiis etiam cylindricæ; parvitati tubæ.

DCCCLXXIX. Hæc absolvuntur cum voluptate futuræ matris, non sine tamen nescio quo sensu, motus interni per tubam, & minantis deliquii. Neque locus conceptionis in utero est, quo semen virile pervenire certa experimenta docent. Vis enim feminis masculini ovum in ipso ovario fecundat, argumento fetuum in ovariiis, in tubis repertorum, analogiæ avium, quibus a congressu unum quidem ovum in uterum cecidit, plurima tamen in ovario una fecundantur. Neque repugnat feminis masculi exigua copia, & pigrities, quæ ad tantum iter, per adeo angustas tubas, claris viris minus idonea visa est. Nam ipsas tubas virile semen replevisse certum est,

est, in recente inprægnatione, & in homine & animalibus.

DCCCLXXX. Uterus quidem a conceptu in animalibus certius, in homine probabiliter clauditur, ne pertenuè ovulum cum spe novæ prolis pereat. Varias adfectiones incommodas nova mater eo tempore patitur, quas credas esse a resorbto semine masculo, subputrido & subalcalino. Fere enim ut ovi rancidi devorata particula, ita a conceptione nausea cietur, etiam potissimum carniū, & vomitus, & pustulæ aliquæ erumpunt, dentefve dolent. Majora incommoda & tumori uteri, viscera abdominis conprimētis tribuo, & retentis mensibus.

DCCCLXXXI. Hæc hætenus evicta certe per sensuum testimonium aut confirmari possunt aut emendari. Quæ sequuntur, ea magis ad conjecturas spectant, & eo difficilior est, quo pauciora experimenta habemus, & quo minus eadem inter se consentiunt. Et primum difficilis est quæstio, unde primordia novi animalis proveniant. Num sint ab utroque parente, & conjunctis feminibus, de corpore universo deciduis, ut quidem similitudo fetus cum parente utroque in animalibus, sed potissimum in plantis per plurima experimenta confirmatis, in unum animal misceantur; tum vitia parentum in fetus propagata. Verum nulla certa fide unquam semen in femina ostensum est, & exempla animalium innumerorum ostendunt absque feminum miscela species propagari: denique similitudo patris unice

nice videtur ostendere vim aliquam esse in semine paterno, quæ mollem embryonis minimi materiem unice deformare possit, omnino ut eadem vis in proprio corpore pelvis longitudinem addit, laryngem dilatat, cornua cogit efflorescere.

DCCCLXXXII. Ad patrem alii omnia retulerunt, potissimum postquam notissimi vermiculi feminales per microscopiorum auxilia in masculo femine innotuerunt, qui ipsa sua figura cum primævi embryonis omnium animalium habitu consentire non præter verum adnotatum est. Sed deest in his animalculis ad fetuum numerum ratio, deest perpetuitas per diversas animalium tribus: nimia est cum animalculis passim in aliis succis subnascentibus, sui que tamen semper generis tenacibus, neque in dissimillimum articulatum animal unquam adolescentibus, similitudo.

DCCCLXXXIII. Denique alii non minus aut celebres viri, aut suis laboribus fidem posterorum meriti, in matre, inque ovario materno fetum esse docuerunt, quem semen masculum in vivum mobiliorem excitet, varie etiam informet, cæterum jam natum & præsentem offendat. Manifesto enim in matris ovario vitellos reperiri, etiam si nulla mascula vis accefferit. Sed vitellum esse adpendicem intestini pulli; & habere ab ejus arteria mesenterica suas arterias: & continuari vitelli involucrum cum nervea membrana intestini, quæ cum cute animalis continua sit. Una cum vitello ergo etiam in matre gallina fetum adesse videri, cujus pars vitellus, & qui vitello

tello vascula exhibeat. Denique naturæ analogiam ostendere, multa animalia ova parere absque ullo ejusdem generis mare, masculum animal nullum absque femina fecundum esse. Continuare progressionem a femina quadrupede ad oviparam, ab ista ad non oviparam. Sed de parte sui novum animal generato animali procedere. Certo adeo masculum genus accessionem aliquam ad eum sexum esse, qui de suo corpore fetum edit, quæ accessio in aliis animalium tribus necessaria, tamen a plurimis & fecundissimis possit abesse. Neque posse cum ulla veri speciei inscriptionem aliquam admitti, qua cum femineis vasculis umbilicus solutus mas nati animalis conserveat. Nimis enim exiguum hunc umbilicum esse, quo tempore vitelli memorabilis sit magnitudo, neque cum ulla spe duraturi sanguinei circuitus minimas arterias umbilicales ad vastissimum vitellum adplicari posse.

DCCCLXXXIV. Hæc de materie: sed perinde in conformatione laboratur, quæ informem rudemque massam primævi embryonis in pulcherrimam hominis fabricam reformat. Fortuitum concursum atomorum, cæcas adtractiones particularum nutritiarum facile rejicias, improvidam futurorum finium vim fermentorum; animam structuricem pulcherrimo operi adeo certo inparem; modulos interiores, quorum nunquam ullam sanam ideam mente potui concipere, ad hypotheses referimus, quas desiderium excudit explicandorum, quæ inviti ignoramus.

DCCCLXXXV.

DCCCLXXXV. Mihi quidem experimentorum fides cum iis consentire videtur, quæ mens ipsa ex suis causis fecutura prævideat. Nempe hinc quidem pulcherrimam animalium fabricam ita variam, ut ad proprios & distinctos cujusque generis mores & officia vitæque genus utique sit aptissima, ad leges omni humana geometria perfectiores computatam, prævisos ad fines in oculo, in aure, in manu, utique demum manifestissime accommodatam, nulli infra sapientissimum creatorem causæ tribui posse, mihi quidem certum videtur. Deinde quo magis, quo frequentius, quo minutius longa series incrementorum innotescit, per quæ informis embryo ad perfectionem vitæ animali necessariam evehitur, eo certius etiam adparet, ea quæ sunt in perfectiori fetu, in teneriori embryone jam adfuisse, etsi situs, figura, compositio, primis temporibus ab ea alienissima videtur, ab ea quam novissima ostendunt; medios enim gradus sincera ad laborem patientia detegit, qua situs, qua figura, qua symmetria sensim reformatur. Multa etiam sola pelluciditas primævi fetus velat, quæ additus color paulo post, non generat, sed oculo reddit manifesta. Et satis adparet, eas partes, quas clari viri putaverunt posterioribus temporibus subnasci, primævisque se addere, eas omnes cum primævis, tantum parvas, molles, decolores adfuisse.

DCCCLXXXVI. Putes non abs re longo ævo embryonem latentem neque increfcere, neque nisi lentissimo humorum motu agitari, quem cre-

das

das a corde in proximas arterias, ab iis arteriis in corculum alterne librari. Masculi vero feminis stimulum putes corculum fetus ad majores contractiones incitare, ut sensim complicata vascula reliqui corporis impulso humore explicet, motumque vitalem per omnes canales corpusculi animalis propaget: celerius in aliquas partes, in alias lentius: indeque fieri, ut aliquæ particulæ animalis corporis primis temporibus nasci videantur, aliæ serius supervenire, nonnullæ demum & longo a partu tempore in conspectum se dare, ut ovariorum vesiculæ, testium masculorum vascula, dentes, barbæ pili, animalium cornua. In omnibus animalibus hanc evolutionem calor adjuvat, in simplicioribus, quorum pauciora sunt vascula, minusque in varios ortus plicata, solus perficit.

DCCCLXXXVII. Eorum quæ objici solent, aliqua non satis vera sunt, ut nævi alienæ fabricæ structores: aliqua videntur ad causas casu aliquo accidentes pertinere, ut pleraque monstra; aliqua ad incrementa quarumdam partium per feminis masculini vires incitata; aliqua ad cellulofam telam varie laxatam, ut in novas partes videatur increfcere, aut ad induratos succos. Et si non omnia facile est mechanice interpretari, memorem esse oportet, si quidem vere, & per experimenta, novum animal in ovo adest, motas difficultates non posse evertere, quæ vere demonstrata sunt, etsi aliquæ forte superfunt, ad

quas, in tanta solertiæ humanæ infantia, nondum plene respondeas.

DCCCLXXXVIII. Postquam ovum humanum in uterum delatum est, aliquot elapsis diebus, certiora de ejus mutatione discimus. Ovum, ipsum ex membranæ, hætenus simplicis, superficie undique flocculos ramosos molles emittit: qui uteri flocculis exhalantibus & resorbentibus (DCCCXLIII.) inosculantur & adhærent. Hæc adhæsió ubique quidem in utero, maxime tamen fit in crassa ea parte, quæ media tubis interponitur, & vulgo *fundus uteri* vocatur. Ita humor uteri, tenuis, serofus, ex arteriosis villis uteri, in tenuia venosa vascula ovi recipitur, hoc, & una fetum alit. Ante adhæsióem proprio succo, vel resorbto nutritur, si omnino aliquo tempore non adhæret.

DCCCLXXXIX. In eo ovo plurima eo tempore aqua inest, in igne vel alcohole coagulabilis, limpida; & fetus diu invisibilis, ut ante decimum septimum diem nunquam viderim, informis primo merusque mucus, hætenus cylindricus. Inde quando nunc aliquod partium discrimen succedit grandissimo est capite, corpore parvo, artubus nullis, umbilico amplo, plano, ad ovi verticem obtusum adfixus.

DCCCXC. Ex ea parvitate perpetuo & ovum quidem increscit, & fetus, sed iniqua ratione. Dum enim arteriosum serum per vias sensim patientiores in ovi vasa demittitur, increscit maxime fetus ipse, ad quem, per amplissimam umbilici

lici venam, major pars alimenti pervenire videtur. Ovum una, sed minus augetur, ejusque, & contentæ aquæ, ratio ad fetum perpetuo minuitur. Flocculi ovi sensim minuuntur & minorem ovi portionem occupant, & sensim membrana continua obducuntur, sola vero pars, quæ ex obtuso vertice ovi efflorescit, capit incrementa, & paulatim in rotundam, circumscriptam *placentam* perficitur.

DCCCXCI. Ea vero secundo mense ovi facies est, quæ ab eo tempore non mutatur, nisi in mole sua. Utero obvia sedes ovi in parte summa, quæ totius ovi fere tertia est, fit rotundo disco, conplanato, succoso, fibroso, tuberoso, adcurate toto vasculoso, in paria sibi & similia tubercula mutato, plerumque cum uteri parte suprema, majoribus vasis insigni, cellulosa tenui, non pingui, vasa colligente, adcurate nexo, & sæpe insolubiliter, tum ubique, tum potissimum in ambitu circuli maximi, tum respondentibus ex utero in placentæ venas arteriis exhalantibus, tum placentæ arteriis ad uteri magnas venas hiantibus. Ibi, in communi utero & placentæ superficie, commercium fit, quo uterus fetui & ferofum illum humorem, lactis non dissimilem, deinde, ut videtur, ipsum sanguinem mittit. Commercium humorum ab utero in placentam demonstrare videntur, mensium in gravidis suppressio, quorum sanguinem alio averti oportet; sanguinis jacturæ maximæ a soluta placenta inprimis fetus abortivi natæ; hæmorrhagiæ matris,

quæ fetum sanguine exhauriunt ; hæmorrhagiæ ex funiculo umbilicali aperto factæ, dum placenta in utero manet, matrem exstinguentes ; aquæ, argenti vivi, febi, ceræ ab arteriis materni uteri transitus in vasa placentæ clarorum virorum, nuper confirmata, fide observatus. Sanguinem vero esse, qui in fetum mittitur, magnitudo sinuum uteri & placentæ, diameter arteriarum uteri serpentinarum, hæmorrhagia vera a soluta utcunque etiam lenissime placenta, sed in primis sanguinis motus evincit, quem in fetu corde destituto solus maternus sanguis humoribus fetus impertivisse potuit.

DCCCXCII. Reliqua corporis ovi pars & convexa pariter placentæ superficies, tegitur involucri externo, villoso, flocculento, reticulato, poroso, lacerabili, vasculoso, tenui quasi placenta, quod *chorion* vocatur. Etiam ea uteri superficiei, flocculentæ, & sibi ipsi simillimæ, mollius licet, conglutinatur, minoribus tamen, quam placenta, vasculis, sed ex chorio in uteri vasa manifesto inosculatis.

DCCCXCIII. Chorio subjicitur membrana continua, alba, opaca, firmior, non vasculosa, quæ placentæ partem utero obversam non vestit, sed concavam, fetui objectam. Et cum chorio & cum amnio, celluloso textu cohæret. *Mediam* simplicissimo nomine dixeris.

DCCCXCIV. Intima fetus tunica *amnion* est, membrana aquosa, pellucens, raro conspicuis vasculis, quæ tamen etiam in homine vidi, levissi-

ma, undique sibi similis, placentæ etiam, cum priori, subjecta, quam aquæ undique adluunt. Si plures fuerint fetus aut in homine, aut in bestia, cuique sua est.

DCCCXCV. Alimentum fetus, a primo tempore conceptionis ad ultimum, procul dubio per *venam umbilicalem* advenit. Ea collectis radicibus, a vasis uteri exhalantibus (DCCCLIV.) & ab arteria umbilicali, manifestissime sibi continua, sinus sub placentæ superficie venosos efficiens, confluit in truncum ingentem, qui in gyros varios plicatus, minus tamen, quam fociæ arteriæ, fatis pro mobilitate libera longus, circumdatus cellulosa fabrica muco plena, tribus septis divisa, & membrana, quæ amnio continuatur, duriori tamen, *funiculi* nomine nota, nodis nonnullis intumescens, subit umbilicum, inter discedentes cutis & musculorum abdominis arcus, & in sinum proprium hepatis (DCXCII.) adveniens, sanguinem suum parte minori per ductum venosum, exiguum, in fossa hepatis posteriori situm, ad cavam venam mittit, parte majori per magnos ramos hepaticos, quos certo producit ex suo sulco, etiam in adulto superstites (DCXCV.), & istis continuos ramos venæ cavæ (DCXCVII.), ad cor deducit. Sinus venæ portarum, sive ramus sinister, & ipse pars est umbilicalis venæ, ejusque rami sanguinem a placenta ad cavam ducunt, dum solus dexter ramus (DCXCV.) sanguinem mesentericum, & lienalem per hepar vehit.

DCCCXCVI.

DCCCXCVI. Neque tamen hoc unicum placenta officium est. Nam magnum sui sanguinis partem fetus ad eam placenta mittit, per duas prægrandes *arterias umbilicales*, quæ aortæ ductum continuant, datisque exiguis femoralibus, minimis vero in pelvim arteriis, secundum vesicam reflexæ adscendunt, tectæ cellulosa peritonæi lamella, & fibris quibusdam a vesica & ab uracho divergentibus, & extra peritonæum, in funiculum umbilicalem veniunt, ibique alterne rectæ, iterumque contortæ, variis gyris, acutioribus quam vena, & circa venam ludentes, porro ad placenta feruntur, quam suis ramis, cum respondentibus venis, & cellulosa tela lubrica utraque vasa sequente, totam constituunt, ut ipsi accini, in placenta conspici, vasorum sint glomeres. Iste sanguis exire videtur per vasa arteriosa placenta, in venulas bibulas uteri, & materni pulmonis vires passus, ad fetum melior redire. Quæ enim alia causa, cur tanta vasa, tertiam & ultra sanguinis partem fetus, eæ arteriæ avehant?

DCCCXCVII. Sed an ore etiam alitur fetus? An sorbet de amnii cavea liquorem lymphaticum, lubricum, coagulabilem nisi putredo accesserit, in quo medius natat? & cujus origo non satis nota est. An demonstrant hanc sententiam os fetus patulum, analogia pulli, de solo ovo suo necessario alendi; absentia umbilici in quibusdam fetibus; meconium replens crassa intestina, partemque tenuium; liquor in ventriculo fetus a-

vium,

vium, etiam humani, similis illi, qui amnion replet; decrementum liquidi amnii pro portione incrementi fetus; continua stria glacialis in amnio, ore, gula, ventriculo fetus reperta; pili, fæces propriæ in fetus quadrupedis ventriculo repertæ; os fetus apertum, certo a nobis visum; pulli in hoc liquore natantis hiatus, & conamina quasi alforbturi? Et quinam fons hujus lymphæ amnii? Anhalat ex invisibilibus vasculis amnii? an per poros aliquos eo transmittitur ex ipso succoso chorio? quod & ipsum ab utero habeat? Plurimæ ubique tenebræ, ut tamen magis probabile videatur, utique eum liquorem alibilem esse, certe primis fetus temporibus, & ab utero advenire.

DCCCXCVIII. Excrementa fetus eo toto tempore exigua copia colliguntur, in tanta succi nutritii tenuitate, qui per vasa minima uteri transcolatus sit. Video sæpe in fetibus vesicam pene vacuum esse. Aliqua tamen urinæ vis colligitur in magnam, & prælongam urinariam vesicam. In intestinorum vero magna parte viridis puls colligitur, fæx forte exhalantis liquidi; simillimam enim in aliis cavitatibus, exhalante liquido plenis, & in vaginali membrana testis vidi.

DCCCXCIX. An ergo nulla allantois? cum tamen certum sit, exire de apice vesicæ *urachum*, canalem tenerum, primo latum, fibris longitudinalibus vesicæ tamquam vagina obductum, deinde, quando eæ secesserunt, gracilem & tamen cavum, eumque longiuscule per funiculum umbilicalem

bilicalem produci, ut tamen in ipso funiculo evanescat. Annon evincit reliqua, nondum in homine visa, analogia maxima cum brutis animalibus, quibus & urachus est, & allantois? Sed receptaculum proprium, continuum cavo uracho, in quadrupedibus adeo vastum, nondum aut satis certa fide, aut satis repetito in homine visum est, & qui clari viri quartum quasi vasculum per umbilicalem funiculum in propriam ampullam continuari viderunt, nolunt tamen id vasculum pro uracho habere, & nuperrime ad omphalomesentericum genus retulerunt; & urinæ parcissima copia in homine fecernitur: neque forte valde abs re esset conjicere, in ipsum funiculum ejusque spongiosam, cellulosam fabricam ex uracho duci urinæ aliquantum, ibique effundi, & ideo inter omnia animalia homini longissimum funiculum nactum esse, quod solus allantoide membrana careat. Brevis certe est, & in funiculum venit, placentam adtingere non videtur. Aliquando ad umbilicum usque etiam in adulto homine urinam patulus duxit.

DCCCC. Crescit interim fetus, & ex trunco artuum sensim exeunt tubercula, & reliqua, pulcherrima, anthropogenia maturatur, non hic dicenda, neque hactenus satis anatomicis dicta. Quorum tamen aliquod compendium oportet præmittere.

DCCCCI. Gelatina erat embryo, quem primum in utero materno vidimus, vix definita forma, cujus nullam partem a reliqua distingueres.

Erat

Erat tamen in eo glutine cor, causa vitæ & motus, vasa erant, quæ humorem annii generent, umbilici ergo vasa, atque vitelli, cujus a fetu accepti trunculi, tunc sunt maximi, quando nuper conspici ceperunt. Erat & caput, & spinalis columna, magna pars utraque, & quam unquam major. Erant procul dubio & reliqua viscera, sed mucosa, sed pellucida: quare etiam prioribus, quam a natura speres, diebus, conspici possunt, si opaca reddideris.

DCCCCII. Sed in universo fetu pars inmensa aquæ cum pauca terra contemperatur, ut ipsa cellulosa tela fluidum inter & consistentem statum ambigat; cum inter remota elementa solida magnæ aquæ guttulæ interponantur.

DCCCCIII. Accedit ad hoc vivum gluten in ave albumen, de lymphatico genere, & de oleoso vitellus: in homine lactei quid, non totum dissimile vitelli, & coagulabilis lympa. Sanguinem propriis fetus viribus ex adipe perfici avium exemplum suadet. Ex eo sensim reliqui humores generantur, mites tamen omnes, in principio, saporis, coloris, odoris expertes, glutinosi. Natura cuique propria sero accedit, nonnullis multis demum a partu annis, ut femini.

DCCCCIV. Partes firmæ etiam in adulto homine multo minorem portionem etiam duriorum partium corporis humani efficiunt, in fetu aliquo cohæsionis majori gradu a fluentibus differunt, glutinis hætenus similes, fluidi primum, inde consistentis magis. In eo fibræ, quas nullas

in primævo embryone distinguas, paulatim subnascuntur, glutine inter vasa vicina, ut videtur, quassato, parte aquæ expressa, elementis terreis se adtrahentibus. Eæ fibræ se varie conprehendunt, & cellulofam telam efficiunt, etiam in morbis, areolasque intercipiunt, in quibus humor superest. Ex ea cellulositate membranæ componuntur, & vasa, & fere universum corpus.

DCCCCV. Antiquiora vasa sunt, & in prima embryonis delineatione parata adfunt. Primum quod adparet in ovo incubato, distinctum & fabricatum venæ sunt circuli venosi: Sed eæ venæ arterias ponunt, per quas & succum accipiant, & motum ejus succi. Non generantur mechanice ab obstaculo, quod sanguis arteriosus experiatur. Primi trunci venosi conspicui sunt, posteriores adparent rami, qui in truncos vehunt. Si ex arteriis reflexis nascerentur, primi rami conspicerentur, trunci novissimi formarentur. Neque ab obstaculo repulsus sanguis arteriosus circulos pulcherrimos formaret, & vasa in cor reducía: & difformiter potius in cellulofam telam oberraret. Et primævum cor subito vitam amisisset, nisi per venas tantum humoris rediisset, quantum ad alendas cordis micationes sufficit.

DCCCCVI. Sunt ergo in fetu primævo, qualem oculi primum conspiciunt, aliqua perfectiora & conspicua, alia involuta, invisibilia, minima. Perfectissimum cor est, solum mobile, solum irritabile, etsi varie sui dissimile quale est in homine adulto. Cerebrum grande est, fluidum:
vasa

vafa parata, quæ in dorfo adparent, cordi proxima. Nondum conspicua viscera, muscoli, nervi, artus : ossa ipsa, quorum prima facies mucus est, vafa reliqui corporis. Alia portio est abdominis, cujus inmensa hernia est vagina umbilicalis.

DCCCCVII. Ad ejusmodi embryonem accedit motus, in homine fere solius cordis ; & etiam in avibus, quorum formatio non fit absque calore humano potius majori : tamen absque corde calor destruit, neque ædificat. Maximum id proportionem est in his initiis ; inde ad reliquas corporis partes in minori & minori ratione est. Celerissimæ etiam ejus sunt micationses, & in mollissimum fetum potentissimæ, ad inpellendos humores, ad distendenda & ad producenda vafa.

DCCCCVIII. Obponitur cordis potentia, quam tamen in formatione fetus adjuvat, visciditas humorum vitalium, qui elementa terrea colligant. Est ergo in embryone & vis inpellens, quæ incrementum per longitudinem facit, & vis resistens, quæ incrementum moderatur, & pressionem lateralem auget, sic distentionem. A vi cordis arteriæ omnes, & ad facilitatem sermonis arteria unica, quæ omnes repræsentat, cum omni circumposita tela cellulosa, in longitudinem educitur, plicæ expediuntur : eadem arteria dilatatur. Et sanguis pressione laterali in ramos pene cæcos arteriarum nititur, eos replet & explicat, & ad angulos latiores diducit : ita aræ nascuntur parum resistentes, in quas gluten deponitur. In ipsa natura arteriæ, dum undique

dilatatur, inter imaginabilia fila solida, reticulata spatiosa parantur, quasi diducti retis, pariter recipiendo humori apta. Majora hæc fiunt circa cor, inque capite, quo rectior impulsio cordis ducit, & in placenta : minora in corporis parte inferiori, cui arteriæ umbilicales maximam partem sanguinis subtrahunt.

DCCCCIX. Celerrime fetus crescit, in manifestissimo pulli incubati exemplo, cujus longitudo diei 22 est ad longitudinem diei primi ad minimum uti 1,000,000, ad 1. ; & totum incrementum vitæ reliquæ in ave, non superat quintam partem incrementi diei primi ovi. Fetui enim cor majus & magis irritabile, vasa pro portione ampliora, etiam numerosiora & laxiora, partes firmæ mucosæ sunt & distensiles. Serius pectus perficitur, membranis adeo mollibus clausum, ut nullæ videantur.

DCCCCX. Non crescit unice embryo, sed insigniter utique reformatur, ut in lucem totus sui dissimilis prodeat, qualis sub prima tempora erat, quibus conspici potuit. Et primum a productis arteriis artuum credas artus, per gluten aliquod ad latera revinctos, seorsim expediri, brevesque primum pullulare, inde longiores sensim, & in articulos divisos adparere : uti alæ papilionis diducto rete vasculoso explicantur. Ita etiam ventriculus cordis dexter a sanguine uberius adveniente expanditur, & sensim auctus sinistrum æquat.

DCCCCXI.

DCCCCXI. Contra cellulosa tela ex glutinosa aquea natura per advectas particulas terreas sensim durior, lenta adtractione partes, quæ rectæ fuerunt, in flexus varios contrahit, auriculas cordis, distantes hactenus, ad cor revincit. Sic musculi processus de ossibus educunt trahendo, & cavernulas exiguas in magnas cellulas diducunt: iidemque ossa curvant, varieque figurant.

DCCCCXII. Multum pressio potest: ei tribus testium in scrotum descensum, postquam musculis abdominis vis irritabilis accessit: ei cordis in pectus repulsionem, quando velamenta pectoris majora sunt: ei longius pectus, brevius abdomen & minora ejus viscera, quando aer in pulmonem receptus pectus dilatavit. Sed etiam ossa a musculorum, a vasorum, a mollissimi cerebri pressione varie exsculpuntur: & caro in tendinem vertitur.

DCCCCXIII. Vis derivationis a clausis arteriis umbilicalibus sanguinem in pelvim, & in artus inferiores adlicit: eadem, quando foramen ovale ab adtractis auriculis arctatum est, ventriculum cordis dextrum explicat: quando vitelli vasa longitudinem universam ovi occuparunt, neque ultra possunt produci, arterias umbilicales in pullo dilatat, novamque membranam incredibili celeritate explicat. Contra, sed ab eadem vi, postquam nova sanguini in aliqua vasa facilitas nata est, reliquæ partes minus increfcunt, quibus par facilitas non accessit. Capitis incrementa
minora

minora sunt, postquam artus inferiores ceperunt grandescere.

DCCCCXIV. De humore difflata parte tenui, membrana nasci potest, in epidermidis exemplo; aut cartilago, ut fit in ossibus, aut ipsum os, aut demum lapidea natura, quod in testis animalium aquaticorum est frequentissimum. Initia ossium mollia sunt & mucosa: inde in gelatinam consistunt, hæc in cartilaginem confirmatur, nulla, quam videas partium, mutatione facta.

DCCCCXV. Non perinde latenter cartilago in os mutatur. Nunquam id fit, nisi prius lineæ & fulci cartilaginem percurrerint; quin ruber sanguis in vasa ossium viam sibi fecerit; quin ea vasa manifesto ex truncis nutritiis in ossis interiora venerint, rectisque lineis in finem cartilagineum corporis ossis quasi inpegerint, quem longius & longius ab osse medio removent. Circa ea vasa cellulosa tela subnascitur, & laminæ, quas ipsa vasa videntur in tubum medullarem urgere. Denique in epiphysin, quæ longe diutius & cartilaginea manet, & sanguinem negavit recipere, vasa rubra per crustam finientem penetrant, tum alia, quæ ab exterioribus artuum vasis adveniunt: ita etiam in epiphysi roseus nucleus nascitur, vasculosus, qui sensim auctus e vasis de superficie sua emissis reliquam cartilaginem in osseam naturam convertit.

DCCCCXVI. In his ossibus longis manifestum videtur, incrementum productis a cordis inpetu arteriis deberi, sensim ad fines ossium extensis; duritatem

duritatem vero particulis craffioribus, tum demum in cartilaginem depositis, quando ejus vasa rubrum sanguinem admittunt. Sed etiam callus osseus nunquam convalescit, nisi cum rubra vasa nuper subnata penetraverunt.

DCCCCXVII. Offa plana ex membranacea natura incipiunt. Super eam fibræ se dispergunt, laxo in principio rete, inde densiores, quibus probasi membrana est: porique & rimæ inter eas fibras sensim arctatæ, succo osseo repletæ, naturam demum osseam perficiunt. Etiam in his ossibus inter fibras recta vasa rubra incedunt.

DCCCCXVIII. Succum osseum craffioribus particulis gravem inter fibras primævas deponi calli subnascentis phænomena declarant, qui ex intimo osse, non ex periosteo guttulis quibusdam exsudat, & sensim induratur. Sed etiam chemica analysis id de ossibus gluten extrahit, & circumfusum, ad fluidi consistentis modum in ancylosi adparet, rimasque ossium, & futurarum intervalla manifesto complet. Craffas particulas terreas continet, quas varia experimenta detexerunt, & adhærens manifesto rubia colore suo distinguit.

DCCCCXIX. Periosteum ossa investit, ut membrana viscus, & ab eo cellulosæ propagines vasa interiora ossium sequuntur: cæterum in periosteo neque fibræ rectæ sunt, neque alveolorum, aut laminarum habitus, neque vasa rubra dum os in ovo indurescit; neque omnino periosteum ossi, præter epiphysin adhæret, cum natu-

ra ossea a medio adveniat, & est tenuissimum quo tempore os cartilagineum, cætera undique perfectum est. In ossibus planis basin fibris osseis ubique præstat.

DCCCCXX. Itaque caput grande, passim membranaceum, raris locis cartilagineum his prioribus gestationis diebus, ore profunde fisso, longisque maxillis: dentium, etiam in maturo fetu rudimentis, quibus plurima membrana adpenditur: cerebrum primo fluidum semper molle, magnum & ipsum, cum magnis nervis: oculi grandes, pupilla per membranam clausa: pectus perbreve, sed expansile ob magnam cartilaginis portionem: abdomen amplum, membranis clausum, vastissimo hepate: bile innoxia, mucosa: intestinis sero irritabilibus, plenis viridi mollique sæce, quando maturus nunc fetus est: renibus in lobulos divisis, magnis, grandissimis capsulis: pelve minima, ut vesica, ovaria & tubæ de ea emineant: genitali systemate denso, nondum evoluto, nondum suos succos parante: glandulis omnibus magnis, potissimum conglobatis, succo serosa plenis: cute primum pellucida, pene gelatinosa, inde cuticula molli, & unguento sebaceo obducta: adipe gelatinoso, inde grumoso: tendinibus mollibus, succulentis, nondum nitentibus.

DCCCCXXI. Magnum est inter circuitum sanguinis in fetu discrimen, inque adulto: id ut intelligatur, organa describere oportet, per quæ perficitur. Primum *thymus* est, glandula mol-

lis,

lis, laxa, ex plurimis lobis, in cornua duo superiora majora, inferiora duo breviora collecta, qui cellulosa multa & longa laxaque utcunque conjunguntur, grandis in fetu, magnamque partem tenens pectoris: in mediastini cavea, collique parte, sedet, & tota repletur, in ipsa sua intima fabrica, ferofo, albo, liquore, quum non ostendas absque vulnere; eademque in adulto corpore, a pulmonibus auctis elisa, & ab aorta nunc majori, sensim evanescit. Quis usus glandulæ? liquidi? Ignoratur omnino, sed & aliæ omnes glandulæ, & conglobatæ maxime, in fetu majores sunt, ut modo diximus.

DCCCCXXII. Cavitationem pectoris brevem esse diximus, quæ conprimatur ab enormi mole hepatis; pulmones pro cordis portione exigui, solidi, ut fundum petant, qui ab omni aere mediis in aquis seclusi sint. Quare, cum tantam sanguinis copiam absque respiratione pulmones transmittere nequeant, quanta in adultis transit (CCXCII. CCXCVII.), aliæ viæ in fetu paratæ sunt, quibus maxima pars sanguinis ex vena umbilicali, & cava inferiori, in aortam arteriam intacto pulmone transeat. Primævo fetui nullus ventriculus cordis dexter est, & adeo ampliter auricula dextra in sinistram patet, ut omnis sanguis qui per venam cavam advenit, continuo in aortam transeat, minima particula excepta, quæ minimum pulmonem & inconspicuum adit. Deinde in fetu nunc adultiori, major quidem pulmo est, & angustior via a dextra parte auriculæ

in finiftram, cum canalis auricularis nunc totus intra cor refumtus, ipſæque auriculæ multo breviores ſint: Et tamen paries, qui dextram aurem cum finiftra conjungit, lato, *ovali foramine*, pertunditur, per quod ſanguis, ex abdomine adveniens, & aliquantum a valvulari auriculæ dextræ margine (LXXXVIII.) repulſus magno flumine in finiftrum ſinum tranſit. Senſim tamen membrana ſinus utriuſque retrorſum elevatur, & ad ſinum pulmonalem, ſuper ovale foramen, utrinque fibrilla ſuprema, tunc multis ex ordine inferioribus, palmatis, adneſcitur, & exiguam, deinde majorem partem hujus foraminis obturat, ut ſolus tranſverſim ovalis, obliquus aditus liber ſit, qui inter rotundum marginem, inpoſitum foramini ovali, & vaſculam increſcentem liber eſt, in maturo fetu decimæ quintæ fere parti oſtii venæ cavæ æqualis.

DCCCCXXIII. Eam autem viam eſſe ſanguini, neque contra a finiftro ſinu in dextrum quidquam fluere, omnia ſuadent. Nam & ſanguinis columna in ſinu dextro maxima eſt, ut major ne dari quidem poſſit, ſanguinis nempe ab omni corpore reducis: finiftra vero auris tanto paucior ſanguinem, quam dextra, habeat, quanta pars per ductum arterioſum tranſit; hinc etiam multo minor ea dextra eſt: & valvula maturi fetus tanta eſt, & ita finifterior iſthmo, ſive muſculari arcu DCCCCXXII. ut impulſa a finiftris valvula tamquam velum foramen claudat, a dextris vero impulſa cedat libera, & flatum ſanguinemve

nemve tranſmittat, ipſum etiam flatum a dextris inmiſſum retineat, neque dextrorſum remittat.

DCCCCXXIV. Sed etiam de eo ſanguine, qui omnino dextrum cor ſubiit, exigua portio in pulmonem venit. Nam pulmonis arteria, in fetu major quam aorta, recta via continuatur in *ductum arterioſum*, majorem utriuſque rami pulmonalis conjuncto lumine, majorem longe quam hiatus foraminis ovalis, qui in aortæ partem, quæ vertebraſ prima contingit, ſub ejus ramo ſubclavio ſubit, atque adeo plus media parte ſanguinis arteriæ pulmonalis inferiori aortæ dat, quem alioquin ſiniſtrum cor, & rami adſcendentes aortæ accepiſſent, quæ ipſa cauſa eſt, quare aorta, ubi ex corde prodit, in fetu adeo parva ſit. Ita & a pulmone onus avertitur, & magna pars ſanguinis rectius ad umbilicales arterias ducitur, & vires utriuſque cordis in propellendo aortæ ſanguine uniuntur.

DCCCCXXV. Qui fetum in utero reſpirare dixerunt, pauciſſimis experimentis uſi, faciliſſimum illud neglexerunt, quod ab aquis ſumitur, in quibus fetus medius natat: tum a pulmonibus, in fetu conſtanter gravibus, fundumque in aqua petentibus: denique certam brevitatem pectoris negligunt, & pulmonum exiguitatem. Num in brevi illo per vaginam itinere aerem capiat, difficilius definiveris: & ſuſpicor poſſe certo in ſitu, vegetum fetum, non nimis compreſſum, aliquando aerem duxiſſe, dum parte ſui inter matris partes hæſit.

DCCCCXXVI. Cum fetu uterus perpetuo crescit, dum arteriæ serpentinæ, ab impulsu sanguine extenduntur, & in rectitudinem se exporrigunt: dumque venæ in truncos suos ab uteri magna mole compressos, sanguinem reddere impeditæ, in sinus inmensos intumescunt: denique dum menstruus sanguis in utero retinetur, neque in parvum hætenus embryonem omnis inpenditur. Ita crassities eadem manet, cum arteriarum venarumque copiosior sanguis extenuationem fabricæ solidæ compenset. Crescit inprimis ipse fundus supremus uteri, ut tubæ ex medio nunc utero gravido descendant. Exit adeo de pelvi uterus, ad colon & ventriculum usque, & abdominis viscera, vesicam, rectum intestinum comprimit. Os uteri in primis mensibus sursum cum utero retrahitur, & de exitu vaginæ recedit: a tertio vero mense descendit iterum inque vaginam mergitur: Idem perpetuo brevius in vaginæ cæcum fundum eminet: perpetuo etiam tenerescit, & de cartilaginea illa virginei uteri durezza in mucosam mollitiem laxatur. Non clausum unquam, muco sinuum & forte muco pariter vesicularum in cervice uteri sitarum obducitur, ab aere defenditur. Denique & cervix, quæ diu inmutata mansit, ultimis demum gestationis mensibus & ipsa brevis fit, & osculum planum, latumque est, absque longitudine, & versus partus tempus perpetuo latius hiat. Una fetus grandescens, qui in tenera ætate incerto situ fuerat, & in media graviditate in globum frequenter

quenter actus erat, ut caput inter genua reconderet, fetus iste caput ponderosum magis & magis in pelvim demergit, & versus uteri cervicem dirigit.

DCCCCXXVII. Varia nunc incōmoda in utero ad summum aucta sunt. Distentus a retento sanguine omnes suos nervulos habet irritatos: nihil enim vehemente tensione homini molestius est, nisi lentissima fuerit. A fetus capite in pelvim demerso intestinum rectum, vesica, uteri pars cervici propior magisque sensibilis urgentur & dolent: fetus plenum incrementum nactus uterum undique distendit, eo majori cum incommodo, quod aquis nunc absuntis exstantes artus, & caput, multo vehementius in uterum inpingant. Placenta creditur & ipsa, nunc maxima, nudam uteri interni faciem distrahere. Ex his causis oriuntur vagi primo uteri irritati ad se vindicandum conatus, & denique, quando summæ hæ causæ nunc sunt, adeo molestus a capite fetus in tacto, sensus nascitur, qualis fæcis in recto intestino collectæ est, quo adeo dolore mater ad partum moliendum cogitur. Tempus partus novem solaribus mensibus emensis ingruit, in omnibus animalibus perinde definitum, etsi aliquot septimanis per suas causas aut accelerari potest aut retardari, ut tamen de iis causis constet, neque earum potestas nimium extendatur.

DCCCCXXVIII. Tenesmis ergo vexata mater non diutius ferendis, adhibet vim omnem vehementissimæ inspirationis, qua viscera imi ventris, deorsum

deorsum pulsa, uterum premunt (DCCLVI.) dum & uterus contractili vi fetum constrictus urget, qui solus etiam, absque nixu matris, fetum nonnunquam expellit. Manifesto tamen difficultates itineris potissimum a nixu superantur, dum mollissimum nunc os uteri se a capite fetus patitur distendi. Amnios nempe aqua plena, in eorum a capite fetus expulsa, dilatat os internum uteri, adtenuatur, distenditur, rumpitur; effluunt aquæ, lubricant vaginæ iter, laxant omnia. Tunc nudum caput fetus, facie ad os sacrum ob ipsum pondus conversa, cunei modo inpulsum, os uteri porro distendit, donec summo nixu matris, laxatis sæpe nonnihil pubis ossibus, cum dolore intolerabili & tremore corporis universi, caput elidatur, & per vaginam dilatabilem, a nullo osse valde pressam, facilius prodeat, & infans in lucem edatur, etiam in quadrupedibus difficulter, difficillime in genere humano, cujus fetus grandissimo sit capite.

DCCCCXXIX. Naturale homini est, unicum fetum partu eniti, quam legem cum omnibus majoribus animalibus communem habet, nisi carnivora sint. Non raro tamen geminos fetus parit: rarius paulo tres, neque unquam supra quinque. Non dubium est, posse secundum fetum concipi, dum prior in utero est, cum frequenter omnino feminæ pepererint, quibus durus & osseus fetus dudum in utero retentus fuerat.

DCCCCXXX.

DCCCCXXX. Placenta, connexa fundo uterî (DCCCLXXXVIII.) plerumque in maturo partu non difficulter solvitur, vi nixus levioris a matre editi, vi adtrahentis obstetricis. Ita flocculi placentæ de uterî villis exeunt, sequitur sanguinis insigne profluvium, & secundis nunc mater liberatur. Una umbilicalis funiculus ligatur, non sine periculo fani & vegeti fetus liber relinquendus, & refecatur. Ita vena umbilicalis omni sanguinis adfluxu privatur, & sanguini arteriarum cognominum obstaculum insuperabile obponitur.

DCCCCXXXI. Tunc uterus, super omnem modum hætenus distentus, contrahit se vi fibrarum elasticarum DCCCXLIII. tanta celeritate & robore, ut & manum obstetricis, & placentam non bene solutam sæpe adstringat. Ita conprimuntur vasa, etiam propria vi in minus lumen nitentia, uberrimus sanguis in utero collectus exprimitur, effluit lochiorum nomine, purus primo, deinde, quando vasa nunc connivent arctius, flavus, & albidus denique, & sanatur vulnus latum uterî, idemque ad molem, virginea non multo majorem, cito redit.

DCCCCXLIV. Sed *mammæ* biduo, triduove a partu, quo tempore lochiorum primus inpetus deferbuit, insigniter nunc intumescunt, &, quæ sero modico in gravida femina stillabant, eæ nunc turgent seroso primum tenuique liquore, quem paulo post ipse chylus sequitur. *Lac* nempe chylo simillimum est, humanum tamen minus, album, spissulum, dulce, & dulcissimo sale essentiali

fentiali fetum, sponte acescens, oleo tamen & lymphæ adjecta temperatur, halitu odorato, volatili, multa pinguedine, & aqua, & caseosa viscida, & terrestri, magis alcaliscente materie mistum. Diutius a pastu, jam verso in serum chyllo, falsum fit, alcaliscit, & fetui displicet. Naturam ciborum quorundam, ut chylus, sæpe retinet, & medicamentorum. Causa auctæ in mamminis secretionis videtur in revulsione esse, & succedere subpressæ magnæ illi in utero secretioni, quæ fetum aluit, uti diarrhæa subpressæ perspirationi succedit. Nam & aliis locis, & ex ipsis vulneribus, lac verum exivisse visum est. Et est alioquin uterus inter & mammas, tum nervosa quædam sympathia, tum similis ad album humorem generandum aptitudo. Eum enim uterus in infantia, & graviditate manifestum gignit. Anastomoses autem mammariarum cum epigastricis, etsi veræ, adeo tamen parvæ sunt, ut nihil hic peculiare quæri oporteat.

DCCCCXLV. *Mammæ* fiunt plurimo circumposito mollissimo, & albissimo adipe, & conglomerata glandula, convexa, glebulis ex rubro lividis, rotundis, duriusculis, facta, extus firma cellulosa tela obductis & conjunctis, in minores acinos secedentibus, quæ viro cum feminis communis est. *Vasa* ipsi pluscula a mammariis internis adveniunt, & ab externis thoracicis, demum ex humoralis arteria, & omnia inter se prope papillam communicant. Cum epigastricis vasis mammarii trunci, non tamen mammales communicant,

municant, venæ etiam evidentius. *Nervi* multi & majusculi, ut in cutaneis partibus, a nervis inter costas superiores positis accedunt.

DCCCCXLVI. Ex glandula illa media mammæ, & ex ambeunte pariter adipe, infinitis radiculis, ductus oriuntur numerosi, tenerrimi, candidissimi, valde molles, & dilatabiles, qui undique ad mediam papillam, tum in circulum, qui basin subtendit, tum in aream ejus circuli confluent, & in radicem *papillæ* emergunt. Ita vocamus cellulofum & cavernosum corpus, in quod sanguis effundi potest, & erectionem facere, ut in pene. Per eam papillam ducuntur viginti & ultra excretorii *ductus lactiferi* mammæ, nulla inter se ipsos unquam facta anastomosi, in papilla multo quam prius angustiores, & in ejus laxo statu compressi, rugosi, collapsi, conniventes, in papilla vero ex titillatione qualibet erecta recti, ostiolis inter cutaneas rugas latentibus patentes. In ductus lactiferos, ut in alios excretorios canales, humor tenuis ex arteriis urgetur. Papillam area ambit, plena sebaceis glandulis, quæ teneram cutem defendunt a frictione, a madore perpetuo.

DCCCCXLVII. Hic primus infanti cibus est, alioquin homini saluberrimus. Eum tunc puer novit capere, quando nondum alterius officii humani experimentum fecit. Complexus ore papillam, blanda vellicatione cogit erigi, premit labellis, ne aer medius subire possit, inspirat una, spatiumque in ore suo parat, aere leviori ple-

num. Sic pondus aeris, labiorum infantilium vis conprimens, emulgent lac de papilla, alioquin sponte, præ copia, ad emanandum proclive, & fugit infans & alitur. Primum ferosum lac, five *colostra*, alvum teneri fetus laxat, meconium expurgat (DCCCXCVIII.), cum summa ejus utilitate. Sed etiam absque fetu, sola titillatio lactiferos ductus erigens, & adfluxum sanguinis augens, lactis fluxum in virginibus, vetulis, virisque obtinuit. A pubertate demum lac generatur; ante eam ferosus humor de mamma manat: plerumque etiam mediam circa graviditatem primum generatur. Post tempora mensium, ut uterus, ita mammæ effectæ officium deferunt.

DCCCCXLVIII. Sed magnæ mutationes in fetu accidunt, qui in lucem editus est. Et prima est *respiratio*, quam in ipsa vagina materna jam molitur, dolore, ut videtur, vario, & anxietate ad vagitus eos laceflitus, quibus lucem novam salutatur, forte & cibi desiderio, quem ex amnii penu hauserit. Ergo in pulmones aerem ducit, eos, hæcenus parvos, feroso humore plenos, dilatat, muta ex atro rubentibus, parvis, solidis, in aqua etiam falsa merfis, in leves, spongiosos, innatantes, magnos, plenos aere, & subalbidos. Ergo facilius in pulmones istos magnos laxosque sanguis subit (CCLXV.); multum adeo de sanguine arteriæ pulmonalis, qui per arteriosum ductum in aortam ferebatur, nunc in pulmonem per reliquos ejus arteriæ ramos venit. Et eo magis ductus iste deferitur, quod novum obstaculum sanguini, in abdomen descensuro, natum sit; arteriæ

teriæ nempe umbilicales maximæ nunc ligatæ sunt, ut sanguis aortæ inferioris non nisi nixu suo, quo omnes arterias pelvis pedumque dilatat, viam nunc invenire possit. Denique, ut plus accipit pulmo, ita plus sanguinis nascens ex corde aorta accipit; interque eam tumidiorem, & arteriam pulmonalem, medius arteriosus ductus eliditur, ut in adulto homine non vacuus solum, sed brevior reperiatur, alioquin peculiari modo intus rubellus, mollis, ad concrefcendum cum stagnante sanguine aptissimus. Hæc ergo via sanguinis cito aboletur, & fere intra annum.

DCCCCXLIX. Deinde etiam foramen ovale sensim obturatur, per easdem causas. Nam, quam primum in pulmonem via liberior facta est, etiam in cor dextrum iter facilius fit, & sanguis venæ cavæ utriusque copiosior eo venit, quo a laxa pulmonali arteria invitatur, neque adeo eget via illa, in septo sinuum effossa. Sed etiam per umbilicalem venam, omni sanguinis penu destitutam ob ligatum umbilicum, (DCCCCXXX.) minus sanguinis in venam cavam inferiorem adfertur, minor ergo nixus in ostium ovale est, quo sanguis superioris cavæ ob isthmum aliunde vix subire potest. Denique, cum plus sanguinis per pulmones in sinistrum sinum adveniat, dilatatur iste, & extenduntur una cum toto sinu, cui in hærent, cornicula valvulæ ovalis, & elevant valvulam, ut in maturo fetu super istum isthmumeducta totum ostium obturet, & isthmo ipsi valvula adprimatur, & una sanguis sinistri sinus ful-

cit eam valvulam contra inpetum sanguinis finis dextri. Sic, accedente aliqua frictione oræ supremæ valvulæ contra isthmum supremum, sensim coalescit foramen ovale, & adglutinatur summa ora valvulæ ad posteriorem faciem isthmi, & adnascitur. Sed lente id fit, ut sæpissime etiam ad magnam ætatem, aliquis inter isthmum & supremam valvulæ partem, tubulus liber superfit. Ubi neque tubulus adest, vestigium tamen totum sinistrorsum cavum, & tubuli in suprema parte dextrorsum aperti, sinistrorsum cæci superfunt, quia potentia sanguinis dextri semper aut major est resistentia sanguinis sinistri, aut certe etiam in vitæ progressu non minor.

DCCCCL. *Vena umbilicalis* cito coalescit, ut sanguine destituta. Venæ portarum sanguis, nullo nunc obposito fluente ab umbilico adveniente inpeditus, occupat sinum sinistrum, partemque curvam fossæ umbilicalis (DCXCV) & sanguinem per eos ramos mittit, per quos solebat umbilicalis vena ad cavam sanguinem mittere. *Ductus venosus* negligitur & coit, ob compressionem, quam diaphragma in inspiratione descendens, novam hepatis adfert, & qua sinister lobus jecoris ad lobulum adprimitur; forte etiam ob angulum obtusum, quem cum sinu sinistro venæ portarum efficit: ad sedem certe venæ portarum primum clauditur.

DCCCCLI. *Arteriæ umbilicales* ita clauduntur, ut alibi ligatæ arteriæ solent, parte sanguinis in polypos coacta, quæ finem cæcum occupat,

pat, & sanguine, qui renitentes membranas experitur, in vicinas minus resistentes divergente. Neque nihil tribuo vi muscutorum abdominis, qui eas arterias in respiratione contra plenissimum abdomen conprimunt; & angulo peracuto, quem umbilicalis arteria, ex iliaca egressa, nunc cum eadem secundum vesicam recurva, facit; & rectitudini, in quam crura, acutam in fetu cum corpore plicam facientia, nunc exporriguntur. Cito adeo hæ arteriæ clauduntur, minimo superflite tubulo, qui ducit in duas, vel tres, vesicæ arterias. *Urachus* facillime aboletur, ut qui recta ex vesica adscendat, & tenuissimus tubulus sit, & exitum non habeat, & negligatur, aperta nunc & descendente urethra.

DCCCCCLII. Ex similibus causis sensim hepar minuitur, & recipit se sub costas; & crassa intestina ex gracilitate, quæ in fetu est, in magnam diametrum intumescunt; & ventriculus in longitudinem extenditur; & cæcum intestinum nascitur, a fæce ad dextra adpendiculæ pondere suo deorsum nitente; & pedes insigniter augentur, a sanguine a ligatis umbilicalibus arteriis repulso; & reliquæ mutationes fiunt, quibus mediis fetus in naturam perfecti hominis sensim migrat.

C A P. XXX.

NUTRITIO. INCREMENTUM.
VITA. MORS.

DCCCCLIII. Etiam postquam puer in lucem editus est, crescit porro, sed lentius semper, & pro minori portione, uti a nativitate recedit. Multæ causæ sunt, cur continuo minus sit incrementum. Multa vascula excæcari videntur, tum quod a vicino torrente magni tubi arteriosi elidantur; tum quod viscidior nunc sanguis in coagula abeat. Sed etiam crassior nunc cibus plus in sanguinem terræ congerit, quæ cum succo alibili in universum corpus adducta omnia reddit duriora, ossa, dentes, cartilagines, tendines, ligamenta, vasa, musculos, membranas, cellulofam telam, ut etiam tangentes digiti novam duritatem distinguant. Quare cum per pauciores canales sanguis a corde adveniat, cum duriora sunt omnia, quæ oporteat producere & distendere, necesse est minus & minus cedere, quæ crescere debent, cordis impulsioni.

DCCCCLIV. Sed etiam cor, quod primum inter omnes partes molles confirmatum sit, minus increfcit, quam ulla in reliquo corpore particula: dumque multo teneriores artus & molliora viscera distenduntur, ipsum lentius increfcit, minoremque perpetim, & demum octuplo omnino minorem portionem ad corpus adultum habet.

habet. Simul, ex ea ipsa quam celeriter acquisivit, densitate fit, ut minus sit irritabile, & intra datum tempus infrequentius contrahatur. Ita dum vires resistentes augentur, vires distendentes una minuuntur.

DCCCCLV. Erit ergo serius ociusve finis incrementi; isque eo celerius adtingetur, quo vividius & frequentius cor micaverit: aderit autem is finis, quando omnium ossium crustæ cartilagineæ adeo nunc tenues erunt, ut porro cedere ossæque partis incremento obsequi nequibunt. In feminis celeriores incrementi finem menses inponere videntur. Piscibus cartilagineis perpetuum incrementum est.

DCCCCLVI. Status omnino nullus est, cum perpetuo a primo conceptu, perenni progressu natura ad decrementum ducat. Dicitur tamen tunc adesse, quando neque incrementum superest, neque decrementum valde manifestum se effert.

DCCCCLVII. Nempe perpetuo consumimus omnes (CCCCXXXIV.). Neque unice partes fluidas amittimus, sed ipsas demum quæ pro solidissimis habentur. Nam & ossa mutantur; & duriores ossibus dentes crescunt, quando obpositorum dentium tritus eos definit consumere, atque adeo eorum elementa mutantur; & fibræ eburneæ in dente elephanti decesserunt, curvisque lineis glandem plumbeam utrinque ambiverunt; & succus osseus mutatur, cum alias dura ossa mollescant, alias tumores osseos exuberet; & cicatrices ipsæ manifesta habent incrementa,
non

non suffecturæ alioquin claudendo in adulto homine vulneri, quod puer accepisset; copiaque terræ, nostræ omnino, ut per morbos vincitur, per lotium decedit.

DCCCCLVIII. Causa destructionis solidorum est in perpetua extensione & retractione, quæ fit in singulo cordis pulsu, centies millies intra singulos dies, quo motu ipsa metalla adteruntur: deinde a frictione partium fluidarum ad consistentes: a detritione omnium membranarum, quæ vel in corporis superficie, vel in cavis internis libero fine terminantur, cujus unica ad reliquum canalem est firmitas: in musculorum alterno tumore & decremento: in adtractione & pressione, quam carnes nostræ exferunt. Eo facilius autem deteruntur omnia, quod plurimo, cum pauca terra, glutine fiant, idve gluten extensum, si vim adhæSIONIS extensio paulum superaverit, necesse sit decidere de terræ elementis & abripi. Ita scrobes nascuntur, quales in fenuna arteriis oculus demonstrat. Cellulosa tela alioquin in aqua in gelatinam diffluxura, a sanguinis contra vicina ossa, vicinos musculos inpetu, confricatione deteritur, & a perpetua alterna flexione & extensione.

DCCCCLIX. Celerrimum foret decrementum, vitæque finis non longe distaret a principio, nisi jacturæ nostræ repararentur. Fluidas partes cibi restituunt, celeriter fatis, ut vel ex pullo adparet, cui ex alimento intra biduum sanguis renascitur. Fiunt vero, ut alias ostensum est, ex
adipe

adipe adeps & sanguinei globuli: ex gelatina lymphaticus succus: ex muco mucus: ex istis & ex aqua humores reliqui. Partes firmæ iisdem fere modis reparantur, quos in fetus historia descripsimus. Gelatinosus ex alimentis succus per arterias ad omnes partes corporis adducitur, in omnes cellulosas telas exsudat. Scrobes quas putes de intima arteriarum membrana per sanguinis inpetum effodi, adaptata per vim lateralem materies viscida restituit, neque superatura modum cum exuberans particulæ nutritiæ finis necessario a sanguinis fluente abripiatur. Non deficiet, dum alimenti sit satis, cum major sit quies & minor resistentia in fundo scrobis, quæ a motu sanguinis per medium alveum est remotior. Aeris certæ vires esse videntur, quibus alimentum ad partes solidas revincit, etsi modus ignoratur.

DCCCCLX. Cellulosæ telæ decrementa, a tractione nata vel a pressione, reparabit exhalaturus de arteria viscidus vapor, ad loca absumpta adpressus vi vicinarum arteriarum, comprimentium musculorum, expressa & resorbta parte aquea. Plerasque partes organicas, tendines membranasque gluten reparat, ut in fetu, in novam cellulosam telam fictum.

DCCCCLXI. Decrementum quod est in liberis finibus partium altero fine ad reliquum corpus adhærentium, potest sola protrusione sarciri, dum intervalla subnata lymphâ replet.

DCCCCLXII. Quo tempore corporis statura negat proferri, obesitas nascitur, veri incrementi quoddam imitamentum. Ea ab adipe fit ex cibo nato, qui lentefcente nunc sanguinis inpetu, cum difficilior nunc in minima vascula subeat, ad parietes vasorum ablegatur, vascula lateralia subit porosque inorganicos arteriarum, in cellulofam telam exfudat, ibique, diminuta nunc vi conquassantis sanguinis, diminuta resorbtione venosa, congeritur.

DCCCCLXIII. Decrementi initia in ipsa juventute invenias. Jam eo florido tempore elementa solida augebantur, rimæ ab humore perfluxæ minuebantur, vascula excæcabantur, & cellulofæ telæ major adtractio totum corpus addensabat. In universo corpore duritas, quæ ab ætate nascitur, se conspicuam offert, in ossibus, totis nunc fragilibus, in cute, in tendinibus, in glandulis conglobatis, in arteriis, in pondere vero partium omnium, ipsiusque cerebri. Rigescunt autem celerius eæ partes, quæ majori motu exercentur, ut in quoque opifice eæ, quibus ad suam artem potissimum utitur.

DCCCCLXIV. Et porro pergunt arteriæ densari, angustari, excæcari, tum a pressione intus per magnum tubum fluentis sanguinis, tum ab adtractione cellulofæ telæ, qua arteriæ major portio constat. Desinunt ergo ali infinitæ partes cellulofæ telæ, ad quas hætenus minimæ arteriolæ alimentum adtulerant, nunc cæcæ nullum adferunt. Ablata vi extendente cellulosi flocculi

se adtrahunt, cavernulas interceptas arctant, abeunt in membranas, in textus duros, qui alia vascula intercipiunt, & quasi strangulant. Sed etiam vapor gelatinosus in cavernulis cellulosa telæ concrevit, inque solidam cum suis parietibus duritiem abit. Musculi expulso sanguine, adunatis fibris, in densos, duros, & irritabili vi destitutos tendines abeunt.

DCCCCLXV. Una nervi sensum ad sensuum inpressiones, musculi ad sollicitationes magis & magis occallescent, & obsurdescent; ita cordis vis contractilis, & frequentia pulsuum minuitur, atque adeo vis omnis, quæ sanguinem in minima vascula adigit.

DCCCCLXVI. Humor copia in densiori corpore minuitur, ut manifesto perspiratio, semen, humores oculi, humor glandularum conglobatarum, vapor irrorans partes corporis solidas undique decreseat. Quare nutritio nunc labascit, plus enim est, quod ali oporteat, & minus est humoris qui nutriet.

DCCCCLXVII. Neque unice humorum copia minuitur: ipsi etiam corrumpuntur. Blandi fuerant & viscerati in pueris: iidem nunc acres, falsi, fætidii, terra multa graves sunt in senibus. Vitio id fit alimentorum falsorum, putrescentium, quorum culpa longo ævo collecta invalescit: vitio etiam cutis minus perspirantis, alvi segnis, ob diminutam irritabilitatem, & auctæ adeo reformationis putridi liquaminis. Inde fætor urinæ, animæ, difficilis consolidatio vulnerum.

DCCCCLXVIII. Maximum tamen vitium humorum est, quod terra abundant, tum sensim ex cibis collecta, postquam secretiones minus liberæ fuerunt, partim ex ipsis nostris solidis partibus abrepta, & ad sanguinem reddita: de ea enim terra ex morbis & ex natura terræ podagricæ constat. Ab ea terræ copia iterum in universo corpore portio ejus elementi augetur, dum nutriens liquor secum ejus nimiam copiam adfert, unde ossium fragilitas, omnium partium duritas increfcit: eadem etiam passim in cellulosas telas deponitur, & crustas primum callofas, deinde osseas & lapideas utique, sed etiam potissimum in arteriarum tunicis colligit.

DCCCCLXIX. Duritas universi corporis, decrementum virium musculosarum, & sensuum diminutio senium constituunt, quod serius ocyus in mortales grave decumbit, celerius, si vehementibus laboribus, voluptati, & victui vitioso se dederint: lentius si mite vitæ genus cum sobrio victu secuti fuerint, si ex regione frigidiore in calidiorē se contulerint.

DCCCCLXX. Cum tamen eadem causæ perpetuo in addensanda corporis materie, in diminuenda irritabilitate, in augenda terræ copia pergant operari, non potest evitari, quin decrepita ætas senis succedat. In ea sensus fere pereunt, & musculorum vis insita debilissima est, ut artus debilescant, deinde, & pedes potissimum, corpori regendo non sufficiant: ut ad veneris officia cienda callosa nervorum insensibilitas non excitetur:

non excitetur : ut ipsa intestina ad sollicitationes solitas pigra definant respondere : ut duratis inter vertebrae cartilaginibus corpus antrorsum labascatur : ut dentibus delapsis maxillae breviores male labra sustineant : ut cordis pulsus de frequentia sua, quae fuit infanti, dimidiam partem amittant.

DCCCCLXXI. Ita denique mortis naturalis ingruit necessitas, ut plurimi quidem mortales ante diem a morbis abripiantur, millesimus quisque nonagesimum annum superet, unus & alter intra unum seculum ad centesimum & quinquagesimum annum erepat. Longævus, si cum animalibus comparaveris, homo est, tenerior idem omnibus, & laxiori carne, minusque duris ossibus. Inter longævos, non facile est dictu, quæ causa fuerit ejus privilegii. Videtur inter gentes reliquas Anglia eorum numero excellere, qui ad plurimos annos perveniunt, tum frigidiusculæ in universum regiones. Inter vitæ genera, plebs fere sola ea rara exempla protulit, ut tamen a numerosiori classe plura exempla expectare possis : Sobrietatis, aut certo vulgaris, neque lautæ diætæ : morum mitiorum : ingenii non vividissimi, sed læti, & ad curas minus audientis, aliqua prærogativa fuisse videtur. Inter animalia aves longæviores sunt, longævissimi pisces, quibus cor minimum, & lentissimum incrementum & ossa nunquam indurantur.

DCCCCLXXII. Rara mors senilis est, tamen aliqua. Eam dicimus, in qua sensim vires deficiunt,

ciunt, musculorum primum voluntati subiectorum, tunc etiam vitalium, demum ipsius cordis, ut fenes sola ex debilitate vivere potius desinant, quam a morbo aliquo obprimi. Sæpe in bestiis ejusmodi mortem vidi. Cor sanguini ad remotas partes urgendo impar est, pulsus & calor a pedibus fugit, & a manibus, pergit tamen sanguis a corde in proximas arterias dari, indeque relabi; ita flammula aliquamdiu alitur, quam paulo post videas exstingui, quando nunc cor omnino & ipsum viribus cassum, neque a sanguine ad motum efficacem irritabile, non potest per pulmonem sanguinem urgere, ut aorta suam penum accipiat. Ita respirationis ultimæ vires intenduntur, ut sanguinis per pulmones iter aperiat, donec & ad perficiendam inspirationem vires a natura datæ inpares cessent. Ita cor sinistrum sanguinem non accipit neque irritatur, & ipsum quiescit, dum aliquo tempusculo dexter ventriculus & demum auricula ejus lateris, sanguinem a frigidis & contractis artubus per venas submissum accipiunt, & ab eo irritata debiliter saliant. Sed & is motus denique, quando & partes corporis reliquæ perfriguerunt, & ipse adeps coagulatus stetit, cessat, & perfecta nunc mors est.

DCCCCLXXIII. Mortem dixero, quando omnis de corde natura irritabilis disperit: neque enim cordis quies est absque spe suscitationis: neque partis alicujus corporis animalis putredo mortem totius animalis demonstrat: neque insensibilitas, neque frigus: quæ tamen omnia conjuncta,

juncta, & perpetuo majora, cum rigore, qui adipem a quiete & frigore coactum sequitur, in dubio casu, mortis signa sunt.

DCCCCLXXIV. Mortui hominis cadaver putredini traditur. Ita adeps, & aqua, & gluten resoluta avolant, terra suis destituta vinculis sensim dilabitur, & ad humum se admiscet. Anima eo abit, quo DEUS jusserit, quam in morte non destrui vel ex frequente phænomeno arguas; plurimi enim mortales, quando nunc corporis vires dissolutæ dilabuntur, serenissimæ & vegetæ & lætæ demum mentis signa edunt.

I N D E X.

C A P. I.

FIBRA. TELA CELLULOSA.

1. Partes simplicissimæ.
2. Solidarum communis fabrica.
3. Fibra.
Particulæ ejus constantiores terreæ.
4. Terreas moleculas interposito glutine cohærere.
5. Gluten ex aqua & oleo fieri.
6. Fibra simplex.
7. Fibra conspicua linearis.
8. Lamina.
Tela cellulosa.
9. Cellulosæ communis fabrica.
Ejus diversitas in universum.
10. Ex cellulosa Membranæ.
Vasa.
Tunicæ.
11. Vasa tunicarum accessionem esse cellulosæ.
12. Cellulosam ubique reperiri.
13. Concrementum inorganicum.
14. Fibras & cellulosam ex glutine esse.
15. Quem ad modum ex glutine fiant solida.
16. Cellulosæ diversitates.
In quibus partibus brevis & tenera.
17. In quibus laxior.
18. In has effundi adipem.
19. Cellulosæ vascula sanguinea.
A sinibus arteriosis adipem deponi.
Per arteriæ etiam longitudinem exsudare.
20. Eundem in venas resorberi.
An nervi in cellulosa maneant.
21. Cellulas omnes in se mutuo patere.
22. Cellulosæ summa dignitas.
23. Vis cellulosæ contractilis ab irritabili diversa.
24. Adipis varia utilitas.
25. Adipis in cellulas congesti vel ab iisdem resorpti causæ & effectus.

C A P. II.

V A S A.

26. Arteriarum figura.
27. Membranam externam propriam & perpetuam nullam esse.
Primam veriorememembranam ubique esse cellulosam.
28. Eam exterius laxiorem esse & vasis nervisque percursum.
29. Interius densior propria arteriæ tunica.
30. Musculosa ex fibris circularibus.
Longitudinales nullas esse.
Sub musculosa cellulosa brevis.
31. Intima arteriæ membrana.
Ut se habeat in arteriis viscerum.
32. Arteriarum arteriæ.
Arteriarum nervi.
An inde vis contractilis diversa a simplici elatere.
33. Arteriarum lumen rotundum.
Arteriarum pulsus.
34. Arteriarum robur.
Debiliorem truncum esse, ramos fortiores.
35. Arteriarum

35. Arterias omnes partes adire.
Arteriarum ratio ad partes quas
adeunt.
36. Ratio solidæ partis arteriæ ad lu-
men.
37. Arteriarum in ramos divisio.
Ratio luminis ramorum ad lumen
trunci.
Anguli ad quos rami exeunt.
Flexiones arteriarum.
38. Anastomotes & retia vasculorum.
39. Arteriola minima quomodo in
venulam abeat.
40. In visceribus arteriarum dispositio
varia.
41. Arterias in vasa minorum gene-
rum exire.
42. Alias exire in ductus excretorios.
43. Alias demum in canales exhalan-
tes terminari.
44. An ubique vasa nata ex rubris.
45. An multiplici divisioni dentur
vasa minora.
46. Venas in multis arteriis similes, in
variis tamen diversas esse.
47. Venarum fabrica.
48. Venarum amplitudo, divisio.
Eas superficiem corporis adfectare.
49. Venarum valvulæ.
50. Origines venarum ab arteriis esse, &
venis minorum generum, & a
venis ex omni ambitu & ca-
vea quacunque corporis resor-
bentibus.
51. Ab his parum diversas esse alias
ex cellulosa resorbentes.
52. Venas, perinde ut arteriæ, mino-
rum generum esse.
53. Vasa lymphatica.
54. Glandulæ conglobatæ.
55. Ubi reperiantur lymphatica.
Ea in ductum thoracicum coire.
56. Glandularum conglobatarum ef-
ficium.
57. Lymphaticarum valvulæ.

C A P. III.

MOTUS SANGUINIS PER ARTERIAS ET VE-
NAS, SIVE CIRCULATIO.

58. Arterias & venas quemadmodum
repleat sanguis.
59. Sanguinem per vasa omnia rapide
movere.
- 60.—76. Directio motus sanguinis.
60. Arterias & venas omnes commu-
nicare quæ demonstrant.
61. Sanguinem per arterias a corde ad
extrema fluere.
62. De venosi sanguinis motu dubita-
tum esse.
Qui errorem adgnoverunt.
63. Ab extremis undique ad cor redi-
re sanguinem venosum primum
adstruxisse *Harveium*.
Demonstrari per valvulas quæ
refluxum in ramos intercipiunt.
64. Pondus etiam sanguinis sustinere
valvulas.
- Easdem facere ut pressio muscu-
lorum in venas sanguinem ver-
sus cor deducat.
65. 70. Quæ sanguinis iter venosi de-
monstrant.
65. Valvulæ cordis dextri.
66. Ligaturæ & compressio in vivo
homine.
67. In vivis accuratiora experimenta.
68. Infusiones in venas.
69. Transfusio sanguinis.
70. Ex arteriis in venas sanguinem ire,
docere injectionem.
71. Ejusmodi transitum monstrare mi-
croscopium.
Nullum esse inter arterias & ve-
nas parenchyma.
72. Quæ a dictis evincatur circulatio
sanguinis.
73. Esse

73. Esse tamen ubi iter aliquantisper contrarium sit.
74. In vasis lymphaticis, liquoris iter esse a radiculis ad ductum thoracicum.
75. Halitus resorbptos omnes versus cor deferri.
76. Inveniendam esse viam sanguinis e corde dextro in finistrum.

C A P. IV.

C O R.

77. 78. Sacci pleuræ.
77. Mediastinum.
Pleura.
78. Pericardii locus.
Mediastinum posterius.
Ligamenta pulmonis.
79. 80. Pericardium.
81. Pericardii arteriæ.
Venæ.
Nervi.
82. Pericardii fabrica.
Ejusdem aqua.
83. Pericardii utilitas.
84. Quibus animalibus cor.
85. Vena cava quomodo in cor terminetur.
86. Sinus venosus dexter.
Auris dextra.
87. Fossa ovalis.
Anulus ovalis.
88. Valvula Eustachii.
89. In atrium cordis dextrum quibus viribus inpellatur sanguis.
90. Auris dextræ contractio, quidque inde fiat.
91. Cordis figura & situs.
92. Ventriculus cordis anterior sive dexter.
93. Valvulæ triglochines.
94. Earum muscoli papillares.
95. Triglochinum utilitas.
96. Sanguine impulsio cor ad contractionem sollicitari.
97. Cordis fibræ musculares, secundum auctorem.
98. Eadem ab aliis descriptæ.
99. Cordis nervi.
100. Hos nervos ad movendum cor facere.
101. Aliam tamen causam subesse.
102. Vis irritabilis cordi insita.
103. Ut se habeat contractio ventriculi.
104. Corde contracto non dari sanguini regressum in auriculam & venas.
105. Contracto ventriculo dextro inPELLI sanguinem in arteriam pulmonalem.
106. Arteriæ pulmonalis ortus & initium.
Valvulæ ejus semilunares.
107. Sanguinis exitus e ventriculo dextro in arteriam pulmonalem.
108. Iter sanguinis per pulmones.
109. Sanguinem ex arteria pulmonali in cor relabi non posse.
110. Venæ pulmonales.
Sanguinis per eas iter.
111. Sinus venosus sinister.
Auris sinistra.
112. Atrii finistri contractionem inPELLERE sanguinem in ventriculum finistrum.
Valvulæ mitrales.
113. Sanguinis ex ventriculo dextro in finistrum iter, sive circulatio minor.
114. Ventriculus finister.
115. E ventriculo sinistro contracto sanguinem in aortam inPELLI.
116. Aortæ valvulæ.
117. Cordis

117. Cordis diastole.
 118. Aurium & ventriculorum motus quemadmodum se invicem excipiant.
 119. Cur tamdiu et perpetuo repetantur hi motus?
 120. Respondetur explicari a stimulo sanguinis impulsu in cavitates irritabiles.
 121. Nihil ultra requiri.
 Rationem repeti non posse nec a compressione nervorum nec ab arteriis coronariis.
 122. Cordis vires non adjuvari a vasorum minimorum oscillatione,
 Nec a vi caloris externi,
 Nec ab arteriarum vi contractili.
 123. Sanguinis e corde exeuntis celeritas.
 Pondus sanguinis cordi incumbens.
- Vis cordis.
 124. Multa hic subesse incerta.
 Vires tamen cordis validas esse.
 125. Idem probari a resistentiis quas cor superat.
 126. Sanguinis in coronarias ingressus.
 Arteriæ coronariæ duæ.
 127. Harum finis in venas.
 Vena coronaria magna.
 128. Vena media.
 Vena tertia.
 129. Venæ anteriores.
 130. Venæ mediocres.
 131. Venæ minimæ.
 132. Quo tempore arteriæ coronariæ sanguinem accipiant.
 133. Ex coronariis arteriis in cordis caveas per venas redire sanguinem.
 134. Cordis vasa lymphatica.

C A P. V.

SANGUINIS ET HUMORUM CORPORIS HUMANI INDOLES.

135. Sanguis in universum.
 136. Sanguinis calor.
 Sanguinis effusi halitus.
 137. Halitu emissio coire sanguinem.
 Coaguli pars princeps cruor.
 138. Sanguinis serum.
 139. Ut a putredine mutetur sanguis.
 140. Præter ista esse in sanguine salem marinum, terram, ferri terram, & aerem non elasticum.
 141. Ut a salibus admixtis mutetur sanguis.
 142. Sanguinis analysi chemica.
 143. Summa eorum quæ inde innotescant.
 144. Microscopio adhibito in sanguine distingui globulos rubros.
 Horum figura.
 145. Globulorum color, numerus, magnitudo, figura mutabilis.
 An in alios minores dissiliant.
146. Ex sanguine eloto fibras nasci quæ in vivo animali non exsistere.
 147. Cruor ex globulis conponi qui inflammabiles.
 148. Seri analysi chemica.
 Similia fere reddere humores aqueos, salivam, mucum.
 149. Sanguinis in universo corpore moles.
 150. Elementorum sanguinis proportionem non semper esse easdem.
 Quæ proportionem variant.
 151. Ab elementorum proportionem varia, & solidæ fabricæ consideratione, pendere temperamentorum diversitates.
 152. Rubri cruoris utilitas.
 153. Serum coagulabile, liquida tenuiora, particulæ falsæ, aer, ignis quid quæque efficiant.

154. Crassum sanguinem & liquida tenuiora æque esse sanitati necessaria.
155. Sanguinis arteriosi & venosi diversitas.
156. Ex uno sanguine generari cæteros liquores omnes.

C A P. VI.

ARTERIARUM COMMUNIA OFFICIA.

157. Sanguis ex ventriculo sinistro in aortam propulsus.
158. Arterias perpetuo plenas esse. Arteriarum pulsus ejusque causa.
159. Arteriarum contractio.
160. Arteriam constringi & sanguinem ea vi promoveri quæ demonstrant.
161. Nullam successionem in pulsu diversarum arteriarum percipi posse, licet revera inesse certum sit.
162. De sanguinis ex corde profili-entis celeritate perpetuo decedere aliquid dum per arterias progreditur.
Quæ minuere visa sunt nec minuunt.
163. Sanguinem de sua velocitate non tantum amittere videri quantum calculi poscant.
Hujus rei causæ.
164. Cur in arteriis minimis pulsus evanescat.
165. Sanguinem in venarum parietes premere.
Cur venæ non ut arteriæ saliant.
166. Pulsus mensuram esse virium cordis.
Pulsus rarus, magnus, durus, celer, quid quisque designet.
Ubi optime tangatur.
167. Pulsus pro mole animalis rariores esse.
Pulsuum in homine pro diei tempore diversitates.
168. Pulsus frequentem esse a celeri diversum.
Pulsus frequentis causæ variæ.
169. Sanguis venosus quibus viribus moveatur.
170. Eundem celerius in truncis quam in ramis moveri.
171. Quibus caveatur ne sanguis in venis stagnaret & cogeretur.
172. Actione musculorum promoveri sanguinem venosum.
173. Vires venas prementes aliæ.
174. Vis derivationis.
Anastomoses quid faciant.
175. Sanguinis venosi velocitas.
Quæ motum ejus difficiliorem faciant.
176. Tempus in quo circuitus absolvitur.
177. Effectus motus cordis & arteriarum in sanguinem, ex quibus æstimentur.
178. 179. Modus quo hi fiunt, ex quibus intelligatur.
180. Frictio quæ in arteriis fit.
Effectus ejus ex quibus æstimentur.
Unde sanguinis rubor.
181. An ex motu sanguinis calor.
182. Motum progressivum, putredinem impedire.
183. Illum in esse varium in diversis diversæ indolis particulis.
184. Effectus systoles arteriarum.
185. Oscula arteriarum minima esse modulos in quibus massulæ sanguinis figurantur.
186. Reticula arteriosa quid præstent.
187. Lentioris sanguinis motus effectus.

C A P. VII.

S E C R E T I O.

188. Classēs humorum secretorum quatuor.
Primam esse coagulabilem qui plerumque exhalant.
189. Secundam esse non coagulabilem partim exhalantium partim non.
190. Tertiam esse mucosorum.
191. Quartam esse inflammabilem.
192. Alios humores ex iis componi.
193. Requiri descriptionem organorum secretiorum ut ratio eruatur secretorum naturæ, pro diversis organis diversæ.
194. Liqueurum coagulabilem secretionem absque glandulis fieri.
195. Albuminosum articulationum humorem quæ glandulæ fecerant.
196. Harum glandularum sedes.
197. Liqueurum non coagulabiles exhalantes absque glandulis fecerunt.
198. Liqueurum non coagulabiles nec exhalantes per glandulas conglomeratas fecerunt.
Has ex acinīs fieri.
199. 200. 201. Horum acinorum fabrica.
202. Liqueurum 198. etiam absque acinosis glandulis fecerunt.
203. Mucum ubique per glandulas fecerunt.
Glandulæ veræ fabrica.
204. Secretio quomodo in hisce glandulis fiat.
205. Ostium excretorium.
Cryptæ.
206. Glandulæ conglomeratæ.
207. Ductus excretorii.
208. Glandulæ compositæ.
Agminatæ vel congregatæ glandulæ
209. Liqueurum inflammabilium secretionem varia.
Glandulæ sebaceæ plusculæ absque ductu.
210. Aliæ sebaceæ ductum habentes.
211. Sebaceæ compositæ.
212. Lac in glandula conglomerata fecerunt.
213. Descriptis organis redire quæstionem 193.
214. Sanguinem secretoria adpellentem jam peculiaris indolis esse.
215. Sanguinis retardationem in minimis densiora a levioribus & pigrioribus separare.
216. Ostia secretoria varia forte diametro esse.
217. Eam inæqualitatem multis modis secreta variare posse.
218. Secretiones plerasque fieri per vascula ex arteria rubra orta.
Alias vero per ea ex minoribus oriunda fieri.
219. Non nihil forte facere angulum ad quem exit ramus secretorius.
Quæ veri simile reddant.
Quæ dubium faciant.
220. Flexiones ad secretionem facere.
221. Densitates etiam arteriarum idem posse.
Irritabilitatem fere similia facere.
222. Velocitatem sanguinis varia quæ augent vel minuunt, multum ad secretionem facere.
223. His conditionibus variatis variare secreta.
224. Sanguinis particulas densissimas, & maximas in venas transire.
225. Quoniam sunt particulæ pigre lentæ & magnæ.
Quoniam coagulabiles.
226. Liquida tenuia & aquea in quibus vasis fecernantur.

226. * In quibus fecernantur aquosa
levia sed viscida & pigra.
227. De secretione hypotheses variæ
expenduntur.
228. Quomodo puræ secretiones fiant
inveniendum.
Omnia recēter secreta aquam
admistam habere.
229. Stagnando in folliculis viscida
quæcunque fieri.
230. In receptaculo liquores ab adfuso
novo liquido mutari posse.
231. Resorbptos humores etiam utiles
esse.
232. Receptaculorum utilitas.
233. Vires quibus retenta demum eji-
ciantur.

C A P. VIII.

R E S P I R A T I O.

234. Pulmonum figura.
235. Pulmonis membrana externa.
236. Pulmonis fabrica.
237. Asperæ arteriæ fabrica.
238. Fibræ ejusdem musculares.
239. Ejusdem glandulæ mucosæ.
Conglobatæ adfidentes.
240. Asperæ arteriæ vasa & nervi.
241. Ejus divisio in bronchia.
242. Horum ramos ultimos in cellulosa
terminari.
243. Arteriæ venæque bronchiales.
244. Arteria pulmonalis.
245. Venæ pulmonales.
245. Vasa pulmonis lymphatica.
Pulmonis nervi.
246. Maximam sanguinis portionem
pulmonem subire.
Utilitatem hujus visceris ab aere
pendere.
247. Aeris atmosphærici natura.
248. A corpore quomodo excludatur.
Cur subeat pulmones videndum.
249. Cur subeat ostenditur.
250. Thoracis fabrica in universum.
251. Vertebrae dorfi.
252. Costarum cum vertebribus articula-
tio.
Hujus ligamenta.
253. Quomodo cum sterno costæ com-
mittantur.
254. Costarum longitudo.
255. Costarum directio.
- Earundem firmitas variæ.
256. Sternum.
257. Ut dilatetur pulmonis sedes tho-
racem elevandum esse.
Hoc facere musculos intercostales
externos.
258. Intercostales interni.
De actione horum ambigi, sed
elevare tamen.
259. Quomodo ab his ampliatur tho-
rax. Nec tamen hanc dilata-
tionem sufficere.
260. 261. Septum transversum.
262. Septi foramina duo.
263. Septum contractum thoracis ca-
pacitatem augere.
Solum fere respirationem perficere.
264. In majoribus inspirationibus quæ
vires accedant.
265. Inspiratio, qui fiat.
Ejus effectus in vasa aerea &
sanguifera.
266. An aer inter pulmonem sit &
pectus.
267. Respirationem aerem vitare.
268. Inspirationis diuturnæ incom-
moda.
269. Vires expirationis.
270. Consentire musculos abdomina-
les.
Accedere sternocostales, aliosque.
271. In validioribus respirationibus
qui musculos adjuvent.

272. Effectus expirationis.
 273. Inde novam necessitatem oriri inspirationis.
 274. De aliis causis alternæ respirationis vix constare.
 275. Adulto respirationem necessariam esse.
 276. Ab ea necessitate differe utilitatem respirationis.
 277. Ex quibus hæc eruatur.
 278. An in pulmone calor nascatur.
 279. An in pulmone densetur sanguis.
 280. An aer ipse in sanguinem recipiatur in pulmone.
 Quæ verisimile reddant.
 281. Quæ contrarium demonstrare videantur.
282. An refrigeretur in pulmone sanguis.
 283. An ab aere sanguinis rubor.
 285. An utilitas pulmonis sit resorbere nitrum de aere.
 286. Quæ animalia absque aere diu vivant.
 Cur pereat animal omne in aere non renovato.
 287. Quis concentus sit pulsui cum respiratione.
 288. Tussis.
 289. Ritus.
 Fletus.
 Singultus.
 Sternutatio.
 290. Utilitates accessoriæ respirationis.

C A P. IX.

V O X E T L O Q U E L A.

291. Laryngem ex cartilaginibus fieri.
 Ejus vasa. Nervi.
 292. Cartilago scutiformis.
 293. Anularis cartilago
 294. Cartilagine arytenoideæ.
 295. Glottis.
 296. Epiglottis.
 297. Laryngis ventriculi.
 298. Glandulæ laryngis mucosæ.
 299. Glandula thyroidea.
 300. Laryngis cum osse hyoide nexus.
 Laryngis elevatio & glottidis angustatio.
 301. Laryngis depressio & glottidis dilatatio.
302. Oris cavum.
 Nares.
 303. Lingua.
 304. Vox.
 Sufurrus.
 305. Vocis robur.
 Tonum acutum quæ faciant.
 306. Gavem tonum fieri a contrariis.
 307. In tono diversitatis causæ.
 308. Cantus.
 309. Loquela.
 310. Literarum pronunciatio.

C A P. X.

C E R E B R U M. N E R V I.

311. Ratio ordinis.
 312. 319. Quæ pertinent ad cerebrum arteriæ.
 312. Aortæ arcus, quique inde enascuntur rami.
313. Carotidis divisio,
 Externa carotis. Ex ea
 Arteria thyroidea superior.
 Lingualis.
 Labialis.

Pharyngea

Pharyngea adscendens.

314. Occipitalis arteria.

Auricularis.

315. Arteria temporalis.

Maxillaris interna.

316. Ramus ad meningem crassam princeps.

Maxillaris internæ propagines alia.

316. * Interna carotis.

Ejus anfractus.

Iter per foramen petrosi ossis.

Rami in receptaculo editi.

317. Carotidis internæ rami in pontem & cerebri crura.

Surculus ad plexum choroideum & nervi optici comes.

Ramus anterior & posterior.

Fabrica ramorum carotidis qui cranio continentur.

318. Quæ ex arteriarum cerebri historia colligi possint.

320. 324. Involucra cerebri.

320. Conceptaculum encephali officium.

Dura membrana generatim.

321. Lamina duræ membranæ externa & interna.

Ex his falx & tentoria, quidque efficiant.

322. Glandulæ.

323. Arachnoidea membrana.

324. Pia membrana.

325. 339. Encephali venæ.

325. Sinus quartus.

326. Sinus falcis superior.

Sinus transversus.

327. Falcis sinus inferior.

328. Venæ cerebri inferiores, anteriores posterioresque.

329. Cerebelli venæ.

Superiores in sinum quartum immittere se; inferiores in sinum petrosum superiorem, transversumque.

330. Sinus circuli similis.

Transversus sinus conjungens cavernosos.

331. Sinus petrosus superior.

Inferior petrosus sinus.

Occipitalis sinus posterior.

332. Sinus occipitalis anterior.

Cavernosus sinus.

Sinuum inter se venarumque cranii exteriorum conjunctio, quidque inde fiat.

333. Sinuum utilitas.

334. Quid arteriis cum sinibus intercedat.

335. Sanguinem potissimum in venas jugulares confluere.

Rami earum cerebri, facialesque.

336. Jugularis externa vena.

Vena vertebralis interna.

337. Sinus medullæ spinalis.

338. Quid faciant venarum anastomoses.

339. Lymphatica cerebri vasa.

Resorptio ejus quod in cerebro exhalat.

340. Multiplicem partium numerum encephali nomine comprehendere.

Cerebrum, cerebellum, pons, oblongata medulla, quid sint.

341. Cerebri figura;

—— gyri;

—— cortex;

—— medulla;

—— lobi.

342. Corticis fabrica subtilior.

343. 53. Anatome interior cerebri.

343. Sectio cerebri ovalis.

Callosum corpus.

344. Ventriculus anterior five tricornis

345. Striata corpora.

Thalami nervorum opticorum.

Centrum semicirculare geminum.

Commissura anterior.

Eminentia mammillares.

346. Septum pellucidum.

- Fornix.
 Fimbriæ.
 Hippocampi.
 Psalterium.
 347. Plexus choroideus.
 348. Ventriculus tertius.
 349. Pituitaria glandula.
 350. Commissura posterior duplex.
 351. Separatio ventriculi tertii a calamo scriptorio.
 Commissura anterior.
 352. Nates.
 Testes.
 Pinealis glandula.
 353. Crura cerebri.
 354. Cerebellum.
 355. Pons.
 Medulla oblongata.
 Corpora olivaria, pyramidalia.
 Ventriculus quartus.
 Valvula magna.
 Aquæ ductus.
 Calamus.
 356. Nervorum cerebri communia.
 357. Nervorum cerebri singulorum origines.
 358. Medulla spinalis.
 Pia ejusdem mater, arteriæ venæque.
 359. Arachnoidea membrana spinalis medullæ.
 360. Dura medullæ spinalis membrana.
 Ligamentum denticulatum.
 361. Nervorum spinalium communia.
 362. Nervorum spinalium anteriores & posteriores trunci.
 Nervus intercostalis.
 Octavus.
 Phrenicus.
 Accessorius.
 364. Nervorum finis.
 Fibrarum nervorum rectitudo.
 Nervos vix elasticos esse nec irritabiles.
 Nervorum copia ratione partium, quibus prospiciunt.
- Nervorum anastomoses.
 Ganglia.
 365. Sensum esse a nervis, ex quibus efficiatur.
 Medullam esse, quæ in nervo sentit.
 366. Animam in cerebro sentire non in proximo per sensoria nervorumque ramos.
 367. Quomodo afficiantur muscoli, irritatis vel compressis nervis.
 368. Quæ, cerebro læso medullæ spinali, consecuta sint motuum vitia.
 369. Ex positis 367. 368. elici, nervos quoque esse organa motus.
 370. An princeps aliqua in cerebro sedes sit, in qua omnium motuum origo, omnium sensationum finis est, ubi anima habitet.
 Non esse eam sedem in calloso corpore.
 371. Nec cerebello propriam provinciam traditam esse vitales motus ciendi.
 Nec a diverso penitus fonte repetendos motus animales distinctos vitalesque.
 372. Animæ sedem eam esse in qua primum nervus incipit.
 373. Nervos, sensuum & motuum organa esse, non per membranas sed medullam.
 374. Medulla quid sit.
 375. Num fibra medullæ solida sit.
 376. Nervos ab omni elatere alienos esse.
 377. Motum deorsum tantum propagari.
 Ex dictis effici, fibram medullæ cavam videri.
 378. Eorum quæ contra prolata sunt depulsio.
 379. Natura liquidi quod in nervis est.
 Non electricam esse quæ demonstrant.

380. Liquidi ejusdem nec aqueam naturam esse & albuminosam.
 381. Cujusmodi liquorem nerveum oporteat esse.
 382. Quæ suadeant per fistulas potius quam per spongiosam solidamque nervi materiam eum liquorem moveri.
 383. Duplex nervorum humoris motus.
 384. Eisdem manifestissime nervos & sensui præfici & motui.
 385. Quonam abeat liquor nervosus. Num nutriat.
 386. De usu partium cerebri interrogationes
 387. Ventriculorum munera.
 388. Quæ de tuberum utilitate innotescant.
 389. Striarum munera ductuumque internorum.
 390. Ordinis ratio eorum quæ consequuntur.

C A P. XI.

MOTUS MUSCULARIS.

391. Fibræ vis, mortua dicta.
 392. Ratio qua mortua dicatur. Ejus effectus.
 393. Vis mortuæ notæ.
 Quæ notæ fibræ musculi rubræ propriæ sint.
 Hujus fabricam oportere contemplari.
 394. Fibra musculi musculusque quid sint.
 395. Fibra plenius.
 396. Musculi venter, tendo, aponeurosis, vagina quid sint.
 Num diversum tendinis fibra a carnea genus sit.
 Musculi quibus plerumque nulli tendines.
 Partes quibus imprimis musculi in tendines longos abeunt eaque quibus affigunt se.
 397. Tendinis cum carne coeundi rationes.
 Musculus pennatus quis sit.
 398. Arteriæ, venæ, lymphatica, nervi musculorum.
 399. Fibræ minimæ, quæ musculo pro elemento sit, fabrica.
 400. Musculis vim inesse triplicem.
 Vis insita musculi.
 401. Decurtandi mensura in musculis contractis.
 402. Quæ ad vim insitam spectant, alia.
 403. Musculi vis nervosa.
 404. Quibus inter se discrepent vis insita & nervosa.
 405. In motu musculorum insito & nervoso, phænomena.
 406. Quid arteriæ ad musculorum motum conferant.
 407. Refelluntur rationes quibus nervi musculos movere dicti sunt.
 408. Liquorem nervorum stimuli viciis fungi videri, causamque ejus motricem non animam esse sed legem a DEO latam.
 409. Quæ in motu quoque insito animam non intercedere demonstrant.
 410. Quæ musculis animæ parentibus intersint, & iis qui motu insito reguntur.
 411. Virium quas in contractionibus adhibent musculi, magnitudo & dispendium.
 412. Dispendiorum ratio.
 413. Antagonistæ dicti quid in musculorum motu conferant.

414. Alia hujus motus adminicula.
 416. Musculorum cooperatio.
 417. Quæ a musculorum actione efficiantur.

418. Musculi contenti relaxatio.
 Quid de spiritu fiat a cerebro submisso.

C A P. XII.

T A C T U S.

419. Sentire quid sit.
 Ratio ordinis.
 420. Tactus generaliter.
 421. Tactus alio magisque proprio sensu.
 422. Cutis vera.
 423. Granula cutis & papillæ.
 424. Epidermis.
 425. Rete Malpighianum.
 426. Ex quibus fiant rete & epidermis.
 427. Cutis glandulæ.
 Alium unguenti oleosi fontem esse & quis sit.
 428. Pili.
 429. Ungues.
 430. Cellulosam subcutaneam paucissimis locis macilentam esse.
 Quæ præstet cum adipem recipit.
 Cutem & Malpighianum mucum & epidermidem, ubi perforatæ videntur, introrsum susceptas degenerare.
 431. Tactus ratio quæque inde innotescant qualitates.
 432. Mucus Malpighianus, epidermis, pili, ungues cui usui sint.

433. Vapor per cutis infinitas arteriolas perspirans.
 434. Exhalationem hanc demonstrandi viæ.
 435. Sudor.
 436. Perspirationis elementa.
 Aqua.
 Ciborum odores.
 Materia electrica.
 437. Perspirationis elementum aliud, volatile aliquid alcalinæ indolis.
 438. Liquidi perspirantis copia.
 439. Perspirantis copia quid significet.
 Quæ augeant minuantve quæque inde consequantur.
 440. Sudor quomodo juvet vel obficiat.
 441. Perspirationis utilitas.
 442. Inhalatio, quibusque evincatur argumentis.
 443. Quæ doceant & exhalantia vasa & inhalantia nervorum vi & stringi posse & relaxari.

C A P. XIII.

G U S T U S.

444. Gustum lingua potissimum excerci.
 445. Lingua summatis.
 Papillarum ejus genus primum.

446. Papillæ fungiformes.
 Conicæ.
 Intercedentes aliæ.
 447. Linguae nervi.

448. Qui intercurrent, arteriosi & venosi villi.
 449. Linguae involucrum.
 450. Musculi linguae.
 451. Linguae vasa.
 452. Gustus exercendi ratio.
 Sapores eorumque causa.
453. Ad saporum perceptionem conferentia.
 454. Spiritus vel in ipsas papillas vel in linguae sorbentes villos resumunt.
 455. Gustus utilitas.

C A P. XIV.

O L F A C T U S.

456. Utilitas olfactus.
 457. Olfactum ope membranae narium exerceri.
 Ejus membranae nervi.
 458. Arteriae membranae narium venaeque.
 459. Nares quae sint.
 Septum narium.
 460. Ossa spongiosa suprema, media, ima.
 461. Sinus summatim qui sint.
 Frontales sinus.
 462. Sinus ethmoidei.
 Ossis multiformis sinus.
463. Sinus maxillae ossis.
 464. Mucus narium.
 Sinus mucosus fertiles cum evacuare pro vario hominis situ ut semper aliquis sinus se liberare possit.
 465. Nasus ejusque musculi.
 466. Olfactus exercendi ratio.
 Quibus cum gustu conveniat discrepetque.
 467. Odorum vis.
 Narium partes quae inprimis ad olfactum spectent.

C A P. XV.

A U D I T U S.

468. Ratio ejus quod inter auditus organum reliquorumque sensuum intercedit discriminis.
 469. Auricula ejusque particulae.
 470. Glandulae auriculae musculique.
 471. Auditorius meatus.
 472. Meatus epidermis & cutis.
 Glandulae ejus ceruminosae & cerumen.
 473. 477. Aer ex physicis.
 474. Toni.
 475. Soni celeritas.
 476. Tremores sympathici.
 Robur soni.
- Echo.
 477. Ut sonus a corporibus duris resultet.
 Sonum debilitandi augendique rationes.
 478. Sonorum in meatum auditorium collectio.
 479. Tympani membrana.
 In eam post ultimam in meatu auditorio reflexionem sonos illidere.
 480. Tympanum.
 481. In tympano poni ossicula auditus quatuor.

Malleus.

- Malleus.
 482. Musculi mallei.
 Ruptæ membranæ tympani effectus.
 483. Incus.
 484. Stapes ejusque musculus.
 485. Officulum subrotundum.
 486. Varios ex tympani cavea canales exire.
 Tympani quædam adpendix gnomonis figura.
 Cellulæ super mammillarem processum & in processu ipso.
 487. Tuba.
 488. Duos alios exitus ex tympano ad labyrinthum ducere.
- Fenestra ovalis.
 Vestibulum.
 489. Canales semicirculares.
 490. Fenestra rotunda.
 Cochlea.
 491. Vasa organi auditus.
 492. Superesse ut nervi describantur auditui præfecti.
 Septimus nervorum par ejusque portio dura.
 Auriculæ nervi.
 493. Nervi septimi ramus mollis.
 494. 5. De sede auditus varia.
 496. Quæ de ea re certius constituantur.
 497. Distinctio gratiaque sonorum.

C A P. XVI.

V I S U S.

498. Auditus & visus discrimina.
 Visus organum necessario esse compositum.
 499. Supercilium.
 500. Palpebræ.
 Conjunctiva.
 Palpebrarum nervi & arteriæ.
 501. Tarsus.
 Musculus levator palpebræ superioris.
 Orbicularis palpebrarum.
 502. Cilia.
 503. Meibomianæ glandulæ sebaceæ.
 504. Lacruma ejusque fontes.
 505. Glandulæ lacrumalis ductus.
 Quæ faciat contractio musculi orbicularis.
 506. Quonam abeat lacruma.
 Caruncula lacrumalis.
 Palpebra tertia.
 Punctum lacrumale.
 507. Ductus lacrumalis.
 Saccus lacrumalis.
 Ductus nasalis.
 508. Oculi figura.
 Orbita.
- Circumfusa pinguedo.
 509. Nervus opticus.
 Ejus progressus.
 510. Quid post de eo fiat quam oculum adtigit.
 511. Sclerotica.
 Cornea.
 512. Chorioidea.
 Lamina Ruyschiana.
 Orbiculus ciliaris.
 Pupilla.
 Iris.
 Uvea.
 Membrana in fetu pupillam occludens.
 513. Iridis motus.
 514. Ligamenta ciliaria.
 515. Retina.
 516. Humores oculi.
 Vitreus.
 517. Lens crystallina.
 518. Humor aqueus.
 Camera oculi.
 519. Musculi recti oculi.
 520. Musculi obliqui oculi.
 521. 522. Nervi oculi.

521. Quinti paris ramus ophthalmicus.
 522. Tertii paris rami.
 523. Ciliarium processuum motus.
 524. 527. Arteriæ oculi.
 528. Venæ oculi.
 529. Lux in universum.
 530. Lucem ex radiis colores diversos præbentibus constare.
 531. Colores cuique corpori proprii unde proveniant.
 Opaca corpora quænam sint.
 532. Radios refringi quid sit & qua lege fiat.
 533. Radii in corpora spherici convexa illapsi qui reflectantur qui refringantur.
 Refractorum focus.
 534. Qui radii in corneam incidentes reflectantur, vel refracti suffocentur aut ad lentem adveniant.
 535. Ut radii per corneam & humorem aqueum transeuntes refringantur.
 536. Ut refringantur a lente crystallina.
 538. Ut ab humore vitreo refringantur & in retinam demum colligantur.
 539. Num potius in chorioidea pingantur objecta.
 540. 541. Ut se variis objectorum distantis accommodare oculus putetur.
 542. Nihil tamen huiusmodi fieri.
 543. Myopia.
 544. Vitii remedium.
 545. Presbyopia.
 546. Presbyopiæ medela.
 547. Medium inter myopem oculum & presbyten optimum esse.
 548. Quo modo de objectorum magnitudine judicetur.
 549. Robur lucis ejusque effectus.
 550. Quomodo locus objecti æstimetur.
 551. Distantia.
 552. Quomodo videamus gibba.
 553. De situ partium objecti quemadmodum judicetur.
 554. Objectorum imagines, etiam remotis objectis, aliquamdiu manere.
 555. De visu quæstiones variæ.

C A P. XVII.

S E N S U S I N T E R N I.

556. Sensum tum fieri quando cogitatio in anima nova ex percussio nervo oritur.
 Eam cogitationem non esse objecti nervum afficientis imaginationem.
 Inter mutationes in nervis & cogitationes in anima inde natas vinculum arbitrium esse.
 Cur tamen quod de mundo percipimus falsum non sit.
 557. Quæ dum sentimus conjungantur.
 558. Mutationes in nervis ab objectis
 natas in eorum origine diu superare.
 Vestigiorum conservatio & ordo.
 559. Imaginatio quid sit.
 560. Memoria.
 561. Quibus ætatibus vigeant labentve memoria & imaginatio.
 562. Cogitatio. Adtentio.
 Judicium. Ingenium.
 Errorum fontes.
 563. Integritas judicii a quibus pendeat vel infirmetur.
 564. Quæ ideæ voluntatem maxime afficiant.
 565. Affectiones

565. Adfectiones animi.

Adfectionum animi effectus.

566. Horum effectuum causæ.

567. Mentis passiones in vultu fideliter exprimi.

Physiognomia unde nascatur.

568. Consensus partium unde oriatur.

569. Naturam animæ aliam a corpore esse.

570. Eam tamen cum corpore artificissime religari.

571. Non esse cur erubescamus nos hujus vinculi rationem ignorare.

572. Quibus potissimum argumentis inducti sint qui omnes in corpore motus & actiones ab anima repetunt.

573. 576. Quæ nondum finant in eam sententiam transire.

577. Vigilia.

Somnus.

578. Insomnia.

Cum his motus aliquos voluntarios aliquando conjungi.

579. Quæ in somno actiones fieri pergant.

580. Quomodo causa somni mechanica eruenda sit.

Phænomena vigiliarum & somni.

581. 584. Quæ ad somnum conferant vel eum producant.

585. Somni causa proxima.

586. 587. Hanc a causis vigiliarum confirmari & quæ hæ causæ sint.

588. Somni sedem non esse in cerebri ventriculis.

Cur in somno pergant actiones vitales.

589. Somni effectus.

590. De somno quæstiones variae.

C A P. XVIII.

MANDUCATIO. SALIVA. DEGLUTITIO.

591. Cibos plerosque manducatione egere.

592. Ergo dentes plerisque animalibus datos esse.

Eorum fabrica in universum.

593. Homini pro ciborum diversitate dentes diversos esse.

Incisores.

594. Canini.

595. Molares.

596. Dentes infixos esse maxillis.

Inferioris maxillæ varii motus & articulatio.

597. Levatores maxillæ.

Pterygoideus externus.

598. Quibus maxilla deprimatur.

599. Vires muscutorum levatorum.

Musculi facientes motum maxillæ lateralem & circularem.

600. Buccæ.

Labia.

Os.

Linguae in ore situs & mobilitas.

601. Liquor cibus inter manducandum adfusus.

Ejus fontes.

Ductum incisivum cæcum esse.

602. Saliva.

603. Parotis glandula.

Glandula accessoria dicta.

604. Glandula maxillaris.

Sublingualis.

605. Eas inter manducandum compressas liquorem suum fundere.

Eadem quæ compressio facere solum adpetitum.

606. Cibos cum saliva & aere inteteri in pastam.

Sapidos reddi.

Quod volatile inſit reſorberi.

607. Linguae motus ad cibum per oris
caveam convolvendum.

608. Dirigi linguam ab oſſe hyoide.
Muſculi os hyoides deprimentes.

609. Muſculi os hyoides levantes.

610. Buccarum & labiorum muſculi.

611. Cibos ſubactos linguae tradi & ad
fauces trudi.

612. Ut ex ore in fauces cibus profe-
ratur.

Ut aditus ad laryngem claudatur.

613. Pharynx.

614. Muſculi pharyngem dilatantes.

615. Ut caveatur ne cibus in nares il-
labatur.

Velum palatinum.

Uvula.

616. Ut reſreſſus ad os intercipiatur.

Epiglottidem & uvulam depref-
ſas quæ erigant.

617. Vires per pharyngem deorſum ci-
bos urgentes.

Arytenoideorum actio.

618. Mucus pharyngis ejuſque fontes
varii.

619. Tonſilla.

Mucus ejus lentiffimus.

Vicinaſ partes mucoſis organis
plenas eſſe.

Mucus œſophagi fluidior.

Vaſa tonſillarum, pharyngis & œ-
ſophagi.

619. * Oeſophagus.

620. Cibi tranſitus per œſophagum.

621. Conſtrictio oſtii ventriculi ſuperi-
oris.

C A P. XIX.

VENTRICULI ACTIO INCIBOS.

622. Ventriculi ſitus, figura & ampli-
tudo.

623. Vicina ventriculo viſcera.

624. Membrana externa ventriculi.
Celluloſa prima.

625. Muſculoſa tunica ventriculi.
Ligamenta pylori.

626. Celluloſa altera.

Tunica nervea ventriculi.

Celluloſa tertia.

Villoſa tunica.

Valvula pylori.

Pori villoſæ tunicæ.

627. Arteriæ ventriculi.

628. Arteriarum diſtributio per tuni-
cas ventriculi.

629. Venæ ventriculi.

630. Ventriculi nervi.

631. Vaſa ventriculi lymphatica.

632. Pori inorganici.

633. Mucus villoſam membranam in-
ungens.

Limpidus humor quem arteriæ
ſtillant.

634. Preſſio diaphragmatis & muſcu-
lorum abdominis in ventricu-
lum.

635. Neceſſitas cibi & potus.

636. Phænomena famis.

637. Novus chylus quæ præſtet.

638. Famis cauſæ.

639. Situs ſedes.

Ut cieatur.

Ut ſedetur.

640. Ciborum delectus.

641. Ex duobus alimentorum generi-
bus inter ſe contemperatis vi-
ctum quæri debere.

642. Cur carnes requirantur.

643. Cur requirantur vegetabilia.

644. Potus.

645. Condimenta.

646. Ciborum præparationes.

647. Cibi meſura.

648. Mutationes.

648. Mutationes cibi quæ fiunt in ventriculo.

649. Ne in plenum acorem cibi in ventriculo degenerent quæ impendant.

Nullam fermenti speciem hic esse.

650. Motus ventriculi peristalticus cibum in intestina pellens.

651. Potentior vis septi transversæ & musculorum abdominis.

Quo ordine & tempore cibi de ventriculo exeant.

652. Potus portionem quamdam in ventriculo resorberi in venas.

653. Vomitus.

654. Ratio ordinis.

C A P. XX.

O M E N T U M.

655. Peritonæum ejusque ambitus.

656. Cellulosam telam peritonæo circumpositam in vaginas continuari.

Ejus cum aliis partibus commercium.

657. Peritonæi productiones & ligamenta.

A diductis laminis peritonæi viscera amplecti & in motu & concussione religari & defendi.

658. 59 Mesocolon

660. Mesocolon cavum esse & mesenterium.

Bursulæ tennes mesocoli.

661. Mesenterium.

662. Quæ in omnibus mesenterii & mesocoli sedibus inveniantur.

663. Multas particulas omentorum nomine venire.

Earum natura in universum.

Membrana ab externa membrana coli in hepatis fissuram se immittens.

Ostium naturale, communis omentorum porta.

664. Omentum minus hepatico-gastricum.

665. Omenti majoris gastrocolici lamina anterior.

666. Lamina ejusdem posterior.

667. Omentum colicum.

668. Et omento & mesenterio commune esse adipem adservare.

Hunc adipem in venas recipi quæ demonstrant.

669. Omentorum arteriæ.

670. Omentorum nervi.

671. Mesenterii & mesocoli arteriæ.

672. Omenti venæ & mesenterii.

Vasa lymphatica omenti.

673. Aliæ omenti utilitates.

674. Mesenterii utilitas.

675. Aqua per venas mesenterii resorbata qualis sit & quid ad bilem conficiendam conferat.

C A P. XXI.

L I E N.

676. Lienis substantia.

— figura.

— nexus.

Lienis situs, moles, numerus.

677. Lienis arteriæ venæque.

678. Vasa lienis lymphatica.

679. Nervi

679. Nervi lienis. Ejus natura.
 680. Fabrica interior lienis. 682. 83. Lienis utilitas.
 Membrana ambeuns. 684. Conjecturæ de liene. }
 681. Plurimum sanguinem lien continere.

C A P. XXII.

P A N C R E A S.

685. Succus pancreaticus. Vires expellentes.
 686. Pancreatis situs & figura. Utile esse pancreas suadere per
 ————— fabrica. peruitatem.
 ————— vasa. Effervescencia cum bile unde nata
 ————— nervi. fit.
 687. Ductus pancreaticus. 688.* Succu pancreatici utilitas.
 688. Copia liquoris pancreatici.

C A P. XXIII.

H E P A R. V E S I C U L A. B I L I S.

689. Hepatis moles. 697. Cavæ propagines.
 Situs hepatis ratione diaphragma- Ramorum ad ramos venæ porta-
 tis. rum ratio.
 Ligamenta ab eo. Truncus venæ cavæ.
 Alia vincula. Minores venæ, hepatis superfici-
 Ut moveri possit. em perreptantes.
 Membrana communis. 698. Iter sanguinis per venam porta-
 690. Situs hepatis ut se habeat ad co- rum.
 lon, renem, duodenum, ven- 699. Nervi hepatis.
 triculum, pancreas. 700 Vasa hepatis lymphatica.
 691. Figura hepatis. 701. 3 Fabrica hepatis interior.
 692. Hepatis fulci. 704. Quibus efficiatur bilem non ex
 Lobuli. arteria hepatis sed ex porta-
 693. Arteriæ hepatis. rum vena secerni.
 694. Vena umbilicalis. 705. Ut bilis secreta in ductus bilari-
 Ductus venosus. os & per eos pellatur.
 695. Trunci magni venæ portarum. 706. Fabrica ductus bilarii.
 696. Capsula venæ portarum. Irritabilitas ejus & sensus.
 Divisiones ramorum. 707. Ductus choledochus.
 His perpetuos socios esse ramos 708. Ductus cysticus.
 arteriæ jecoris. Vesicula fellis.
 Ramorum venæ portarum ad Situs ejus.
 truncos ratio. 709. Vesiculæ fellis figura.

- Rugæ ductus cystici.
710. Vesiculæ tunicæ & pori muciferi.
Arteriarum in vesiculam exhalatio
Bilem exsudare per poros in-
organicos.
711. Homini nullos ductus ab hepate
in vesiculam venire.
711. * Et ex vesicula & ex hepate bi-
lem ad intestinum defluere
Nec omnem bilem prius ad ve-
siculam verti.
Copia bilis.
Quoties bilis in vesiculam veniat.
Bilem propriam vesiculam non
secernere.
712. Vitiosus bilis in sanguinem redi-
tus.
713. Mutatio bilis in cystide.
Ad vesiculam verti cum nullos
ejus in intestinis usus sit.
714. Vires bilem ex vesicula exprimen-
tes
715. Bilis qualitates, elementa, & of-
ficia.
716. Quo bilis exeat.
In ventriculum aliquando venire.
Bilis fetus, coagula & utilitas.
717. Hepatis propria in fetu utilitas.

C A P. XXIV.

I N T E S T I N A T E N U I A.

718. Intestina tenuia in universum.
Divisio.
719. Duodenum.
In eo imprimis bilem & succum
pancreaticum cum cibis misceri.
720. Reliqui tenuis intestini sedes in
universum.
721. 27. Fabrica tenuium intestino-
rum.
721. Tunica externa.
Cellulosa prima.
722. Tunica musculosa.
723. Cellulosa altera.
Tunica nervea.
Cellulosa tertia.
Tunica villosa.
Ejus plicæ.
724. Intestinorum villi.
725. Villorum ampulla.
726. Pori majores villosæ tunicæ ad
glandulas mucosas ducentes.
727. Pori minores etiam mucum de-
ponentes.
728. 30. Arteriæ intestinorum tenui-
um.
730. Arteriæ duodeni.
731. Venæ intestini tenuis.
Quæ demonstrent has de intesti-
nis tenuem humorem sorbere.
732. Nervi intestini tenuis.
733. Liquidum ab arteriis in intestini
caveam depluens.
Ejus copia.
Mucus intestini tenuis quæ præ-
stet.
734. 5. Motus peristalticus.
736. Mutationes cibi in intestinis te-
nuibus.
737. Tenuis intestini functio in uni-
versum.
738. Causæ principes alimenta in in-
testino tenui mutant.

C A P. XXV.

I N T E S T I N A C R A S S A.

739. Ciborum reliquiæ post extractum chylum.
 740. Ut ileon se ad colon admoveat. Valvula coli.
 741. Coli finis cæcus. Adpendicula. Ut cæcum ex fabrica fetus in fabricam adulti hominis mutetur. Ibi imprimis fætorem excrementorum incipere.
 742. Intestini coli situs nexufque.
 743. Fabrica coli in universum. Ligamenta.
 744. Cellulæ coli. Membranæ ejus villosæ rugæ, folliculi, & pori.
 745. Vasa intestini crassi.
 746. Divisio vasorum ad crassa intestina. Exhalatio ab his & resorptio. Hæmorrhoides.
 747. Vasa lymphatica intestini crassi.
- Chylum nonnunquam in his visum fuisse.
 748. Nervi crassi intestini.
 749. Fæx intestini coli. Motus peristalticus coli & antiperistalticus. Flatus.
 750. Ut claudatur ileon. Fæcum iter per colon.
 751. Sedes, ductus, recti intestini.
 752. Tunica recti externa & muscularis. Internus ani sphincter.
 753. Villosa recti tunica. Plicæ & glandulæ mucosæ. Glandulæ ani sebaceæ.
 754. Externus sphincter ani ejusque actio. Quæ anum naturaliter stringant.
 755. Levatores ani.
 756. Fæcis excretio.
 757. Fæx ipsa.

C A P. XXV. *

V A S A C H Y L I F E R A.

758. Chyli natura.
 759. Chyli absorptio & iter in vasa lactea. Quibus animalibus lactea reperiuntur. Ut se habeant in diversis intestinis.
 760. Valvulæ lacteorum. Causæ motus chyli per tunicas intestinorum.
 761. Glandulæ mesenterii. Ad has glandulas chylum ab intestinis pergere.
762. Quid chylo in mesenterii glandulis contingat.
 763. Iter lacteorum ex glandulis mesenterii ad receptaculum chyli.
 764. Quæ chyli iter in receptaculum demonstrent.
 765. 6. Ductus thoracicus.
 767. Per ductum thoracicum chylum in sanguinem venire.
 768. Causæ motus chyli in universum.
 769. Mutatio chyli cum sanguine circumducti.
 Non dari in intestinis diversi generis

neris vasa lactea & lymphatica.

770. Vasa lactea extra digestionis tem-

pore aquam forbere.

Ductum thoracicum lympharum
totius corporis reducere.

C A P. XXVI.

RENES. VESICA. URINA.

771. Partem aquæ cum chylo in sanguinem eVectam per renes percolari.

772. Renum situs & nexus.

—— figura.

—— membrana extima.

—— adeps.

—— ligamenta.

773. Renum arteriæ.

774. Venæ renum.

Transitus sanguinis expeditus ab arteriis in venas.

Venæ adipis renalis.

775. Venæ lymphaticæ renum.

776. Nervi renum.

777. Capsula renalis.

778. 80. Fabrica renis interior.

778. Fabrica corticis.

Vascula urinifera.

Glandulæ.

779. Papillæ renum.

780. Infundibula.

Pelvis.

781. Urinæ secretio.

Copia urinæ.

782. Urinæ elementa.

783. Ut ureter lotium promoveat.

Ureter ipse.

784. In renibus lotium separari & per ureterem in vesicam descendere quæ demonstrant.

785. Neque per alias vias urinam advenire posse.

786. Vesicæ urinariæ situs.

787. Figura vesicæ & magnitudo.

788. Cellulosa vesicæ prima.

Fibræ musculares longitudinales.

789. Fibræ musculares reliquæ.

790. Vesicæ vis contractilis.

791. Cellulosa vesicæ secunda.

Tunica nervea.

Intima vesicæ tunica.

Mucus vesicæ ejusque fontes.

792. Vasa & nervi vesicæ.

Lymphatica.

793. Vesicam aquam transmittere & forbere per poros inorganicos.

794. Ex uretere in vesicam urinam deducere.

Ibi moram agere.

Causæ urinam retinentes.

795. Quæ urinam expellant.

796. Varia nocitura per urinam decedere.

Urina retenta vel subpressa quæ faciat.

797. Urethra generaliter.

798. Partes urethram recipientes, sustinentes.

Urethræ varia capacitas & figura.

799. 802. Urethram regentes muscoli.

803. Musculum pyramidalem ad vesicam deorsum deducendam nihil facere.

804. Mucus urethræ ejusque fontes varii.

805. Calculus vesicæ urinariæ.

C A P. XXVII.

P A R T E S G E N I T A L E S V I R I L E S.

806. Genitalium sedis ratio.
 807. Ratio ordinis.
 Testium situs varius.
 808. Scrotum.
 Dartos.
 809. Cellulosa scroti tela.
 Cremaster.
 810. Tunica vaginalis testis.
 Albuginea.
 811. Epididymidis figura & situs.
 812. Arteria spermatica.
 Anulus abdominalis.
 Funiculi inde spermatici ad testem iter.
 Arteriolæ ad testis involucria.
 813. Arteriarum per testem distributio.
 Arteriæ cum vena spermatica nullam dari anastomofin.
 Sanguinis testis motus & copia.
 814. Vena spermatica.
 815. Vasa exteriorum involucrorum testis.
 816. Nervi testis.
 817. Vasa lymphatica testis.
 818. Fabrica testis interior.
 819. Epididymidis fabrica & vasculum aberrans.
 820. Seminis motus.
 821. Vas deferens.
 822. Vesicula feminalis.
 823. Semen.
 824. Animalcula feminis.
 825. Quomodo hæc in semine esse videantur.
 826. Unde semen proveniat.
 Ex quibus humoribus componatur.
- Quod in teste generatur solum fecundare.
 Quamdiu semen in vesiculis adfervetur.
 827. Partem feminis resorberi & ejus effectus.
 Quæ semen in vesiculis retineant.
 828. Seminis copia.
 Ex teste semen in vesiculas venire.
 829. Glandula prostatica.
 Ejus liquor.
 829.* Urethræ tres lacus.
 Directio varia.
 Tunicæ.
 830. Corpus cavernosum urethræ.
 831. In hoc sanguinem effundi quæ demonstrent.
 832. Corpora cavernosa penis.
 833. Tegumenta penis.
 Prepuum.
 Glandulæ odoriferæ.
 Ligamentum suspensorium.
 834. Penis utilitas.
 835. Erectio penis.
 Causæ excitantes.
 836. Arteriæ partium genitalium.
 837. Earundem partium venæ.
 838. Vasa penis lymphatica.
 Genitalium nervi.
 839. Erectionis penis causa proxima.
 840. Expulsio feminis in urethram.
 841. Expulsio ex urethra.
 Hanc actionem vehementissimam esse & convulsioni proximam.

C A P. XXVIII.

U T E R U S V I R G I N E U S.

842. Uteri in pelvi sedes.
 Ut uterus cum peritonæo colligetur.
 Ligamenta lata.
843. Corpus uteri, cervix, & os internum.
844. Tubæ uteri.
845. Ovaria.
846. Ova in ovariis.
847. Ligamentum teres uteri.
848. Uteri arteriæ.
849. Venæ uteri.
850. Vasa uteri interna.
851. Lymphatica vasa uteri.
852. Nervi uteri.
853. Ætas qua menses fluere incipiunt.
854. Mensium phænomena.
 Duratio fluxus.
 Periodi quibus redeant.
855. Ex uteri ipsius vasis sanguinem menstruum effluere.
 Menstrui sanguinis natura.
 Utero inpedito sanguinem per vaginam & per alias partes deponi.
856. Num luna, fermenta, vel æstrum venereum, mensium causæ sint.
857. Feminae corpus in universum.
 Pelvis, ejusque vasa quatenus a virili constructione differant.
 Quomodo exinde iter sanguinis per uterum afficiatur.
859. Puellæ nuper natæ artus inferiores, pelvis, uterus.
 Quomodo hæc in adultæ fabricam mutantur.
 Mutationum effectus.
860. Diminuto incremento corporis plethoram in utroque sexu nasci.
 In viris hanc per nares expurgari.
 In feminis faciliorem viam per vasa uteri invenire.
 Alios hujus sanguinis determinationis effectus esse.
 Quæ copiam mensium augeant minuantve.
861. Copia sanguinis emissi.
 Periodi remissio & reditus.
 Quare periodus ad mensem fere fixa sit.
 Cur omnino menses fluere desinant.
 Cur a brutis animalibus menses absint.
 Cur absint a viris.
862. Quare eadem ætate mammæ efflorescant.

C A P. XXIX.

C O N C E P T I O.

863. Difficultas operis.
 Ordo dicendi.
864. Animalia simplicissima sexu nullo.
 Ut fetus edant.
865. Animalia sexu unico, ovipara.
866. 7. Animalia sexu duplici conjuncto.
866. Quæ se ipsa fecundent.
867. Hujusmodi animalia quorum alterum vicissim alterius auxilio indiget.
868. Animalia

868. Animalia sexu duplici diviso.
869. Ex dictis de ortu sexuque animalium quæ efficiantur.
870. Cupidinis venereæ causæ.
871. Vagina ejusque situs.
Hymen.
Carunculæ myrtiformes.
872. Vaginæ fabrica.
873. Nymphæ.
Clitoris.
874. Musculus constructor ostii vaginæ.
875. Coitus.
Quæ feminis in coitu accidant.
876. Liquoris mucosi expulsi fontes.
Tubas in coitu erigi & ad ovarium admoveri.
877. Quæ tunc in ovariis mutantur.
Corpus luteum.
878. Tubam ovum exprimere, absorbere & ad uterum proferre quæ suadeant.
879. Futura mater dum hæc absolvuntur quæ sentiat.
Quæ in ovario conceptum fieri demonstrent.
880. Cur uterus a conceptu claudi credatur.
Incommoda a conceptu unde oriantur.
881. Novi animalis primordia num sint ab utroque parente & conjunctis seminibus de universo corpore deciduis.
882. Num sint a solo mare & a vermibus seminalibus.
883. Num potius fetus sit a matre.
884. Hypotheses de novi animalis conformatione.
885. Quid de ea re certius constitui posse videatur.
886. Status embryonis ante conceptum.
Ut ex femine masculo mutetur.
887. Objectiones a nævis repetitæ firmi nihil habere.
888. Mutatio ovi in uterum delati.
Ejus cum utero inosculatio.
889. In ovo eo tempore contenta.
Fetus sub primis diebus descriptio.
890. Incrementum ovi & fetus quoad placenta perficiatur.
Placentæ perficiendæ ratio.
891. Placenta ejusque cum utero commercium.
892. Chorion.
893. Membrana media.
894. Amnion.
895. Vena umbilicalis alimentum fetus advehens.
Funiculus.
896. Arteriæ umbilicales.
Has cum suis venis & cellulosa tela placentam constituere.
Sanguinem e placenta exire in venas uteri.
897. An ore liquorem amnii fetus sorbeat, & eo alatur.
Quinam hujus liquoris fons sit.
898. Excrementa fetus.
899. An in homine nulla sit allantois.
Urachum certo adesse.
In cellulosam fabricam funiculi forsan urinam deponi.
900. Anthropogeniæ compendium aliquid tradendum esse.
901. Quæ jam in embryonis primis initiis structa sint.
902. Ratio eo tempore fluidorum ad solida.
903. Succus alibiles accedentes.
Ut sanguis perficiatur reliquique humores.
904. Partes firmæ generaliter ut formentur.
905. Antiquiora vassa esse.
Ut generentur.
906. Quæ in fetu primævo primum perfectiora & conspicua visa sint.
Quæ adhuc involuta lateant.
907. Ad ejusmodi embryonem accedere cordis motum.

- Maximum cor pro portione esse
in initiis.
- Micationes ejus potentissimas esse
ad distendenda & producenda
vasa.
908. Quid cordis potentiæ obponatur.
Arteriæ quomodo tunc afficiantur.
909. Celerrime fetum crescere.
Crescendi celeritatis causæ.
910. Embryonem dum crescat reformari.
910. 14. Hoc a quibus potissimum
causis efficiatur.
910. Expansio.
911. Adtractio.
912. Pressio.
- 913 Vis derivationis.
— revulsionis.
914. Humoris mutatio.
914. Quomodo cartilagini & epiphy-
si os succedat.
916. Ut formetur os longum.
917. Ut ossa plana formentur.
918. Ut os nascatur ex glutine.
Id ex intimo osse, non ex perio-
steo, deponi.
919. Periosteum.
920. Fetus in prioribus gestationis
diebus.
921. Thymus.
921. 24. Proprius sanguinis in fetu cir-
cuitus & organa per quæ per-
ficitur.
925. Num fetus in utero respiret.
Num in vagina.
926. Uteri mutationes per gestationis
tempora.
- Situs fetus varius.
927. Incommoda graviditatis.
Tempus partus.
928. Partus ipse.
929. Fetuum numerus.
Superfetatio.
930. Solutio placentæ.
—— umbilici.
931. Uteri post partum contractio.
Lochia.
Mammas intumescere.
944. * Lac.
Consensus uteri cum mammis.
945. Mammæ.
Earum vasa.
—— nervi.
946. Ductus lactiferi in mamma.
Papilla ejusque ductus lactiferi.
Areola.
947. Suctio.
Colostræ.
Absque fetu lac generari.
Post tempora mensium mammas
effetas esse.
948. 52. Mutationes quæ fetui nato
accidunt.
948. Respiratio.
Itineris sanguinis ab arterioso
ductu deflexio.
949. Foraminis ovalis interclusio.
950. Venæ umbilicalis & ductus ve-
nosi excæcatio.
951. Arteriarum umbilicarum coarcta-
tio & urachi abolitio.
952. Aliæ mutationes.

C A P. XXX.

NUTRITIO. INCREMENTUM. VITA.
MORS.

953. Crescere puerum minori portione
ut a nativitate recedit.
Causæ cur continuo minus incre-
mentum fit.
954. Cor minus quam ulla in reliquo
corpore particula increfcere.
Et fieri minus irritabile.
955. Finis incrementi.
956. Status quando dicatur adesse.
957. Perpetuo partes omnes etiam fo-
lidiffimas consumi & mutari,
ex quibus demonstratur.
958. Causæ destructionis solidorum.
959. Ut jactura partium reparetur.
960. Ut cellulosæ telæ decrementa
partesque pleræque organicæ
reparentur.
961. Ut partium fines liberi refarcian-
tur.
962. Obesitas.
963. Decrementi initia.
964. Decrementi progressus.
965. Vis insitæ & nervosæ diminutio.
966. 8. Humorū mutatio.
966. Humorū decrementum.
967. Corruptio humorum.
968. Terræ copię in humoribus incre-
mentum.
969. Senium.
970. Senium decrepitum.
971. Longævitas.
972. Mors senilis.
973. Mortis signa.
974. Cadaver putredini tradi.
Animam esse a morte supersti-
tem, & abire quo DEUS jus-
ferit.

F I N I S.

EXCUDEBANT:

SANDS, MURRAY, & COCHRAN.

ИСТОРИЧЕСКОЕ ОПИСАНИЕ
А. И. М.

Всего в 1812 году
всего в 1813 году
всего в 1814 году
всего в 1815 году
всего в 1816 году
всего в 1817 году
всего в 1818 году
всего в 1819 году
всего в 1820 году
всего в 1821 году
всего в 1822 году
всего в 1823 году
всего в 1824 году
всего в 1825 году
всего в 1826 году
всего в 1827 году
всего в 1828 году
всего в 1829 году
всего в 1830 году
всего в 1831 году
всего в 1832 году
всего в 1833 году
всего в 1834 году
всего в 1835 году
всего в 1836 году
всего в 1837 году
всего в 1838 году
всего в 1839 году
всего в 1840 году
всего в 1841 году
всего в 1842 году
всего в 1843 году
всего в 1844 году
всего в 1845 году
всего в 1846 году
всего в 1847 году
всего в 1848 году
всего в 1849 году
всего в 1850 году
всего в 1851 году
всего в 1852 году
всего в 1853 году
всего в 1854 году
всего в 1855 году
всего в 1856 году
всего в 1857 году
всего в 1858 году
всего в 1859 году
всего в 1860 году
всего в 1861 году
всего в 1862 году
всего в 1863 году
всего в 1864 году
всего в 1865 году
всего в 1866 году
всего в 1867 году
всего в 1868 году
всего в 1869 году
всего в 1870 году
всего в 1871 году
всего в 1872 году
всего в 1873 году
всего в 1874 году
всего в 1875 году
всего в 1876 году
всего в 1877 году
всего в 1878 году
всего в 1879 году
всего в 1880 году
всего в 1881 году
всего в 1882 году
всего в 1883 году
всего в 1884 году
всего в 1885 году
всего в 1886 году
всего в 1887 году
всего в 1888 году
всего в 1889 году
всего в 1890 году
всего в 1891 году
всего в 1892 году
всего в 1893 году
всего в 1894 году
всего в 1895 году
всего в 1896 году
всего в 1897 году
всего в 1898 году
всего в 1899 году
всего в 1900 году







